

ՅՈՒ. Ս. ԱՎԵՏԻՍՅԱՆ, Գ. Մ. ՆԵՐՍԵՍՅԱՆ,
Շ. Ս. ԳԵՎՈՐԳՅԱՆ, Ս. Վ. ԳԱԲՐԻԵԼՅԱՆ

ՀԱՅԱ ԿԵՐՊԻ ԵՎ ԽԱՍՔԻ ՄԵԼԿՈՅՅԻ

Ճեղանարկ քուիերի
քնազիտամաթեմատիկական
ֆակուլտետների համար

ԵՐԵՎԱՆԻ ՊԵՏԱԿԱՆ ՀԱՍՏԱՏՄԱՐԱՆ

**ՀԱՅՈՑ ԼԵԶՈՒ ԵՎ
ԽՈՍՔԻ ՄՇԱԿՈՒՅԹ**

(Ճեղնարկ բուհերի բնագիտամաթեմատիկական
ֆակուլտետների համար)

ԵՐԵՎԱՆ
ԵՊՀ ՀՐԱՏԱՐԱԿՉՈՒԹՅՈՒՆ
2021

ՀՏՇ 811.19(07)

ԳՄԴ 81.51ց7

Հ 282

Զեռնարկը հրատարակության են
երաշխավորել ԵՊՀ հայ բանասիրության
ֆակուլտետը և հայոց լեզվի ամրիոնը:

Հեղինակ-կազմողներ՝

ՅՈՒ. Ս. ԱՎԵՏԻՍՅԱՆ, Գ. Մ. ՆԵՐՍԵՍՅԱՆ,

Շ. Ս. ԳԵՎՈՐԳՅԱՆ, Ս. Վ. ԳԱԲՐԻԵԼՅԱՆ

Գրախոսներ՝ Բ. Գ. Թ., դոց. Ա. Սարգսյան,

Փիզմաթ. գ. թ., դոց. Գ. Միքայելյան

Խմբագիր՝ Բ. Գ. Դ., պրոֆ. Յու. Ավետիսյան

Հ 282 Հայոց լեզու և խոսքի մշակույթ (ձեռնարկ բուհերի բնագիտամաթեմատիկական ֆակուլտետների համար)/ Հեղինակ-կազմողներ՝ Յու. Ս. Ավետիսյան, Գ. Մ. Ներսեսյան, Շ. Ս. Գևորգյան, Ս. Վ. Գաբրիելյան: -Եր., ԵՊՀ հրատ., 2021, 332 էջ:

Ձեռնարկում նկարագրվում են հայերենի տարրերակները, ժամանակակից հայոց լեզվի հիմնական գործառույթներն ու գործառական ոճերը, ներկայացվում են խոսքի դրսնորման ձևերը, խորային վարվեցողության (էթիկետի) նորմերը, խոսքի արժանիքներն ու հրապարակային խոսքի առանձնահատկությունները, բանավեճի արվեստը: Առանձին հավելվածներով տրվում են գրագրության ձևեր, հայերենի կետադրության հիմնական կանոնները, ինչպես նաև ուղղագրության և կետադրության համբ բնագրեր և թելադրության նյութեր:

Տեսական գիտելիքներին զուգահեռ՝ տրվում են նաև գործնական առաջադրանքներ և վարժություններ:

Ձեռնարկի և՝ տեսական, և՝ գործնական նյութը ունի ընդօձված մասնագիտական ուղղվածություն: Վերաբերում է ֆիզիկա, քիմիա, կենսաբանություն, երկրաբանություն և բնագիտական այլ առարկաների, ինչպես նաև մաթեմատիկայի և ինֆորմատիկայի լեզվին:

Նախատեսված է բուհերի բնագիտամաթեմատիկական ֆակուլտետների ուսանողների և բոլոր նրանց համար, ովքեր հետաքրքրվում են հայոց լեզվով և խոսքի մշակույթով:

ՀՏՇ 811.19(07)

ԳՄԴ 81.51ց7

ISBN 978-5-8084-2479-1

DOI: <https://doi.org/10.46991/YSUPH/9785808424739>

© ԵՊՀ հրատ., 2021

© Ավետիսյան Յու. Ս., Ներսեսյան Գ. Մ.,

Գևորգյան Շ. Ս., Գաբրիելյան Ս. Վ., 2021

Լեզուն շատ մեծ նշանակություն ունի մեր կյանքում: Մասնաւորապես ճշգրիտ զիտությունների ներկայացուցիչների համար լեզուն ոչ միայն հաղորդակցության, այլև մտածելու, հայտնագործելու շատ կարևոր միջոց է: Որպես այդպիսին՝ լեզուն հասարակության մեջ էլ բոլոր հաղորդակցության միջոցներից ամենակարևորն է: Ասում ենք՝ ամենակարևորը, որովհետև առաջացել ու մշակվել է բնական ձանապարհով: Լեզուն պետք է միշտ գործածիլ լավ, կատարյալ ձևով, այսինքն՝ տեղին և նպատակասլաց հետևաբար անհրաժեշտ է, որ նա շարունակ կատարելագործվի, զույլի և դառնա հաղորդակցման, պայքարի սուր գենք:

Վիկտոր Համբարձումյան

ՆԵՐԱԾՈՒԹՅԱՆ ՓՈԽԱՐԵՆ

Ժամանակակից բարձրագույն կրթության հիմնական խնդիրներից մեկը անհատականության զարգացման համար պայմաններ ապահովելն է: Սա ենթադրում է կյանքական այնպիսի միջավայրի ստեղծում, որտեղ կրթություն ստանալով՝ անհատը հետազայում կարողանա ինքնադրսորվել ոչ միայն իր մասնագիտության մեջ, այլև հասարակական կյանքի տարբեր ոլորտներում: Հաղորդակցման հմտություններին տիրապետելը կյանքում հաջողության հասնելու ամենամեծ գրավականն է: **Հաղորդակցվելու շնորհը մարդու մեծագույն հարստություններից մեկն է:** Ազդու, գեղեցիկ, տպավորիչ, տրամաբանված խոսքը հզոր գործիք է բոլոր նրանց համար, ովքեր ուզում են հասարակության մեջ և հանրային կյանքում որոշակի դիրք ունենալ, կարիերա ստեղծել կամ պարզապես ներդաշնակ հաղորդակցվել մարդկանց հետ, միջավայրում ներկայանալ որպես նպատակային, բանիմաց ու հետաքրքիր անձնավորություն:

Այդ նպատակին է կոչված ծառայելու նաև «Հայոց լեզու և խոսքի մշակույթ» առարկայի դասավանդումը բուհերում: Տարիներ առաջ անհրաժեշտություն առաջացավ բուհերի ոչ բանասիրական ֆակուլտետների համար ստեղծելու հայոց լեզվի և խոսքի մշակույթի դասագիրք¹: Այն նախատեսված էր բոլոր ֆակուլտետների, բայց առավելապես՝ հումանիտար ուղղվածություն ունեցող ֆակուլտետների առաջին կուրսեցիների համար. Վերլուծությունները, բերված օրինակները, դիտարկումները գերազանցապես հումանիտար ոլորտից էին՝ իրավագիտություն, քաղաքագիտություն, պատմագիտություն, արվեստ

¹ Տե՛ս Ավետիսյան Յուլ. և այլք, Հայոց լեզու և խոսքի մշակույթ, Եր., 2016:

և այլինչ: Բնականաբար, հեռանկարում նախատեսված էր կազմել նույնատիպ մեկ այլ դասագիրք՝ բնագիտական ուղղվածությամբ: Ավելին, նախատեսվում էր, գետեղվող տեսական նյութին գուգահեռ, դասագրքում ներառել նաև գործնական առաջադրանքներ և վարժություններ՝ կազմված հատկապես բնագիտական ֆակուլտետների ուսանողների համար:

Եվ ահա, ԵՊՀ հայոց լեզվի ամբիոնի մի խումբ աշխատակիցների շնորհիվ ստեղծվեց այս գիրքը՝ «Հայոց լեզու և խոսքի մշակույթ»՝ բուհերի բնագիտական ֆակուլտետների համար: Այս գրքի հիմքում դրված են վերը նշված նույնանուն դասագիրքը և «Հայոց լեզվի և խոսքի մշակույթի գործնական աշխատանքների ձեռնարկի»² նյութի մի մասը. դրանք արդեն մի քանի տարվա փորձարկում են անցել: Սույն դասագիրքը, ինչպես արդեն ասացինք, ունի նաև գործնական նյութերի բաժին՝ տեսականորեն մատուցվող դասերին գուգահեռ: Դասագրքի այս նոր կառուցվածքը՝ տեսական և գործնական նյութի համատեղ մատուցումը, կարծում ենք, նախընտրելի է և օգտագործողին կօգնի առավել արդյունավետ յուրացնելու անհրաժեշտ գիտելիքները:

Հասկանալի է, որ դասագրքում ամփոփված և՝ տեսական, և՝ գործնական նյութը բնագիտական բոլոր առարկաների համար չէր կարող նույն խորությամբ ու հավասար ծավալով ներկայացվել: Ավելին: Հեղինակները չեն ջանացել շատ խորանալ նեղ մասնագիտական հարցադրումների և վերլուծությունների մեջ, նախ՝ որովհետև դասընթացի բնույթից ելնելով՝ դրա անհրաժեշտությունը չկար, և հետո՝ դա դժվարություններ կստեղծեր բոլոր մասնագիտությունների գծով հավասարապես և հեշտությամբ յուրացնելու գրքում ներկայացվածը: Եվ վերջապես. դասագրքում ամփոփված և՝ տեսական, և՝ հատկապես գործնական նյութը կոչված է առավելապես ուղղորդելու ուսանողի հետաքրքրությունները և գիտելիքների յուրացումը. դասընթացի իրականացման գործընթացը ենթադրում է գուգահեռ լրացուցիչ տեղեկատվության և գիտելիքների մատուցում, որը ուսուցանողի կողմից կիրականացվի լրացուցիչ գրականության և բնագիտական տվյալ ենթառորդին հատուկ գործնական մշակված նյութի մատուցմամբ: Ենթադրվում է նաև ուսանողների ստեղծագործական ակտիվ մասնակցություն այդ աշխատանքներին:

Կարծում ենք՝ սույն ձեռնարկը ուսումնառության ընթացքում կօգնի բնագետ ուսանողներին տիրապետելու խոսքային հաղորդակցման հմտություններին,

²Տե՛ս Ներսեսյան Գ., Գարրիկյան Ս., Գևորգյան Շ., Կիրակոսյան Մ., Քամալյան Ա., Հայոց լեզվի և խոսքի մշակույթի գործնական աշխատանքների ձեռնարկ, Եր., 2016:

Ճեղք բերելու մասնագիտական կարողություններ, իսկ հետազայում՝ դրանք հաջողությամբ կիրառելու նաև աշխատանքային գործունեության մեջ:

Այս գիրքը իր տեսակի մեջ առաջին փորձերից է: Հեղինակները սիրով կընդունեն բոլոր այն առաջարկություններն ու դիտողությունները, որոնք կնպաստեն կատարված աշխատանքը մշակելուն:

ՄԱՍ 1

ԼԵԶՈՒ. ԼԵԶՎԻ ՀԱՍՏԱՐԱԿԱԿԱՆ ԴԵՐԸ, ՏԱՐԲԵՐԱԿՆԵՐԸ, ԳՈՐԾԱՌՈՒՅՑԹՆԵՐԸ

1.1. Լեզվի հասարակական դերը, հիմնական հատկանիշները (6): **1.2.** Հայոց լեզուն աշխարհի լեզուների շարքում (7): **1.3.** Հայոց լեզվի ձևավորումը (8): **1.4.** Հայոց լեզվի տարբերակները. բարբառներ, խոսակցական լեզու, գրական լեզու (10): **1.5.** Գրական հայերենի զարգացման փուլերը. գրաքար, միջին հայերեն, աշխարհաքար (12): **1.6.** Արևմտահայերեն և արևելահայերեն (14): **1.7.** Պէտական լեզու. հայոց լեզվի գործառույթները (15): **Վարժություններ և առաջադրանքներ (16):**

1.1. Լեզվի հասարակական դերը, հիմնական հատկանիշները: Լեզուն հասարակական երևույթ է: Այն ստեղծվում է հասարակության, ժողովրդի կողմից՝ ծառայելով մարդկանց որպես հաղորդակցման միջոց: Լեզվի միջոցով մարդիկ միմյանց հայտնում են իրենց մտքերը, հասնում են փոխըմբռնման: Լեզվի շնորհիվ են ապահովվում սերունդների միջև կապը և ժառանգորդությունը, հոգևոր-մշակութային առաջընթացը: Լեզվական օրենքները առարկայական (օբյեկտիվ) բնույթ ունեն, այսինքն՝ գործում են խոսողի կամքից անկախ: Հասարակական գործոնը մեծ դեր ունի լեզվի զարգացման մեջ. հասարակական զարգացած կյանքով ապրող և քաղաքակիրթ ժողովրդի լեզուն նույնպես զարգացած է:

Հասարակական մյուս երևույթներից (մշակույթ, կրթություն, գիտություն ևն) և նշանային այլ համակարգերից (շարժումներ, լուսային, ձայնային, գունային, գծային ազդանշաններ ևն) լեզուն առանձնանում է մի շարք էական հատկանիշներով.

1. Լեզուն հաղորդակցման հիմնական և կարևորագույն միջոց է: **2.** Լեզվի՝ իբրև նշանային համակարգի նշանակիչ դերում հանդես է զայխ ձայնը՝ իր բոլոր հատկանիշներով: **3.** Մտածողության արտահայտման ձև է. ընդհանրացնում է անհատական ու հասարակական փորձի արդյունքները: **4.** Գոր-

ծառվում է հասարակական կյանքի բոլոր ոլորտներում: **5. Ազգային գոյության** հիմնական ձևերից մեկն է, ինչպես մշակույթը, տնտեսությունը, բանակը, տարածքային ամբողջականությունը: **6. Համակարգ** է, որի տարրերը սերտորեն փոխապակցված են. յուրաքանչյուր միավոր լեզվական կառուցվածքում ունի իր տեղը, դիրքը, դերը, գործառույթը:

1.2. Հայոց լեզուն աշխարհի լեզուների շարքում: Ըստ գոյության ձևերի՝ տարբերակվում են **Մեռած լեզուներ**, որոնք դադարել են գործածական լինելուց կամ ձուլվել են առանց էական հետք թողնելու, և **կենդանի լեզուներ**, որոնցով հաղորդակցվում է տվյալ սերունդը:

Մեռած լեզուները մեզ հայտնի են դարձել սոսկ պահպանված գրավոր հուշարձանների, արձանագրությունների, նկարագրությունների և այլ տեղեկությունների շնորհիվ: Հին աշխարհում բազմաթիվ լեզուների մահացման պատճառներից է եղել հսկա կայսրությունների ստեղծումը (օր.՝ հին պարսկական, հելլենական, արաբական ևն), երբ վերոհիշյալ լեզուները կրող նվաճված ժողովուրդները զանգվածաբար ոչչացվել են նվաճողների կողմից, և կամ արմատավորվել ու գերիշխող է դարձել կայսրության հիմնական լեզուն (օր.՝ լատիներենը՝ Հռոմեական կայսրությունում): **Մեռած լեզուները** հաղորդակցման տարբեր ոլորտներից դուրս մղվելուց հետո երբեմն հազարամյակներ շարունակ կարող են պահպանվել որպես պաշտամունքային լեզուներ, ինչպես, օրինակ՝ լատիներենը՝ կաթոլիկ եկեղեցում, գրաքարը՝ հայ առաքելական եկեղեցում ևն:

Ըստ տարբեր հաշվումների՝ աշխարհում կան 2500-3000 մեռած և կենդանի լեզուներ, որոնցից այժմ գործածվում են ավելի քան 500-ը:

Ըստ տարածվածության (ըստ խոսողների քանակի)՝ առաջին շարքերում են չինարենը (1,2 մլրդ), անգլերենը (1,1 մլրդ), իսպաներենը (0,5 մլրդ), ռուսերենը (260 մլն) ևն: Հայերենը դասվում է առաջին հարյուր լեզուների շարքին (9-10 մլն):

Ըստ այն հատկանիշի, թե լեզուներից որը քանի երկրում պետական կարգավիճակ ունի, պատկերը հետևյալն է. միայնակ կամ տեղական լեզուների հետ միաժամանակ պետական կարգավիճակ ունեն ֆրանսերենը (27 երկրում), արաբերենը (23), անգլերենը (20), իսպաներենը (19), ռուսերենը (7), չինարենը (3) ևն: Հայերենը պետական լեզու է 2 երկրում՝ Հայաստանի Հանրապետությունում և Արցախի Հանրապետությունում: Պետական կարգավիճակ ունեն 116 լեզուներ:

18-րդ դարում, երբ լեզուները դեռևս բավարար չափով ուսումնասիրված չէին, կատարվեց դասակարգման առաջին փորձը՝ **աշխարհագրական դասակարգումը**. առանձնացվեց լեզուների 5 խումբ՝ ըստ մայրցամաքների: Ինքնին հասկանալի է, որ նման դասակարգումը զիտական արժեք չուներ, քանի որ անտեսված էին լեզուների միջև եղած ներքին կապերը, եական ընդհանրություններն ու տարբերությունները: 19-րդ դարի սկզբում պատմահամեմատական լեզվաբանության ներկայացուցիչները, հիմնվելով լեզուների ծագումնաբանական ցեղակցության տեսության վրա, հաստատեցին, որ լեզուների միջև եղած ընդհանրությունները ծագում են միևնույն աղբյուրից: ցեղակից լեզուներն առաջացել են նախկինում գոյություն ունեցած մի ընդհանուր լեզվից՝ **նախալեզվից** կամ **հիմնալեզվից**, որի պատմական զարգացմամբ կազմավորվել են առանձին ժողովորդների լեզուները՝ իրենց ուրույն ընթացքով և սեփական առանձնահատկություններով:

1.3. Հայոց լեզվի ձևավորումը: Աշխարհի լեզուները թեև բազմաթիվ են, սակայն դասակարգվելով ըստ ծագման՝ ընդգրկվում են համեմատաբար սահմանափակ խմբերի մեջ: Ցեղակցական կապեր ունեցող առանձին լեզուների ամբողջությունը կոչվում է **լեզվաբնտանիք**: Լեզուների ծագման զիտական տեսության համաձայն՝ հայերենը պատկանում է **հնդեվրոպական լեզվաբնտանիքին**, որն ամենաբազմալեզու և լավ ուսումնասիրված լեզվական ընտանիքն է: Հայերենը աշխարհի հնագույն լեզուներից մեկն է. այն հնդեվրոպական հիմք լեզվից անջատվել է վաղնջական ժամանակներում՝ մեզանից 6000 տարի առաջ. ձևավորվել է հայասա-արմենական ցեղերի ու ցեղախմբերի լեզուների հիմքի վրա՝ սկզբնապես հաստատվելով **հնդեվրոպական նախահայրենիքի** (Փոքր Ասիա – Դանուի ավազան – հարավային Ռուսաստանի տարածք) կենտրոնական շրջանում:

Հայոց լեզվի ծագման ու ցեղակցության վերաբերյալ տարբեր տեսակետներ ու վարկածներ են եղել: 19-րդ դարի առաջին կեսին եվրոպական մի շարք արևելագետներ (Պետերման, Վինդիշման, Մյուլլեր և այլք), հաստատելով հայերենի հնդեվրոպական լեզու լինելը, այն սխալմամբ համարում էին հնդիրանական ենթաճուղին պատկանող մի բարբառ: 1875 թ. լույս տեսավ Հայնրիխ Շյուբշմանի՝ «Հայերենի դիրքը հնդեվրոպական լեզուների շարքում» աշխատությունը, որում հեղինակն առաջ քաշեց և ապացուցեց այն տեսությունը, որ հայերենն ինքնուրույն մի ճյուղ է հնդեվրոպական լեզվաբնտանիքում և չի մտնում հնդիրանական ենթաճուղի մեջ: Այս տեսակետը հետազայում զարգացրեց Հ. Աճառյանը և ցույց տվեց, որ հնդեվրոպական լեզուների արևելյան

խմբի մեջ մտնելով՝ հայերենն իսկապես իբրև ինքնուրույն ճյուղ է ներկայանում և առավել մերձավոր ցեղակցության մեջ է իրանական, հունական և սլավոնական լեզուների հետ: Այսպիսով, հայոց լեզուն ցեղակից է հնդկերենին, պարսկերենին, աֆղաներենին, քրդերենին, հունարենին, ալբաներենին, սլավոնական ու եվրոպական գրեթե բոլոր լեզուներին ևն:

Մինչև մ. թ. 5-րդ դարը հայերենի վերաբերյալ գրավոր վկայությունները խիստ սակալ են. այս շրջանում հայերի՝ սեփական գիր ունենալու մասին շրջանառվում են մի շարք հավանական և իրական փաստեր: Այսպես՝

- Հստ Մովսես Խորենացու վկայության՝ Դարանայաց Անիում եղել են մեհենական հայագիր մատյաններ, որոնք հաստատում են մեհենական մշակույթի, հայկական գիր ու գրականության առկայությունը:
- Օտար աղբյուրների որոշ հեղինակներ (օրինակ՝ հույս պատմիչ Փիլոստրատոսը (մ. թ. 2-րդ դար)) գիր ունեցող ժողովուրդների շարքում թվում են նաև հայերին:
- Վարդան Արևելցին (13-րդ դար) խոսում է Կիլիկյան Հայաստանում գտնված դրամների մասին, որոնք դրոշմված են եղել հայերեն գրով:
- Դեռևս Կորյունը նկատում է, որ մաշտոցյան այրուբենից առաջ եղել են «դանիիլյան» նշանագրեր³, որոնք հայերենի հնյունական կազմը չարտահայտելու պատճառով մի կողմ են թողնվել:
- Ումանց կարծիքով՝ հայերը դեռևս 4-րդ դարում ունեցել են հունականից և ասորականից տարբեր շարժական տոմար, որը նույնպես կողմնակի կերպով ակնարկում է հայ դպրության առկայությունը:
- Հեթանոսական աստվածների պանթեոնում հայերն ունեցել են զրի ու դպրության աստված՝ **Տիրը**. նշանակում է՝ զրի պաշտամունք ունեցող ժողովուրդը պետք է որ զրի ունենար: Ի դեպ, զրի բառը հայերենի հնագույն բառերից է և ժողովրդի հիշողության մեջ մնացել է զրի անել, գրողը տանի և այլ դարձվածքներում:

Մեր հարևան գրեթե բոլոր ժողովուրդները գիր են ունեցել, ուստի տրամաբանական է, որ հասարակական աշխույժ կյանքով ապրող, զարգացած, հարևան հարուստ մշակույթների հետ սերտորեն առնչվող հայ ժողովուրդը ևս պետք է զրի ու դպրություն ունենար: Ավելացնենք նաև, որ 5-րդ դարի զրի առնվելու

³ «Դանիիլյան» գրեթի մասին տե՛ս նաև Մովսեսյան Ա., Կարևոր դիտարկում «Դանիիլյան» նշանագրերի մասին, «Պատմություն և մշակույթ», Եր., 2017, էջ 7-12:

շրջանում հայերենը գեղեցիկ ու ոճավորված լեզու էր, ուներ մշակված քերականական կառուցվածք, հարուստ բառապաշար. նրանով շարադրվել ու թարգմանվել են գիտական, պատմական, փիլիսոփայական ծանրակշիռ երկեր, կատարվել է Աստվածաշնչի թարգմանությունը, զարգացել են բանաստեղծական արվեստը, թատրոնը, դպրությունը: Գրավոր նախազարգացում չունեցող լեզուն չեր կարող այսպիսի գործառություններ ու հասարակական դեր ունենալ: Այսուհանդերձ, փաստ է, որ նախամեսրոպյան դպրությունը ոչնչացվել է, և այս շրջանի հայերեն գրավոր խոսքի որևէ նմուշ մեզ չի հասել:

Հայերենի պատմության այդ շրջանը՝ մինչև 5-րդ դարը, կոչվում է հայերենի նախազրային շրջան: Գրերի գյուտից (405 թ.) հետո սկսվում է հայերենի պատմության գրային շրջանը, որն իր հերթին բաժանվում է երեք փուլի՝ **հին հայերեն** (գրաբար՝ 5-11 դդ.), **միջին հայերեն** (կիլիկյան հայերեն՝ 12-16 դդ.), **նոր հայերեն** (աշխարհաբար՝ 17-րդ դարից սկսած): Իր երկու գրական տարբերակներով՝ **արևելահայերեն** և **արևմտահայերեն:**

1.4. Հայոց լեզվի տարբերակները. բարբառներ, խոսակցական լեզու, գրական լեզու:

Բարբառներ: Բարբառները լեզվի տարածքային տարբերակներ են և սպասարկում են հասարակության որոշակի հատվածների: Յուրաքանչյուր բարբառի բնորոշ են հնչյունական, բառային և քերականական առանձնահատկություններ, որոնցով ել այն ինքնուրույնություն է որևսորում և տարբերվում է մյուս բարբառներից ու գրական լեզվից: Խոշոր բարբառներն ունենում են նաև ենթաբարբառներ կամ խոսվածքներ. դրանց միջև եղած տարբերություններն ավելի քիչ են:

Բարբառների առաջացման հիմնական պատճառը տարածքային և լեզվական տարանջանվածությունն է: Հայերենի բարբառների թիվը հասնում է մոտ վաթսունի: Լեզվաբանության մեջ առավել ընդունված է դրանց՝ Հ. Աճարյանի կողմից կատարված դասակարգումն ըստ ձևաբանական հատկանիշների՝ սահմանական ներկայի կազմության: Այդ մոտեցմամբ առանձնացվում են երեք ճյուղի բարբառներ:

- 1. Ում ճյուղ:** Ներկան կազմվում է **ում, ամ, իմ** կամ նման այլ մասնիկներով (զնում եմ, եթև եմ). այս ճյուղին են պատկանում, օրինակ, Երևանի, Ազուլիսի, Ղարաբաղի, Չուղայի բարբառները:

2. Կը ճյուղ: Ներկան կազմվում է կը, կու, գը, գի մասնիկներով (կը խօսիմ, կուգամ, երգեմ գը): Այս ճյուղին պատկանող բարբառներից են Պոլսի, Կարինի, Մշո, Վանի, Կիլիկիայի բարբառները:

3. Ել ճյուղ: Ներկան կազմվում է ել, ալ, իլ վերջավորությամբ դերբայներով (կարդալ եմ, գրել եմ, չեմ գրել). այդպիսիք են Մարաղայի, Խոյի, Ուրմիայի բարբառները: Հետազայում ել ճյուղից առանձնացվել է և ճյուղը՝ գրես եմ, կարդաս եմ (Մեղրու, Ուրմիայի, Հաղբութի բարբառներ):

Ազգային լեզվի գարգացումն ու փոխադարձ շփումները տանում են բարբառների աստիճանական վերացման:

Խոսակցական լեզու: Խոսակցական լեզուն տարածական ավելի մեծ ընդգրկում ունի, քան բարբառները, և միջին դիրք է գրավում գրական լեզվի ու բարբառների միջև: Այն իր մշակվածությամբ զիշում է գրական լեզվին. գործառական հիմնական ոլորտը բանավոր հաղորդակցումն է: Բարբառային տարրերը աստիճանաբար կարող են անցնել խոսակցական լեզու և մշակվելուց հետո փոխանցվել գրական լեզվին. այդ ձանապարհով գրական լեզու անցած բառերից են՝ իրիկուն, աշնանացան, ավազակալել, գայլաձուկ, դեղձաշիր, երեքնուկ, գայլախնձոր, իշտառվուտ, լորենի, լերդանալ, կեշի, կեղևել, կտցահարել, հասկակալել, մոշահավ, չեշաքար, սալշարդ, տանձուտ:

Գրական հայերեն: Գրական հայերենը բարբառների ու խոսակցական լեզվի հիման վրա ձևավորված և գրական մշակման ենթարկված, կանոնարկված լեզվի տարրերակն է: Նրա հիմնական հատկանիշներն են՝ 1. **մշակվածությունն ու նորմավորվածությունը**, 2. **միասնականությունը և հանրահասկանալիությունը**, 3. **ոճական բազմազանությունն ու բազմարժեքությունը**: Գրական լեզուն գործառվում է հասարակական կյանքի ու գործունեության բոլոր ոլորտներում՝ առօրյա հաղորդակցում, գեղարվեստական գրականություն, գիտական ու պաշտոնական գործունեություն, մամուլ, կրթություն ևն:

Ազգային լեզու հասկացության համեմատությամբ գրական լեզու հասկացությունն ավելի նեղ իմաստ ունի. ազգային լեզուն որպես ազգ ձևավորված հայ ժողովրդի լեզուն է, որն ընդգրկում է մարդկանց խոսքային գործունեության բոլոր ոլորտները, ներառում է բարբառները, ժարգոնը, խոսակցականը: **Գրական լեզուն** համաժողովրդական ազգային լեզվի մշակված, խստորեն նորմավորված ձևն է. գրական լեզու էր գրաքարը, մասամբ՝ միջին հայերենը. ներկայումս մենք ունենք ազգային գրական լեզվի երկու տարրերակ՝ արևելահայերեն և արևմտահայերեն:

1.5. Գրական հայերենի գարգացման փուլերը. գրաբար, միջին հայերեն, աշխարհաբար՝ արևմտահայերեն և արևելահայերեն: Հայոց լեզու կամ հայերեն ասելով՝ հասկանում ենք մեր լեզվի բոլոր տարբերակները՝ գրաբար, միջին հայերեն, գրական նոր հայերեն՝ երկու ճյուղերով՝ արևելահայերեն, արևմտահայերեն, բարբառներ, խոսակցական հայերեն:

Գրաբար (5-11-րդ դդ.): Հայերենի գրային շրջանի սկզբում (5-7-րդ դդ.) գրաբարը համաժողովրդական՝ և՝ գրական, և՝ խոսակցական լեզու էր: Գրաբարի ծաղկման շրջանը 5-րդ դարն է, որը Հ. Ածառյանը բաժանում է երկու ենթաշրջանների՝ **ոսկեղարյան** կամ **մեսրոպյան** (405-460 թթ.) և **ետոսկեղարյան** կամ **ետմեսրոպյան** (461 թ.-ից հետո): Գրաբարը բառացիորեն նշանակում է **գրի պես**. պատճառն այն է, որ 7-րդ դարից սկսած՝ այն աստիճանաբար դադարում է ժողովրդի բանավոր հաղորդակցման լեզու լինելուց և մնում է միայն գրավոր լեզու, այսինքն՝ գրի ու գրականության լեզու՝ **գրաբար**: Հետագա զարգացման ընթացքում գրաբարի հիմքում սկսում է ձևավորվել միջին հայերենը, գրաբարի մեջ նաև մուտք են գործում բարբառների և աշխարհաբարի տարրեր:

Գրաբարը կանոնարկված, մշակված լեզու էր, ուներ հարուստ բառապաշար, մշակված քերականական կառուցվածք: Գրաբարից վկայված բառերի թիվը հասնում է 70 հազարի: Արդի հայերենը կառուցված է գրաբարի հիմքի վրա և պահպանում է նրա հիմնական հատկանիշները լեզվական բոլոր մակարդակներում: Բացի հիմնական բառապաշարին պատկանող բառերից՝ գրաբարից աշխարհաբարին են փոխանցվել զուտ գրաբարյան բազմաթիվ բառեր՝ **ակաղձուն**, **ամանոր**, **արագոտն**, **գուղձ**, **դշխու**, **հիրավի**, **պախուց** ևն, դարձվածքային արտահայտություններ՝ **ակն ընդ ական**, **ատամն ընդ ատաման**, **դարձ ի շրջանս յուր**, **ի խորց սրտի**, **ձայն բազմաց**՝ **ձայն Աստծոն**, **ձայն բարբառ հանապատի**, **քավ լիցի** ևն, քերականական կազմություններ՝ նոր կամ նորացված նշանակությամբ՝ **առթիվ**, **առձեռն**, **ընդամին**, **ի դեմս**, **իրավամբ**, **կեցցե**, **հայոց**, **ձեռաց**, **մասին**, **շնորհիվ** ևն:

Գրաբարով ստեղծվել է մատենագրական, իմաստասիրական, թարգմանական հարուստ ժառանգություն՝ Մովսես Խորենացի՝ «Հայոց պատմություն», Կորյուն՝ «Վարք Մաշտոցի», Եզնիկ Կողբացի՝ «Եղծ աղանդոց», Դավիթ Անհաղթ՝ «Սահմանք իմաստասիրության», Զափածո հարուստ գրականություն՝ Մեսրոպ Մաշտոցի տաղերն ու շարականները ևն: 5-րդ դարում գրաբարով թարգմանվեց Աստվածաշունչը:

Միջին հայերեն (12-16-րդ դդ.): Այս շրջանում իբրև համընդհանուր գրական լեզու շարունակում էր գործածվել գրաբարը, իսկ խոսակցական ոլորտում՝ բարբառների հիմքի վրա ձևավորված միջին հայերենը: Միջին հայերենը կապող օղակ է դառնում գրաբարի և աշխարհաբարի միջև և՝ ժամանակագրական առումով, և՝ լեզվական որակի տեսակետից: Կիլիկյան շրջանում միջին հայերենը գրաբարին զուգահեռ սկսեց կատարել գրական լեզվի որոշ գործառույթներ և դարձավ Կիլիկյան թագավորության պետական լեզուն, սակայն չվերածվեց համահայկական գրական լեզվի, ինչպես գրաբարը կամ աշխարհաբարը: Այդ պատճառով միջին հայերենը հաճախ անհիմն անվանում են **կիլիկյան հայերեն**: Արդի հայերենի բառապաշտարին միջին հայերենից քիչ թվով բառեր ու արտահայտություններ են փոխանցվել, որոնք հիմնականում խոսակցական բնույթի են՝ **գարա, խալիծ, լավաշ, գգիր**. Փրանսերենից է փոխառվել **պարոն** (բարոն) բառը:

Միջին հայերենով նույնպես ստեղծվել է գեղարվեստական, պատմագրական, գիտական հարուստ գրականություն՝ Հովհաննես և Կոստանդին Երզնկացիների աշխարհիկ տաղերը, Ֆրիկի սոցիալական քնարերգությունը, Նահապետ Քուչակի հայրենները, Միհիթար Գոշի «Դատաստանագիրքը», Միհիթար Հերացու «Զերմանց միհիթարությունը» ևն:

Աշխարհաբար կամ **նոր հայերեն** (17-րդ դարից սկսած): **Աշխարհաբար** տերմինի առաջացումը կապվում է **աշխարհիկ, աշխարհական** բառերի հետ: Սկզբնական շրջանում անվանվել է նաև քաղաքացիական հայերեն, աշխարհորեն, աշխարհական լեզու, իսկ ավելի ուշ՝ **նոր հայերեն**: Գրական հայերենը աշխարհաբար հայերենի գրականացված տարբերակն է, որը կոչվում է նոր գրական **հայերեն** կամ **ժամանակակից հայերեն** (արդի հայերեն)` իր երկու ճյուղերով՝ արևելահայերեն և արևմտահայերեն: 19-րդ դարից սկսած՝ հայոց ազգային մշակույթի և քաղաքական զարթոնքին զուգահեռ ձևավորվեց **հայոց ազգային գրական լեզուն**:

Մինչև 19-րդ դարի կեսերը գրավոր հաղորդակցման հիմնական լեզուն գրաբարն էր: Գրաբարի կողմնակիցները պայքարում էին գրաբարը վերականգնելու, ընդհանուր հաղորդակցման լեզու դարձնելու համար՝ պնդելով, որ գրաբարը կանոնարկված, մշակված լեզու է, մինչդեռ աշխարհաբարի կողմնակիցները համոզված էին, որ հաղորդակցման լեզու միայն կարող է լինել թեև քիչ մշակված, բայց ժողովրդին հասկանալի, կենդանի լեզուն: Գրաբարի և աշխարհաբարի կողմնակիցների այդ պայքարը հետագայում կոչվեց **գրապայքար**: 19-րդ դարի կեսերին հարցը լուծվեց հօգուտ աշխարհաբարի, և

գրապայքարի արդյունքում գրաբարն աստիճանաբար դուրս մղվեց գրավոր լեզվից՝ իր տեղը զիջելով աշխարհաբարին: Գրաբարի գործածությունն այժմ շարունակվում է միայն եկեղեցական արարողությունների ժամանակ, դասավանդվում է ավագ դպրոցում և բուհերի որոշ ֆակուլտետներում: Աշխարհաբարը մշակվեց, իրկան և համահայկական գրական լեզու դարձավ 19-րդ դ. վերջին և 20-րդ դ. սկզբներին:

1.6. Արևմտահայերեն և արևելահայերեն: Աշխարհաբարի արևմտյան գրական տարբերակը ձևավորվեց Կոստանդնուպոլսում՝ առավելապես Պոլսի բարբառի հիման վրա: Աշխարհաբարի տրոհումը երկու ճյուղերի պայմանավորված էր արտալեզվական և լեզվական մի շարք գործոններով.

1. Հայաստանը 387 թ. բաժանվեց Պարսկաստանի և Բյուզանդիայի միջև, որի հետևանքով գերիշխող լեզուները և քաղաքակրթությունները տարբեր ազդեցություններ ունեցան աշխարհաբարի վրա. արևմտահայերենի վրա սկզբնապես մեծ եղավ թուրքերենի, ավելի ուշ՝ ֆրանսերենի ազդեցությունը, իսկ արևելահայերենի վրա՝ ռուսերենի:

2. Արևմտահայերենը հնչյունական համակարգով, քերականական որոշ հատկանիշներով ավելի սերտ առնչություններ է պահպանել միջին հայերենի հետ, իսկ արևելահայերենը նույն հատկանիշներով առավել մոտ է մնացել գրաբարին:

3. Տարբեր են նաև երկու տարբերակների բարբառային հիմքերը. արևելահայերենը հիմնվում է Արարատյան բարբառի (Երևանի խոսվածքի՝ ուժ ճյուղի), իսկ արևմտահայերենը՝ Պոլսի (կը ճյուղի) բարբառի վրա:

Արևելահայերենն ու արևմտահայերենը մեկ ազգային լեզվի երկու դրսերումներն են՝ տարբերակները կամ ճյուղերը. երկուսին կամ հատուկ են գրական լեզվի հատկանիշները, երկուսն եւ մշակված ու կանոնարկված են և ծառայում են հայերենով խոսող հանրության բանափոր և գրավոր հաղորդակցմանը: Արևմտահայերենը գիտական և պաշտոնական ոճերում համեմատաբար քիչ է մշակված, նորմավորման ինչ-ինչ հատկանիշներով զիջում է արևելահայերենին, հարուստ է զուգաձևություններով. այն Սփյուռքի հայության բավականին ստվար հատվածի ընդհանուր հարորդակցման լեզուն է, դպրոցի, մամուլի, գեղարվեստական գրականության լեզուն: Արևմտահայերենով ստեղծված են հարուստ մշակույթ, գեղարվեստական և գիտական գրականություններ:

1.7. Պետական լեզու: Հայոց լեզվի գործառույթները: Արևելահայերենը պետական լեզու է: 1918 թ.՝ Հայաստանի Հանրապետության ստեղծումից հետո, հատուկ հրովարտակով հայերենը հռչակվեց պետական լեզու: Խորհրդային Հայաստանի Սահմանադրությամբ հայերենին վերապահված էր պետական լեզվի կարգավիճակ: Ներկայումս հայերենը պետական լեզվի կարգավիճակը ունի Հայաստանի և Արցախի Հանրապետություններում:

Լեզուն իրականացնում է բազմապիսի գործառություններ. դրանցից առավել կարևորներն են՝

- **հաղորդման** գործառույթը. մարդիկ լեզվի միջոցով հաղորդակցվում են, տեղեկատվություն են փոխանցում,
- **արտահայտման** գործառույթը. լեզվի միջոցով դրսորվում են մարդու հույգերը, զգացմունքներն ու ներաշխարհը,
- **ձանաշողական** գործառույթը. լեզվի նշանային համակարգի միջոցով իրականացվում կամ ամրագրվում է մարդու գիտակցությունը. լեզուն հանդես է գալիս իբրև գիտակցության գործիք, արտացոլում է մարդու մտածական գործունեության արդյունքները:

Առանձնացվում են նաև այլ գործառույթներ՝ **ներազդման** (խոսքը հասցեագրված անձի վրա ազդելու միջոց լինելը), **նշանակողական** (իրերի, երևույթների, դրանց հատկությունների ու փոխհարաբերությունների նշանակումը), **մետալեզվային** (երբ մի լեզվի միջոցով նկարագրվում է ինչ-որ այլ լեզու. այսպես, օրինակ՝ հայոց լեզվի՝ ոռուերենով գրված քերականության առարկան հայերենն է, մետալեզուն՝ ոռուերենը), **գեղագիտական-բանաստեղծական** (լեզուն ընկալելը որպես առանձին գեղագիտական արժեք, որով ինքնատիպություն է տրվում, կենդանություն է ներարկվում հաղորդակցությանը) ևն:

Նշված բոլոր գործառույթները իրականացնում են նաև հայոց լեզուն: Հայերենը նախ և առաջ պաշտոնական գործակարության լեզու է. Հայաստանի Հանրապետությունում այն պարտադիր գործառույթներ ունի պետական-պաշտոնական գործունեության բոլոր ոլորտներում՝ մաքսային և հարկային ծառայություններ, դատարան, հանրակրթություն, զանգվածային լրատվություն: Հայերեն են ընդունվում և հրապարակվում օրենքներն ու օրենսդրական մյուս ակտերը: Ըստ ՀՀ օրենսդրության՝ հայերենի առկայությունը պարտադիր է գովազդներում, ցուցանակներում, պիտակներում և զանգվածային օգտագործման այլ տեքստերում: Հայերենը նաև **կրթության, գիտության, գեղարվեստական գրականության, բատրոնի, կինոյի** լեզու է:

Վարժություններ և առաջադրանքներ

1. Որո՞նք են լեզվի հիմնական հատկանիշները:
2. Ինչպիսի՞ն է աշխարհի լեզուների պատկերն ըստ ծագման, տարածվածության, պետական կարգավիճակի: Ի՞նչ է նշանակում մեռած լեզու:
3. Թվե՛ք մի քանի լեզուներ, որոնց հետ հայերենը ցեղակցական կապ ունի:
4. Ի՞նչ տարրերություններ կան գրական ու խոսակցական լեզուների և բարբառների միջև:
5. Ո՞ր հայերենով են շարադրված տրված հատվածները⁴:

ա) Այսպես որ ԼԵ (35) տարին կու սկսնու ալեւորութիւնն, որ գիշութիւնն եւ տարութիւնն երկուքն այլ կու պակսի: Եւ ի Կ (60) տարուն յետեւ ծերութենէ եւ յետեւ այսոր զայն տաքութիւնն եւ գիշութիւնն, որ ի ծննդենէն բերել կու սկսնու եւ պակասել եւ հատանել: Եւ այս պակասիլն եւ հատանիլն անձարակ է եւ պիտի, որ լինի եւ այնպես հատնի այդ տաքութիւնդ, որպես որ ճրագին եղն հատնի, ճրագին՝ նայ լոյսն կու վատուժի (ԱՍ):

բ) Եւ ինքն երկաչափութիւնն գոտա յաստեղաբաշխութենէ: Քանզի ուշ եղեալ առաջինքն խոկային՝ թէ որ տեղիք երկրի ընդ որով կացեալ իցեն մասամբք երկնային բոլորակին: Եւ զմեծութիւն տուրնջեան եւ գիշերաց, եւ զոր ի վերայ երկրի, եւ զոր ի ներքոյ երկրի, միշտ բերելով յայտնեն (ԱՇ):

գ) Հայաստանում ճշգրիտ գիտությունների և բնագիտական ուղղության հիմնադիրը Անանիա Շիրակացին է: Նա գիտականորեն բացատրել է Արեգակի և Լուսնի խավարումները, մակընթացությունն ու տեղատվությունը, պաշտպանել Երկրի գնդաձևության մասին տեսակետը: Միջին դարերում բնագիտության բնագավառում զգալի ավանդ են ներդրել Գրիգոր Մագիստրոս Պահլավունին, Հովհաննես Սարկավագը, Հովհաննես Երզնկացին, Ղուկաս Վանանդեցին և ուրիշներ:

դ) Ի՞նչ պէտք, ի՞նչ պէտք սակայն ըսել այս բոլորը, որ արդեն իսկ այնքան անգամներ կրկնուած ըլլալու դժգունութիւնը ունի: Ի՞նչ պէտք մանաւանդ զբաղիլ պարագաներով, որոնց լաւագոյն դարմանը բառերուն ու խօսքերուն ույժը չի կրնար կազմել բնավ.... Կը նահանջեն ծնողը, որդի, քեռի, փեսայ. կը նահանջեն բարք, ըմբռնում, բարոյական, սեր: Կը նահանջէ լեզուն, կը նահանջէ լեզուն, կը նահանջէ լեզուն (ՇՇ):

⁴ Մեջբերումներում հիմնականում պահպանված է բնագրային կետադրությունը:

ե) Եւ լուսնի չիք իւր լոյս առանձինն, այլ յարեգականէ զայ ի նա լոյսն: Եւ յայտ անտի է, ասեն, յորմէ կուսէ արեգականն իցէ, յայնմ թերէ սկսանի ի նմա լոյս ծնանել: Եւ ըստ հեռաւորութեան արեգականն՝ սակաւ զայ ի նա լոյսն. եւ ըստ տակաւ տակաւ մերձենալոյն՝ յաճախսէ ի նա լոյսն. եւ յորժամ մաւտ հասանէ ի նա՝ լնու. եւ յորժամ անցան է զարեգակամբ՝ սկսանի տակաւ նուաղել. եւ որշափ ի քացն հեռանայ՝ այնչափ պակասէ ի նմանէ լոյսն, մինչեւ ամենեւին նուաղէ (ԵԿ):

6. Գրաբարով ստեղծված ի՞նչ գործեր գիտեք. թվե՛ք դրանցից մի քանիսը:

7. Թվե՛ք միջին հայերենով ստեղծված գեղարվեստական, գիտական, պատմագրական գործեր:

8. Օգովելով բառարաններից՝ դեմ դիմաց դո՛ւրս գրեք արևելահայերեն և արևմտահայերեն համարժեքները⁵:

ա) Վատ, ատամ, անիկա, կծել, զիցերին, գազար, կռնակ, հրաջերմ, հոն, զեշ, ուռուցքարանություն, նա, լսել, ստեպղին, խածնել, քիմիկոս, քաղցրիտ, լրանալ, քացախիլ, սակավազին, մեջք, սախարին, նշագրել, այտուցարանություն, մտիկ ընել, մակագրել, բիկարբոնատ, էժան, բնալույծ//տարրաբան, լմննալ, այնտեղ, երկածխատ, ակու, քութեշ, ացետիլ, շաքարին:

բ) Ծերակույտ, ելսմտագետ, դաշտագետին, դեղատոմս, աշխարհագունդ, դեղաթափ, վերջնազիր, ախտարձարծ, ֆիզիկոս, ռադիոն, ներքնաձիգ, մանիշ, բեկարույժ, իսկազիր, հիվանդակառք, սառնանուշ, քարածուխ, ձայնասփյուռ, ախտաբորբոք, վավերազիր, վճռազիր, զլորուս, բնախույզ, յոդ, պաղպաղակ, տնտեսագետ, սենատ, հարթավայր, բժշկազիր, հակաթույն, շտապօգնության մերենա, հակուլիդ, ոսկրաբույժ, գետնածուխ:

9. Օգովելով բառարաններից՝ գրե՛ք տրված բառերի իմաստների տարբերությունները արևելահայերենում և արևմտահայերենում:

Սուլ, գնացք, բանավոր, անուշ, ձգել, վայրկյան, հոտել, մականուն, պահարան, գրագետ, քանակ, պապուկ, տնտեսագետ, անցք, անսվաղ, եկամուտ, լսարան, պտտել, լաթ, դաշնակ, հով, կարգել, ձեռնարկ, իմանալ, գետնախնձոր, հանդերձյալ, պարապ, ընդովյա, շառ, անլիություն, հակակշիռ:

⁵ Բառարանները տե՛ս <http://www.nayiri.com/> կայքում:

ՄԱՍ 2

ԽՈՍՔ. ԸՆԴՀԱՆՈՒՐ ՀԱՏԿԱՆԻՇՆԵՐԸ, ԴՐՍԵՎՈՐՈՒՄՆԵՐԸ:

ԽՈՍՔԻ ՄՇԱԿՈՒՅԹ ԱՌԱՐԿԱՆ, ՆՊԱՏԱԿԸ, ԽՆԴԻՐՆԵՐԸ

2.1. Խոսքի մշակույթի ուսումնասիրության առարկան: Խոսքի մշակույթ հասկացությունը: Կապը այլ գիտաճյուղերի հետ (18): **2.2.** Խոսք (19): **2.3.** Խոսքի դրսնորման ձևերը (20): **2.3.1.** Համառոտ և ծավալուն խոսք (20): **2.3.2.** Բանավոր և զրավոր խոսք (20): **2.3.3.** Մենախոսություն և երկխոսություն (22): **2.3.4.** Արտաքին և ներքին խոսք (23): **2.3.5.** Հեղինակային և ուրիշի խոսք (23): **2.3.6.** Արձակ և չափածո խոսք (23): **2.3.7.** Պարբերություն (24): **Վարժություններ և առաջադրանքներ (24):**

2.1. Խոսքի մշակույթի ուսումնասիրության առարկան: Խոսքի մշակույթ հասկացությունը: Կապը այլ գիտաճյուղերի հետ: Խոսքի մշակույթի ուսումնասիրության առարկան խոսքն է, խոսքի արժանիքները, հաղորդակցական յուրահատկությունները, դրա դրսնորման առանձնահատկությունները լեզվի գործառական տարբերակներում: **Նպատակը՝** ուսումնասիրել խոսքը, հաստատել խոսքի ընդհանուր օրինաչափությունները և դրա միջոցով հասարակության մեջ մշակել զրական խոսքի բարձր ճաշակ:

«Խոսքի մշակույթ» **հասկացությունը** կիրառվում է երկու հիմնական նշանակությամբ:

ա) Խոսքի մշակույթը բանասիրական գիտությունների գիտաճյուղ է: Ուսմունք է խոսքի հաղորդակցական որակների համակարգի մասին:

բ) Մարդու գիտելիքների և ունակությունների ամբողջությունն է, որ ապահովում է լեզվի նպատակառուղղված կիրառությունը հաղորդակցման համար: Սա ենթադրում է զրավոր և բանավոր խոսքի նորմերի իմացություն և դրանց

տեղին ու արտահայտիչ գործածություն՝ խոսքի բովանդակությանը և նպատակներին համապատասխան⁶:

Իբրև գիտաճյուղ՝ սերտ առնչություն ունի տրամաբանության, հոգեբանության, գեղագիտության, գրականագիտության և այլ գիտաճյուղերի հետ: Բնականաբար, առավել շատ ընդհանրություններ ունի լեզվաբանական մյուս գիտությունների հետ՝ ընդհանուր լեզվաբանություն, լեզվի պատմություն, ժամանակակից հայոց լեզու ևն: Վերջիններիս ուսումնասիրության նյութը լեզուն է՝ իր ձևավորման հարցերով, զարգացման ընթացքով, կառուցվածքով, մակարդակներով: Խոսքի մշակույթը, ինչպես ասվեց, ուսումնասիրում է լեզվի կիրառական տարբերակը՝ խոսքը: Ավելի սերտորեն է առնչվում ոճագիտության հետ, այնքան, որ հաճախ դրանք ոիտարկվում են նույն դասընթացում՝ **Խոսքի մշակույթ** կամ **Ոճագիտություն** ընդհանուր վերտառությամբ: Այդ երկու ճյուղերի սահմանները տակալին հատակորեն որոշարկված չեն. լայն առողջություն՝ խոսքի մշակույթի ուսումնասիրության նյութը ներառում է նաև ոճագիտության հարցերը՝ լեզվական նշանի ոճական կիրառությունները, գործառական ոճերը ևն:

2.2. Խոսք: Իրենց մտքերն ու զգացմունքներն արտահայտելու, հաղորդակցվելու համար մարդիկ օգտագործում են լեզվական նշանները և դրանց կիրառության կանոնները: Այդպես է առաջանում խոսքը կամ խոսողությունը՝ խոսքային գործունեությունը:

Խոսքը լեզուն է գործածության մեջ, լեզվի կիրառական տարբերակն է կամ արտահայտությունը: Լեզուն նույնպես, ինչպես մտածողությունը, կարողություն է, տվյալ լեզվին տիրապետող մարդու խոսելու կարողությունը: Խոսելու կարողության իրացումը այլ բան չէ, քան մտածելը, որը միշտ լեզվական ձևավորում ունի և դառնում է խոսք:

Խոսքը լեզվից տարբերակվում է մի քանի հատկանիշներով.

- Խոսքը անհատական, հոգեբանական երևույթ է՝ պայմանավորված խոսողի անհատական հատկանիշներով, լեզվամտածողութամբ, իսկ լեզուն հասարակական, սոցիալական երևույթ է:

⁶Տե՛ս՝ **Պետրոսյան Հ.**, Հայերենագիտական բառարան, Եր., 1987, էջ 280:

- Խոսքը փոփոխական է, շարժուն և ենթակա է արտալեզվական ուժեղ ազդեցության (հասարակական, քաղաքական ևն), իսկ լեզուն ձգում է կայունության, անշարժության:
- Խոսքը պատմական երևույթ է, մինչդեռ լեզուն ապաժամանակային է, ոչ պատմական և համեմատաբար անկախ է պատմական կարծ ընթացքից:

Լեզվական փոփոխություններն ու տեղաշարժերը սկզբնապես ձևավորվում են խոսքում և ապա, քանակային ու որակական արժեքով որոշակի համակարգի վերածվելով, աստիճանաբար անցնում են լեզվին և ձևավորվում որպես լեզվական կանոն (նորմ): Այսպիսով՝ լեզուն զարգանում է խոսքային մակարդակում և խոսքի միջոցով:

2.3. Խոսքի դրսորման ձեերը: Ըստ մի քանի սկզբունքների՝ առանձնացվում են խոսքի հետևյալ տարատեսակները՝ **համառոտ** և **ծավալուն**, քանավոր և գրավոր, մենախոսություն և երկխոսություն, արտաքին և ներքին, հեղինակային և ուրիշի, արձակ և չափած ևն:

2.3.1. Համառոտ և ծավալուն խոսք: Ըստ ծավալի՝ խոսքը լինում է **համառոտ** և **ծավալուն**: Համառոտ է, եթե նրանով քիչ բան է ասված: Խոսքի նվազագույն միավորը նախադասությունն է՝ մեկ ամփոփ, կարճ միտք. սա նշանակում է, որ համառոտ խոսքը կարող է արտահայտվել նույնիսկ մեկ բառով՝ «Այո՛», «Կիսուենք», «Իհա՛րկե» ևն: Համառոտ խոսքի օրինակներ են առածներն ու ասացվածքները, կոչերը, վերնագրերն ու անվանումները: **Ծավալուն** խոսքը մտածությունների մի ամբողջ շարք է, օրինակ՝ ընդարձակ նկարագրությունը, գեկուցումը, պատմվածքը, ավելի ծավալուն՝ վեպը, վեպերի շարքը ևն:

2.3.2. Բանավոր և գրավոր խոսք: Ըստ **արտահայտման եղանակի**՝ խոսքը լինում է **բանավոր** և **գրավոր**: Բանավոր խոսքը պատմականորեն նախորդում է գրավորին: Այն հնչող խոսքն է և ձևավորվում է հաղորդակցման ընթացքում: Չափազանց մեծ են հնչերանգի հնարավորությունները՝ նվազայնությունը, տեմպը, բարձրությունը, ելսէջումը ևն, կարևոր դեր են կատարում տրամաբանական շեշտը, դադարը, արտասանության հստակության աստիճանը ևն: Իբրև կանոն՝ ենթադրում է խոսողի և լսողի անմիջական շփում. հնարավորություն կա անմիջական կապ ստեղծելու լսարանի հետ: Բանավոր հաղորդակցումը հիմնականում իրականանում է միաժամանակ լսողական և տեսողական ուղիներով: Բանավոր խոսքի արտահայտչականությունը եավես ուժեղացնում են արտալեզվական գործոնները՝ շարժումները, դիմախաղը, հա-

յացքը, կեցվածքը, տարածական վարքը, հագուստը, փոխադարձ ընկալումը, արձագանքը ևն: Սովորաբար այն **հանպատրասից** բնույթ է ունենում. խոսող ստիպված է միաժամանակ և՝ մտածել և՝ խոսել, ուստի հաճախ ձևավորվում է ընդհատումներով, հատվածաբար, սակայն կարող է լինել նաև նախապես պատրաստված ու մշակված (զեկուցում, ձառ ևն):

Այս խոսքին բնորոշ է **անշրջելիությունը**. ինչպես ասում են՝ «Երեք բան երբեք չեն վերադառնում՝ արձակված նետը, ասված խոսքը, անցած օրերը», «Ասվածը կը հետ չեմ բերի», կամ՝ «Քանի դեռ խոսքը բերանում է, դու ես նրա տերը. հենց բերանիցդ դուրս եկավ, նա է քո տերը»: Սա նշանակում է, որ հաղորդակցական լուրջ իրավիճակներում մեծ պատասխանատվություն պետք է դրսերել ասվածի նկատմամբ, ծանրութեթև անել յուրաքանչյուր բառ: Արտահայտության ձևերն են զեկուցումը, գրույցը, բանավեճը, ձառը, կոչը ևն:

Բանավոր խոսքի անմիջական նպատակը որոշակի տեղեկություն կամ բովանդակություն արագ հաղորդելու ու ընկալելու է. խոսքի այս տեսակին բնորոշ են գրական լեզվի նորմերից շեղումները: Գործածական են խոսակցական բառեր, արտահայտություններ, խոսքային համառոտ կառույցներ՝ թերի ու միակազմ նախադասություններ, առավելապես պարզ նախադասություններ, բարդերից՝ շարահարությամբ (առանց շաղկապների) կապված բաղադրիչներով համադասական նախադասություններ: Հազվադեպ են դերբայական դարձվածները, ավելի հաճախակի են հանդիպում եղանակավորող բառեր, ձայնարկություններ, զանազան միջարկումներ, կրկնություններ. բնորոշ են զեղչումը, շարադասական խախտումները:

Գրավոր խոսքը ձևավորվում է մարդկության զարգացման համեմատաբար բարձր փուլում՝ որպես գրանցման նշանային համակարգ: Իրացվում է գրային պայմանական նշանների (տառեր, գաղափարագրեր, պատկերագրեր ևն) գործադրմամբ, ընկալվում է տեսողությամբ կամ շոշափելիքով: Գրավոր խոսքը բացառիկ կարևոր դեր է կատարում մարդկային մտքի մշակման, մտածողության զարգացման և կատարելագործման մեջ. այն քաղաքակրթության զարգացման չափազանց էական գործոն է:

Գրավոր խոսքը հնարավորություն է տալիս մարդկության կուտակած գիտելիքը ամրագրելու և փոխանցելու սերնդից սերունդ: Այն հաղորդակցման միջնորդավորված ձև է, որի վրա անմիջականորեն չի ազդում ընթերցողների արձագանքը: **Անհամեմատ մշակված** է. հեղինակը կարող է անդրադառնալ գրածին, ուղղել փոփոխություններ կատարել, դարձնել ավելի տպավորիչ ու

ազդեցիկ: Գրավոր խոսքում հիմնականում գործառում է խստորեն նորմա-վորված գրքային-գրական լեզու:

Գրավոր կամ բանավոր խոսք ընտրելիս անհրաժեշտ է հաշվի առնել մի շարք գործոններ՝ խոսքի թեման, տեսակը, լսարանը, իրավիճակը, միջավայրը, խոսողի անհատական կարողությունները, հմտությունը ևն: Այսպես օրինակ՝ գիտական գեկուցումը, հաշվետվությունը, դատավճիռը, ուղերձը, տեղեկագիրը և խոսքի այլ տեսակներ բնական են հնչում, եթե արտահայտվում են գրավոր ձևով: Փաստաբանի ելույթը, ողջունի կարծ խոսքը, բաժակաձառը կամ շնորհավորանքի մտերմիկ խոսքն ավելի տպավորիչ են, եթե բանավոր են հնչում. նման դեպքերում հուշաթուղթ օգտագործելը թուլացնում է խոսքի ազդեցությունը: Բանավոր արտահայտիչ գրավիչ խոսքի արվեստին տիրապետելը շնորհի և բանիմացության նշան է:

2.3.3. Մենախոսություն և երկխոսություն: Ըստ մասնակիցների քանակի՝ տարբերակում են **մենախոսություն և երկխոսություն:** Առաջինը մեկ մարդու խոսք է, որով նա դիմում է այլ անձի կամ լսարանի կամ ինքն իրեն. մենախոսության տեսակներ են գիտական գեկուցումը, դասախոսությունը, ելույթը ևն: Խոսքի այս տեսակը սովորաբար ծավալուն է, նախապես մտածված ու ծրագրված: Կարևոր դեր ունեն արտալեզվական միջոցները՝ լսարանի արձագանքը, միջավայրը, իրադրությունը ևն: Մենախոսելիս լսարանի կամ խոսակցի վրա տպավորություն թողնելու և ներազելու համար փորձ ու հմտություններ են պետք:

Երկխոսության ժամանակ հաղորդակցումն իրականացվում է երկու կամ ավելի անձերի միջև. սա **իրադրային** խոսք է, սովորաբար հանպատրաստից և մեծապես պայմանավորված խոսքային իրադրությամբ: Երկխոսության ձևավորման վրա մեծ ազդեցություն ունեն ոչ խոսքային հաղորդակցման միջոցները՝ խոսակիցների փոխհարաբերությունն ու մտերմության աստիճանը, տրամադրությունը, քննարկվող խնդիրների բնույթը, խոսողների սոցիալական և ինտելեկտուալ մակարդակը, այլ անձանց ներկայությունը ևն: Հաճախ **հատվածական** բնույթ է կրում. եթե գրուցակիցները մտերմներ են, լավ գիտեն իրար կամ տիրապետում են քննարկվող խնդիրներին, ապա գրույցն ընթանում է սահուն, փոխըմբռնման պայմաններում, ուստի կարող է ընդմիջարկվել, կրծատվել: Խոսքը կտրտվում կամ հաճախակի ընդմիջարկվում է նաև այն դեպքում, եթե գրուցակիցները հուզված են կամ բանավիճում են: Բոլոր դեպքերում շատ կարևոր է, որ խոսակիցները կարողանան լսել իրար,

հասկանան ասելիքը և ապա արձագանքեն. հակառակ պարագայում խոսքը կձախողվի՝ վերածվելով մենախոսության կամ չստացված երկխոսության:

2.3.4. Արտաքին և ներքին խոսք: Հստ արտահայտման ձեփ՝ խոսքը կարող է լինել արտաքին և ներքին: Արտաքին խոսքը հնչյունական-արտասանական կամ գրային իրացում ունեցող խոսքն է. դրանով է մարդը ներկայանում հանրությանը, իր միջավայրին, շրջապատին:

Ներքին խոսքը անձի ներաշխարհում ընթացող լույսայն խոսքն է. այն հնչյունական կամ գրավոր դրսուրում չունի, ուղղված չէ ունկնդրին կամ էլ հասցեազրված է երևակայական, ենթադրական որևէ խոսակցի: Սա մի տեսակ նախապատրաստություն է բարձրածայն խոսքի և արագ կարող է վերածվել մենախոսության կամ երկխոսության: Մեր մտածողությունն ու ներհոգեկան գործնթացները չեն կարող ընթանալ առանց խոսքի օգնության, ուստի երբ մենք լուր ենք, այնուամենայնիվ խոսում ենք. ներքին խոսքը մտքերն ու գործողությունները կանխատեսելու և ծրագրելու միջոց է: Այս խոսքին բնորոշ է **հատվածականությունը**, քանի որ մարդը սեփական մտքերը ծավալուն շարադրելու կարիք չունի. միայն մեկ բառ-հասկացությունը բավական է նրան՝ որևէ ընդարձակ միտք գիտակցելու կամ հասկանալու համար, հետևաբար օգտագործվող լեզվական միջոցները հասնում են նվազագույնի: Իր այս բնույթով ներքին խոսքը կարելի է համարել արտաքին խոսքի նախապատրաստման փուլ:

2.3.5. Հեղինակային և ուրիշի խոսք: Հստ պատկանելության՝ տարբերակում են **հեղինակային** և **ուրիշի խոսք**: Հեղինակային խոսքը խոսողից կամ գրական ստեղծագործության հեղինակից սերող խոսքն է՝ ի տարբերություն ուրիշի խոսքի կամ գրական հերոսների խոսքի: **Ուրիշի խոսքը** այլ անձի ասած (գրած) խոսքն է, որը մեշքերվում է հեղինակի (խոսողի) կողմից գրավոր կամ բանավոր կերպով: Հաճախ է հանդիպում առօրյա-խոսակցական լեզվում, գեղարվեստական գրականության մեջ, գիտական խոսքի որոշ տեսակներում:

2.3.6. Արձակ և չափածո խոսք: Արձակ խոսքը, որպես կանոն, կառուցվածքային ու ծավալային սահմանափակումներ չունի. խոսքի բնական վիճակն է և աչքի է ընկնում լեզվական ամենաբազմազան միջոցների գործածությամբ: Չափածո խոսքին բնորոշ են կառուցվածքային ու ծավալային որոշ պայմանականություններ՝ ընդունված կամ պարտադրված ձևեր ու հատկանիշներ (հանգ, ռիթմ, չափ, կշռույթ, լեզվական ձևերի ու ոճական միջոցների ընտրո-

դականություն են): Սա մի տեսակ արհեստական խոսք է, մտածողության ոչ բնական եղանակի արդյունք:

2.3.7. Պարբերությունը տեքստի՝ իմաստային ինքնուրույնություն և միասնություն ունեցող հատվածն է, որը կազմված է առնվազն մեկ նախադասությունից: Պարբերության նախադասությունները կապված են բովանդակային ու ոփթմահնչերանգային որոշակի ներդաշնակությամբ, բնորոշվում են կառուցվածքային, իմաստային ավարտվածությամբ, մասերի համաշափությամբ, կապակցվող տարրերի միատեսակությամբ, արտասանական գրեթե նույն տևողությամբ և հնչերանգային հստակ անցումներով:

Վարժություններ և առաջադրանքներ

1. Որո՞նք են լեզուն և խոսքը բնութագրող տարբերակիչ հատկանիշները:
2. Թվարկե՛ք խոսքի դրսնորման ձևերը:
3. Բերե՛ք համառոտ և ծավալուն, չափածո և արծակ, հեղինակային և ուրիշի խոսքի օրինակներ:
4. Նշե՛ք խոսքի բանավոր և գրավոր տեսակներին բնորոշ հիմնական հատկանիշները:
5. Համեմատե՛ք տրված հատվածները. նշե՛ք՝ ինչ հատկանիշներով են բնութագրվում մենախոսությունն ու երկխոսությունը, արտաքին և ներքին խոսքը, հեղինակային և ուրիշի խոսքը:

(ա) Հայր պատմական հայրենիքը գերադասում է իրական հայրենիքից: Գերադասում է, քանզի պատմական հայրենիքը խնամք չի պահանջում: Այդ հայրենիքը տուրք չի պահանջում, քրտինք չի պահանջում, պաշտպանության կարիք չունի: Եվ այդ հայրենիքի հմայքն այն է, որ այնտեղ ապրելը պարտադիր չէ: Եվ հարյուրամյակներ շարունակ մենք մեր հայրենիքը մաս-մաս դարձնում ենք պատմական հայրենիք ու կապվում հավաքական, չպարտավորեցնող, սրտագին սիրով:

Հայր հավաքական գոյությունից վեր է դասում հավաքական սերը առ ոչինչ: Հարյուրամյակներ շարունակ մաս-մաս մեր հայրենիքը դարձնելով պատմական՝ մաս-մաս ուժեղացնում ենք մեր հարևաններին, ուժեղացնելով՝ հոչակում թշնամի, նեղվում ենք թշնամու հարևանությունից, անիծում ենք մեր իրական հայրենիքի փոքրությունը և երազում մի հզոր, մի խաչակրաց բա-

նակ, որ դարձյալ կգա ու կանցնի մեր հայրենիքի, մեր պատմական հայրենիքի, մեր հարևանների վրայով ու այս անգամ, զուցե, հավերժորեն մնա (ՎՍ):

Բ) Մի երեկո հորս կրտսեր եղբայր Սեղբակը, հեծանիվը նստած, փողոցով ցած իջավ: Նա հեծանիվի ոտնակը դեմ տվեց փայտե մայթեզրին ու մոտեցավ.

- Ինչո՞ւ ես այդպես մտահոգ, - ասաց նա:
 - Առաջ մենք որտե՞՞ղ ենք ապրել - հարցրի ես:
 - Դու ծնվել ես այստեղ,- պատասխանեց նա:- Դու քո ամբողջ կյանքն այս հովտում ես ապրել:
 - Իսկ որտե՞՞ղ է ապրել իմ հայրը, - հարցրի ես:
 - Հին երկրում, - ասաց նա:
 - Քաղաքի անունն ի՞նչ էր:
 - Բիթիս:
 - Քաղաքը որտե՞՞ղ էր:
 - Լեռներում: Լեռներում էր կառուցված:
 - Իսկ փողոցնե՞՞րը:
 - Փողոցները քարերով էին սալարկված, ծուռումուռ էին ու նեղ:
 - Հորս Բիթիսի փողոցներում հիշո՞ւմ ես:
 - Իհարկե, նա իմ եղբայրն էր:
 - Դու նրան տեսե՞լ ես, - հարցրի ես: - Դու հորս տեսե՞լ ես լեռներում կառուցված քաղաքի փողոցներով քայլելիս:
- Ես վեր կացա, աստիճաններից ցած թռա ու քայլեցի տան առջև (ՎՍ):

Պ) «Քանի դեռ խանգարիչներս չեն եկել՝ ինձ հաշիվ տամ: Ես գնում եմ Երևան: Էս՝ ես եմ, էս՝ բեռներս. սա՝ օժիտը՝ ամեն ինչ ամբողջական. երկու բարձ, երկու վերմակ, երկու ներքնակ. սավանների փողը պետք է առանձին դնել. սրանք՝ կարպետը և գորգը. այն՝ կարպետը և գորգը. այս՝ երկու կտոր. (Կայարանը լիքը ժողովուրդ - աղջիկ ես՝ բեռներդ ական պահիր). խնձոր, ձու՝ շորս կտոր: Պանիր, կարագ՝ վեց կտոր: Ղառլման՝ յոթ, մեղրը՝ ութ. ձեռիս մածուն-մուծունը՝ ինը: Երևան եմ գնում, ինը կտոր բեռ ունեմ: Պանիրն ու կարագը խորչինի ակներում՝ դարձավ մեկ կտոր - ութ կտոր, մածուն - մուծունը պանրի վրա՝ յոթ կտոր, մեղրը կարագի հետ խորչինի մի ակնում վեց կտոր, խնձորը մնում է առանձին, ձուն՝ առանձին: Վեց կտոր, վսյո՛: Եթե ինձ շշաղեն՝ վեց կտոր բեռ ունեմ: Հիմա գնացքներում գողություն-ները քշացել են, էգուց Երևան եմ: Վսյո՛» (ՀՄ):

6. Տեքստը բաժանե՞ք պարբերությունների. կետադրե՞ք և ըստ անհրաժեշտության՝ լրացրե՞ք բաց բողած տառերը:

- 1) Ոչ միայն Երկիր մոլորակի այլ... երկնային քիչ թե շատ զգալի մեծություն ունեցող մարմինների կար...որ առան...նահատկություններից մեկը նրանց բազմուրուտային կառուցվա...քն է: Երկրագնդի կենտրոնից դեպի ազատ տի...զերք ու...ված եր...ակայական ձանապար...ին կիանդիպենք հետ...յալ ոլորտներին մի...ուկ մի...նապատյան (մանթիա) երկրակել... ջրոլորտ մ...նոլորտ: Մրանք Երկրագնդի մեջ այնպես են դասավորված ինչպես երեխաների համար պատրաստած խաղալիք գնդերը որտեղ արտա...ին գունդը կիսելիս մի...ից դուրս է զալիս մեկ ուրիշը նրա կիսվելուց հաջոր... գունդը մինչ... որ հասնում են անբաժանելի մի...ուկին: Որն է երկնային խոշոր մարմինների ոլորտային կառուցվա...քի պատճառը: Եթե միան...ամից պատասխանելու լինենք ապա կասենք քիմ...ական տա...երի զանգվածների տարբերությունները:
- 2) Հայտնի է որ ինչ-որ զանգված ունեցող մարմինը կարող է դեպի իրեն ձ...ել մեկ այլ զանգված այս եր...ույթի մեկնաբանությունն ամ...ովկած է Նյուտոնի օրենքում համաշխար...ային ձ...ողության օրենքում: Յուրաքանչ...ուր երկնային մարմին ունի ձ...ողականություն որն անվանում են ծանրահա... (գրավիտաց...ոն) ուժ: Երկրի վրա մենք ունենք ծանրության մեկ չափանիշ որը մոլորակի վրա ամենուրե... գրեթե նույնն է ա...շան տարբերություններով: Օրինակ Երկրի վրա նույն մար...ը կկշռի ասենք ու...սուն կգ բայց Լուսնի վրա վեց ան...ամ պակաս իսկ աստղերի վրա միլ...նավոր կիոզքամներ: Երկնային մարմիններն իրենց ձ...ողական ուժով բավականին հեռու տիրույթներից ձ...ում են ավելի փոքր մարմիններ երկնաբարեր և վեր...իններս ձ...տում են հասնել այդ երկնային մարմնի ծանրության կենտրոնին: Երկրագնդի վրա կ նույն օրինաչափությունն է նկատվում: Գոյություն ունի նաև մեկ այլ օրինաչափություն տարբեր մարմիններ տարբեր ծավալ են զբաղեցնում և տարբեր չափով են ձ...վում Երկրագնդի կողմից:
- 3) Մեր Գալակտիկան գոյություն ունի առնվազն տաս... միլ...արդ տարի այդ ըն...ացքում նրա կազմում տեղի են ունեցել մեծ փոփոխություններ: Ամեն տարի մի քանի տասն...ակ աստղերի նոր բ...նկումներ են տեղի ունենում իսկ մի քանի հար...ը տարին մեկ Գերնոր աստղերի սուպերնովաներ հզոր պայթ...ններ որոնց հետ...անքով աստղի կառուցվա...քը տակնուվրա է լինում: Գալակտիկա...ի աստղերը դասակար...ման սկզբ...ունքներ ունեն ըստ գունակազմի բաժանվում են տաս... դասերի: Յուրաքանչ...ուր դաս իր հեր...ին բա-

ժանվում է կի տաս... ենթադասերի որոնք արտահայտվում են թվերով զրո...ից ի...ը և զրվում են դասի կո...քին:

4) Ամենից ջերմ աստղերը զրո դասին են պատկանում մակեր...ութային ջերմաստիճանը երկու հազարից հասնում է հինգ հազար աստիճանի որի պայմա...երում տեղի է ունենում հել...ումի ի...ոնացում իսկ աստղի մի...ուկում ջերմամի...ուկային ռ...ակցիաներ: Մեր Արեգակը դասվում է G2 դասին այն դեղին թզուկ է վեց հազար աստիճան մակեր...ութային ջերմաստիճանով: Աստղաքիմ...ական ուսումնասիրությունները ցույց են տալիս որ քիմ...ական կազմի տեսակետից աստղերը բավականին նույնատիպ են ջրածնահել...ումային խնքնալուսավորվող ջերմ գազա...ին գնդեր են մի քանի միլ...ոն կիլոմետրի հասնող տրամագծով: Աստղերի վեր...ում նշված դասերը ստե...ծում են այսպես կոչված Գլխավոր հաջոր...ականություն որի վերին մասում ջերմ աստղերն են սպիտակ երկնագույն ցածր աստիճաններում կարմիր թզուկները:

ՄԱՍ 3

ԽՈՍՔԱՅԻՆ ԷԹԻԿԵՏ⁷

3.1. Ընդհանուր բնութագիր (28): 3.2. Արտալեզվական գործոններ (29): 3.3. Հնչերանգ և դիմելածն (32): 3.4. Իրադրություն և խոսքային կադապարներ (34): Վարժություններ և առաջադրանքներ (40):

3.1. Ընդհանուր բնութագիր: Ճիշտ հարաբերությունների ձևավորման և անմիջական շփման համար լեզվական գիտելիքների պաշարն անհրաժեշտ նախապայման է, բայց միակը չէ: Զրույցն արվեստ է, որին տիրապետելու համար անշափ կարևոր են ոչ միայն լեզվական գիտելիքները, այլև էթիկետի կանոնների իմացությունն ու կիրառությունը: Էթիկետը երեք բաղկացուցիչների ամբողջությունն է՝ **արտաքին տեսք, վարվեցողություն և խոսք**⁸. սրանք զգալիորեն փոխկապակցված են և փոխլրացնում են միմյանց:

Խոսքային էթիկետի տարբեր սահմանումներ կան⁹: Ընդունված է ասել, որ այն խոսքային տեղին միջոցների և վարվեցողության կանոնների համադրությունն է հաղորդակցական որևէ իրավիճակում: Ժամանակի ընթացքում յուրաքանչյուր ազգ մշակում է խոսքային և վարվեցողության էթիկետի իր կանոններն ու յուրահատկությունները, որոնք երբեմն խստորեն հակադրվում են միմյանց:

Այսպես՝ ձապոնիայում, որպեսզի չվիրավորեն (չնեղացնեն) գրուցակցին, անգամ բացասական պատասխանի դեպքում չեն գործածում «Ո՛չ», «Չգի-

⁷ «Խոսքային էթիկետ» բաժնի տեսական նյութը կրաստումներով և որոշ փոփոխություններով ներկայացվում է ըստ «Հայոց լեզու և խոսքի մշակույթ» դասագրքի համապատասխան բաժնի, հեղինակ՝ **Սարգսյան Լ.** (Տե՛ս «Հայոց լեզու և խոսքի մշակույթ», Եր., 2016, էջ 441-468):

⁸ Հմմտ. **Стернин И.**, Русский речевой этикет, Воронеж, 1996, էջ 3-4:

⁹ Тե՛ս **Формановская Н.**, Речевой этикет и культура общения, Научно-популярное изд., М., 2005, էջ 68, 73; **Стернин И.**, նշվ. աշխ., էջ 4: «Стилистический энциклопедический словарь русского языка», под ред. М. Кожиной, М., 2003: «Русский язык и культура речи» (соавт. **Гойхман О.**, **Гончарова Л.**, **Лапшина О.** и др.), М., 2009, էջ 117 ևն: Խոսքային էթիկետի, մասնավորապես դրա հիմնադրությների մասին տե՛ս նաև **Грайс Г.**, Логика и речевое общение, «Новое в зарубежной лингвистике», выпуск XVI, М., 1985, էջ 217-238:

տեմ», «Չի լինի», «Ճիշտ չես» արտահայտությունները¹⁰, իսկ Արևմուտքի և Արևելքի տասնյակ ազգերի խոսքային վշակույթում սրանք անհամաձյնություն արտահայտող չեզոք միջոցներ են: Կամ՝ արաբները, բուլղարացիները համաձյնություն, հավանություն արտահայտում են՝ զլուխը աջուձախ տարութերելով, իսկ անհամաձյնությունը՝ զլխի հետ ու առաջ շարժումով: Սակայն տասնյակ ազգերի համար այդ շարժումները ճիշտ հակառակ նշանակությունն ունեն: Մի ազգի համար ցածրածայն խոսելը չիմացության, շփոթմունքի վկայություն է, մեկ ուրիշի համար՝ պատվի ու հարգանքի, կամ՝ մի ազգի համար հայացքը հատակին հառած խոսելը հարգանքի նշան է, մեկ ուրիշի համար՝ արհամարհանքի ևն: Խոսքային և վարվեցողության էթիկետի այսպիսի տարբերությունները խորապես ազգային, պատմական, ավանդական և կրոնական կնիք ունեն:

Սակայն կան հատկանիշներ, որոնք, անկախ ազգային պատկանելությունից, ընդհանուր և համապարտադիր են խոսքային էթիկետի համար: Դրանցից են՝ **չափի զգացողությունը, զավկածությունը** (որոնք արտահայտվում են ինչպես խոսքով, այնպես էլ հագուստով, շարժումով, դիմախաղով), **հավասարակշռվածությունը, ուշադրությունը, հարգանքը խոսակցի հանդեպ, փոխզիջումը, փոխընկալումը**: Նշվածներից որևէ մեկի անտեսումը կարող է բացասաբար ազդել զրույցի ընթացքի վրա:

3.2. Արտավեզվական գործոններ: Կան տարատեսակ իրողություններ, որոնք հաղորդակցման գործընթացի մուտքն են և ուղղակիորեն պայմանավորում են խոսքային էթիկետը: Դրանք պայմանականորեն կարելի է անվանել արտավեզվական գործոններ, որոնցից յուրաքանչյուրը սահմանում է վարվեցողության որոշակի պահանջներ և թելադրում խոսքային համապատասխան միջոցներ: Դրանք միասնաբար ձևավորում են հաղորդակցման ողջ գործընթացը: Այդ գործոններից են՝ միջավայրը, անհատի հասարակական դերը, հագուստը, ավանդույթն ու ծիսակարգը, տարածական վարքը, զրուցակիցների դիրքը, հայացքը, շարժումը, դիմախաղը: Դիտարկենք դրանցից մի քանիքը:

Ա. Միջավայր: Հաղորդակցական հարաբերությունները, ըստ միջավայրի, բաժանվում են 3 խմբ՝ **պաշտոնական, ոչ պաշտոնական** (մտերմիկ), **կիսապաշտոնական** (պաշտոնական-գործնական): Դրանցից յուրաքանչյուրին բնորոշ է վարվեցողության և խոսքի ուրույն մշակույթը: Միջավայրը խոսքային

¹⁰ Сէ' ս Фролова О., Японский речевой этикет (лингвистический аспект), Новосибирск, 1997 (Ել. հասցե՝ <http://www.philology.ru/linguistics4/frolova-97.htm>):

Էթիկետը պայմանավորող ամենից գլխավոր գործոնն է. այն ելակետ է մյուս գործոնների համար:

- **Պաշտոնական միջավայր.** բնորոշ է ղեկավար-ենթակա, ուսուցիչ-աշակերտ, դասախոս-ուսանող, հաճախորդ-սպասարկու, անծանոթ-անծանոթ և այլ հարաբերություններին: Խոսակիցներից պահանջվում է խոսքային և վարվեցողության կանոնների կատարյալ պահպանում: Այս միջավայրում շփումները պետք է ընթանան որոշակիորեն սահմանված կարգով, քանի որ, անկախ ոլորտից և այլնայլ հանգամանքներից, առավելապես գործում է մեկ կարգի հարաբերություն՝ **գերադաս-ստորադաս:** Յուրաքանչյուրը պետք է հստակորեն ձանաշի և իրականացնի իր գործառույթները: Այս իրավիճակում պետք է բացառվի հատկապես անհատական-զգացական մղումներով թելադրվող գործելառմքը:
- **Ոչ պաշտոնական միջավայր.** բնորոշ է ընտանիքի անդամների, ընկերների, մտերիմների հարաբերություններին: Այս միջավայրը վարվեցողության և խոսքային էթիկետի կանոնների ազատությամբ, նաև բազմազանությամբ անմիջականորեն հակադրվում է պաշտոնականին: Հարաբերությունները անկաշկանդ են, գերակայում է հատկապես հավասարը հավասարի հետ սկզբունքը, շփումներում մեծ է հատկապես զգացական վերաբերմունքի դերը: Սակայն իրավիճակին խորթ մի երրորդ անձի ներկայությամբ ազատ շփումները պետք է որոշակիորեն սահմանափակվեն:
- **Կիսապաշտոնական միջավայր.** բնորոշ է գործընկերների, ոչ մտերիմ ծանոթների, հարաբերություններին: Այս միջավայրի համար փոքր-ինչ բարդ է որոշակի չափանիշներ սահմանելը. այն պաշտոնական և ոչ պաշտոնական իրավիճակների համադրություն է, որում խոսքային և վարվեցողության կանոնները գերազանցապես պայմանավորված են իրավիճակային հանգամանքներով և անընդհատ ենթակա են փոփոխության: Ծանոթության աստիճանը, տեղը, ժամանակը, տարիքը, սեռը, այլ անձանց ներկայությունը որոշում են, թե խոսքային էթիկետի որ դրսնորումից օգտվեն խոսակիցները:

Բ. Հասարակական դեր: Առանձնացվում է երկու տեսակ՝ **կայուն** (տևական) և **փոփոխական:** Առաջինը պայմանավորված է տարիքով, սեռով, մասնագիտությամբ, բնակության վայրով, աշխատանքային դիրքով ևն: Ըստ այդմ՝ առանձնացվում են, օրինակ, կնոջ և տղամարդու, ծնողի և երեխայի, դեկավարի և ենթակայի, մեծի և փոքրի դերեր: Երկրորդը պայմանավորված է միայն միջավայրի փոփոխությամբ: Այս դեպքում առանձնացվում են գործընկերոց, ըն-

կերոց, հյուրի, ուղևորի, անցորդի և այլ դերեր, որոնցից յուրաքանչյուրի համար խոսքային էթիկետը սահմանում է որոշակիորեն տարբեր կանոններ¹¹:

Գ. Հազուստը պետք է լիովին համապատասխանի անհատի դերին, գտնվելու տեղին, ժամանակին և ձշորեն լրացնի նրա կերպարը: Ժամանակի ընթացքում հանրային տարբեր ոլորտների համար (օր.՝ զինվորական համակարգ, կրթական, բանկային ոլորտներ ևն) ստեղծվել և ստեղծվում են համազգեստներ:

Դ. Ավանդույթին և ծիսակարգին առնչվող խոսքային և վարվեցողության կանոնները սովորաբար փոխանցվում են ժառանգորդաբար: Մրանցով պայմանավորված խոսքային կառույցներ են բազում բարեմաղթանքները, օրինանքները («Յոր որդու սեղան նստեք», «Կյանքդ ջրի նման երկար լինի») ևն:

Ե. Տարածական վարք: Խոսակիցների միջև, ըստ իրավիճակի, պետք է պահպանվի որոշակի տարածություն: Պայմանավորված ավանդույթով և զանազան գործոններով՝ տարածական վարքականոնի չափանիշները փոփոխական են: Օրինակ՝ անզիացիները, ֆրանսիացիները նույնիսկ ոչ պաշտոնական շփումներում պահպանում են որոշակի տարածություն միմյանց միջև, մինչդեռ իտալացիները, Արևելքի որոշ ժողովուրդներ, այդ թվում նաև հայերը սովորություն ունեն քիթ քիթ տալով զրուցելու նաև այնպիսի իրավիճակներում, երբ խոսակիցների միջև որոշակի տարածություն պահպանելը ուղղակի պարտադիր է: Համենայն դեպքում, խոսքային վարվեցողությամբ մենք առավելաբար հետևում ենք քաղաքակրթական միջազգային չափանիշներին:

Զ. Հայացք, դիմախաղ, շարժում: Զրույցի ընթացքում խոսակցին պետք է պահել ուշադրության կենտրոնում, պարբերաբար նայել նրան: Ողջ զրույցի ժամանակ, անկախ տևողությունից, **աչքերին անընդմեջ նայելը ճիշտ չէ.** Անեղուն հայացքը ճնշում է զրուցակցին: Թերևս առավել նպատակահարմար է ժամանակ առ ժամանակ հայացքը սահեցնել խոսակցին մոտ առարկաների վրա:

Խոսելիս մարդիկ միմյանցից ազդակներ են ստանում նաև **դիմախաղի և շարժումների միջոցով**¹²: Այս դեպքում նույնպես չափի զգացողությունը անհրա-

¹¹ Այս մասին մանրամասն տե՛ս Կրյոսին Լ., Речевое общение и социальные роли говорящих // Социально-лингвистические исследования, М., 1976:

¹² Հարդրավայցման ընթացքում շարժումների և դիմախաղի նշանակության մասին մանրամասն տե՛ս Պիզ Ա., Язык телодвижений. Как читать мысли окружающих по их жестам, М., 2003: Խաչատրյան Տ., Հարդրավայցման և աշխատանքային գործունեության ընդհանուր հմտություններ, Եր., 2012, էջ 21-34:

ԺԵՂՄՈՒԹՅՈՒՆ Է: Հաստատապես հաձելի չէ դեմքի՝ ոչինչ չասող արտահայտությունը: Այդ դեպքում զրուցակիցը թողնում է անտարբեր, սառը մարդու տպավորություն և վանում խոսակցին: Բայց նաև հաձելի չեն դիմային ակտիվ և տարատեսակ շարժումները, որոնք պարզապես կարող են հոգնեցնել կամ նյարդայնացնել խոսակցին:

Կարևոր են նաև շարժումները. անշարժ և մռայլադեմ զրուցակիցը թողնում է ծանր տպավորություն, և դժվար է նրա հետ շփման եզր գտնելը: Չափի զգացողությունը, զսպվածությունը խոսքային և վարվեցողության նորմերի անհրաժեշտ նախապայմաններ են:

3.3. ՀՆՉԵՐԱՆԳ և ԴԻՄԵԼԱՃԵՐ: Բոլոր իրավիճակներում զրույցը սկսելու համար առանձնակի կարևոր են ձայնի հնչերանգն ու համապատասխան դիմելաճեր: Ըստ եռթյան, որանք կատարում են կարգավորող դեր, խոսքի սկիզբն են և նպաստում են առաջին տպավորության ձևավորմանը:

Ա. ՀՆՉԵՐԱՆԳ: Զրույցի ընթացքում ձայնի բարձրությունը պետք է լինի այնքան, որ խոսակիցը չլարվի և կամ ստիպված չխնդրի մի քիչ բարձր խոսել: Պաշտոնական և կիսապաշտոնական միջավայրերում խոսքը պետք է արտաքերվի հստակ, ձայնի համեմատ և անխախտ հնչերանգով՝ առանց հուզառատ խանդավառության կամ վրդովմունքի: Նույնիսկ ամենաքեծ զրույցի ժամանակ արժե հիշել խոսքային էթիկետի կարևոր պայմաններից մեկը: Զեր կարծիքը, որքան էլ այն ճշմարիտ լինի, չպետք է հնչի որպես անվերապահ դատողություն կամ «դատավճիռ»:

Դետք չէ այնքան բարձր խոսել, որ մի երրորդ անձ կամա-ակամա վերածվի հարկադիր ունկնդրի:

Բ. ԴԻՄԵԼԱՃԵՐ: Յուրաքանչյուր զրույց սկսվում է դիմելաճերից: Խոսքային միջավայրով պայմանավորված՝ դիմելաճերը կարող են ունենալ հետևյալ դրսնորումները.

1. Պաշտոնական չեղոք իրավիճակում, երբ զրուցակիցը դեկավար է, և գիտեք նրա ազգանունը, դիմել՝ պարոն / տիկին-ով: Այս դիմելաճերը կարելի է զործածել՝ համարուելով պաշտոնի անվանը՝ պարոն / տիկին նախարար / ռեկտոր / վարչապետ / տնօրեն: Պաշտոնական վերամբարձ խոսքում ազգանվանը կամ անվանը պետք է ավելացնել հարգելի, հարգարժան, մեծարգո, պատվելի բառերից մեկը (սա տարածված է հատկապես զրավոր խոսքում՝ պաշտոնական նամակ, ուղերձ, դիմում ևն): Իսկ եթե խոսքն ուղղված է բազմա-

մարդ լսարանի, ապա գործածվում են նույն դիմելաձևերը՝ առանց ազգանվան կամ պաշտոնի անվան՝ **հարգելի՝ տիկնայք / պարոնայք / տիարք / հյուրեր** ևն:

2. Պաշտոնական և կիսապաշտոնական իրավիճակներում, երբ չգիտեք իս-սակցի անուն-ազգանունը, և գրույցն էլ ակնթարթային բնույթ ունի, կարելի է գործածել **Դուք** հարգական ձևը կամ **պարոն**, **տիկին**, **երիտասարդ** (**տղաս**), **օրիորդ** (**աղջիկ**), **հարգելիս** բառերը: Իսկ եթե զգում եք, որ գրույցը երկար է տևելու, ապա նախապես կարելի է ճշտել դիմելաձևը հետևյալ հարցումներով. «Ներողություն, Զեզ ինչպէ՞ս դիմեմ», «Կներեք, ի՞նչ է Զեր անունը», «Կասեի՞ք Զեր ազգանունը»: Պաշտոնական այնպիսի իրավիճակներում, երբ Զեզ նույնպես չեն ձանաշում, ճիշտ է, որ Դուք էլ ներկայանաք՝ նշելով Զեր անունը (անուն-ազգանունը), ըստ անհրաժեշտության՝ նաև հասարակական դիրքը: Ի դեպ, վերջին տարիներին հատկապես սպասարկման ոլորտում Արևմուտքի ազդեցությամբ բավականաշափ տարածվել է անվանաթերթիկ (փեյջ) փակցնելու մշակույթը: Փոքր-ինչ ուշադիր լինելու դեպքում կարելի է կարդալ խոսակցի անունը (ազգանունը) և դիմել ըստ այդմ:

Չպետք է մոռանալ, որ պաշտոնական և կիսապաշտոնական միջավայրերում խոսակցին միշտ պետք է դիմել **Դուք-ով**: Ընդ որում, խոսքը հավասարապես վերաբերում է երկու կողմերին՝ անկախ նրանից՝ դեկավա՞ր է, թե՞ ենթակա, դասախո՞ս է, թե՞ ուսանող, ավա՞գ, թե՞ կրտսեր գործընկեր: Եվ քանի դեռ գրուցակցից չեք ստացել **Դուք-ից դու-ի** անցնելու ակնարկ կամ առաջարկ, խորհուրդ չի տրվում ինքնակամ փոխել դիմելաձևը: Աշխարհում ընդունված դիմելաձևն է մասնագիտության, գրադմունքի անվան գործածությունը. ըստ այդմ՝ որոշ դեպքերում կարելի է ասել մատուցող, վարորդ ևն: Իսկ եթե շփումը պարբերական է ու երկարատև, ապա ուղղակի պետք է հարցնել անունը:

Գործնական շփումներում հասարակական տարբեր դիրքերում գտնվող անձինք կարող են մտերմանալ և ինքնաբերաբար անցնել ոչ պաշտոնական հարաբերությունների: Այս դեպքում բնական է **դու-դու** տարբերակը: Սակայն, անկախ մտերմության աստիճանից, պաշտոնական որոշակի միջավայրում, մասնավանդ դիրքով ցածր կամ տարիքով փոքր անձանց ներկայությամբ ճիշտ է **Դուք-Դուք-ի** գործածությունը: Իսկ եթե առանց պայմանավորվածության

Դուք-ից անցնում եք դու-ի, ապա սա երկու նշանակություն կարող է ունենալ. կա՝ մ բավարար չափով բարեկիրթ չեք, կա՝ մ չեք հարգում գրուցակցին¹³:

3. Ոչ պաշտոնական իրավիճակներում (հատկապես խոսակցական լեզվում) տիրում է դիմելածների խայտարդետ բազմազանություն. **բալես / բալիկս, հոգիս, արևս, ազիզ (ջան), մորաքույր (մորքուր), եղբայր, հորեղբայր (հոպար) ջան, կյանք(u), սիրելիս, ընկեր (ջան)** ևն: Սրանք առօրյա մտերմիկ շփումներում խոսքին հաղորդում են հուզական ինչ-ինչ լիցքեր: Առավել բնորոշ են ընտանեկան, ընկերական հարաբերություններին, և այս շփումներից դուրս թերևս չարժե կիրառել: Հարկ է միտքն ու խոսքը հարմարեցնել, վարժեցնել նրան, որ ոչ պաշտոնական դիմելածները չտեղափոխենք պաշտոնական կամ կիսապաշտոնական միջավայր:

3.4. Իրադրություն և խոսքային կաղապարներ¹⁴: Անկախ մեր գործունեությունից՝ յուրաքանչյուրս մշտապես հայտնվում ենք այնպիսի իրավիճակներում, երբ պետք է ողջունել, ծանոթանալ, շնորհակալություն հայտնել, ներողություն խնդրել, իրաժեշտ տալ, շնորհավորել ևն: Հանգամանքներով պայմանավորված՝ տարբեր են դրանց իրացման խոսքային կաղապարները, որոնք նպաստում են հարգալից և բարեկիրթ հաղորդակցմանը:

Հնարավոր է ծանոթանալու երկու իրավիճակ՝ ա) Ձեզ են ծանոթացնում որևէ մեկին, բ) Դուք անձամբ պետք է ծանոթանաք: Առաջին դեպքում անպայման գործածեք «(Ծատ) հաճելի է», «(Ծատ) ուրախ եմ», «Ուրախ եմ մեր ծանոթության համար» խոսքային կաղապարները: Երբ Դուք եք ծանոթանում, դիմե՞ք «Կարելի՞ է Ձեզ հետ ծանոթանալ», «Թո՞ւլ տվեք ծանոթանալ/ներկայանալ», «Ծանոթանանք, եթե դեմ չեք» արտահայտություններով:

Նոր ծանոթությունների ժամանակ խորհուրդ է տրվում շատ շխոսել: Ինչպես բոլոր հարաբերություններում, նոր ծանոթությունների դեպքում հատկապես կարևոր գործուններից է լսելու: Աշխատե՞ք ըլնդիատել, և քանի դեռ չեն հարցրել Ձեր կարծիքը, մի՛ շտապեք ինքնարտահայտվել ու մի՛ միջամտեք մյուսների գրույցին: Հրաժեշտ տալիս ցանկալի է ասել՝ «Ուրախ էի Ձեզ հետ ծանո-

¹³ **Դու / Դուք** դերանվան գործածության մասին հանգամանորեն տե՛ս **Формановская Н.**, Речевой этикет и культура общения, Научно-популярное изд., М., 2005, էջ 98-110:

¹⁴ Պաշտոնական, մասնավորապես դիվանագիտական վարվեցողության կանոնների և խոսքային էթիկատի մասին մանրամասն տե՛ս **Զալբյան Ն.**, Դիվանագիտական արարողակարգ և վարվելակերպ, Եր., 2003: **Լոյնի**՝ Դիվանագիտական վարվեցողության կանոնները, Եր., 2009:

թանալու համար», «Հաճելի էր, հուսամ՝ դեռ կհանդիպենք» և նման արտահայտություններ:

Բ. Ողջույն և հրաժեշտ: Սրանք հարգանքի դրսնորումներ են ծանոթների, երբեմն նաև անծանոթի հանդեպ: Պաշտոնական և կիսապաշտոնական իրավիճակներում ողջույնի առավել տարածված կաղապարներն են՝ «Բարև՝ Ձեզ/ձեզ», «Հարգանք(ներ)ս», հազվադեպ՝ «Զերմազին ողջույններս»: Խոսքն ուղեկցվում է ձեռքսեղմումով: Կանանց դեպքում ձեռքսեղմումը պարտադիր չէ. կնոքը ձեռք պետք է մեկնել այն դեպքում, եթե նա առաջինն է ձեռքը պարզում: Եթե բազմամարդ միջավայրում եք, ապա նախընտրելի է պարզապես բարձրաձայն ողջույնել: Միշտ պետք է հիշել հետևյալը. բարենք՝ ք՝ խոսակցի աչքերին նայելով և ժպտադեմ, նաև, ամենից կարևորը, բարենք՝ ք բարձր, հստակ լսելի ձայնով:

Ինչ վերաբերում է հրաժեշտին, ապա խոսքային կառուցները պաշտոնական և ոչ պաշտոնական իրավիճակներում գրեթե նույնն են՝ «Ցտեսություն», «Առայժմ», «Հաջողություն», «Մինչ նոր հանդիպում», «Շնորհակալություն հաճելի օրվա համար», «Լա՛վ մնա(ցեք)», «Բարի ճանապարհ / զիշեր»: Բազմամարդ իրավիճակներում նույնպես հրաժեշտ տալը պարտադիր է: Ընդհանրապես վարվեցողական կանոնների խախտում է անձայն և աննկատ հեռանլը: Դա կարող է ընկալվել որպես արհամարհանք կամ անհարգալից վերաբերմունք:

Գ. Շնորհակալությունը արձագանք է որևէ բարի գործի, մատուցված ծառայության, ուշադիր կամ նրբանկատ վերաբերմունքի համար: Պաշտոնական և կիսապաշտոնական իրավիճակներում հիմնականում գործածվում են «Թո՛ւյլ տվյեք շնորհակալություն հայտնել....», «Ուզում եմ շնորհակալություն հայտնել....», «Ընդունե՛ք մեր երախտագիտությունը....», «Խորին երախտագիտությամբ....» և այլ կաղապարներ:

Ոչ պաշտոնական իրավիճակում թերևս ամենից տարածված են «Շնորհակալություն / շնորհակալ եմ / շատ շնորհակալ եմ», «(Շատ) Ապրես» արտահայտությունները: Շատ կարևոր է նաև պատասխանական խոսքը. ըստ խոսքային կրիկետի՝ ցանկալի չէ գործածել «Չարժե՛/շարժի» բառը: Ճիշտ են՝ «Խնդրեմ», «Նորե՛ն համեցեք», «Մեծ հաճույքով», «Դժվար չէ(ր)», «Հոգ / խնդիր չէ» ևն:

Ընդհանրապես, բոլոր տեսակի շփումներում դրական գործի կամ խոսքի հանդեպ շնորհակալական վերաբերմունքը անհրաժեշտ է. շասված կամ ուշացած շնորհակալական խոսքը կարող է ընկալվել որպես անկարևոր, անհարգալից կամ արհամարհական վերաբերմունք:

Դ. Ներողություն: Եթիկետի կանոնների մեջ առաջնային նշանակություն ունի ներողություն խնդրելը: Միշտ չէ, որ «Ներողություն / կներեք» բառերը գործածվում են անպայման վատ արարքի կամ խոսքի համար ներողություն խնդրելու նպատակով: Որոշ դեպքերում այդ բառերի գործածությունը ուղղակի բխում է խոսքային նորմերից: Ասենք՝ անհրաժեշտ է ներողություն խնդրել, եթե, օրինակ, փողոցում որևէ անցորդից ինչ-որ բան եք հարցնում, կամ՝ որևէ մեկի աշխատասենյակ մտնելիս նախ պետք է հարցնել. «Ներողություն / ներեցե՛ք, կարելի՞՛ է / թույլ կտա՞՛ք»: Չի կարելի միանգամից դիմել բուն հարցով:

Արարքի կամ խոսքի համար ներողություն խնդրելիս խոսողի ձայնը պետք է լինի բարձր, բառերը պետք է արտաբերվեն հանդարտ և հստակ, խոսելիս պետք է նայել խոսակցի աշքերին: Եթե սխալը թույլ է տրվել այլ անձանց ներկայությամբ, ապա, ըստ վարկեցողության կանոնների, հենց նրանց ներկայությամբ էլ պետք է ներողություն խնդրել: Ընդ որում, ներողություն պետք է խնդրել բոլոր դեպքերում՝ անկախ խոսակցի տարիքից, սեռից, սոցիալական դիրքից:

Կարևոր է նաև պատասխանը: Եթե հասկանում և ընդունում եք գրուցակցի ներողությունը, ապա կարելի է մեղմել իրավիճակը, թուլացնել խոսակցի հոգեբանական լարվածությունը հետևյալ արտահայտություններով՝ «Եկեք մոռանանք....», «Ես եմ այդպես սխալվել....» ևն:

Ե. Անհամաձայնություն: Միշտ չէ, որ համամիտ ենք լինում գրուցակցի կարծիքին, և հաճախ ուզում ենք հայտնել մեր անհամաձայնությունը: Սա խոսքային մի իրավիճակ է, որում շատ զգուշ պետք է լինել՝ գրուցակցին չվիրավորելու համար: Մեր խոսքային կառույցներն այդ հնարավորությունն իհարկե ընձեռում են, միայն թե պետք է ճիշտ օգտվել դրանցից:

Այսպես. պաշտոնական և կիսապաշտոնական իրավիճակներում հարգալից փոխհարաբերությունների դեպքում չի կարելի խոսքը միանգամից սկսել «Միաւ եք / սխալվում եք....», «Ո՛չ, ճիշտ չեք....», «Դուք չգիտեք....», «Դուք կարծեք թե չեք հասկացել....» և նման կտրուկ պատասխաններով նույնիսկ այն

դեպքում, երբ գրուցակցի տեսակետը (խոսքը) իրոք սխալ է կամ անհիմն: Պետք է հաշվի առնել միջավայրային և իրադրական բոլոր գործոնները՝ գրուցակցի դիրքը, գրուցի ընթացքում հատկապես երրորդ անձի ներկայությունը, մտերմության աստիճանը և ըստ այդմ գործածել խոսքային այնպիսի կառույցներ, որոնք հաստատապես չեն վիրավորի գրուցակցին և կնպաստեն երկխոսության հանդարտ շարունակությանը:

Պաշտոնական-գործնական գրուցի կամ քննարկման ընթացքում անհամաձայնությունը կարելի է հայտնել մեղմասությամբ, ինչպես՝ «Զեր կարծիքը (տեսակետը), իհարկե, լսեցի, սակայն եթե չեմ սխալվում....», «Զեր թույլտվությամբ / եթե թույլ կտաք, մի բան հավելեմ....», «Ես լսեցի Զեզ, սակայն որոշակի առարկություն ունեմ. թույլ կտա՞ք / կարելի՞ է....», «Ներողություն, բայց կարծես ինչ-որ բան այն / պարզ չե....» ևն:

Ոչ պաշտոնական իրավիճակում կարելի է օգտվել առավել սեղմ կառույցներից, ինչպես՝ «Կներես / ների՛ր, բայց համաձայն չեմ....», «Այնքան ել ճիշտ չես....», «Մի բան այն չես ասում....», «Ինչքան հասկացա, դու.... բայց....» ևն: Նույնիսկ ամենաշերմ հարաբերությունների դեպքում վիրավորական են «Դու ի՞նչ գիտես, որ....», «Դու ի՞նչ ես հասկանում որ....», «Խելք չի հասնում՝ մի՛ խոսիր...», «Անհեթեթություն / հիմարություն / ապուշություն....» և նման արտահայտությունները:

Զ. Հաճոյախոսությունը Էական դերակատարություն ունի բոլոր հարաբերություններում: Այն դրական վերաբերմունքի դրսնորման և անհատին ոգևորելու լավագույն միջոցներից է. չէ՞ որ մի բարի խոսքը կարող է բարձրացնել խոսակցի ինքնազնահատականը, փոխել տրամադրությունը, նպաստել հարաբերությունների դրական զարգացմանը:

Կարելի է հաճելի խոսք ասել խոսակցի արտաքինի, ոճի, մտածողության, աշխատանքի, ընդունելության, հյուրասիրության և այլ որակների մասին: Եվ պետք չէ մտածել, թե ոք կարող է ընկալվել որպես շողոքորթություն: Չափավոր և տեղին հնչած հաճոյախոսությունը միշտ էլ փոխադարձաբար հաճելի է: Հաճոյախոսելիս ժպտացե՛ք, խոսե՞ք աշխույժ, նայե՞ք խոսակցին: Իմիշիայլոց և անհասցե նետվող հաճոյախոսությունը մի՛ բարձրաձայնեք: Շատ կարևոր է **պատասխանական խոսքը**: Հարկ է **հրաժարվել** մեզանում շատ տարածված անձաշակ ձևակերպումներից («Ճաշակող է բարձրացել», «Ես նույնն եմ, ուղղակի դու ես նոր տեսնում», «Ա՞ղդ է պակաս, թե՞ մաղդ» ևն): Խոսքային

Էթիկետը սահմանում է հետևյալ պատասխանները. «Շնորհակալ եմ հաճելի խոսքերի համար», «Հաձելի է լսել», «Նույնը կսեի քո (Ձեր) մասին» ևն:

Է. Հեռախոսագրույց: Դժվար է պատկերացնել ժամանակակից մարդու կյանքն առանց հեռախոսի: Սակայն միշտ պետք է հիշել, որ հեռախոսը ոչ թե ժամանցի, այլ տեղեկություն ստանալու միջոց է: Կան հեռախոսագրույցի էթիկայի մի շարք կանոններ, որոնք հաճախ են խախտվում մեզանում: Խոսքը հատկապես վերաբերում է պաշտոնական և կիսապաշտոնական միջավայրերին, քանի որ ոչ պաշտոնական իրավիճակները ենթադրում են առավել թերև, ազատ հարաբերություններ: Այսպես՝

1. Անկախ գրադեգրած դիրքից՝ էթիկայի կանոնները պահանջում են գործնական բնույթի հարցերով տուն զանգահարել: Խիստ անհրաժեշտության դեպքում զանգահարել մինչև երեկոյան ժամը **21:00-ը**:
2. Եթե հեռախոսագրույցը գործնական բնույթ ունի և հրատապ քննարկում կամ իրազեկում չի ենթադրում, ապա մի՛ զանգահարեք աշխատանքից հետո: այդ մասին կարելի է խոսել աշխատանքային հաջորդ օրը: Խոսքը հավասարապես վերաբերում է և՛ դեկավարին, և՛ ենթակային:
3. Զանգահարելիս ընդունված է պահել 3-4 զանգ: պատասխան չստանալու դեպքում անջատե՛ք հեռախոսը և նորից զանգահարե՛ք մոտ 30 րոպե հետո: Կրկին պատասխան չստանալու դեպքում այլևս մի՛ զանգահարեք. սպասե՛ք տվյալ մարդու զանգին: Այսպիսի դեպքերում, անշուշտ, հետադարձ զանգը (հետզանգը) անհրաժեշտ է:
4. Գործնական հեռախոսագրույցը պետք է կարծ լինի: Քննարկման ենթակա հարցերը պետք է լուծվեն գործնական հանդիպումների միջոցով (ընթացքում):
5. Խորհուրդ չի տրվում խոսքը սկսել «Ո՞վ է», «Ո՞վ է խոսում», «Ո՞ւմ հետ եւ խոսում» և նման արտահայտություններով: Զանգահարողն ինքը պետք է ներկայանա՝ նշելով անունը: Պայմանավորված զանգահարելու նպատակով, զրույցի բովանդակությամբ՝ պետք է նշել նաև ազգանունը, պաշտոնը:
6. Եթե խոսակիցն անծանոթ է, մի՛ դիմեք նրան դու-ով, կամ՝ ընկեր / ընկեր ջան, տիկին / տիկին (ջան), աղջիկ / աղջիկ ջան, երիտասարդ և նման դիմելաձևերով: Նախընտրելի է ուղղակի զրույցը սկսել չեզոք՝ հարգանքի հոգնակիով՝ Դուք-ով:

7. Որևէ մեկին (ծանոթ կամ անծանոթ) զանգահարելիս «Հարմա՞ր է խոսել», «Թույլ կտա՞ք մի բան հարցնել» և նման արտահայտություններով անպայման ճշտե՞ք,թե որքանով է հարմար խոսակցին, որ այդ պահին խոսի Ձեզ հետ:

8. Եթե խոսակիցը շատախոս է, և կամ զրույցն է անկարելոր, ապա նրան ընդհատե՞ք նրբանկատորեն: «Ների՞ք, փոքր-ինչ ուշ կխոսենք», «Հիմա դուրս եմ գալիս, հետո կխոսենք» և այսպիսի արտահայտություններով կարելի է կարձել զրույցը՝ չվիրավորելով խոսակցին: Մյուս կողմից էլ բնավ ցանկալի չէ, որ խոսակիցը փորձի ձգձել զրույցը «Մի բոպե, մի բան էլ ասեմ», «Կներես, բայց սա էլ ասեմ» և նման արտահայտություններով: Այսպիսի պահվածքը անբարեկրթություն է:

9. Երբեք **մի՛ ընդհատեք** զրուցակցին, եթե, իհարկե, դրա համար հիմնավոր պատճառ(ներ) չկա(ն): Եվ հիշե՞ք, որ ցանկացած չմտածված բառ կամ արտահայտություն կարող է բացասաբար ազդել Ձեր գործի և հարաբերությունների վրա:

10. Գործնական աշխատանքի կամ հանդիպման ժամանակ նախընտրելի է օգտվել հեռախոսի «անձայն» հրահանգից (ռեժիմից) կամ նախապես անջատել: Պատասխանելու դեպքում ներողությո՞ն խնդրեք զրուցակցից և խոսե՞ք շատ կարճ՝ գործածելով «Կներես / ների՞ք, հիմա հարմար չէ խոսել», «Քիչ ուշ կզանգեմ», «Քիչ հետո՝ զանգիր» խոսքերը:

Էթիկետի այս ընդհանուր կանոնները առավելաբար վերաբերում են հաղորդակցական չեղոք հարաբերություններին: Զաղորդակցման համար կան նաև այլ հանգամանքներ ու գործոններ, որոնցից յուրաքանչյուրը պահանջում է մյուսից տարբեր խոսքային մշակույթ: Բոլոր տեսակի հարաբերությունները պետք է կազմակերպել այնպես, որ իրականանա խոսքային վարվեցողության հիմնական նպատակը՝ քաղաքակիրթ հաղորդակցումը:

Գրականություն

- 1. Ավետիսյան Յու. և այլք.**, Հայոց լեզու և խոսքի մշակույթ, Եր., 2016:
- 2. Խաչատրյան Տ.**, Հաղորդակցման և աշխատանքային գործունեության ընդհանուր հմտություններ, Եր., 2012:
- 3. Չալրիմյան Ն.**, Դիվանագիտական արարողակարգ և վարվելակերպ, Եր., 2003:
- 4. Չալրիմյան Ն.**, Դիվանագիտական վարվեցողության կանոնները, Եր., 2009:
- 5. Գոյխման Օ., Գոնչարովա Լ., Լապшина Օ.** և արք., Русский язык и культура речи, М., 2009.

- 6.** Крысин Л., Речевое общение и социальные роли говорящих//Социально-лингвистические исследования, М., 1976.
- 7.** «Стилистический энциклопедический словарь русского языка», под ред. М. Кожиной, М., 2003.
- 8.** Стернин И., Русский речевой этикет, Воронеж, 1996.
- 9.** Формановская Н., Речевой этикет и культура общения, М., 2005.
- 10.** Фролова О., Японский речевой этикет (лингвистический аспект), Новосибирск, 1997 (<http://www.philology.ru/linguistics4/frolova-97.htm>).

Վարժություններ և առաջադրանքներ

1. Կազմե՛ք երկխոսություն «Ծանոթություն և համագործակցության առաջարկ» կամ «Այց աշխատանքի ընդունման գործակալություն. հարցազրույց» թեմաներով:
2. Ներկայացրե՛ք խոսքային իրավիճակներ ուսանողի ուշացման պատճառաբանությունների վերաբերյալ:
3. Ինչպէ՞ս կրկնեք անձանոթին (կին/սոլամարդ) որևէ հարցով՝ հաշվի առնելով, որ դիմացինը՝
 - Ձեզանից տարիքով մեծ է, բ) Ձեզանից տարիքով փոքր է, գ) տարեկից է:
4. Բնութագրե՛ք խոսքային կառույցների և վարվեցողության կանոնների առանձնահատկությունները տարբեր փոխադրամիջոցներում (հասարակական տրանսպորտում, ինքնաթիռում ևն):
5. Ինչպէ՞ս եք արձագանքում, երբ տրանսպորտային միջոցներից մեկում հեռախոսազանգ եք ստանում՝
 - դեկավարից, բ) ենթակայից, գ) ընտանիքի անդամներից, դ) ընկերոջից, ե) զինծառայողից:
6. Ինչպէ՞ս կվարվեք, եթե՝
 - գիտական գեկուցման հեղինակը թույլ է տվել բովանդակային անձտություն,
 - Դուք եք վրիպել գեկուցում կարդալիս:
7. Ինչպէ՞ս կարտահայտեք Ձեր անհամաձայնությունը, եթե գեկուցողը՝
 - Ձեր դասախոսն է, բ) համակուրսեցին է, գ) բարձրկուրսեցի է:
8. Ինչպէ՞ս կարձագանքեք, երբ Ձեզ նկատողություն է անում Ձեզանից տարիքով փոքրը / մեծը տարբեր իրադրություններում:

9. Թյուրիմացության համար հեռախոսազանգով ինչպէ՞ս ներողություն կխնդրեք՝

ա) դեկավարից, բ) ենթակայից, գ) ազգականից, դ) ընկերոջից / գործընկերոջից:

10. Ինչպէ՞ս կհամոզեք Ձեր ընկերոջը / ընկերուիոն, որ Ձեզ հետ որևէ միջնաման մասնակցի:

11. Հեռախոսազանգով շնորհավորե՛ք Ձեր ընտանիքի անդամներին / ընկերոջը / ընկերուիոն / ուսուցչին / դեկավարին՝

ա) ծննդյան օրվա առթիվ, բ) Նոր տարվա առթիվ, գ) Սուրբ Զատիկի առթիվ, դ) այլ տոնների առթիվ:

12. Ընտրե՛ք այն տարբերակը, որը չի հակասում խոսքային կրիկետի կանոններին:

Ա.

ա) Ձեր տեղեկատվությունը միանշանակ սխալ է:

բ) Ձե՞ք կարծում, որ տեղեկատվությունը, որին Դուք տիրապետում եք, ճշգրտումների կարիք ունի:

գ) Ես ճիշտ չեմ համարում Ձեր հաղորդած տեղեկատվության հրապարակումը, որովհետև չեմ ընդունում քերված փաստերի ու փաստարկների հավաստիությունը:

դ) Ես համոզված եմ, որ Դուք ապատեղեկատվություն եք տարածում: Լավ կլինի՝ լոեք:

Բ.

ա) Փորձե՛ք խելացի մտքեր արտահայտել. գուցե ստացվի:

բ) Դա քո խելքի բանը չէ. անցի՞ք առաջ:

գ) Ձեր արտահայտած մտքերին համաձայն չեմ, թեև կարծում եմ՝ դրանք իրավունք ունեն գոյություն ունենալու:

դ) Քո կարծիքը քե՞զ պահիր. մենք դրա կարիքը չունենք:

Գ.

ա) Հարգելի՝ գործընկերներ, ձեզ եմ ներկայացնում մեր նոր աշխատակցին:

բ) Սա մեր նոր աշխատակիցն է. ինքը համ է իմ ամենալավ ընկերն է:

գ) Ահա մեր նոր աշխատակիցը. այսօրվանից նա կդառնա մեր կոլեկտիվի անդամը:

Զգուշացնեմ, որ ծանոթ-ընկեր-բարեկամ հարաբերությունները հաշվի չենք առնում և աշխատում ենք, ինչպես հարկն է:

դ) Գուգո՞՛, նե՞րս արի, ծանոթացի՞ր մեր կողեկտիվի հետ:

Ե.

ա) Քիթք մի՞ խոթիր այնտեղ, որտեղ դրա կարիքը չկա:

բ) Մի՞ խառնվիր խոսակցությանը. դա քեզ չի վերաբերում:

գ) Ձեր միջամտությունը տեղին չէ. խնդիրը մասնագիտական լուրջ մոտեցում է պահանջում:

դ) Ապացուցողական բազա-մազա չգիտեմ. քո կարծիքը մեզ չի հետաքրքրում:

Ե.

ա) Մի կոպեկի խելք չունես, բայց ամեն ինչի մասին կարծիք ես հայտնում:

բ) Դու բան չես հասկանում. ձայնդ կտրի՞ր ու վե՞ր ընկիր տեղդ:

գ) Կարծում եմ՝ դեռ բավարար փաստեր չունես այդ հարցի մասին սեփական կարծիք հայտնելու համար:

դ) Պահ-պահ-պահ, կարծիք է ուզում հայտնել. մի սրա՞ն նայեք:

13. Օգտվելով համացանցից՝ բերե՛ք օրինակներ՝ համեմատելով մեզ և այլ ժողովուրդների բնորոշ բանավոր հաղորդակցման առանձնահատկությունները (ընդհանրություններ և տարրերություններ):

Հիշե՛ք, որ՝

1. Ժպիտը կարևոր է ողջույնի ժամանակ:

2. Առաջինը ներս մտնողն է բարևում:

3. Տարիքով փոքրը առաջինն է ողջունում մեծին:

4. Առաջինը տղամարդն է բարևում կնոջը:

5. Զեռքսեղմման համար մեկնում եք աջ ձեռքը:

6. Զեռքսեղմման համար առաջինը կինն է մեկնում ձեռքը:

7. Զեռքերը գրպաններում չի կարելի ողջունել / զրուցել:

8. Բարևելիս և խոսելիս չի կարելի ծամել:

9. Փողոցում, հասարակական վայրերում, ուսումնական հաստատություններում, բուժական իիմնարկներում բարձրաձայն խոսել, զրուցել չի կարելի:

10. Աեղանից օգտվելուց հետո հարկ է շնորհակալություն հայտնել համեր ուսելիքի համար:

11. Ապրանք գնելիս կամ վերադառնելիս անհրաժեշտ է շնորհակալություն հայտնել սպասարկման համար և ներողություն խնդրել, եթե անհարմարություն եք պատճառել:

12. Եթե դիմացինդ հեռախոսով է խոսում, նրան որևէ հարցով մի՞ դիմիր, մի խանգարիր, մի՞ խառնվիր խոսակցությանը:

ՄԱՍ 4

ԽՈՍՔԻ ԱՐԺԱՆԻՔՆԵՐԸ

- 4.1. Ճշուություն (44): 4.2. Հարստություն և բազմազանություն (149):
4.3. Ճշգրտություն և հստակություն (154): 4.4. Սեղմություն (158): 4.5. Տրամաբանականություն (161): 4.6. Արտահայտչականություն (175):**

Բոլոր ժամանակներում էլ խոսքը զորավոր ազդեցություն է ունեցել անհատների և հանրության վրա: Գեղեցիկ, արտահայտիչ խոսքը հաղթանակներ է ապահովել ռազմի դաշտում, հերոսացման է մղել հայրենիքի զինվորին, պայմանավորել է հաջողությունը անձնային հարաբերություններում և գործի մեջ:

Հին աշխարհում խոսքարվեստը առանձնացվել է որպես արվեստի ամենաազդեցիկ ճյուղերից մեկը: Պատմությանը հայտնի են հռետորական խոսքի ականավոր տեսաբանների ու ճարտասանների անուններ՝ **Դեմոքրենես՝** հռետոր և քաղաքական գործիչ (IV դ., մ.թ.ա.), **Արիստոնել՝** հռետորական արվեստի տեսաբան (IV դ., մ.թ.ա.), **Մարկոս Անտոնիոս՝** Հին Հռոմի քաղաքական հռետոր (I դ., մ.թ.ա.), **Կրոմվել՝** անգլիական բուրժուական հեղափոխության շրջանի քաղաքական գործիչ (XVII դ.), **Մարտին և Շեքսպիր՝** դատական ու քաղաքական հռետորներ (XVIII դ.), **Լումոնտով՝** հռետորական արվեստի տեսաբան, փիլիսոփա (XVII դ.), **Անատոլի Կոնի՝** դատական հռետոր (XIX-XX դդ.) և ուրիշներ:

Սոկրատեսը (V դ., մ. թ. ա.), ասում են, մարդու մասին կարծիք չէր հայտնում, քանի դեռ նրան չէր լսել: Մեծ փիլիսոփային է վերագրվում հայտնի արտահայտությունը՝ «Խոսի՞ր, որ ճանաչեմ քեզ»: **Լև Տոլստոյի** կարծիքով՝ գեղեցիկ, նպատակալաց, արտահայտիչ խոսելը բարձր մշակույթի արտահայտություն է, մտավոր զարգացածության նշան, վարվեցողություն է, կիրք լինելու ցուցիչ:

Հնում իմաստուն համարվելու համար երեք պայման կար, որոնցից մեկը **գեղջիկ** և **անվրեայ խոսելն** էր (մյուս երկուսը՝ ձիշտ վճիռ կայացնելը, անհրաժեշտ գործ կատարելը (Դեմոկրիտ)):

Խոսքի արժանիքների մասին ժամանակակից ուսմունքը մշակվել է մասնագետ-բանասերների կողմից: Առանձնացվել են խոսքի մշակույթի հետևյալ հիմնական որակները կամ այլ կերպ՝ խոսքի արժանիքները՝ **Ճշություն**, **հարատություն** և **բազմազանություն**, **ճշգրտություն** և **հստակություն**, **սեղմություն**, **տրամաբանականություն**, **արտահայտչականություն**, **մաքրություն**, **տեղինություն**, **չափավորություն** ևն: Ստորև կանդրադառնանք դրանցից առավել կարևորներին:

4.1. ՃՇՏՈՒԹՅՈՒՆ

4.1.1. Բովանդակության ճշություն (44): 4.1.2. Լեզվական նորմի պահպանում: Լեզվական նորմ հասկացությունը: Նորմավորման չափանիշները (44):

4.1.3. Հայոց գրական լեզվի հիմնական նորմերը՝ արտասահմանական, բառային, քերականական (45):

Ճշությունը խոսքի հաղորդակցական գլխավոր հատկանիշն է, քանի որ դրանով է պայմանավորվում փոխընկալումը: «Ճիշտ խոսել կարողանալը դեռ առարինություն չէ, բայց ճիշտ խոսել չկարողանալը ամոր է» (Ցիցելոն): **Խոսքի ճշությունն ունի երկու դրսնորում՝ բովանդակության ճշություն և լեզվական նորմի պահպանում:**

4.1.1. Բովանդակության ճշություն: Սա լայն հասկացություն է. նախ՝ ենթադրում է տեղեկույթի ճշություն՝ ճշգրիտ փաստեր, փաստարկներ, իրողությունների նկարագրություն, տարեթվեր, տեղանուններ ևն, և երկրորդ՝ դրանցից բխող դատողությունների, եզրակացությունների, **ընդհանրացումների ճշություն:** Երկու դեպքում էլ ամեն մի շեղում կամ անճշտություն էապես փոխում է խոսքի ազդեցության ուժը: Ճիշտ դատողությունները պետք է բխեն իրերի ու երևույթների բնույթից, ներկայացվող փաստերի իրական բովանդակությունից:

4.1.2. Լեզվական նորմի պահպանում: Խոսքի ճշության հիմնական պայմանը լեզվական նորմերի պահպանումն է լեզվի բոլոր մակարդակներում՝ արտասահմանությունից մինչև շարահյուսական կառույցներ:

Լեզվական նորմը լեզվական միջոցների գործածության համընդունված կանոններն են: Լեզվի ձևավորման և պատմական գարզացման ընթացքում ստեղծվում ու մշակվում են օրինաչափություններ, որոնք ընդունելի և ընդհանուր են դառնուու (համապարտադիր են) լեզվակիրառողների համար: Լեզվի նորմավորումը կամ կանոնարկումը ունի իր չափանիշները՝ լեզվական միջոցի գործածականությունը և տարածվածությունը, համապատասխանությունը լեզվի գարզացման օրինաչափություններին, լեզվական ավանդույթը ևն¹⁵:

4.1.3. Հայոց գրական լեզվի հիմնական նորմերը՝ հնչյունական (արտասանական), բառային, քերականական: Լեզվական նորմը մշակված և ամրակայված լեզվական կանոնն է լեզվի բոլոր մակարդակներում: Այս մոտեցմամբ էլ առանձնացվում են լեզվի հիմնական նորմերը՝ հնչյունական (արտասանական), բառային, քերականական: Առանձնացվում են նաև ենթանորմեր, ինչպես օրինակ՝ ուղղագրության նորմեր կամ կանոններ, բառակազմական նորմեր, նախադասության կազմության օրենքներ ու օրինաչափություններ ևն:

Ա. ՀՆՉՅՈՒՆԱԿԱՆ (ԱՐՏԱՍԱՆԱԿԱՆ) ՆՈՐՄԵՐ

Ա.1. Ուղղախոսություն (45): Ա.2. Տառադարձություն (47): Ա.3. Հնչյունափոխություն (48): Ա.4. Շեշտ (50): Վարժություններ և առաջադրանքներ (52):

Ա.1. Ուղղախոսություն: Խոսքի ճշտության առաջին պայմանը ուղղագրական և ուղղախոսական նորմերի պահպանումն է: Ուղղախոսությունը տվյալ լեզվի՝ հանրության կողմից ընդունված արտասանական նորմերի, այսինքն՝ ճիշտ խոսելու կանոնների ամբողջությունն է: Դա վերաբերում է ոչ միայն բառերի ճիշտ արտասանությանը, այլև նախադասությունների հնչերանգին, շեշտադրությանը, առանձին հնչյունների կամ հնչաշարույթի ճիշտ արտաքերմանը ևն: Գրական հայերենով հաղորդակցվելիս արտասանական անձշտություններից խոսափելու համար պետք է հիշել հետևյալը.

1) Ա, ի, ու ձայնավորները հայերենում ինչպես գրվում, այնպես էլ արտասանվում են՝ աղաթթու, կիսահաղորդիչ, մակարուծ, բառանիստ ևն:

2) Բառակզրում են արտասանվում է յէ՝ [յէ]րեալ, [յէ]նթախումբ, [յէ]րկնակամար, [յէ]թեր, բառամիջում՝ է՝ ք[է]կյալ, ժայթք[է]լ, շ[է]ղում, պատկ[է]ր: Եթե

¹⁵ Տե՛ս Ավետիսյան Յուլ., Հայոց լեզու և խոսքի մշակույթ, գիրք Ա, Եր., 2014, էջ 20-25:

բաղադրյալ բառերի բաղադրիչների կցույթում ե-ով սկսվող բաղադրիչին նախորդում է ձայնավոր, ապա ե-ն արտասանվում է յէ՝ կենսա[յէ]րկրաքիմիական, օդա[յէ]րկրաքանություն, կիսա[յէ]զրափակիչ, իսկ եթե նախորդում է բաղաձայն, ապա ե-ն արտասանվում է է՝ մակ[է]րիկամ, արե[է]լք:

Բառասկզբում ո-ն արտասանվում է վօ՝ [վօ]ղնաշար, [վօ]սպնյակ, [վօ]լորտ, իսկ բառամիջում արտասանվում է օ՝ հօսանք, կիսօրդ: Եթե բաղադրյալ բառերի՝ ո-ով սկսվող բաղադրիչին նախորդում է ձայնավոր, ապա ո-ն արտասանվում է վօ՝ ենթա[վօ]րովայնային, մշակութա[վօ]ծ, իսկ եթե նախորդում է բաղաձայն, ապա ո-ն արտասանվում է օ՝ բազմօտանի, կենսօլորտ, չարօրակ:

Սահմանված կանոնը, սակայն, ժամանակակից հայերենի ուղղախոսության մեջ ամբողջությամբ չի գործում: **Ան-** Ժիստական նախածանց ունեցող բառերի մի որոշ մասում գործում է արտասանական զուգահեռ տարբերակ. է-ի փոխարեն արտասանվում է յէ, իսկ օ-ի փոխարեն՝ վօ, ինչպես՝ ան[է]-ռանդ//ան[յէ]ռանդ, անօղնաշարավոր//ան[վօ]ղնաշարավոր (բայց՝ ան[է]զր, ան[է]րույթ, ան[է]զական ևն): -երկու և -երեք բաղադրիչներով թվականներում ե-ն հնչվում է նաև որպես յէ՝ քսան[յէ]րկու, հիսուն[յէ]րկու (սրանք հանձնարարելի չեն), փոփոք՝ քսան[է]րկու, հիսուն[է]րեք ևն: Արտասանական այս տեղաշարժերը մեր լեզվի արդի փուլի համար պետք է ընդունել որպես հայերենի ուղղախոսության մեջ ձևավորվող արտասանական զուգահեռ տարբերակներ՝ ան[յէ]րեակայելի//ան[է]րեակայելի, ան[վօ]խակալ//անօ-խակալ, վարսուն[է]րեք//վարսուն[յէ]րեք:

Էական փոփոխություն է տեղի ունեցել կ և չ քերականական մասնիկներին հաջորդող ե-ի և ո-ի արտասանության մեջ: Գրական լեզվի կանոնով սահմանված արտասանությունը՝ ե > է՝ կ[է]րկատվեն, չ[է]զրագծեն, ո > օ՝ կ[օ]սկ-րանան, չ[օ]րոնեն, այսօր աստիճանաբար իր տեղը զիջում է այդ հնչյուների՝ յէ և վօ արտասանությանը: Ըստ որում՝ այս դեպքում չի աղավաղվում սկզբնաձևի արտասանական պատկերը՝ [յէ]րկատվեն-կ[յէ]րկատվեն, [յէ]զ-րագծեն-չ[յէ]զրագծեն, [վօ]սկրանան-կ[վօ]ոսկրանան, [վօ]րոնեն – չ[վօ]րոնեն: Ամեն դեպքում ունենք արտասանական զուգաձև, որը միտում է դառնալու գրական լեզվի արտասանական կանոն:

3) Ը ձայնավորը չի գրվում, բայց թույլ արտասանվում է զբ, զգ, շտ, սկ, սպ, ստ և նման հնչյունակապակցություններից առաջ, ինչպես՝ [ը]զբաղվել, [ը]զգու-շանալ, [ը]սպոր, [ը]սպունգ, [ը]սկսել, [ը]ստեղծել, [ը]ստանձնել ևն:

Ճիշտ չէ որոշ քանակական թվականների՝ ավելորդ թ-ով արտասանությունը, այսպես՝ ոչ թե հինգ[թ], վեց[թ], յոթ[թ], ութ[թ], կամ՝ վարժուն[թ]մեկ, քառասուն[թ]չորս, այլ՝ հինգ, վեց, յոթ, ութ, կամ՝ վարժունմեկ, քառասունչորս ևն:

4) Եթե բառի մեջ և-ին նախորդում է բաղաձայն, ապա և-ը արտասանվում է եվ՝ բ[եվ]եկնախեծ, ար[եվ]մուտք, մակեր[եվ]ույթ ևն:

5) Գրական հայերենին բնորոշ չէ բաղաձայն հնչյունների փափուկ արտասանությունը՝ քմայնացումը, որը ոուսերենի ազդեցությամբ է մուտք գործել մեր բանավոր խոսք: Մի շարք բառերում դ, տ, թ գրային նշաններն արտասանվում են **ձ**, **ծ**, **ց** հնչյունների քմայնացված տարբերակներով, ինչպես՝ [ծյ]եխնիկա, գալակ[ծյ]իկա, [ծա]խնամիկա, ակա[ծ]եմիա, փոխանակ գրային ճիշտ արտասանության՝ տեխնիկա, գալակտիկա, դիխնամիկա, ակադեմիա:

6) Կրկնակ բաղաձայններն արտասանվում են կամ՝ որոշ տևականությամբ (ուղղաձիգ, տոննա, քջանյութ, տարրալույծ, ուղղակտուց), կամ զաղտնավանկի հնչմամբ (դ[թ]իմիկ, իմ[թ]խունց, ծնունդ[թ]դ, հույս[թ]ս): Ճիշտ չէ կրկնակ բաղաձայնների միջև թարառանելը, եթք այն գրական լեզվի կանոնվ բացակայում է, կամ առկա է արմատի ձայնավորի կամ երկինշյունի սղում: Ոչ թե՝ բ[թ]ջ[թ]ջային (քջիջ), պ[թ]յտ[թ]տահողմ (պտույտ), զ[թ]ն[թ]նել (զնին), այլ՝ բ[թ]ջջային, զ[թ]ննել, պ[թ]տտահողմ:

Ա.2. Տառադարձություն: Տառադարձություն է կոչվում տեքստի արտահայտումը հնչյունական գրության սկզբունքով: Մեկ այլ նշանակությամբ՝ տառադարձությունը գրային արտահայտության այն եղանակն է, որը գործածվում է սովորական ուղղագրական համակարգում օտար բառերի համար: Ճիշտ տառադարձման համար պետք է իմանալ որոշակի սկզբունքներ:

1) Օտար ր-ն (ոուսերենի թ-ն) բառասկզբում և բառամիջի արմատական բաղդրիչում տառադարձվում է ո՝ [ռ]ադիո, [ռ]ուբիդիում, Նովոռոսիյսկ, բառամիջում՝ թ՝ պ[թ]ռֆեսոր, ինե[թ]ցիա, Սանկտ Պետե[թ]բուրգ, և, և ձայնորդներից առաջ՝ թ՝ Կալիֆոռ[թ]նիա, Բե[թ]նարդ, Կա[թ]լեն, սակայն երեմն խախտվում է այս կանոնը՝ Նիդե[թ]լանդներ, ինտե[թ]նացիոնալ, Կա[թ]լ:

2) Ոուսերենից փոխառված բառերում օ(ո)-ն արտասանվում է օ՝ Դ[օ]ստ[օ]ւսկի, Մ[օ]սկվա, Ռ[օ]ստով, կամ՝ ռեակտ[օ]ր, պրոցես[օ]ր, վեկտ[օ]ր, պրոֆես[օ]ր, դոկտ[օ]ր, ռեկտ[օ]ր, կատալիզատ[օ]ր, տրանսպ[օ]րտ, Փարաջան[օ]վ: Սխալ է՝ Դ[ա]ստ[ա]ւսկի, Մ[ա]սկվա, Ռ[ա]ստով, ռեակտ[թ]ր, պրոցես[թ]ր, վեկտ[թ]ր, պրոֆես[թ]ր կամ՝ պրոֆես[թ]ր,

դոկտ[ը]ր, ռեկտ[ը]ր, կատալիգատ[ը]ր, տրանսպ[ը]րտ, Փարաջան[ը]վ (չպետք է շփոթել ա հողակապի հետ, որը հանդես է զայխ առանձին օտար և հայերեն բաղադրիչների միացման դերում՝ կեկտր/ա-՝ կեկտրալույծ, կեկտրակայծային, կեկտրամակարդիչ, կեկտրահաղորդիչ, եվր/ա-՝ Եվրատեսիլ, Եվրախորհուրդ, Եվրամիություն: Հայերենում Բելօրուց բարի ճիշտ տառադարձումն է ոչ թե Բել[օ]ռուս, այլ Բել[ա]ռուս:

3) Կրկնակ բաղաձայնները սովորաբար հայերենում արտասահմանվում են իբրև մենաբաղաձայն և այդպես էլ գրվում են, ինչպես՝ **аттестат** – ատեստատ, **ассистент** – ասիստենտ, **иммунитет** – իմունիտետ, **ассоциация** – ասոցիացիա, **Новороссийск** – Նովոռոսիյսկ, **Тольятти** – Տոլյատի, **congressman** - կոնգրեսմեն, **alligator** – ալիգատոր, **ammonium** – ամոնիում, **classicism** – կլասիցիզմ, **communist** – կոմունիստ, **collective** – կոլեկտիվ: Կրկնակ բաղաձայնների՝ հայերենում երկար կամ ուժգին արտասահմանության դեպքում որոշ բառեր գրվում են կրկնակ բաղաձայնով՝ վիլլա, Աննա, կիլովատու, կրկնակ **օօ-ն՝ ո՞ն՝** կոռպերատիվ, կոռորդինատ, կրկնակ **բբ-ն** (ռուս. **pp**) ձայնավորներից առաջ՝ **բ՝ բարիկադ, տեռոր, մնացած դեպքերում՝ ո՝ Մառ, Պյուռոս:**

4) Վերջին շրջանում օտար բառերի և հատուկ անունների տառադարձությունը ավելի մոտեցվում է փոխատու աղբյուրի արտասահմական առանձնահատկություններին: Տառադարձության սկզբունքները միասնականացնելու նպատակով հանձնարարվում է դեկավարվել հետևյալ կանոններով. 1. Անգլերեն **p, t, k-ն և k** արտասահմանվող c-ն տառադարձել բառասկզբում **փ, թ, ք,** մնացած դիրքերում՝ **պ, տ, կ.** Վերջին դեպքում կրկնավորները ևս տառադարձել մեկ բաղաձայնով, ինչպես՝ **[թ]աֆտ (Taft), [թ]եյլոր (Taylor), [թ]իմ (team), [թ]ենիս (tennis), [թ]արտեր (Carter), [թ]ենելի (Kennedy), [թ]եստ (test),** բայց ավանդաբար՝ **Նյու Յորք (New York), Մարկ (Mark), [S]կեն, [կ]ոնքրետ** ևն: 2. Անգլերենի **w(h)-ն** տառադարձել **ու (w-a-ն՝ ուո)**, բացի այն դեպքերից, երբ հայերենում իրար կողքի կարող են հանդիպել երկու **ու (wu, wo, woo)**. այս դեպքում գրել և արտասահմանվու, օր.՝ **[Ու]այտ (White), [Ու]այլդ (Wilde), [Ու]ոլտոն (Walton), [Դու]այտ (Dwight),** բայց ավանդաբար՝ **[Վ]աշինգտոն (Washington), [Դ]արվին (Darwin), [Վ]ատտ (Watt), [Վ]իլյամ (William)** ևն:

Ա.3. Հնչյունափոխություն: Լեզվական նորմերից շեղումները կապվում են նաև հնչյունափոխական առանձին իրողությունների հետ:

Բառի աձման ժամանակ (բառաբարդում, ածանցում) **ույ** երկինչյունը փոխվում է **ու-ի**, արտասահմանվում է **ու՝ համբույր** (ոչ թե՝ **համբուրել**,

լույս - լուսարձակում, լուսաբեկ, գույն - գունազգայուն, գունանյութ, թույն - թունասունկ, թունազեղծ, թույժ - ցրտաբուժություն, սովարուժություն, ողջուն - ողջունել: Ունենք նաև ընկուզկոտրիչ/ընկույզկոտրիչ, հնչութային//հնչութային, մշակութային//մշակույթային, սովորութային//սովորույթային (հանձնարարելի են առաջին տարրերակները, թեև հաճախ ավելի բարեհունչ են երկրորդները՝ հատույթային, հատույթավորել, կշռույթավոր, ձևույթային ևն):

Ճիշտ են համարվում **ի + ա > ե** հնչյունափոխությամբ առաջացած հետևյալ ձևերը՝ ընտանի + ական > ընտանեկան, հարսանի(ք) + ական > հարսանեկան, պատանի + ական > պատանեկան:

Առանձին բառերի բառակազմական և ձևակազմական որոշ հիմքերի տարրերակներից նախընտրելի են դրանց անհնչյունափոխ ձևերը, ինչպես՝ Աղասիի (Աղասու), Աղասիու (Աղասով), Դավիթաշեն (Դավթաշեն), Դավիթի (Դավթի), Սարգիսի (Սարգսի), Երեսունական (Երեսնական), Երեքունիի (Երեքունու), Երեքունիով (Երեքունով), հիսունամյա (հիսնամյա) ևն: Այս դեպքում չի աղավաղվում բառի պատկերը, և խոսքը հնչում է ավելի հստակ ու հասկանալի:

Մի շարք բառերի անձիշտ արտասանությունը կապվում է փոխազրեցական հնչյունափոխության հետ: Դա բառի մեջ հնչյունների՝ միմյանց վրա ազդելու հետևանքով տեղի ունեցող հնչյունափոխությունն է: Հնչյունափոխության այդ տիպին են պատկանում հետևյալները.

- **առնմանություն.** հնչյունը, ազդելով մեկ այլ հնչյունի վրա, ինչ-ինչ հատկանիշներով նմանեցնում է իրեն՝ ընդրոնունակ - ըմբռոնունակ, ճանապարհ - ճամփա, զքողել - սքողել, խառնածնության - խառնածնությամբ, արյուն - արյամբ.

- **տարնմանություն.** մի հնչյունը, ազդելով նույն կամ նման մեկ այլ հնչյունի վրա, ինչ-ինչ հատկանիշներով հեռացնում է իրենից՝ բանքակ - բամբակ, տունչ - շունչ արձագանք - արձագանք, բառքառ - բայբառ, սառուռ - սար - սուռ, բրբու. շիճուկ - սիճուկ, երեք - իրեք.

- **հավելում.** բառասկզբում կամ հնչյունների միջև ավելանում է ևս մեկը՝ նպաստելով դրանց կապակցմանը՝ աճար - հաճար, երկպառակություն - պառակտել, ագանել - հագնել, որթ - հորթ, խսկց.՝ կանաչ - կանանչ, ավելորդ - ավելնորդ, ծանր - ծանտր, թոնիր - թունիր.

- **համարանություն.** հաճախ իրար հետ գործածվող և զուգորդվող որոշ բառեր ազդում են միմյանց վրա, և մեկը աստիճանաբար սկսում է հնչյունական կազմով նմանվել մյուսին՝ բարձր//ցած – ցածր, խսկց՝ հոկտեմբեր//սեկտեմբեր, տարեկան//օրեկան, յոթանասուն//ութանասուն.
- կորուստ կամ անկում. բառի մեջ սղվում է որևէ հնչյուն՝ հայթհայթել - հայթայթել, հեղիեղատ - հեղեղատ, թմբքել - թմրել, խորհել - խոհ/ական, խսկց՝ սկեսուր - կեսուր, սկեսրայր - կեսրար, ջրաղաց - ջաղաց, թամբք - թամք.
- ամփոփում. միանման հնչյունախմբերի համառոտումն է՝ կեղծածամ - կեղծամ, աշխարհահայացք - աշխարհայացք, զրոսաշրջիկություն - զրոսաշրջություն, հասարակակարգ - հասարակարգ, ապաստանարան - ապաստարան.
- դրափոխություն. բառի մեջ հնչյունը փոխում է իր դիրքը՝ արմուկն - արմունկ, խասոր- սխսոր, կապերտ - կարպետ, խսկց՝ բանալին - բալանի, կմմբել - ձմկթել, բաշխել - բախչել, համբուր - համբյուր, անաղի - անալի - պանի:

Հնչյունափոխական այս երևույթների ազդեցությամբ երբեմն արտասանություն են մուտք գործում սխալ ձևեր՝ ամսեկան (<ամսական), անձեռնոցիկ (<անձեռոցիկ), անձիք (<անձինք), ալանի (<անալի), գտընվել (<գտնրվել), ձեռնըտու//ձեռնատու (<ձեռընտու): Գրական նորմի տեսակետից դրանք մերժելի ձևեր են:

Ա.4. Շեշտը որևէ հնչյունի առանձնացված և ուժեղ արտասանությունն է, որը արտահայտվում է ձայնի տևողությամբ ու բարձրությամբ. լինում է բառային և տրամարանական: Հայերենի բառային շեշտը կայուն - շարժական է. սովորաբար դրվում է բառի վերջին վանկի ձայնավորի վրա, իսկ բառի ամման կամ փոփոխության դեպքում տեղափոխվում է վերջին վանկ, ինչպես՝ մանր - մանք, ալի՛ 2 - ավշահանգո՛ւյց, արա՛գ - արագացո՛ւմ, պատի՛ճ - պատիճավո՛ր ևն:

ա) Մի շարք բազմավանկ բառեր կրում են երկու շեշտ, որոնցից մեկը գլխավոր է (ավելի ուժեղ է), մյուսը՝ երկրորդական, ինչպես՝ վե՛րակենդանացն և, ե՛նթավարանդայի՛ն, ո՛ւլտրամանուշակագո՛ւն, զե՛րմակարուծություն, հա՛մագոյակցություն, ուա՛ղինիդրոերկրաբանություն, վե՛րալիցքավորն և (առաջինը՝ թույլ, երկրորդը՝ ուժեղ) ևն:

բ) Եթե բազմավանկ բառի վերջին ձայնավորը գրվող կամ չգրվող ը-ն է, ապա շեշտն ընկնում է նախորդ վանկի ձայնավորի վրա՝ ա՛սող, բա՛րձր, բո՛ւրզը,

ծնո՞ւնդ ևն: Եթե ք-ն բարի միակ ձայնավորն է, ապա գրվում է և շեշտվում՝ չը խկ, շրը խկ, բայց՝ չըխկո՞ց, շրխկա՞լ ևն:

գ) Որոշ բառերում շեշտվում է նախավերջին կամ նրան նախորդող մեկ այլ վանկի ձայնավորը՝ գրե՛թե, իհա՛րկե, մի՛միայն, նա՛մանավանդ, մի՛գուց, մի՛թե, ո՛րերորդ, ո՛րեկ, որպե՞սզի ևն:

դ) Երկակի արտասանություն ունեն մի քանի այլ բառեր՝ գո՞նե՞ – գոնե՞, գու՞ց – գուցե, նա՞և – նաև, մա՞նավանդ – մանավա՞նդ, նո՞ւնիսկ – նույնիսկ, նո՞ւնպես – նույնպե՞ս, նո՞ւնպիսի – նույնպիսի՞ ևն: Երկակի արտասանություն է վերագրվում նաև -երորդ մասնիկով կազմված թվականներին՝ հի՞նգերորդ – հինգերո՞րդ, տա՞սներորդ – տասներո՞րդ, երեսուներե՞քրորդ – երեսուներեքերո՞րդ, քսա՞ներորդ – քսաներո՞րդ ևն: Սովորական են դրանց առաջին տարբերակները:

ե) Եթե բառը բարդ է, և բաղադրիչները կազմում են հարադրություն, ապա շեշտը հաճախ դրվում է առաջին բաղադրիչի վրա՝ ասե՞ս թե, դո՞ւս գալ, ի՞նչ-ոք, իսո՞ս տալ, հե՞նց ոք, միա՞յն թե, մի՞տք անել, նե՞րս մտնել, ո՞ւր ոք է: Այլ դեպքերում շեշտը դրվում է հարադրության վերջին բաղադրիչի վրա՝ ասել-խոսե՞լ, ի դե՞պ ևն:

գ) Օտար հատուկ անունների ուղիղ ձևերում պահպանվում է բնագրի շեշտադրությունը, իսկ թերված կամ ածանցված ձևերում գործում է հայերենի ընդհանուր կանոնը՝ Լումոնն սով – լումոնոսովյա՞ն, Մենդելեևի՛ – Մենդելեևի, Մե՛չենով – Մեշենովի՞ն, Միջն տիկն – Միջուրինո՞վ, Ֆրա՞նսիա – Ֆրանսիայի՞ց:

Վերջին շրջանում այդ բառերի թեք ձևերում հաճախ պահպանվում է բնագրի շեշտադրությունը Մենդելե՞ևի, Միջն տիկնով, Ֆրա՞նսիայից ևն: Դրանք կարելի է համարել արտասանական գուգաձևեր՝ նախապատվությունը տալով հայերենի արտասանական կանոնով տարբերակներին:

Ժամանակակից հայերենում տրամաբանական շեշտն ունի ձարտասանական-իմաստային նշանակություն. դրվելով որևէ բարի վրա՝ այն դարձնում է մտքի կենտրոն և իմաստային երանգ է հաղորդում ամբողջ նախադասությանը, ինչպես՝ «Գիտնականը հիմնավորե՞ց իր տեսակետը»: «Գիտնակա՞նը հիմ-նավորեց իր տեսակետը»: «Գիտնականը իր տեսակե՞տը հիմնավորեց»: «Գիտնականը հիմնավորեց ի՞ր տեսակետը»:

Վարժություններ և առաջադրանքներ

1. Դուքս գրեք այն բառերն ու բառաձևերը, որոնք ունեն արտասահմական գուգաձևեր:

ա) Տիեզերք, աներևույթ, որևիցե, գետեզր, արօարս, անողնաշար, աներկքա, երկվորյակ, եղբորորդի, չորսնել, նրբերշիկ, տասներեք, զանգռսկը, կորոշեն, արագոտն, անոտ, կիսաեփ, վաթսուներկու, պարզորոշ, նրբերանգ, միջազգային, ընդ որում, միոտանի, հնառած, իսկույն նեթ, բռնկվել, արտերկիր, եռոտանի, կերկատվեն:

բ) Անեկամտաբեր, ստորերկրյա, ամենաորակյալ, կողողեն, անենթակա, արձան, իննսուներեքերորդ, կենթադրվեն, բարձրորակ, մակարդակ, հաշմանդամ, առաջնակարգ, չեզրափակեցին, անեզր, չարորակ, արևառ, մեծերախ, կերկրայեր, փղոսկը, չենթարկվեց, կերևան, ուրսէ, հայորդի, չողլորել, վերելք, անոխակալ, զարկերակ:

2. Ճիշտ արտասահմեր հետևյալ բառերը:

ա) Ձեռնպահ, ձեռնբաց, դյուրահալ, ձեռնհաս, ձեռնտու, դրնբաց, հիսունվեց, տասնինը, վաթսունիինգ, քջային, գտնվել, միջանկյալ, ոելիեֆ, միջատ, բռնկվել, դրնփակ, ընկճվել:

բ) Թատերական, արհամարհել, թագուհի, մատյան, ատյան, Իրաք, Դոստուսկի, Դիանա, դիետա, դինամիկա, տեխնիկական, ակադեմիա, ատեստատ, տերմինալ, կինեմատիկա:

3. Գրեք ճիշտ ձևեր:

ա) Ամսեկան, օրեկան, նախազա(ն), հաշվապա(ն), հույրասիրել, գույնավոր, բարեհամբյուր, բախչական, դիֆերենցյալ, տարեկետում, հոգեբարձու, ներեղություն, որևելետև//որտև, որպեսի, եկրորդ, առաջի, վերջի, ութանասուն, ընձեռնել, հինգը, բալանի, ալանի (ճաշ), ի շնորհիվ, հանձին ձեզ, բարյացկամ, սննկանալ, ոտնկայս, տաս, ըստ արժանավուն:

բ) Այսինքս, անձիք, հանձինս քեզ, ոչ մեկ, պարապոնք, իրավմամբ, ջղայն, պատկանելիություն, անրադառնալ, դաստիրակել, ուրեմս, առնվազը, մանրամասը, առայժմս, ընտանեական, ավելնորդ, անձեռնոցիկ, մանրունք, բարձրունք, ճանանչել, վիճվել, տուժվել, բռնվել (կառչել), ֆիդային, պատճե, սունյակ, աղուսյակ, հիցուն//հիթսուն, վացուն:

4. Տառադարձե՞ք տրված բառերը՝ բացատրելով օրինաչափությունները:

- ա) Ирак, радио, ринг, рентген, рельеф, реактор, профессор, ректор, Иран.
- բ) Калифорния, Карлен, Бернард, Берн, Карл, Шарл, Нидерланды, Берлин.
- շ) Достоевский, Москва, Воронеж, Параджанов, Лермонтов.
- դ) Вилла, ватт, масса, пассивный, тонна, гамма, грамм.
- ե) Taylor, Carter, Taft, Catherine, Peter, Sting.
- զ) Wilde, Whitney, Dwight, Wallace, Washington, Darwin, William, Walter.
- հ) Kennedy, tennis, dollar, stress, dress-code:

5. Վերականգնե՞ք բառահիմքերի անհնյունափոխ սկզբնաձևերը՝ նշելով հնչյունափոխությունը:

Օր.՝ սենեկապետ-սենյակ (յա > ե):

ա) Սենեկապետ, հուսահատ, սերնդակից, հոգյակ, ամայություն, ձնծաղիկ, կրկնուսույց, հուզիչ, մամոապատ, վրիպակ, ուղղահայաց, լրացում, փլվածք, սննդակարգ, սննդավատ, կատվախոտ, գիշակեր, խուսափել, գրնանյութ, ընդեղեն, անվանական, ջրազրկում, թոքաբշտային, սնուցաքչից, շոգեմշակում:

բ) Նրբակեղե, ուրվագծային, վայրկենական, սառցանավ, միջօրեական, կիզակետ, կղզյակ, փղոսկր, առօրեական, ջրատարրավուծում, ջրակյաց, տնտեսել, դեղնավուն, տաղտկալի, ըմպան, թրծված, խուզարկու, բնակորույս, խցանահան, կոճկել, քառակուսի, կապուտակ, առվակ, սառուցյալ, դրժել, երեքշաբթի:

6. Որոշե՞ք, թե տրված բառերում ինչպիսի հնչյունափոխություն է կատարվել:
Օր.՝ սարսուռ (սոնմանում՝ ո>ր):

Սարսուռ, ծակծկել, բորբիկ, արմունկ, դուռ, սխտոր, ձամփա, թափթիել, աշխարհայացք, հապա, հիշատակ, հասարակարգ, անբարբառ, նուռ, անձամբ, այլուր, կրունկ, սրողել, արձագանք, հարբել, հեղեղ, ձարտասան, օրրան, կսկիծ, զցել, անձնվեր, գդալ, խաշել:

7. Շեշտադրե՞ք տրված բառերն ու բառաձևերը. նշե՞ք շեղումներն ընդհանուր օրինաչափությունից:

ա) Ցույց տալ, կալիում, քիմիա, Գալիլեո Գալիլեյ, հանդուգն, քսանիինգերորդ, ինֆորմատիկա, դրամարկղ, գոնե, ծանր, Մեծ Բրիտանիա, որևէ, ապացուցելու է, ֆիզիկայից, նորեկիում, գրեթե, ման զալ, օվերայի, մի սպասիր, ընկերու, այսինքն, ենթախմբային, վերակառուցել, նույնպես, իհարկե, քանիերորդ, պատմել են, միթե, Դանիայում, ոչ մի, քիմիա, պայուսակդ, միգուցել:

բ) Իսպանիայից, վերաբաշխում, բոլորը, գնալ-գալ, որերորդ, մի թեր, թեև, փոքր-ինչ, չենք մասնակցում, նույնքան, անհնազանդորեն, ի հեճուկս, զիշանգդ, որտեղ որ է, ոչ ոք, ինչեւ, մակարդում, կիրառվում է, խելքներդ, տեխնոլոգիա, Վաշինգտոն, մանավանդ, տրամաբանորեն, համընդհանուր, հենց որ, ասել-խոսել, ի ծնե, գուցե, կարծես թե, զամփո, չի խոսի, միմիայն, ամենքը:

8. Տրված նախադասություններում փոխե՛ք տրամաբանական շեշտը: Բացատրե՛ք, թե ինչ փոփոխություններ եք կատարում դրա համար:

ա) Կենդանի օրգանիզմների գոյությունը ամբողջովին կախված է միջավայրի պայմաններից:

բ) Այս շրջաններում վաղը սպասվում է օդի ջերմաստիճանի անկում:

գ) Քիմիկոսները մանրէական բջիջների ոչնչացման նոր միջոց են հայտնաբերել:

դ) Երկիր մոլորակի մթնոլորտը ազոտի անսպառ շտեմարան է:

Բ. ԲԱՌԱՅԻՆ ՆՈՐՄԵՐ

Բ.1. Հայոց լեզվի բառապաշարը (54): Բ.1.1. Բնիկ հայերեն բառեր (55): Բ.1.2. Ստացվածքային բառեր (56): Բ.1.3. Փոխառություններ և օտարաբանություններ (56): Բ.1.4. Նորակազմություններ (59): Բ.2. Տերմիններ (61): Բ.3. Բառի կազմության սխալ ընկալում (64): Բ.4. Սոուզարանություն (65): Բ.5. Հապավական բարդություններ և համառոտագրություններ (66): Բ.6. Իմաստափոխություն (68): Բ.7. Հումանիշների շփոթություն (70): Բ.8. Հարանունների շփոթություն (71): Բ.9. Բառային գուզակցում (համապատասխանություն) (73): Բ.10. Ավելորդաբանություն և կրկնաբանություն (75): Վարժություններ և առաջադրանքներ (77):

Բ.1. Հայոց լեզվի բառապաշարը: Բառապաշարը լեզվի պարունակած բառերի ամբողջությունն է. այն լեզվի ամենից արագ փոփոխվող բաժիններից է և արտացոլում է ժողովրդի հասարակական ու տնտեսական-քաղաքական կյանքում տեղի ունեցող փոփոխությունները: Լեզվի պատմական զարգացման ընթացքում շատ բառեր հնանում են, մյուս կողմից՝ բառապաշար են մուտք գործում նոր բառեր ու բառիմաստներ: Հայերենը հարուստ բառապաշար ունի. բառերի թիվն անցնում է 300 000-ից:

Ամեն մարդ յուրացնում և գործածում է լեզվի բառապաշտի մի մասը միայն: Յուրաքանչյուր անհատ միջին հաշվով գիտի 20–25 հազար բառ և գործածում է դրանցից 3–4 հազարը: Մոտ 2000 բառ բոլորի բառապաշտում համընկնում է: Մնացածը տարբեր է լինում թե՝ քանակով, թե՝ կազմով՝ կախված մարդու մտավոր զարգացման մակարդակից, կրթությունից, գրադմունքից, հետաքրքրություններից, միջավայրից ու շփումներից: Գեղարվեստական գրականության մեջ հեղինակները իրենց ստեղծագործություններում գործածել են իրենց մայրենի լեզվի բառերի 10–12 տոկոսը: Օր՝ Շեքսպիրի ստեղծագործությունների բառապաշտարն ընդգրկում է 15000 բառային միավոր, Ա. Խահակյանի չափածոյի բառապաշտարը՝ 5000 ևն: Մեկ մարդու իմացած և գործածած բառերի ամբողջությունը տվյալ անհատի բառապաշտարն է:

Հայոց լեզվի բառապաշտարը դասակարգվում է ըստ մի քանի սկզբունքների՝ 1. ըստ ծագման կամ առաջացման աղբյուրների (ծագումնաբանական դասակարգում)՝ բնիկ հայերեն բառեր, ստացվածքային բառեր և փոխառյալ բառեր, 2. ըստ բառային կազմի շերտերի (շերտաբանական դասակարգում)՝ ընդհանուր բառեր, գրաբարյան բառեր, միջին հայերեն բառեր, բարբառային բառեր, նոր հայերեն բառեր, 3. ըստ գործածության և ընդգրկած ոլորտների՝ համագործածական և ոչ համագործածական բառեր, 4. ըստ կենսունակության կամ գործածականության՝ գործուն և չգործուն (ոչ գործուն) բառաշերտ, 5. ըստ ոճական–արտահայտչական գործածության ու դերի՝ միջոնային կամ չեղոք, ժողովրդախոսակցական և գրական–գրքային¹⁶:

Հայոց լեզուն, սերելով հնդեվրոպական հիմք լեզվից, ժառանգորդաբար վերցրել է այդ լեզվի բառապաշտի մի մասը, ինչպես նաև կատարել է փոխառություններ այլ լեզուներից: Ըստ Հրաչյա Աճառյանի «Հայերեն արմատական բառարան»-ի¹⁷ տվյալների՝ հայերենն ունի մոտավորապես 11000 բառարմատ: Ծագումնաբանական տեսակետից բառապաշտարը բաժանվում է մի քանի հսմբերի՝ 1. բնիկ հայերեն բառեր, 2. ստացվածքային բառեր, 3. փոխառություններ:

F.1.1. Բնիկ հայերեն բառերը հնդեվրոպական հիմք լեզվից սերված արմատներից կազմված բառերն են, որոնք ձևավորում են հայոց լեզվի բառապաշտի հիմնական շերտը և աչքի են ընկնում գործածության մեջ հաճախականությամբ: Հնդեվրոպական արմատների թիվը հասնում է մոտ 1000-ի: Դրանք

¹⁶Տե՛ս Մարգարյան Ա., Ժամանակակից հայոց լեզու. բառագիտություն, Եր., 1993, էջ 125–228:

¹⁷Տե՛ս Աճառյան Հ., Հայերեն արմատական բառարան, 2-րդ հրատ. հ. I–IV, Եր., 1971–1979:

մարդուն անմիջականորեն առնչվող իրողություններին վերաբերող բառեր են՝ **աշք**, **առասպեկ**, **արծաթ**, **ականջ**, **աղվես**, **այզի**, **ասել**, **դաղձ**, **սրունք**, **մարդ**, **գյուտ**, **առու**, **լույս**, **արև**, **ձյուն**, **հավ**, **իր**, **դրւստր**, **հայր**, **արտ**, **կամուրջ**, **մեկ**, **հինգ**, **ես**, **դու**, **դրու**, **գոր**, **գնալ**, **խոսել**, **ասել** ևն: Առանձին խումբ են կազմում **բնաձայնական բառերը**, որոնք բնության ձայների նմանողությամբ առաջացած բառեր են (օրը՝ նգ, չը՝ խկ, խշշալ, շշուկ, ֆշշոց, տղզալ, կշկշալ, ծլվլալ, մլավել ևն) և երբեմն իրենց նմաններն ունեն այլ լեզուներում:

Բ.1.2. Ստացվածքային բառեր: Մրանք այն բառերն են, որոնք մասնագիտական գրականության մեջ արժանահավատ ստուգաբանության չեն ենթարկվել, կամ որոնց ծագման վերաբերյալ կան էական տարակարծություններ: Ինչպես ենթադրվում է, ստացվածքային բառերը հայերենին անցել են հիմնականում Փոքր Ասիայում ապրող այն ժողովուրդների լեզուներից, որոնք ձուլվել են հայերին և հայացել: Այդ բառերն անվանում են կենդանիներ, բույսեր, գործիքներ, ընտանիք և ընտանեկան հարաբերություններ ևն, ինչպես՝ **ազահ**, **արռո**, **առջիկ**, **ամեր**, **առավոտ**, **բանջար**, **բարդի**, **գարի**, **թև**, **ծաղիկ**, **հաց**, **հունձ**, **ձայ**, **նժույզ**, **պարան**, **պատանի**, **սեղան**, **սոխակ**, **ուղեղ**, **փայտ**, **քամի** ևն:

Բ.1.3. Փոխառություններ և օտարաբանություններ: Փոխառությունները մի ժողովրդի լեզվից գրավոր կամ բանավոր ձանապարհով մեկ այլ ժողովրդի լեզվին անցած բառերն են: Հայերենը փոխառություններ է կատարում իր զարգացման բոլոր փուլերում: Ըստ այդմ՝ առանձնացնում են **ա) հնագույն ու հին և բ) նոր ու նորագույն փոխառություններ**: Հին հայերենը փոխառություններ է կատարել **իրանական լեզուներից՝** ազգ, աշխարհ, ապակի, բարձ, բրինձ, զազար, գունդ, գույն, դաշտ, դրախտ, դրամ, երակ, հազար, ձրագ, պանիր, վազր, վարդ, փող, **հատուկ անուններ՝** Անահիտ, Արշակ, Արտավազ, Վահագն, Վարդան ևն, **ասորերենից՝** աբեղա, առնետ, դար, հեթանոս, շաբաթ, տեղ, տղա, ցամաք ևն, **հատուկ անուններ՝** Աբգար, Եղիշե, Շուշան, Սարգիս ևն, **հունարենից՝** աղամանդ, ամբիոն, բյուրեղ, դափնի, եթեր, կանոն, կրկես, մետաղ, նեկտար, ստամոքս, տիտղոս ևն, **հատուկ անուններ՝** Անդրեաս, Հեղինե, Պետրոս ևն, **արաբերենից՝** ազապ, թաս, լոբի, կողապեր, հաշիշ, մզկիթ, սնդուկ ևն:

Նոր և նորագույն փոխառություններ հայերենը կատարում է **ռուսերենից** և **եվրոպական լեզուներից**. Որանք բացակայում են հայերենի նախորդ փուլերում և գործածվում են նոր հայերենում՝ **ալերգիա**, **աերորուս**, **բակալավր**,

բրենդ, գոլֆ, դելտա, դելֆինարիում, եվրո, էքստրիմ, խմունիտետ, խմպլանտացիա, լորրիզմ, կոալիցիա, մազհասրոս ևն:

Փոխառությունները լինում են անմիջական և միջնորդավորված: Անմիջական են այն փոխառությունները, որոնք փոխատու լեզվից ուղղակիորեն անցնում են փոխառու լեզվին: **Միջնորդավորված** փոխառությունները մեկ այլ լեզվի միջոցով են փոխանցվում փոխառու լեզվին՝ երբեմն կրելով վերջինիս արտասանական ազդեցությունը: Հայերենը այդպիսի փոխառություններ է կատարել հատկապես ռուսերենի միջնորդությամբ՝ եվրոպական լեզուներից, ինչպես՝ ալբոն, բանկ, գեներալ, գրամ, դոլար, դոկտոր, էլեկտրոն, էներգիա, կադր, կառչուկ, մեխանիկա, միլիարդ, պուեմ, ռադիո, տեխնիկա, օրգան, ֆակուլտետ, կուրս, պրակտիկա ևն:

Փոխառությունները լինում են անհրաժեշտ և անհարկի: Առաջինները փոխառվում են բառապաշարի համալրման իրական պահանջով, երկրորդները իրենց համարժեքները ունեն փոխառու լեզվում: Դրանց մի մասը ինչ-ինչ առավելությունների շնորհիվ (կարճություն, բարեհնշունություն ևն) կարող է որոշ ժամանակահատված գուգահեռ գործածվել, մրցել փոխառու լեզվի համարժեքների հետ, ինչպես՝ **ամենօրիա** - անհիշություն, **ակցենտ** - առողանություն, **գենդերային** - սեռային, **կոմա** - մահարմբիր, **մանիակ** - մտագար ևն: Սրանք կոչվում են **մրցորդ փոխառություններ**. Եթե հաղթում են, անցնում են հիմնական բառագանձ:

Վերջին տարիներին շատ բառերի հայերեն համարժեքները ավելի գործածական են դարձել, ինչպես՝ **վնասվածքաբան** - տրավմատոլոգ, **զբոսաշրջություն** - տուրիզմ, **երկանդամ** - բինոմ, **սրտաբանություն** - կարդիոլոգիա, **պատվատանյութ** - վակցինա, **խորաշափ** - ֆուտշոտկ, **համույթ** - անսամբլ, **լրագրող** - ժուռնալիստ, **նվազավար** - դիրիժոր, **սննդակարգ** - դիետա ևն:

Փոխառյալ բազմաթիվ բառերի համար հայերենում փոխարինիչ համարժեքներ ստեղծված են, սակայն դրանք առաջմ տարածված չեն և չունեն գործառական ակտիվություն, օրինակ՝ **արժենիշ (կրեդիտ), **բկառոք** (անզինա), **գեղարարություն** (դիզայն), **ընտրասերում** (սելեկցիա), **թաղթազրիչ** (ֆլումատեր), **լրամաս** (աքսեսուար), **հանրօդանալ** (աերորուս), **հպատակազրություն** (գրինքարտ), **մեղմիչ** (ամորտիգատոր), **ջղազարություն** (հիստերիա), **ցնցաբուժում** (շոկային թերապիա) ևն:**

Օտար բառերի՝ հայերեն համարժեքներով փոխարինումը սովորաբար չի վերաբերում այդ բառերի տերմինային գործածությանը: Օր՝ քիմիայում **ռեժիմ** և

ռեակցիա տերմինները գործածվում են անթարզմանաբար: **Սոդուլ** բառը հայերեն երկու թարգմանությունների կողքին (1. Բացարձակ մեծություն..., 2. Գործակից...) իմաստի նեղացմամբ շարունակում է պահպանվել թվերի տեսության, ճարտարապետության, մերենաշինության մեջ՝ որպես տերմին (3. Ելակետային ընդհանուր միավոր ծառայող չափ կամ թիվ): Կամ՝ **ֆունկցիա** բառը տերմինային գործածություն ունի մաթեմատիկայում, կենսաբանության մեջ ևն, մինչեռ այլ կիրառություններում սովորաբար գործածվում են հայերեն համարժեքները (1. Գործառույթ, 2. Դեր, նշանակություն, 3. Գործունեության՝ պարտականությունների ոլորտ ևն):

Անհարկի փոխառությունները, որոնք իրենց համարժեքներն ունեն փոխառութեավում և գործածվում են առանց հաղորդակցական անհրաժեշտության, կոչվում են **օտարաբանություններ**: Դրանք երբեմն կարող են կիրառվել ոճական նպատակներով՝ խոսքին զանազան արտահայտչական երանգներ տալու համար, սակայն այդ գործածությունը հանձնարարելի չէ գրական լեզվում: Օտարաբանություններ են, օրինակ՝ **ալտերնատիվ** (այլընտրանքային), **գրանտ** (դրամաշնորհ), **ինտերնետ** (համացանց), **միտինգ** (հանրահավաք), **պրոցես** (գործընթաց//ընթացք), **պրոբեմ** (խնդիր//հիմնախնդիր), **ռեզիոն** (տարածաշրջան) ևն:

Օտար բառի գործածությունը պետք է նպատակային լինի, այսինքն՝ անհրաժեշտությամբ պայմանավորված: Եթե օտար բառը հայերեն համարժեքի համեմատությամբ ոչինչ չի հավելում, չունի նրբիմաստներ, տերմինային նշանակության ինչ-ինչ առավելություններ, ապա այդ բառի գործածությունը ավելորդ է, անտեղի: Մինչև վերջերս փոխառություն համարվող մի շարք բառեր այսօր արդեն դիտվում են որպես օտարաբանություններ, քանի որ ունեն իրենց հայերեն համարժեքները, օր՝ **ամպլիտուդ** - լայնույթ, **անոմալիա** - շեղում, **բիոմետրիա** - կենսաչափություն, **դիագնոզ** - ախտորոշում, **ժելատին** - դոնդորդ, **իզոլյատոր** - մեկուսիչ, **իմպուլս** - ազդակ, **հիդրոֆիլ** - ջրալուծ, **ֆունգիֆիլային** - սնկասպան, **պսիխոանալիզ** - հոգեվերլուծություն ևն:

Հայերենը առավելապես փոխառու լեզու է, սակայն շատ բառեր ել այլ ժողովուրդների հետ ունեցած կապերի ու հարաբերությունների ընթացքում հայերենից կամ հայերենի միջնորդությամբ են փոխանցվել ուրիշ լեզուների՝ առյուս, ավել, գերան, գերանդի, եղան, խաչ, կիր, մածուն, մանգաղ, յուղ, նուշ, պղինձ, տաճար, տաշտ, տափան, տավար ևն: Դրանց մի մասը, լեզվից լեզու փոխանցվելով, փոփոխությունների է ենթարկվել և այլ «կերպարանք» ստա-

ցել: **Կաճ** (թաղիք) բառը, օրինակ, ոչ միայն հայերենից անցել է մի քանի այլ լեզուների, այլև փոփոխված **քեշա** ձևով կրկին վերադարձվել է նրան¹⁸:

Լեզվի բառապաշտի հիմնական շերտը կազմող ընդհանուր գործածական (համագործածական) բառերի կողքին առանձին խումբ են կազմում համեմատաբար քիչ կիրաւող բառեր՝ **նորաբանություններ**, **հնաբանություններ**, **բարբառային-խոսակցական** բառեր ևն:

Ժամանակի ընթացքում լեզվի բառապաշտի հարստանում է նոր բառերով ու բառիմաստներով՝ **նորաբանություններով**: Նորաբանությունները և՝ նոր ստեղծված բառերն են՝ **նորակազմությունները**, և՝ արդեն գործածության մեջ եղած բառերի նոր իմաստները՝ **իմաստային նորաբանությունները**:

Դժվար է հստակ սահման գծել ընդհանուր գործածական և նոր բառերի միջև: Նոր ստեղծված բառերը, եթե շատ են գործածվում, անցնում են ընդհանուր գործածական բառերի շարքը, օր՝ **ախտորոշում**, **ատենախոս**, **գործնթաց**, **ժողովրդագրություն**, **հականեխիչ**, **հայեցակարգ**, **մարզահամալիր**, **նստաշրջան**, **շարժասանդուղք**, **պարբերացում**, **ստուգայց** ևն: Այսօր դժվար է պնդել որ սրանք նորաբանություններ են: Ընդունված է դրանք կոչել **նոր բառեր**¹⁹: Պայմանականորեն նորաբանություններ կարելի է համարել վերջին մեկ-մեկուկես տասնամյակում ստեղծված և գործածության մեջ մտած բառերը:

Բ.1.4. Նորակազմություններ: Դրանց երբեմն անվանում են նաև **բառային նորաբանություններ**: Սակայն այս բնորոշումով սովորաբար նկատի են ունենում նաև փոփոխությունները, մինչդեռ բուն նորակազմությունները իրենց արտաքին հնչյունական կազմով նոր բառերն են: Նորակազմությունների առաջացման աղբյուրները բազմազան են: Դրանք նախ և առաջ բառակազմական գործող կադապարներն են՝ **բառաբարդում**, **ածանցում**, **հապավում**, ինչպես նաև **բառապատճենում**:

Բառաբարդում ասելով՝ հասկանում ենք արմատների կցումով կազմվող նոր բարդությունները, ինչպես՝ **այլընտրանքային**, **անկարգել** (պարաշյուտ), **աղիքութիւն**, **բազմաշաքար**, **գործառնություն** (օպերացիա), **դիմաշանյութ**, **թռչնախտ**, **հրթիռարձակ**, **մերսասրահ**, **պատկերամուտ** (սկաներ), **տեսաձայնագրառում**, **տուֆափշրաքար**, **օգտատեր** ևն:

¹⁸Տե՛ս **Աճառյան Հ.**, Հայերենի արմատական բառարան, հ. Բ., Եր., 1973, էջ 497:

¹⁹Տե՛ս **Աղայան Էդ.**, Ընդհանուր և հայկական բառագիտություն, Եր., 1984:

Նոր բառերի ստեղծման մեջ առավել ակտիվ դեր ունի **ածանցումք**. հիմնականում կիրառվում են գործուն ածանցմեր՝ **-ային** (անասնաճարակային, ավագաշիթային, հակախոցային), **ան-** (անդիրտ, անջրասույզ, անփոփոխակային), **-ելի** (բառակուսելի, խորանարդելի), **-անք** (արգելանք, արտազատանք, հյուծանք), **համ(ա)-** (համաբերվածք, համաձուլույթ), **-ական** (ցրտառական, ջերմուժական), **-իչ** (մետաղորսիչ, ջրամեկուսիչ), **-ույթ** (տեղեկույթ, խտույթ, հալույթ), **-ություն** (անհիշություն, միաբևեռայնություն, մթնազարություն), **-ում** (ածխերևակում, դոնդողագոյացում, օճառացում) ևն:

Ածանցումով շատ բառեր են կազմվում նաև **փոխառյալ** բառահիմքերից, օր՝ **ազրար+ային**, **գենդեր+ային**, **դիֆերենց+ելի**, **զոմբի+ացն+ել**, **էպօքսիդ+ային**, **լիցենզ+ավոր+ում**, **միցել+ային**, **ստենդ+ավոր+ել**, **դիզայներ+ական**, **քլոր+աց+ում** ևն:

Բառաբարդման մի տեսակ է նաև **հապավումք**, որը վերջին տարիներին քաղաքական և տնտեսական նոր իրադրության պայմաններում լայն գործածություն ունեցավ, ինչպես՝ **Հայինայրանկ**, **Հայմուսզազարդ**, **ԵԱՏՄ**, **ԱՊՊԱ**, **ԵԱՀՆ**, **ՀԱՊԿ** ևն:

Լեզվի բառապաշարը հարստանում է նաև **բառապատճենման** միջոցով. լեզվական միավորը ստեղծվում է այլ լեզվի համապատասխան միավորի կազմության կաղապարով, նրա ընդօրինակմամբ: Բառապատճենումները ոչ միայն առանձին **բառեր** են (թթվածին - кислород, ռոնդեղուր - носорог, շուկայագիտություն - marketing, ջրալույծ - hidrofil, ջրամերժ - hidrofob, սնկագիտություն - микология), այլև **բառակապակցություններ** (անոթային բույսեր - сосудистые растения, քջային հեռախոս - сотовый телефон, ջերմային ձառագայթում - тепловое излучение), **դարձվածքներ** (փողերի լվացում - отмывание денег, բանալի բառեր - key words, լողացող կուրս - плавающий курс), **հապավումներ** (Եվրադատարան - Евросуд, Եվրամիություն - Евросоюз) ևն:

Իմաստային նորաբանությունները արդեն գործածության մեջ եղած բառերի նոր իմաստներն են: Օր՝ **թափանցիկ** բառն ունի բառարանային 13 իմաստ, որոնց վերջին շրջանում ավելացել է նոր իմաստ՝ «վերահսկելի, արդար» (Ամեն ինչ արվում է ընտրությունները **թափանցիկ** դարձնելու համար): **Անձկացում** բառը իմաստի մասնավորման հետևանքով բժշկական տերմինահամակարգում ձեռք է բերել «զարկերակային պատերի նեղացում» իմաստը («Ախտորոշվել է մանր զարկերակների անձկացում»): Իմաստային նորաբանություններ են նաև՝ **դիմակ** - դիմահարդարման մեջ՝ մաշկի խնամքի համար

պատրաստված քուր (բույսերից պատրաստված թարմացնող դիմակ), լծակ - ներգործելու, ազդելու միջոց (հարցի լուծման համար կարևոր լծակներ գործադրել) են:

Իրենց ծագմամբ նորարանությունները լինում են հանրական և անհատական (կամ հեղինակային): Առաջինները ձևավորվում են նոր առարկաների, երևույթների, հասկացությունների երևան գալու հետևանքով՝ բնապահպան, դյուրակիր, զտաքաշ, կանխարգելում, համացանց, նաևթահումք, սրտավիրաբուժ, վարակասպան ևն: Երկրորդները ստեղծվում են անհատական, ոճական նկատառումներով, ինչպես՝ անտառերեն, թափեր, բուրավետիչ, ծառամաղցում, նախամայրամուտ, նյարդահար, ռադիոշնչաշափություն ևն:

Անհատական նորակազմություններից շատերը ստեղծվում են ուղղակի նյութի անմիջական թելառրանքով և ընդհանուր գործածական դառնալու նախադրյալներ չունեն: Այդպիսի լեզվական միավորները կոչվում են դիպվածային: Օր՝ ամենաքերձ, անմարդապաշտ, մնացողիկ, երակաշարժիչ, կամ՝ անտառահեն, քրեաքերթիկ, հարցատարափ, տոլկոսախեղող, եթերադուլ ևն: Անհատական նորակազմությունների գործածությունը արդարացվում է, եթե դրանք ունեն արտահայտչականություն: Դրանց մի մասը ընդունվելու դեպքում անցնում է բառարան և ստանում ընդհանուր գործածության իրավունք, ինչպես՝ կենսակրիպ, կենսադաշտ, կենսաքայլայում, գեղալող, համակարգչահեն, հիմնառանցք, հիմնանյութ, հիմնակորիզ, առաջնախաղ, աղմկանկուսիչ, արագացույց ևն:

Նոր բառեր ստեղծելու համար լեզվական ձաշակ ու զգացողություն է պետք: Հաճախ նոր ստեղծված հանրական նորակազմությունները չեն գոհացնում հասարակության լեզվական պահանջները և դուրս են մնում գործածությունից:

F.2. Տերմիններ: Տերմինը (լատ. *terminus*՝ սահման, եզր) բառ կամ բառակապակցություն է, որը ձևորեն արտահայտում է գիտության, տեխնիկայի, արվեստի, հասարակական կյանքի որևէ բնագավառի որոշակի հասկացություն: Ունի հետևյալ բնութագրական գծերը. 1. հասկացության անուն է. 2. իմաստը ձշգրտորեն սահմանելի է. 3. բովանդակային պլանը միշտ ձգուում է մենիմաստության. տերմինների մեծ մասը մենիմաստ է, մինչդեռ ընդհանուր գործածական բառերից շատերը բազմիմաստ են. 4. հիմնականում գոյականական արտահայտություն ունի. 5. գերծ է հուզազգացական երանգավորումնե-

թից, իբրև կանոն՝ չի ունենում իր հոմանշային տարբերակը, սովորաբար չի գործածում ոճական-արտահայտչական նշանակությամբ:

Տերմինային արժեքով կիրառվում են բառապաշարի՝ հասկացություն արտահայտող միավորները (նյութական իմաստ ունեցող խոսքի մասերը), առավելապես՝ **գոյականները**. ածականներն ու բայերը ավելի սակավ են գործածվում, դերանուններին ու մակրայներին տերմինային կիրառությունները հիմնականում բնորոշ չեն: Թերմինաստ կամ սպասարկու բառերը՝ կապերը, շաղկապները, վերաբերականներն ու ձայնարկությունները, գորկ լինելով նյութական իմաստից, տերմին չեն կարող դառնալ: Բայական տերմինները գոյականացման միտում ունեն՝ բնեղել - **բնեղուցում**, լսել - **լսում**, մերժել - **մերժում**, փոշուտել - **փոշուտում** ևն: Հայերենում սովորական է միևնույն բայահիմքից տարբեր իմաստներ արտահայտող տերմինների կազմությունը՝ **խոսել, խոսր, խոսույթ, խոսողություն** ևն, **մշակել, մշակություն, մշակույթ, մշակաբույս, մշակում** ևն: Ածականները տերմինային արժեքով հանդես են գալիս հիմնականում գոյականական բառակապակցության կազմում կամ ել, ինքնուրույնաբար գործածվելով, վերածվում են գոյականների (ինչպես՝ **ածական, վանական, բանակային, կուրսային** ևն):

Բառերը, դառնալով որևէ գիտության **տերմինային համակարգի** միավոր, ձեռք են բերում տերմինային իմաստ, որն արտահայտում է գիտության կամ որևէ այլ բնագավառի բնորոշ կոնկրետ հասկացություն և իբրև այդպիսին՝ տրվում է գիտական ճշգրիտ սահմանման: Տերմինները ձևավորվում և գործածվում են ըստ գիտության ու հասարակական կյանքի տարբեր բնագավառների՝ մշակույթ, քաղաքականություն, սպորտ, զանազան մասնագիտություններ: Պետք է նշել, սակայն, որ տերմինների միջև խիստ անջրպետներ չկան: Այսպես՝ կան տերմիններ, որոնք գործածվում են ամենատարբեր ոլորտներում կամ տերմինաշերտերում. օր՝ **արմատ** բառը տերմինային զանազան իմաստներով գործածվում է մաթեմատիկայում, լեզվաբանության մեջ, կենսաբանության որոշակի ճյուղերում, **սեռ** տերմիննը՝ մարդաբանության, լեզվաբանության, գրականագիտության մեջ, **եթեր-ը՝** ֆիզիկայում, քիմիայում, հեռուստատեսության բնագավառում, **դաշտ-ը՝** ֆիզիկայում, աշխարհագրության, լեզվաբանության մեջ, **նյութ-ը՝** քիմիայում, իրավաբանության մեջ, լրագրության ասպարեզում և այլուր: Սա գիտական լեզվում բավական տարածված իրողություն է, որը կոչվում է **տերմինային համանություն**:

Ասվեց, որ տերմիններին բնորոշ չէ հոմանջությունը, և տերմինային հոմանջության մասին խոսելիս այն հստակորեն պետք է առանձնացնել ընդհանուր բառագիտական հոմանջությունից: Այսպես՝ չկանոնարկված խոսքում **ատոմ - մասնիկ - մոլեկուլ** բառերը իրենց հիմնական իմաստով հոմանիշներ են: Մինչդեռ տերմինային համակարգում այդ բառերը առանձին տերմիններ են՝ տարբեր ձևակերպումներով. **ատոմ** (նաև՝ հյուզե) բառի համար տրվում է հետևյալ բացատրությունը՝ «քիմիական տարրի փոքրագույն մասնիկը, որ բաղկացած է միջուկից և էլեկտրոնից», **մոլեկուլ** բառի համար՝ «նյութի ամենափոքր մասնիկ, որ օժտված է տվյալ նյութի բոլոր հիմնական հատկություններով», **մասնիկ** բառի համար՝ «որևէ նյութի բաղադրիչ մաս կազմող առանձին՝ տեսանելի կամ անտեսանելի փոքրագույն հատիկ (կավի, փոշու մասնիկ)», իսկ լեզվաբանության մեջ սահմանվում է իբրև «բարին, բառահիմքին, բառարմատին կցվող երկրորդական ձևույթ»:

Տերմինների մեջ երբեմն հանդիպում են միևնույն հասկացությունն արտահայտող նույնիմաստ (նույնանիշ) բառեր, որոնք կոչվում են **բազմանուններ** (օր.՝ գունագար - լսնամաշկ, կապար - արձիճ, բաղդատական - համեմատական, խնդրառություն - կառավարում - հոլովառություն, բորսա - բիրժա, մրջնաթթու - մեթանաթթու ևն): Ժամանակի ընթացքում տվյալ տերմինահամակարգում սովորաբար կայունանում է բազմանուններից որևէ մեկը:

Տերմինները լեզվի բառապաշարի առանձին շերտ են, սակայն սովորական են դրանց և բառապաշարի այլ շերտերի փոխադարձ ներթափանցումները. համագործածական բառը կարող է գործածվել նաև տերմինային արժեքով (օր.՝ **ջուր** - քիմիական, **ականջ** - կազմախոսական, **բուփ** - բուսաբանական ևն): Հնարավոր է նաև հակառակ երևույթը, այսինքն՝ տերմինները կարող են ներթափանցել համագործածական բառաշերտ, օր.՝ **բջիջ**, **բթվածին**, **կարճատեսություն**, **մոլորակ**, **ռադիո**, **ջերմաշափ** ևն:

Տերմինների առաջացման ուղիները տարբեր են: Հայերենում կարելի է առանձնացնել հետևյալները.

- Բառակազմական միջոցներ.** հայերենի տերմինաբանության հարստացման հիմնական աղբյուրն է: Բառակազմական գործող կաղապարներով հայերենում ստեղծվել են հազարավոր տերմիններ: Բերենք մեկ-երկու օրինակ՝ **մակարույծ, ավշային, արագացուցիչ, սահանք, խաչասերում, իջվածք, հոտոտելիք, երկնոլորտ, նյարդաթել, ժամագոտի** ևն:

2. Բառիմաստի փոփոխություն. տեղի է ունենում բառիմաստի նեղացում, և համազործածական բառը վերածվում է տերմինի, օր՝ անկում, լարվածություն, խսություն, ծավալ, հզորություն, ձնշում, զիծ, գումար, կետ, հանում, հարթություն, շոշափող, սեղան (մաթեմատիկա), աղ, արծաթ, թթու, ջուր, մետաղ (քիմիա), ավիշ, բաժակ, ընտանիք, կարճ շարք, պսակ, տեսակ (կենսաբանություն) ևն: Տեղի է ունենում նաև հակառակ զորդընթացը. իրենց հերթին տերմինները կարող են վերածվել համազործածական բառերի, ինչպես՝ ձառագայթ, ձյուղ, արմատ, սիրո, բջջային, խճանկար, հեռատեսություն, նյարդային, ոռմանտիկ, վայրէջք ևն:

3. Փոխառություններ. հայերենի տերմինաբանության հարստացան հիմնական աղբյուրներից մեկն է: Հայերենը այլ լեզուներից փոխառել է գիտության տարբեր բնագավառներին վերաբերող հազարավոր տերմիններ՝ ալկալի, կիրեռնետիկա, էլիպս, իզորեմ, իներցիա, ինտեգրալ, հեմոգլոբին, մոդուլ, վոլտ, քվանտ, ֆոտոսինթեզ ևն:

4. Գրաբարից և միջին հայերենից փոխանցված բառեր. որոնք տերմինացման են ենթարկվում նույն իմաստներով կամ, որ ավելի հաճախադեպ է, իմաստափոխությամբ, ինչպես՝ քարտեզ նշանակել է մազաղաթի կամ թղթի կտոր, նամակ, հրովարտակ, զիրք, մատյան, արքանյակ՝ ժիր սպասավոր, պատանյակ, համբակ, ծառա, պաշտոնյա, օդաչու՝ օդախաղաց, օդագնաց ևն:

5. Բարբառային բառեր. որանց տերմինացումը կենսունակ միջոց չէ և հիմնականում հանդիպում է որոշակի ոլորտներում՝ գյուղատնտեսություն, բժշկագիտություն, արհեստագործություն ևն՝ գետաքերուկ, խառնուկ, այգեբաց, այգեփոր, ականջմտուկ, էտոց, դողլերոցք, աշնանացան, սղոց, գերանդի, մանգաղ, բահ, կարմրուկ, կումկոտրուկ, խոզուկ ևն²⁰:

Բ.3. Բառի կազմության սխալ ընկալում: Բառի սխալ գործածության պատճառ կարող է դառնալ բառի կազմության շիմացությունը՝ բառապատկերի անձիշտ ընկալումը: Այսպես՝ սնանկանալ բառը կազմվել է սնանկ ածականից (ստուգաբանորեն՝ սին - փուչ, դատարկ, անկ - ընկած) + ան + ալ բայակազմական կադապարով և նշանակում է սնանկ դառնալ՝ նյութական միջոցներից զրկված լինել ևն: Բայակազմությունը այս դեպքում չի ուղեկցվում հնչունափոխությամբ, հետևաբար՝ ոչ թե սնանկանալ, այլ սնանկանալ: Պատճեն բառի և վերջնահնչյունը թյուրիմացաբար ընկալվում է իբրև որոշիչ հոդ, և

²⁰ Տերմինների և տերմինաբանության մասին տե՛ս Աղայան Է., Տերմինագիտություն, Եր., 1978: Սուրբառյան Ա., Ժամանակակից հայոց լեզու, Եր., 1999:

բառը ստանում է պատճե սխալ ձևը: Նմանապես՝ ճրագալույց-ը դառնում է ճրագալույս (կապվելով լույս բառի հետ), տարկետում-ը՝ տարեկետում (կապվելով տարի բառի հետ), սրդողած-ը՝ սրտողած (կապվելով սիրտ բառի հետ), հոգարածու-ն՝ հոգերածու (կապվելով հոգի բառի հետ) են:

Այսօրինակ սխալի պատճառներից մեկն էլ մի բառի ձևի անհարկի նմանեցումն է (համարանությունը) մեկ այլ բառի: **Տարեկան** բառում, ինչպես զիտենք, առկա է **ի+ա>ե** հնչյունափոխությունը՝ **տարի+ական**. դրա նմանությամբ շատերը սխալ են կազմում և գործածում **օր** և **ամիս** բառերի՝ -ական ածանցով բաղադրված ձևերը՝ **օրեկան**, **ամսեկան**. Ճիշտ ձևերն են՝ **ամսական** (ամիս+ական), **օրական** (=օր+ական):

Բ.4. Ստուգաբանություն: Ուսումնասիրում է բառի «կյանքը», այն է, թե բառը սկզբնապես ինչ կառուցվածք և իմաստ է ունեցել, հետագայում կառուցվածքային ինչպիսի զարգացումներ է ունեցել, բառակազմական և կամ իմաստային ինչ փոփոխություններ է կրել են: Բառի ստուգաբանական վերլուծությունը, բնականաբար, ավելի խոր գիտելիքներ է պահանջում: Շատ բառեր այսօրվա ընկալմամբ պարզ կազմություն ունեն, մինչդեռ ստուգաբանորեն բաղադրյալ են: **Օր՝ անդունդ** < ան+դունդ (հատակ), **արահետ** < այր (տղամարդ) + հետ(թ), **արձագանգ** (արձագանք) < արձ (անծանոթ է) + գանգ (գանգուն՝ ձայն, հնչյուն), **այժմ** < այս + ժամ, **արմատ** < արմ(ն) + ատ, **դունչ** < ընդ + ունչ, **ընկեր** < ընդ (հետ, միասին) + կեր (ուտել), **ընտիր** < ըն(դ) + դիր (դնել), **թեկուզ** < եթե + կ + ուզե, **լուցկի** < լույց (վառի՛ք) + կի, **հրդեհ** < հր (հուր) + դեհ (կիզում, այրում), **չակերտ** < չ(ա) + կերտ, **սակայն** < սակ (պայման, սահմանված չափ, կարգ) + այն են:

Ստուգաբանությունը «բացահայտում է բառերի (ավելի ճիշտ՝ բառարմատների) նախնական ծագումը, որոշում, թե որ բառերն են, որ հնդեվրոպական հիմք լեզվից են սերում, որ բառերն են, որ այլ լեզուներից են փոխառվել, և որ բառերն են, որ դեռևս ճշտորեն չեն ստուգաբանվել²¹: Այսպես, օր՝ ստուգաբանությունը պարզում է, որ **հավասարազոր** բառը կազմված է **havasar**՝ նման, հավասար, և **zor**՝ ուժ, գորություն իրանական փոխառյալ բաղադրիչներից, **երիտասարդ** բառը բաղադրված է պիլ. **rētak** (պատանի) և **sard** (տարի) բառերից, **տերևակաղամբ** < ասոր. **teref** (տերև) և պր. **kalam** (կաղամբ) բառերից, **ստամոքս** < հուն.՝ ῥέρων < լատ. **stomachus** (ստամոքս), **կուլբ** < ասոր. **kulba** (շուն), **ցամաք** < եբր. **smq** (չորացնել): **Մարդ** (հնիս. **mrtg** ձևից) բառը բնիկ

²¹ Մարգարյան Ա., Ժամանակակից հայոց լեզու, Եր., 1990, էջ 30:

հայերեն բառ է. ստուգաբանորեն կապվում է **մեռնել** (նշանակում է «մահկանցու») բառի հետ, աղյուծ՝ հնիս. **reug** «մոնչալ» արմատից, **անկյուն**՝ հնիս. **ang** «ծովել կորանալ» + -յուն մասնիկը, **աղ-ը** նույնպես բնիկ հայերեն բառ է, զալիս է հնիս. **sald** ձևից²²:

Բ.5. Հապավական բարդություններ և համառոտագրություններ: 1. Հապավում կամ **հապավական բարդություն** կոչվում է բառակապակցության կամ սովորական բարդության բաղադրիչների հապավված, կրծատված ձևերի միացումով կազմված բարդությունը²³: Հապավումները հայերենում, ինչպես ուրիշ լեզուներում, առաջացել են համառոտագրությունների հիմքի վրա և սկզբնապես եղել են դրանց մի տեսակը: Հապավական բարդությունների կազմի մեջ մտնող հապավված բաղադրիչները կոչվում են **հապավույթներ**²⁴:

Հստ իրենց հապավույթների բնույթի՝ հապավումները լինում են **տառային** (ԵՊՀ, ՈՒՄ, ԻԿ, ԹԱԲ, բուհ, ԱԺ ևն), **վանկային** (ուսմասվար, ֆիննախ, տնտեսվար ևն) և **խառը** (ազրուկոհամակարգ, տուրքործակալ, Զորահեկ, քիմմաքրում ևն):

1. Վանկի արժեք չունեցող տառային հապավումները կարդացվում են տառ առ տառ: Օր.՝ **ԴՆԹ [դընթթը]** (դեօքսիտիրոնուկլեինաթթու), **ՄՄՌ [մըմթթը]** (միջազգային մազնիսական ռեզոնանս), **ՈՆԹ [ոռնթթը]** (ռիբոնուկլեինաթթու), **ՕԳԳ [օգրգը]** (օգտակար գործողության գործակից), **ՄՄՀ [մըմհիք]** (միավորների միջազգային համակարգ): Արևմտահայերենից վերցված տառային հապավումները հաճախ կարդացվում են տառերի անվանումներով: Օր.՝ **ՀՅԴ [հնիիդա], ՀՄԸՍ [հումենթթմեն]**:

Օտար լեզուներից վերցված տառային հապավումները (հայագիր փոխառյալ հապավումներ), եթե կարդացվում են տառերի անվանումներով, հնչադարձվում են և գրվում յուրահատուկ ձևով՝ որպես վանկային հապավումներ և մասսար մեծատառով, օր.՝ **ՍիԷնԷն, ԲիԲիՍի, ԷյԲիՍի**, իսկ եթե կարդացվում են որպես սովորական բառ, ապա գրադարձվում են և գրվում սովորական տառային հապավումների ձևով, օր.՝ **ՆԱՏՕ, ՅՈՒՆԵՍԿՕ, ԳՈՒԱՍ** ևն: Հանդիպում են նաև հայագիր փոխառյալ վանկային հապավումներ՝ «ԱրմենՏել», «Մեծգոսբանկ», «Ռոսնեֆտ» ևն:

²² Տե՛ս **ԱՃԱՐՅԱՆ Հ.**, Հայերեն արմատական բառարան, հ. I-IV, Եր., 1971-1979:

²³ Տե՛ս **Զաքարյան Հ.**, **Ավետիսյան Յուլ.**, Բառազիտություն, Եր., 2007, էջ 74-76:

²⁴ Հապավումների մասին մանրամասն տե՛ս **Աղայան Է.**, Ընդհանուր և հայկական բառազիտություն, Եր., 1984, էջ 295-301:

Ուղիղ ձևով (առանց հոլովական վերջավորության) գործածվում են միայն հատկացուցիչ պաշտոնում կիրառվող այն տառային հապավումները, որոնց բաղադրիչ տառերն արտասանվում են առանձին-առանձին (բաղաձայններն ուղեկցվում են զգրվող թ-ով)²⁵, օր.՝ ՀՀ Ազգային ժողով, ԱԺ նախագահ, ՀՀ ԿԳ նախարար, ՊՆ հայտարարությունը: Մյուս բոլոր դեպքերում, ըստ նույն որոշման, տառային հապավումները պետք է գործածել հոլովումներին հատուկ վերջավորություններով (կամ հոդերով), օր.՝ ՀՀ ԿԲ-ն հանդես է եկել նախաձեռնությամբ, այդ գործով գրադպեց ՊԱԿ-ը, ՄԱԿ-ի Անվտանգության խորհուրդ, ելնելով ԹԱԲ-ից՝ կունենանք...., հոսանքի ուժի կախումը ԷԼՇՈՒ-ից, ԱՄՆ-ն ավարտեց գորավարժությունները, ԱՄՆ-ում Հայաստանի դեսպան:

Գրավոր խոսքում երբեմն չի պահպանվում ընդունված սկզբունքը. բաղադրիչ տառերն առանձին-առանձին (բաղաձայնները՝ թ-ով) հնչող հապավումը գործածվում է ոչ թե ուղիղ, այլ թեք ձևով (ԶԺՀ-ի կառավարությունը, ՀՔԸՄ-ի մասնաճյուղ, ՔԴՄ-ի հայտարարությունը, ԱՄՆ-ի Կոնգրեսը), կամ միևնույն հապավումը, ըստ արտասանության, գրվում է մեկ ուղիղ, մեկ թեք ձևով, ինչպես՝ ԱԺ խոսնակ, ԱԺ-ի կանոնակարգը, ԿԲ գործունեությունը, ԿԲ-ի աշխատակիցներ, ԱՄՆ դոլար, ԱՄՆ-ի շահերը:

2. Համառոտագրություններ: Խնայողության նպատակով երբեմն հարկ է լինում հաճախ հանդիպող և ծանոթ բառերը, հատկապես անձնանունները գրել ոչ թե լրիվ, այլ համառոտ ձևով՝ կրճատելով դրանց որոշ մասը: Բառերի կրճատ գրությունը կոչվում է համառոտագրություն: Համառոտագրության մի քանի եղանակներ կան:

1. Գրվում է բառի սկզբնատառը, և կողքին կետ է դրվում, օր.՝ **Վ. Թալին** (Վերին Թալին), **Ա.թ.ա.** (Աեր թվարկությունից առաջ), **զ.ա.մ.** (զանգվածի ատումական միավոր), **Ք. ա.** (Քրիստոսից առաջ), **ս. թ.** (սույն թվականի):

Ավելի հասկանալի լինելու համար երբեմն գրվում են բառի առաջին մի քանի տառերը՝ բաղաձայնից հետո ընկած մասի կրճատումով: Օր.՝ **Հովհ. Թումանյան** (Հովհաննես Թումանյան), **օր.** (օրինակ), **հազ.** (հազար), **գնդ.** (գնդապետ):

2. Գրվում են բառի միայն բաղաձայնները կամ դրանց մեծ մասը, օր.՝ **հմմս.** (համեմատիք), **մսնգ.** (մասնագիտական), **աշխզ.** (աշխարհագրական), **փխր.**

²⁵ «Տերմինարանական և ուղղագրական տեղեկատու», Եր., 1988, էջ 311-312:

(փոխաբերական), **թժկ.** (թժշկագիտական), **երկրք.** (երկրաբանական), **հմկրգչ.** (համակարգչային): Եթե բառի վերջին բաղաձայնը գրվում է, ապա կետ չի դրվում, օր.՝ **պրն** (պարոն), **մլն** (միլիոն), **մլրդ** (միլիարդ), **հվ** (հարավ), **հս** (հյուսիս), **ևն** (և այլն):

3. Գրվում են բառի առաջին և վերջին տառերը կամ սկիզբն ու վերջը՝ միության գծիկով միացած, օր.՝ **պ-ն** (պարոն), **դ-ր** (դոկտոր), **լ-թ** (լուծույթ), **մ-ր** (մայոր), **փ/գ-տ** (փոխգնդապետ) ևն:

4. Զափ ու կշռի միավորների բաղադրյալ անվանումների համառոտագրությունները գրվում են երկու կամ երեք տառով (բաղադրիչների սկզբնատառերով), միասին և առանց կետի՝ նմանվելով փոքրատառով գրվող տառային հապավումներին: Օր.՝ **վ** (վոլտ), **մվ** (միլիվոլտ), **կԶ** (կիլոզոուլ), **թ** (րոպե), **լ** (լիտր), **գ** (գրամ), **մ³** (մետր խորանարդ), **մմ³** (միլիմետր քառակուսի), **կգ** (կիլոգրամ), **սմ** (սանտիմետր), **ՄԲ**²⁶ (մեգաբայթ), **դցմ** (դեցիմետր), **դԲ** (դեցիբել), **հս** (հեկտար): Սրանք հապավում չեն, բանի որ նոր բառ չեն դարձել և կարդացվում են լրիվ ձևով:

5. Բառակապակցությունը կամ բարդությունը համառոտագրելիս երբեմն գրվում են բաղադրիչների սկզբնատառերը՝ թեր գծով և առանց կետերի, օր.՝ **ս/թ** (սույն թվի), **մ/վ** (մետր/վայրկյան), **գ/ֆ** (գեղարվեստական ֆիլմ), **կվտ/ժ** (կիլովատտ/ժամ), **գ/ծ** (զինծառայող):

Եթե համառոտագրվող բառը հոգնակի թվով է, ապա համառոտագրությունը կրկնվում է (առանց բացատի), օր.՝ **պրոֆ.պրոֆ.** (պրոֆեսորներ), **ընկ.ընկ.** (ընկերներ): Մեկ տառով համառոտագրությունները կրկնվելիս գրվում են միասին՝ մեկ ընդհանուր կետով, օր.՝ **թթ.** (թվականներ), **դդ.** (դարեր), **հհ.** (հատորներ), **պպ.** (պարոններ): Համառոտագրությունները փոքրատառով են գրվում, եթե հասարակ անուններ են (օր.՝ Ա. թ. ա.), և մեծատառով են գրվում, եթե հատուկ անուններ են (օր.՝ Ա. Ս. Պուշկին, Ք. ա., Ք. հ.):

Բ.6. Իմաստափոխություն: Լեզվի պատմական զարգացման ընթացքում բառերի իմաստները հաճախ ենթարկվում են փոփոխությունների: Դրանք սովորաբար լինում են երեք կարգի:

1. Բառիմաստի ընդլայնում. սա իմաստափոխական այն երևույթն է, երբ բառը, պահպանելով իր նախկին իմաստը, ձեռք է բերում նոր՝ լրացական

²⁶Տե՛ս ՀՀ Կառավարության որոշումը «Մեծությունների միավորների, չափումների...մասին», «ՀՀ ՊԾ», 2012, 10.03/48(922):

իմաստ(ներ): Օր՝ **թև** բառը սկզբնապես նշանակել է միայն «թոշունների», միջատների, ինչպես նաև որոշ կարնասունների թոշելու գործարան» կամ «մարդու բազուկ, ձեռք», ապա ստացել է նաև «շինության կողմնային մաս կամ մասնաշենք» իմաստը, այնուհետև՝ «եզերք, ափ» իմաստները (գետի թև, ճանապարհի թև) ևն: **Շուն** բառը նախապես ունեցել է «շնազգիների ընտանիքին պատկանող ընտանի կենդանի» իմաստը, ապա համաստեղություն անվանող բառակապակցության կազմում դարձել է աստղագիտական տերմին (Մեծ Շուն, Փոքր Շուն), հետագայում ձեռք է բերել նաև փոխաբերական իմաստներ՝ «1. անհամակրելի, հարգանք ու վստահություն չառաջացնող մարդ, 2. խորամանկ՝ վարպետ՝ հնարամիտ մարդ («Հիմա ու մ կարող ես խարել բոլորն ել շուն են»), 3. անարգ՝ չարագործ մարդ (դժոխքի շուն, արյունախում շուն) ևն»: **Ըմբռնել** բառը սկզբնապես նշանակել է «ամուր բռնել, կաշկանդել, ձերբակալել», հետագայում ձեռք է բերել «հասկանալ՝ մտքով յուրացնել, զիտակցել, ընկալել» իմաստները: **Բյուր** հնում նշանակել է «տասը հազար», այսօր գործածվում է «խիստ շատ, անշափ, անհամար» իմաստներով: Այդպես իրենց իմաստներն ընդլայնել են բազմաթիվ բառեր՝ **աթոռ, ամբիոն, աշխարհ, արօ, բանավոր, դաշտ, զամբյուղ, լսել, հոսք, ճյուղ, նկարել, սեղան, չար** ևն: Բարիմաստի ընդլայնում է նաև հատուկ անվան՝ հասարակ անվան վերածվելը: Օր՝ **հուլիս** նշանակում է **մատնիչ, դաշտաճան** (Քրիստոսի աշակերտ ու մատնիչ Հուլյայի անունից): Նմանապես՝ **կայսր** - արքա, թագավոր, **հերց** - պարբերական տատանումների հաճախականության միավոր, **նյուտոն** - ուժի միավոր, **պասկալ** - ճնշման միավոր, **ջոուլ** - աշխատանքի, էներգիայի և ջերմության քանակի միավոր, **վատոս** - էլեկտրական հոսանքի հզրությունը չափելու միավոր, **օհմ** - էլեկտրական դիմադրության չափման միավոր, **կուլոն** - էլեկտրականության քանակի լիցքի միավոր, **տեսլա** - մագնիսական ինդուկցիայի միավոր ևն:

2. Բառիմաստի նեղացում. բառը ժամանակի ընթացքում ձեռք է բերում ավելի նեղ՝ մասնավորված իմաստ(ներ)` պահելով կամ կորցնելով իր նախնական իմաստը: **Զավ** բառը հնում նշանակել է առհասարակ «Թոշուն՝ թոշող կենդանի» (հոգնակին՝ **հավլը**). կորցնելով նախկին իմաստը՝ ժամանակակից հայերենում նշանակում է ոչ միայն հայտնի ընտանի թոշունը, այլև միայն այդ ընտանի թոշունի էզը: **Վերարկու** բառը սկզբնապես նշանակել է առհասարակ արտահագուստ՝ 1. Ծածկոց, ծածկույթ, 2. Անկողնու ծածկույթ, 3. Վերմակ, 4. Գլխի քող, 5. Կարպետ, օթոց, 6. Անասունների մորթի ևն: Արդի հայերենում գործածվում է «Զգեստի վրայից հազնելու երկար հագուստ» նշանակությամբ:

Համբակ նշանակել է՝ 1. Երեխա, նորածին մանուկ, 2. զավակ, որդի, 3. աշակերտ ևն, իսկ հետագայում՝ թերու։ Իմաստի նեղացում են ունեցել թռչուն (սկզբնապես՝ նա, որ թռչում է, ընդունակ է թռչելու, արագասլաց), կադ (հնում՝ որևէ անդամով պակասավոր, խեղ, օր.՝ լեզվով կադ), **հեղինակ** (առաջնորդ, զլխավոր, վարիչ, պետ, իշխան), **հոլով** (քավալում, զլորում, շրջան), **կարդալ** (ձայնել, գոչել, աղաղակել, հրավիրել, կանչել, հորջորջել) և բազմաթիվ այլ բառեր։ Բառիմաստի նեղացում կարելի է համարել նաև հասարակ անվան վերածվելը հատուկ անվան՝ **Ազատ, Արշալույս, Համբարձում, Համբիկ, Մանուկ, Վրեժ** ևն։

3. Բառիմաստի շրջում և վերահիմնատավորում. բառը, պահպանելով կամ կորցնելով նախնական իմաստը, ձեռք է բերում նախկին իմաստին հակառակ իմաստ կամ իմաստային այլևայլ նրբերանգներ։ Օր.՝ **իմաստակ** սկզբնապես նշանակել է «Իմաստուն կամ իմաստասեր անձ, գրագետ, ճարտասան» ևն, այժմ՝ «Թերուս, տգետ, բայց իրեն իբրև գիտուն ներկայացնող մարդ։ **Պարապել**՝ պարապ լինել > այժմ՝ «Մի գործով գրաղվել, մի բան սովորել»։ **Ապրել** նշանակել է ազատվել, փրկվել, այժմ՝ «Կյանք վարել, կենցաղավարել»։ **Խնդրել** նշանակել է «Որոնել, փնտրել, ջանալ» ևն, այժմ՝ «Աղերսել, հայցել, աղաշել»։ **Նահատակ**՝ կովի մեջ առաջամարտիկ > վեհ գաղափարի համար կյանքը զոհած մարդ, զոհ։ **Աշխատել**՝ հոգնել, նեղություն կրել > գործ անել, զբաղվել։ **Սիրուն**՝ սեր ունեցող, սեր կրող > գեղեցիկ, դուրեկան ևն։

Բ.7. Հոմանիշների շփոթություն: Հայտնի է, որ հոմանիշները հնյունական կազմով տարբեր, բայց իմաստով նույն կամ մոտ բառերն են։ Իրականում, սակայն, բացարձակապես նույնիմաստ բառեր դժվար է գտնել լեզվում։ Նույնանիշ համարվող բառերն անզամ իրարից զանազանվում են իմաստային նրբերանգներով, ունեն կապակցական կամ արտահայտչական որոշակի տարբերություններ։ Հոմանիշներից մեկը կամ մյուսը գործածելը ոճական խնդիր է, քանի որ դրանցից յուրաքանչյուրը յուրովի է երանգավորում խոսքը, դառնում որոշակի վերաբերմունքի արտահայտման միջոց։ Հոմանիշ բառերը, սակայն, միշտ չեն, որ կարող են միմյանց փոխարինել խոսքի նույն կառուցում, ուստի և խոսքային միջավայրում երբեմն դրսնորում են **կապակցական անհամատեղելիություն**։

Իրար չփոխարինող հոմանիշների շփոթությունը պարզապես **բառագրքածության սխալ** է, որ ստեղծում է անձիշտ խոսք։ Օր.՝ «Գիտաժողովը **տեղափոխվել** է մեկ ամսով»։ Այստեղ խոսքը ժամկետի տեղափոխման մասին է,

որն արտահայտվում է **հետաձգել** բառով: Ճիշտ ձևակերպումը հետևյալն է՝ «Գիտաժողովը **հետաձգվել** է մեկ ամսով»: Կամ՝ «Թեև թթվածինն անհրաժեշտ է բոլոր կենդանի օրգանիզմներին, այնուամենայնիվ, նրա ազատ ռադիկալները կարող են **նպաստել** (**<պատճառ դառնալ**) քաղցկեղի առաջացմանը»: «Յամաքային (բարձրագույն) բույսերի ենթաթագավորությունը **կիսվում** է (**<բաժանվում** է) տիպերի՝ մամունմաններ, լերդամամուններ, սերմնավոր բույսեր ևն»: «Խնձորը կարող ենք անվերջ կիսել, սակայն իրականում դա **չի կարելի** (**<հնարավոր չէ**)»:

Բաղադրիչների տարբեր համակցություններով ստացված բառակազմական հոմանիշները (**լեզվային/լեզվական, տեղափոխել/փոխատեղել**) երբեմն ունենում են կապակցական յուրահատկություններ, տարբերվում են այս կամ այն բառի հետ գործածվելու սահմանափակումով: Այսպես՝ **-ական** և **-ային** ածանցներն ունեն ընդհանուր-վերաբերական իմաստ՝ մի բանին վերաբերող, մի բանին հատուկ, և նույն գոյական հիմքի վրա դրվելով՝ կազմում են գուգադիր բառեր: Սակայն դրանք դրսնորում են նաև իմաստային մասնակի տարբերություններ. **-ային-ով** կազմությունները ցույց են տալիս բառահիմք գոյականի բնույթից, եռությունից բխող հատկանիշ, **-ական-ով** կազմությունները՝ այդ գոյականին առհասարակ հատուկ հատկանիշ կամ իրողություն: Օր՝ **ցեղական** բառը նշանակում է ազնվացեղ, ընտիր ցեղի պատկանող՝ **ցեղական նժույգ, ցեղական կով, իսկ ցեղային նշանակում է ցեղին հատուկ՝ ցեղային հակամարտություն, ցեղային միություն**: Այլ օրինակներ՝ **տեղական** սովորույթներ - **տեղային** անզգայացում, **քանակական** գերակշռություն - քանակային ցուցանիշ, **որակական** տեղաշարժեր - **որակային** տարբերություններ ևն:

Բառի իմաստային նրբերանգների և կապակցական-կիրառական հնարավորությունների անտեսումը գրական լեզվի կանոններից շեղվելու պատճառ կարող է դառնալ:

Բ.8. Հարանունների շփոթություն: Ճիշենք, որ հարանունները արտաքին հնչյունական կազմով մոտ բառերն են: Կան հարանուններ, որոնք ձևով տարբերվում են աննշան չափով, սակայն արտահայտում են նույն իմաստը: Դրանք նույն բառի տարբերակներ են և հավասարապես գործածելի են մեկը մյուսի փոխարեն, ինչպես՝ **մերենաբար - մերենայաբար, աստղային - աստեղային, թունալի - թունալից, անձնանվեր - անձննվեր, զննական - զննողական**:

Սրանք մի տեսակ միջին դիրք են գրավում հոմանիշների և հարանունների միջև:

Հարանունների միջև դրսնորվող իմաստային տարբեր կարգի հարաբերությունների հիման վրա տարբերակում են բուն և ձևային հարանուններ:

Բուն հարանունները նույն իմաստը չեն արտահայտում, բայց իմաստային ընդհանրություններ ունեն՝ **ծծմբական – ծծմբային (թթու), զգայություն – զգայունություն, վաղորդայն – վաղորդյան, հրաձիգ – հրձիգ, բիթ – բայթ, միաժամանակ – միառժամանակ, մտածություն – մտածողություն, քննել – զննել ևն:**

Ձևային հարանունները իմաստային որևէ կապ կամ առնչություն չունեն և ձևով իրար նման են պատահականորեն, ուստի դրանց՝ մեկը մյուսի փոխարեն գործածությունը սխալ է և անթույլատրելի, ինչպես՝ **վարկ** (հեղինակություն) - **վարզ** (ձիու համաշափ վազք) - **վարք** (կենսազրություն, պահվածք), կամ՝ **հարթ** - **հարդ**, **գիրք** - **գիրզ** - **գիրկ**, **ձաղկել** - **ձնթրել**, **շտապ** - **շտաք** ևն:

Հարանունների ամենաբնորոշ հատկանիշը դրանց շփոթելիությունն է, որն առավել հավանական է նույնարմատ հարանունների դեպքում: Օր.՝ «Միւնույն քիմիական տարրի ասոմները **բացառապես (<բացարձակապես)** նույն են», «Գերմոլեկուլային քիմիայի ուսումնասիրության առարկան **բացարձակապես (<բացառապես)** ոչ վալենտային փոխազդեցությունների արդյունքում ստացված բարդ համակարգերն են», «Ըստ սահմանման՝ ծանրության ուժը մոլորակի ձգողականության և **կենտրոնախույզ (<կենտրոնախույս)** ուժերի գումարն է», «Առաջին կիսամյակի քննական բոլոր պարտքերը **լուծվել են (<լուծարվել են)**»: Հարանունները հաճախ շփոթվում են՝ առիթ տալով ուղղագրական սխալների, ուստի հատուկ ուշադրություն պետք է դարձնել դրանց գրությանը՝ **ամենօրյա - ամանորյա, վարք - վարկ, օրավար - օրավոր, խոխոջուն - խոխոջուն**: Հարանունների շփոթվում կարող է նաև սխալ բառակազմության տեղիք տալ: Օր.՝ **վարկաբեկել** բառը սխալմամբ դառնում է **վարքաբեկել, անհարկի-ն՝ անհարզի** ևն: Երբեմն **այլասերում (դեղուերացիա)** բառի փոխարեն սխալմամբ գործածում են **այլասեռում** բառը. առաջինի արմատն է **սեր** (ցեղ, տոհմ). **այլասերում** նշանակում է՝ «1. Գոյության անբարենպաստ պայմանների հետևանքով կենդանական և բուսական օրգանիզմների հատկությունների՝ սերնդեսերունդ վատանալը, 2. Բարքերի փշացում՝ անկում» ևն, օր.՝ «Ինքնափոշուտվող բույսերը 10-15 տարուց հետո ենթարկվում են այլասերման», մինչդեռ երկրորդ՝ **այլասեռում** բառի արմատը **սեռ-ն** է, հետևաբար այն նշանակում է «սեռի փոփոխություն, սեռափոխում» և չի կարող փոխարինել առաջինին:

Բ.9. Բառային գուցակցում (համապատասխանություն)։ բառերի իմաստային, բառապաշարային և քերականական անհամատելի հիություն։ Բառի տեղին և ճիշտ գործածության առաջին պայմանը բառի ստույգ իմաստի իմացությունն է։ Բառը ճիշտ գործածելու համար անհրաժեշտ է նաև հաշվի առնել այլ բառերի հետ նրա կապակցվելու, համապատասխանելու հնարավորությունները։ Դրանց անտեսումը խոսքի սխալ կառուցման պատճառ կարող է դառնալ։

Բառընտրություն կատարելիս պետք է նկատի ունենալ բառերի խոսքաշարային առնչությունները, իմաստային և ձևային յուրահատկությունները։ Դրանց անտեսումը հանգեցնում է բառերի կապակցական անձշտությունների, հետևաբար նաև՝ ոչ ճիշտ ընկալումների։ Օր.՝ առօրյայում **կշիռ** բառը, ըստ սովորության, գործածում ենք **զանգված**-ի փոխարեն։ ասում ենք՝ «Մարմնի **կշիռը** 3 կիլոգրամ է», չնայած կիլոգրամը ոչ թե կշռի, այլ զանգվածի չափման միավոր է, հետևաբար ճիշտ է՝ «Մարմնի **զանգվածը** 3 կիլոգրամ է»։ ձևակերպումը։ Ընդգծված բառերը ֆիզիկայում միանգամայն տարբեր հասկացություններ են, ուստի իմաստով մոտ կամ նույնիմաստ նմանատիպ բառերը, հանդես գալով իրենց առաջնային նշանակությամբ, առանձին դեպքերում չեն կարող իրար փոխարինել։ այսպես՝ «Մեկ կիլոգրամ **զանգված** ունեցող մարմնի **կշիռը** Լուսնի վրա կկազմի Երկրի վրա ունեցած **կշռի** 1/6 մասը, քանի որ Լուսնի ձգողական դաշտը 6 անգամ փոքր է Երկրի ձգողական դաշտից, մինչդեռ **զանգվածը** անփոփոխ կլինի՝ 1 կգ»։

Բառագործածությունն ունի տարիներով հաստատված ավանդությներ, մեր մտածողության մեջ ամրակայված սկզբունքներ։ Ժամանակի ընթացքում, օրինակ, **ընդհանուր** բառի հետ կայուն կապակցություն է ստեղծել **հայտարար** բառը՝ **ընդհանուր հայտարար**, **բազմություն** բառի հետ՝ **թիվ** բառը՝ **թվերի** բազմություն, սիրտ բառի հետ՝ **արատ** բառը՝ **սրտի արատ**, կամ՝ կարձ միացում, արմատ հանել, քառակուսի հավասարում կազմել, աստիճան բարձրացնել հատման կետ, գրոյի ձգտել ևն։

Կան տերմինային նշանակությամբ հաճախակի գործածվող բառեր, որոնք տերմինային նոր իմաստներ են ձեռք բերում, նվաճում իմաստային-գործառական նոր ոլորտներ՝ հանդես գալով որպես իմաստային նորաբանություններ, օր.՝ աշխատանքային **սեղան**, սպառողական **զամբյուղ**, համակարգչային **պատուհան/ստեղնաշար/մկնիկ**, հակամարտության **կիզակետ**, տնտեսական դաշտ, վարկային **ռիսկ**, ֆինանսական համակարգի **թափանցիկություն**, **հարք** դինամիկա ևն։

Սակայն կան բառեր էլ, որոնք, գործածվելով այլ բառերի փոխարեն, փորձում են նվաճել նոր իմաստներ, որոնք անհարիր են այդ բառերի բուն նշանակությանը և կապակցական հնարավորություններին: Բառերի անհամատեղելիությունը կարող է առնչվել անձ և ոչ անձ տարբերությանը: Երբեմն անձի հետ առնչվող բառը գործածվում է ոչ անձի համար և ստեղծում է իմաստային անձշտություն: Օր.՝ «Արդեն ժամանակն է, որ զնամ վաստակավոր հանգըստի»: **Վաստակավոր լինում** են անձերը, իսկ հանգիստը կարող է լինել **վաստակած**: Կամ՝ «Որակյալ լամինատը երկարակյաց է (<ամուր է) և տասնյակ տարիներ կարող է դիմակայել (<դիմանալ) խոնավությանը»: Իմաստային անձշտություն է առաջացնում նաև հակառակ կարգի շփոթությունը, երբ անձի համար գործածվում է նրան չառնչվող բառը: Օր.՝ «Շիրակացին ճիշտ էր, երբ դեռևս 7-րդ դարում, խելացի փաստարկներ բերելով, պնդում էր, որ Լուսինը սեփական լուսից զորկ պինդ մարմին է». **Ճշմարիտ** կամ **ճիշտ** լինում են ոչ թե անձինք, այլ նրանց գաղափարները, խոսքերը, իսկ անձը կարող է լինել **իրավացի**, և հակառակը՝ **խելացի** կարող է լինել մարդը և ոչ թե փաստարկը:

Յուրաքանչյուր բառ իր այս կամ այն իմաստով համատեղելի է որոշակի բառերի կամ բառիմաստների հետ, և այդ հանգամանքի անտեսումը առաջ է բերում խոսքի անձշտություն: «Կոպեռնիկոսը **մերժեց** (< **հերքեց, ժխտեց**) դարեր շարունակ ընդունված այն տեսությունը, թե Երկիրը տիեզերքի կենտրոնն է, իսկ Արեգակը պտտվում է նրա շուրջը»: Այսպես՝ **մերժել** կարելի է որևէ առաջարկ, հրավեր, խնդրանք, իսկ տեսությունը **հերքվում** է կամ **ժխտվում**: Կամ՝ «Ապացուցված է, որ ֆտալատները կարող են խթանել(<առաջացնել) էնդոկրին համակարգի խանգարումներ և հանգեցնել մի շարք վտանգավոր հիվանդությունների» ևն:

Խոսքի անձշտության պատճառ կարող է դառնալ նաև բառերի կամ բառաձևերի **քերականական անհամատեղելիությունը**: Օր.՝ հաճախ հոգնակի լրացյալի հետ գործածվելիս շփոթվում են **բոլոր** և **ամբողջ** դերանունները: Ըստ կանոնների՝ **բոլոր** դերանունը պահանջում է հոգնակի թվով որոշյալ, **ամբողջ-ը՝** որոշյալ առումով եզակի թվով լրացյալ՝ **բոլոր** հաճախորդները, **բոլոր** տարածքները, **ամբողջ** ունեցվածքը, ամբողջ նյութը: Միայլ է՝ **ամբողջ** տարածքները, **ամբողջ** ունեցվածքները: Կամ **յուրաքանչյուր**, **ամեն** մի դերանունների հետ սովորաբար քերականորեն անհամատեղելի են որոշյալ առումով լրացյալները՝ **ամեն** մի եռանկյունը, **յուրաքանչյուր** բառական մարդը ևն:

Բ.10. Ավելորդաբանություն և կրկնաբանություն: Երբեմն խոսքում գործածվում են բառեր ու արտահայտություններ, որոնք, իմաստային ու ոճական որևէ դեր չունենալով, ծանրաբեռնում են խոսքը, առիթ տալիս իմաստային անձշտությունների, դառնում խոսքի ավելորդ, մակարույծ տարրեր (ավելորդաբանություն): Օր.՝ «Բազմանալիս ամեռբայի կորիզը հավասարաշափ կիսվում է երկու մասի». ավելորդ է երկու մասի կապակցությունը, քանի որ կիսվել-ը արդեն իսկ այդ իմաստն արտահայտում է: Ճիշտ է՝ «Բազմանալիս ամեռբայի կորիզը հավասարաշափ կիսվում է»: Կամ՝ «Տիեզերագիտական գաղափարներից մեկը «Հարլի հորիզոն» հասկացությունն է, որն իր մեջ ներառում է բոլոր տեսանելի գալակտիկաներն ու մասներին». այսուել ավելորդ է իր մեջ կապակցությունը, քանի որ ներառել-ը արդեն իսկ նշանակում է պարունակել: Այլ օրինակներ՝ **հետ** վերադարձնել (<վերադարձնել>), **իրենից ներկայացնում** է ջերմոցային գազ (<ջերմոցային գազ է>), այդպիսի **ձևով** (<այդպես>), բնագրերի **տեքստում** (<բնագրերում>), **ապագա** կատարելիք (<կատարելիք>), **ավելի** նախընտրելի է (<նախընտրելի է>), **զգալիորեն** վատթարացան (<վատթարացան//զգալիորեն վատթացան> ևն:

Ավելորդաբանության մի տարատեսակ է **քերականական ավելորդաբանությունը**, որը հաճախ շփորչվում է քերականական **ավելադրության** հետ (վերջինս ոճական հնարք է): Ավելորդաբանություն է, երբ համապատասխան քերականական մասնիկը չի պահանջվում, սակայն դրվում է: Օր.՝ **իինգ, վեց, յոթ, ութ** թվականների՝ ը-ով գործածությունը, երբ դրանք փոխանուն չեն՝ «Կարբոնաթթուն վեցը» (<վեց> ատոմ ածխածին է պարունակում», քայլ՝ «**Վեցը մեծ է իինգից**»: Կամ՝ ստացական հոդի և դերանվան համատեղ գործածությունը՝ «**իմ համակարգիչս(ը), քո ծրագիրդ(ը)**»:

Հաճախ նախադասության մեջ որևէ հասկացություն անհարկի կրկնվում է նույն կամ տարբեր ձևավորումով (բացահայտ կամ թաքնված **կրկնաբանություն**): Օր.՝ «Թփից պոկվելուց հետո անզամ այդ յուրօրինակ հատապտուղների գունավորման **ներկանյութը** չի գունազրկվում». **գունավորում** և **ներկանյութ** մասնակի հոմանիշներից մեկն այսուել ավելորդ է: Ճիշտ է՝ «Թփից պոկվելուց հետո անզամ այդ յուրօրինակ հատապտուղների ներկանյութը չի գունազրկվում», կամ ավելի ճիշտ՝ «Թփից պոկվելուց հետո անզամ այդ յուրօրինակ հատապտուղները չեն գունազրկվում»:

Նախադասության մեջ երբեմն հանդիպում են նույն կամ նույնիմաստ բառերի կից անհարկի կիրառություններ: Օր.՝ «Կան պնդումներ, որ Պյութագորասի՝

ուղղանկյուն եռանկյունների **մասին** հայտնի թերեմի **մասին** գիտեին դեռևս նրանից շատ առաջ»: Դրանցից մեկը հեշտությամբ կարող է փոխարինվել հոմանշային տարբերակով, այսպես՝ «Կան պնդումներ, որ Պյութագորասի՝ ուղղանկյուն եռանկյունների **վերաբերյալ** հայտնի թերեմի **մասին** գիտեին դեռևս նրանից շատ առաջ»: Կամ՝ **համապատասխան համարժեք** (<=համարժեք), **համատեղ համագործակցություն** (<=համագործակցություն), **ձառագայթականիկ ձառագայթում** (<=ակտիվ ձառագայթում), **հարցի հիմնական եռթյունը** (<=հարցի եռթյունը), **առանցքային հիմնախնդիրներ** (<=հիմնախնդիրներ):

Կրկնարանության առաջացման պատճառ կարող է դառնալ լավ չհասկացված օտարաբանությունը: Օր.՝ «Մարդու ատամնաշարի՝ բնականոն դիրքից շեղման անումալիաները հիմնականում վերաբերում են մշտական ատամներին»: **Անումալիա**-ի հայերեն համարժեքն է **շեղում**-ը, որն արդեն առկա է նախադասության մեջ: Օտար բառը անտեղի է գործածված, ճիշտ կլինի՝ «Ատամնաշարի՝ բնականոն դիրքից շեղումները հիմնականում վերաբերում են մշտական ատամներին»:

Կրկնարանության հետ չպետք է շփոթել կրկնարերությունը (**կրկնությունը**), որը խոսքում ոճական-արտահայտչական արժեք ունի:

Ավելորդաբանությունների և կրկնարանությունների զգալի մասը հայերեն է մուտք գործել այլ լեզուների, մասնավորապես ռուսերենի ազդեցությամբ՝ ձևավորելով օտարաբանությունների կամ ավելորդությունների մի շարք, որը հարիր չէ հայ մարդու լեզվամտածողությանը և արդի հայերենի կանոնին ու ոգուն: Հայերենն ունի դրանց համապատասխան ձևերը, հարկ է միայն դրանք իմանալ և գործածել, ինչպես՝ **вопрос состоит в том** - հարցը կայանում է նրանում <= հարցն այն է, **вопрос в том** – հարցը նրանումն է <= հարցն այն է, **еще раз** - կրկին անգամ <= կրկին//մեկ անգամ ևս, **повторять снова** - նորից կրկնել <= կրկնել, **является ответственным** - պատասխանատու է հանդիսանում <= պատասխանատու է ևն: Օր.՝ «Ալոեն իր **մեջ** պարունակում է հսկայական քանակությամբ վիտամիններ, հանքանյութեր և ամինաթթուներ», «Հարցը կայանում է նրանում (<այն է), որ եթե մեքենան շարժվի հաստատուն արագությամբ, արագացումը հավասար կլինի զրոյի», «Բոլոր ածխաջրածինների խորը օքսիդացումից ածխաթթու զազի հետ միասին նաև ջուր է անջատվում»:

Վարժություններ և սոսազադրանքներ

1. Օգտվելով սոուզարանական բառարաններից՝ որոշե՛ք տրված բառերի ծագումը:

Օր.՝ մատիտ - խտալ. matita (կապարե գրիչ) բառից:

ա) Մատիտ, անկյուն, լոգարիթմ, հոկտեմբեր, հիդրոլիզ, աշակերտ, կոտանգենս, ամառ, ռեակտոր, բուրգ, ծիածան, լավաշ, անձրև, կոսեկանս, տասր, կարկին, դեղձ:

բ) Մայր, ռեակցիա, դրախտ, կոսինուս, դպրոց, կանոն, պեստիցիդ, անուն, աշխարհ, քնել, հաց, զիր, աթոռ, երազ, կրկես, բառ, սիրտ, սեղան, թիվ, դար, ելակ:

2. Հ. Աճառյանի «Անձնանունների բառարան»-ից դր՝ լրս գրեք տասր հասուկ անուն՝ նշելով դրանց ծագումն ու սոուզարանությունը:

Օր.՝ Յակոբ (Հակոբ) - եբր. անունի հուն. ձևից: Նշանակում է խարող: Այլ լեզուներում ունենք յակով, Jacob, Jacques ևն ձևերով:

3. Առանձին սյունակներում գրե՛ք օտարարանությունները և փոխառությունները:

ա) Ալերգիա, ռադիոֆիզիկա, հիերոգլիֆ, ատրիբուտ, հորիզոն, գլոբալ, ռադիո, դեկանատ, ռեֆլեքտ, ինտերնետ, թեորեմ, սենսոր, ռեզումե, սիստեմ, ժայռություն, պրոֆեսիոնալիզմ, ռադիացիա, դիրիժոր, բիոսֆերա, տարսի, դետերմինանտ, դիագնոզ, սմարթֆոն:

բ) Ակարեմիա, ինստիտուտ, ռադիոակտիվ, ռեյտինգ, վեկտոր, դրզատոր, դիսկրիմինացիա, ֆունկցիոնալ, պրոցես, ռեզոնանս, իդենտիֆիկացիա, ալտերնատիվ, օպտիկա, ֆաք, ֆակուլտետ, ռելիեֆ, տուրիզմ, իմիջ, էքստրմիզմ, դռայնգ, արգումենտ, ռեժիմ, լոգուն:

4. Տրված բառերից որո՞նք ունեն հայերեն համարժեքներ:

ա) Ազրարային, բակալավր, ադապտացիա, աղրենալին, աերոֆոբիա, ցիկլոն, աժիոտած, մազիստրոս, ավոկադո, դոմինանտ, անատոմիա, անտիսեպտիկ, բլոկադ, էկվիվալենտ, էթիլա, ալբոմ, գրանտ, լավա, դեկլարացիա, լակմուս, կոնֆլիկտ, տարու, ռեպրեսիա:

բ) Անթրոպոլոգիա, արստրակտ, լոկալ, ազրեսիա, ադմինիստրատոր, ինֆեկցիա, արոնենտ, ալպինիզմ, կոմպրոմիս, դիետա, ֆոտոն, գլոբալիզացիա, կա-

տալիզատոր, կոմպլեքս, ֆունկցիոնալ, ալտերնատիվ, դիագնոզ, ամսիստիա, անկետա, դիսկրիմինացիա, էղուստ:

5. Տրված բառերի հայերեն համարժեքներից որո՞նք են դարձել գործածական:
Որո՞նք են ըստ ձեզ անհաջող թարգմանություններ:

ա) Իզոյերմ - նույնաչերմ, պրիզմա - հատվածակողմ, կոնգրուենտ - համընկնելի, բոյկոտ - նենզադուլ, իզոտոն(ֆունկցիա) - նույնընթաց, աքսեսուար - հավելամաս/լրամաս//լրազարդ, դեպրեսիա - ընկճախտ, ֆուտոն - լուսոն, դետալ - մանրակ, ամպլիտուդ - լայնույթ, ստերեոտիպ - կարծրատիպ, մոնուոն(ֆունկցիա) - միջնքաց:

բ) Թենիսի ռակետ - ցանցաթի, հակեր - ցանցահեն, ժյուրի - մրցատյան//հանձնախումբ, ֆայլ - նիշք, ինտերյեր - ներսատարածք/ներսույթ, սկաներ - պատկերամուտ//ծրիչ, շամպուն - փրփրօճառ, պլաստմասսա - կարծրախեժ, ինվարիանտ - փոփոխակ, ռեկորդ - հաղթանիշ/մրցանիշ, սպեկտր - տարրապատկեր, վիտամին - կենսահյութ/կենսանյութ:

6. Առանձին սյունակներով գրե՛ք նորակազմությունները և իմաստային նորարանությունները: Իմաստային նորարանություններից մի քանիսով կազմե՛ք նախադասություններ:

Օր.՝ մկնիկ - 1. փոքրիկ մուկ, 2. այժմ նաև համակարգչային տերմին:

Սուլզանավ, պատուհան, նախազահ, շնիկ, նախարար, օրակարգ, ստվեր, անվաղահուկ, օդանավ, փաթեթ, ուղղաթիռ, զագաթնաժողով, ձեղքվածք, հրթիռակոծում, ձեմարան, աշխատակազմ, թափանցիկ, այցեքարտ, դոնոր, այլմոլորակային, աստղաբափ, ավիաուղի, հրդեհավտանգ, աշխարհաքաղաքացի, զամբյուղ, ոստիկան, խցիկ, ավագանի, կիզակետ:

7. Գտե՛ք և ընդգծե՛ք նորակազմությունները:

1. Ուսումնասիրվել են երկկողմանի գրաֆների առավելագույն անկախ բազմության, թվային բազմության ամենաերկար աճող ենթահաջորդականության խնդիրները:

2. Շրջակա միջավայրը տեխնածին և կենցաղային արտանետումներով աղտոտվելուց պաշտպանվելու ֆիզիկական մեթոդների դերի բացահայտումը կարևորվում է:

3. Փորձարկվել են նաև ֆիզիկաէկոլոգիական կրթատիրույթին միտված տասնմեկ ընտրովի դասընթացներ:

4. Այդ վայրերում դա կատարվում է հետազա օգտահանման կամ հեռացման նպատակով:

5. Կատարվել են լուսաշափական հետազոտություններ:

6. Իրականացվել են լյարդապաշտպան և հակալեղաքարային ակտիվությամբ օժտված դեղաբույսերի լուծամզվածքների հանքային կազմի հետազոտություններ:

8. Հետևյալ տերմինները դասակարգե՛ք ք ըստ ոլորտների և անվանե՛ք դրանք:
Օր՝ թթու... (քիմիա):

Նյարդաթել, զգայարան, խաչասերում, ծորան, ախտորոշում, ստատիկա, հանդուրժողականություն, իջվածք, բջջանյութ, սպիտակուց, նյարդաբորբ, թթու, իմպուլս, կատալիզատոր, հոտոսելիք, ածանցյալ, հեմոգլոբին, սոցհարցում, վարկանիշ, քվանտային թիվ, ալկալի, մոդուլ, կոնֆիլկտաբանություն, կարբոնատ, ջրոլորտ, ռելիէֆ, ամեռքա, սպեկտր, հետաձուկ, ինտեգրացիա, նյութափոխանակություն, վարսանդ, հալոգեն, ավշային հանգույց, մակաբույծ, իներցիա, վիրուս, կլիմայական գոտի, մակուղեղ, արագացում, սպոր, հիերոգլիֆ, հասարակական կարծիք, էլիպս, պարամետր, գեղձ, ամորֆ նյութեր, վեկտոր:

9. Ո՞ր գիտաճյուղերին են հատուկ հետևյալ տերմինները: Լրացրե՛ք շարքերը:

- ա) Բյուրեղ, բեկում....
- բ) Կավահող, գետաբերան....
- գ) Անհայտ, քառակուսի....
- դ) Գիսաստղ, գալակտիկա....
- ե) Ձևույթ, ստորոգելի....
- զ) Անապատացում, հերկ....
- Է) Զրածին, ռեակցիա....
- ը) Հապալասենի, սպոր....
- թ) Թրաֆիքինգ, վարկանիշ....

10. Ընդգծե՛ք այն բառերը, որոնք իբրև գիտական տերմիններ գործածվում են մեկից ավելի գիտաճյուղերում: Մի քանիսով կազմե՛ք նախադասություններ:

Լեզու, պատվաստում, կոնֆիլկտ, նոտա, ոճ, վիրուս, եթեր, արմատ, կուրս, հիմք, նիստ, իներտ, դաշտ, թթվածին, սիրտ, խոռոչ, բջիջ, ուղղահայաց, արտադրյալ, ֆունկցիա, ժամանակ, արագություն, խթանիչ, քննու, կոտորակ, սահման, դաշտ, հոսք:

11. Գրե՛ք տրված բառերի հայերեն համարժեքները՝ առանձնացնելով բառապատճենումները, կիսապատճենումները և խմաստային պատճենումները:

Средства массовой информации, страны третьего мира, Евросоюз, противогаз, гидроэлектростанция, микрофон, биосфера, атмосфера, прямой эфир, электросеть, Евровидение, экосистема, businessman, internet, mouse (համակարգչային տերմին), printer, hard disk, user, password, high school, crossword.

12. Գրե՛ք տերմիններ՝

ա) Վերջին բաղադրիչ դարձնելով հետևյալ արմատները՝

զիծ, ցույց, ջուր, նյութ, տառ, չափ, մետր, ոլորտ, օրսիդ.

բ) առաջին բաղադրիչ դարձնելով հետևյալ արմատները՝

տոն(ն), սիրտ, մոնո, աղ, ուղիղ, հարթ, կոր, տարր, հիդր(ն):

13. Գտե՛ք համակարգչային ոլորտում գործածվող հետևյալ օտարակեզր բառակապակցությունների համարժեքները և գնահատե՛ք դրանք:

Computer - based system, Computer dependent language, Computer oriented language, Computer center, Computer family, Computer generation, Computer graphics, Computer independent language, Computer language, Computer mail, Computer memory, Computer name, Computer network, Computer program, Computer run, Computer science, Computer system, Computer technology, Computer virus, Computer word²⁷.

Համակարգչային վիրուս, համակարգչային հիշողություն, համակարգչային ցանց, համակարգչից անկախ լեզու, համակարգչային լեզու, համակարգչային տեխնոլոգիա, կոմպյուտերագիտություն, ավտոմատիզացված համակարգ, համակարգիչների սերունդ, համակարգչային ծրագրի ակտիվացում, հաշվողական համակարգ, հաշվողական կենտրոն, էկելտրոնային փոստ, համակարգչային գրաֆիկա, համակարգիչների ընտանիք, դեպի համակարգիչը կողմնորոշված լեզու, մեքենական բառ, համակարգչային ծրագրեր, համակարգիչը ցանցում միարժեք որոշող եզակի անուն:

14. Տրված բառակապակցությունները թարգմանե՛ք հայերեն²⁸: Դրանցից որո՞նք են դարձել գործածական:

Data compression, Data channel, Data bank, Data-base language, Data corruption, Data block, Data base, Data acquisition, Data bit, Data compaction, Data collection,

²⁷ <https://brusov.am/website/documentation/files/f3650934>.

²⁸ Տե՛ս և նոյն տեղը:

Data addressed memory, Data address, Data adaptor unit, Data definition language, Data byte, Data communication, Data-base management, Data consistency, Data area, Data access, Code transformation, Code base, Code character, Code compare, Code block, Code extension, Coded image, Code audit, Coded data, Code chain, Code independent, Code error, Code alphabet, Code conversion, Code generation, Coded representation, Code line, Code statement, Code converter, Code rule, Code area.

15. Օգտվելով բառարաններից՝ հետևյալ հապավումները գրե՛ք ամբողջական բառակապակցություններով:

Գիտարշավ, ԵԱՀԿ, զինզրույկ, դասղեկ, ՍՊԸ, ԵՄ, ԱՄԷ, բուժօգնություն, կրթօջախ, մանկաբորբոքություն, ԱԹՄ, պետկրկես, ֆինանսի, ԱՊՀ, էլփոստ, ՈՒՀԱ, Տաթևիկ, ԱԳՆ, ԱԱԽ, ֆիզֆակ, ԿԸՀ, ՀԱԲ, ՉԹՕ, քաղցանց, տնտեսվար, ԿԳՄՄՆ, ՈՒԳԸ, պետգնում, ԱԱՀ, Հայմուսգազարդ, ՕԳԳ, ԶԻԱՀ, զինկոմ, Երիեկ, ԵԱՏՄ, ՄՕԿ, արհկոմ, ԱՍԱԼԱ, ջէկ, մուլտֆիլմ, ԲՈԿ, ԴԱՀԿԾ, ԶԼՄ, տեխզննում, ՀԲԸՄ:

16. Տրված բառերն ու բառակապակությունները գրե՛ք հապավումներով կամ համառոտագրություններով:

ա) Երևանի պետական համալսարան, Ազգային ժողով, Հավաքական անվտանգության պայմանագրի կազմակերպություն, Զբոսաշրջության համաշխարհային կազմակերպություն, զինվորական կոմիսար, ուսումնական բաժնի վարիչ, հարավային, վիճակագրական վարչություն, մեզահերց, ամպեր, մետր/վայրկյան, կիլովատու/ժամ:

բ) Միջիմետր, պարոն, հազվադեպ, տիկին, արևմտահայերեն, վայրկյան, կիլոգրամ, ավտոգազալցաճնշակայան, դոկտոր, փոխարերություն/փոխարերական, համեմատել/համեմատություն, միջիարդ, մեզավոլտ, մեր թվարկությունից առաջ, բաղաձայն, 90-ական թվականներին, Քրիստոսից առաջ, Ճանապարհային ոստիկանություն, հյուսիս, սույն թվականին:

17. Օգտվելով բառարաններից՝ բացատրե՛ք հետևյալ բառերում տեղի ունեցած իմաստափոխությունը (բարիմաստի նեղացում, ընդլայնում, վերաիմաստավորում):

Օր՝ ապրել նշանակում էր ազատվել, փրկվել, հիմա՝ լինել, գոյություն ունենալ (վերաիմաստավորում):

ա) Աթոռ, ախոյան, առաջ, արբանյակ, բանավոր, գնացք, գռեհիկ, գրեթե, դեգերել, թոշակ, խաղալ, խնդրել, կառավարել, Հուդա, կարդալ, սեղան, համբույր, հավ, հրապույր, հոլով, նետել, պաշտոն, քաջ, բուրգ, դրամ, ազատ:

բ) Գիծ, հավասար, պատ, հասարակ, վկա, թթու, խորհուրդ, ոստիկան, երեխիա, հանդես, մայր, հոսք, աստիճան, կետ, հարուստ, Կորյուն, արմատ, հսկել, պար, թուղթ, ծախել, բներել, բացատ, ճնշում, տաղանդ, մկնիկ, սրբել, նիստ, պարապ:

18. Ի՞նչ հատուկ անուններից են առաջացել հետևյալ հասարակ անունները (օգտվել Գ. Գալստյանի «Դիցարանական անունների և դարձվածքների համառոտ բառարան»-ից, օտար բառերի բացատրական բառարաններից, համացանցից):

Օր.՝ օվկիանոս բառն առաջացել է հունական դիցարանության Օվկիանոս աստվածության անունից:

Քառս, նազան, նարկոտիկ, մորֆի, տիտան, ատլաս, ամպեր, հիպնոս, ջոռու զիլիոտին, կայսր, հուլիս, օգոստոս, ալգորիթմ, բրաունինգ, վատման, կոնյակ, հելիում, ժավել, շամպայն, կիկլոպ, նարգիզ, խովլիզան, դափնի, կելվին, խրոնիկական, եթեր, գեփյուռ:

19. Տրված բառերը խմբավորելով՝ կազմել հոմանշային գույզեր:

Սողուն, հարգալից, եղեռն, թեպետ, արևածագ, կարճահասակ, խարդախի, մտրուկ, և, սիրալիր, նստվածք, կածան, կոտրվածք, նախճիր, քսուք, վրնջոց, վաղորդայն, մածուկ, տարափ, երամ, թեկվածք, ջոկ, ժատ, գաճաճ, արճիճ, խարեբա, զեռուն, ժուժկալ, մրուր, թեկուուզ, նաև, ու, ազահ, շավիդ, տարմ, արտադրիչ, իսկապես, ավելցուկային, հեղեղ, մեկմեկու, երամակ, ընչաքաղց, գծուծ, իրար, հավելուրդային, բազմապատկելի, զուսպ, քուռակ, կապար, նույնապես, խրխինջ, հիրավիլ:

20. Տրված համանուններով կազմե՛ք բառակապակցություններ:

Խավարում-խավարում, վայել-վայել, կրոն-կրոն, անլուծելի-անլուծելի, խորանում-խորանում, լարեր-լարեր, տիրույթ-տիրույթ, գազել-գազել, դատել-դատել-դատել, մեկնել-մեկնել-մեկնել, բացատ-բացատ, հարել-հարել, կանգուն-կանգուն, անել-անել, աղոտ-աղոտ, պատուհան-պատուհան, այրի-այրի-այրի, ամպեր-ամպեր, զագ-զագ-զագ, սեռ-սեռ:

21. Բացատրե՛ք տրված հարանունների իմաստը. մի քանիսով կազմե՛ք բառակապակցություններ:

Միաժամանակ - միառժամանակ, բարդույթ - բարդություն, բացառապես - բացարձակապես, ըստ որի - ըստ որում, խտրություն - խտրականություն, ծրագրել - ծրագրավորել, փաստ - փաստարկ, հետևորդ - հետնորդ, հրատարակել - հրապարակել, վարք - վարկ - վարզ, ցեղական - ցեղային, տեղի տալ - տեղիք տալ, վերաբերել - վերաբերվել, փորձարարական - փորձառական, հիմնավորվել - հիմնվել, տեղական - տեղային:

22. Ըստե՛ք ճիշտ տարբերակը:

1. Արբանյակի շարժման ուսումնասիրության միջոցով ճշտվեցին Պլուտոնի (չափսերը, չափերը) ու (քաշը, զանգվածը): **2.** Երեխայի (կշիռը, քաշը) 12,5 կգ է: **3.** Մեկվոյաներից ամենամեծի (տրամաչափը, տրամագիծը) մոտ 11 մ է: **4.** Մեր դիրքերի ուղղությամբ հակառակորդը կրակել է տարբեր (տրամագծի, տրամաչափի) հրաձգային զինատեսակներից: **5.** Արարատյան (դաշտավայրում, դաշտում) կանխատեսվում է ցրտահարություն: **6.** (Հավասարակողմ, հավասարասրուն) է կոչվում այն եռանկյունը, որի գոնե երկու կողմերը հավասար են: **7.** Երկրի մակերեսին մոտ ուղղահայաց ազատ ընկնող մարմնի ազատ անկման (արագությունը, արագացումը) հավասար է մոտ 9.8 մ/վ²: **8.** Հիվանդության (կանխման, կանխարգելման) համար անհրաժեշտ է ճիշտ սնվել: **9.** Իրավապահները (կանխել, կանխարգելել) են կողոպուտի փորձը: **10.** (Անձի, անհատի) երկվությունը կամ զիտական անվանումով՝ անհատականություն դիսցիատիվ խանգարումը զիտական աշխարհում բազմաթիվ վեճերի առիթ է տվել:

23. Գտե՛ք ավելորդաբանությունները, կրկնաբանությունները և ուղղե՛ք:

1. Հստ բջջային տեսության՝ բջիջը հանդիսանում է կյանքի ամենապարզագույն միավորը: **2.** Արենի քարանձավը դասվում է կլաստոկարստային քարանձավների դասին: **3.** SS տեխնոլոգիաների ոլորտում ամենազարգացած երկրների ցուցակը մի քանի տարի շարունակ գլխավորում է Հարավային Կորեան: **4.** Լատվիայի պետական պաշտոնյաներին կասկածում են VIP-անձանց համար անձնագրեր կեղծելու գործում: **5.** Ժամանակակից կենսաբանության հիմնաքարը կազմում են մի քանի հիմնական սկզբունքներ և տեսություններ՝ բջջային տեսությունը, էվոլյուցիոն տեսությունը, գենային տեսությունը ևն: **6.** Մեքենաների ավտոպահեստամասերի խանութին անհրաժեշտ է հաշվապահ: **7.** Լրագրողի սպանության առթիվ հարուցված գործի դատա-

կան գործընթացը շարունակվում է: **8.** Մենք կրկին անգամ անդրադարձել ենք թեքահարթակների բացակայության խնդրին, սակայն սպայլը տեղից չի շարժվում: **9.** Ֆիզիկան հանդիսանում է գիտություն անկենդան բնության մասին: **10.** Ազգային փոքրամասնությունների իրավունքները կոպտորեն խախտվում և ուժնահարվում են Թուրքիայում: **11.** Ներկայումս քիմիական հայտնի միացությունների քանակը թվով մոտ քսան միլիոն է, և դրանց քանակը յուրաքանչյուր տարի ավելանում է 250-300 հազարով: **12.** Մարզիկների սննդակարգը իր մեջ ներառում է սպիտակուցներով հարուստ մթերքներ: **13.** Էկոլոգները բազմիցս անգամ զգուշացրել են, որ Սյունիքի մարզն ունի գրուտային բարդ ռեիլեֆ: **14.** Օգրնն իրենից ներկայացնում է ջերմոցային գազ, ուստի նրա մեջ պարունակվող տարրերի փոփոխությունը հանգեցնում է ջերմաստիճանի փոփոխության:

24. Գտե՛ք օտարաբանություններն ու օտարաբան կառույցները և ուղղե՛ք:

ա) Նոր մեթոդը ավելի էֆեկտիվ է սրտի իշեմիկ հիվանդության բուժման համար:

բ) Հիվանդների մոտ նկատվում են ջերմաստիճանի բարձրացում, վատ ինքնազգացողություն:

գ) Օբյեկիվ մտքերի էությունը կայանում է նրանում, որ հիվանդի մոտ պարզ գիտակցության պայմաններում առաջանում են անընդհատ կրկնսկզբ մտքեր, հիշողություններ, վախեր ևն:

դ) Քարողորտային շրջապտույտը դա քիմիական տարրերի ամենացայտուն արտահայտված շրջապտույտն է, որն անմիջապես դիտվում է մարդու կողմից:

ե) Խնդիրը նրանում է, որ առատիզմի մասին քիչ է տեղեկացված մեր հանրությունը:

զ) Խոսքը գնում է շատ կարևոր հարցի՝ գիտության ֆինանսավորման մասին:

Է) Սխալը կայանում է նրանում, որ ազդեցության և հակազդեցության ուժերը կիրառված են տարրեր մարմինների վրա և չեն կարող հավասարակշռվել:

ը) Ի՞նչ է իրենից ներկայացնում ցունամին. (տերմինը ձապոներեն նշանակում է «մեծ ալիք»):

Գ. ՔԵՐԱԿԱՆԱԿԱՆ ՆՈՐՄԵՐ

Գ. 1. ԶԵՎԱԲԱՆՈՒԹՅՈՒՆ. ԶԵՎԱԲԱՆԱԿԱՆ ՆՈՐՄ

Գ.1.1. Անձնանիշ և իրանիշ գոյականներ (85): **Գ.1.2.** Գոյականի հոգնակի թվի կազմության յուրահատկություններ (86): **Գ.1.3.** Հավաքական գոյականներ (89): **Գ.1.4.** Հոգնակերպ գոյականներ (90): **Գ.1.5.** Անեղական գոյականներ (90): **Գ.1.6.** Որոշյալ և անորոշ առումներ (90): **Գ.1.7.** Հոլովական տարբերակային ձևեր (91): **Վարժություններ և առաջադրանքներ (96):** **Գ.1.8.** Ածականի տարբերակային ձևեր (99): **Գ.1.9.** Թվականի տարբերակային ձևեր, թվականի ուղղագրությունը (100): **Գ.1.10.** Դերանվան տարբերակային ձևեր (104): **Գ.1.11.** Դերանվանական հոդեր (108): **Վարժություններ և առաջադրանքներ (109):** **Գ.1.12.** Բայ (113): **Վարժություններ և առաջադրանքներ (117):** **Գ.1.13.** Մակրայների գործածության յուրահատկություններ (121): **Գ.1.14.** Կապերի գործածության յուրահատկություններ (122): **Գ.1.15.** Շաղկապների գործածության յուրահատկություններ (124): **Գ.1.16.** Վերաբերականների և ձայնարկությունների գործածության յուրահատկություններ (126): **Վարժություններ և առաջադրանքներ (127):**

Խոսքի քերականական ճշտությունը ենթադրում է քերականական ձևերի և շարահյուսական կառուցների նորմերի պահպանում: Դրանք թերևս ավելի բազմաքանակ են, քան մյուս մակարդակներում սահմանված նորմերը:

Զեսաբանական նորմը ձևաբանական օրենքների ու օրինաչափությունների ամբողջությունն է: Ինչպես լեզվական նորմի մյուս տեսակները, այն նույնպես ենթակա է փոփոխությունների ու զարգացման: Զեսաբանական մակարդակում նորմի փոփոխություններն առավելապես պայմանավորված են լեզվի ներկառուցվածքային փոփոխություններով՝ գրական և խոսակցական լեզուների փոխհարաբերությամբ, բարբառների ազդեցությամբ, լեզվի գործառական տարբերակների զարգացմամբ ևն: Զեսաբանական նորմի զարգացումը ի վերջո հանգում է ձևաբանական գործածնություններից մեկի (երբեմն նաև տարբերակների) նախընտրությանը: Զեսաբանական նորմը պահպանելու և սխալներից խուսափելու համար պետք է իմանալ հետևյալը.

Գ.1.1. Անձնանիշ և իրանիշ գոյականներ: Քերականորեն տարբերվում են ուղիղ խնդիր ձևավորելիս. անձնանիշ գոյականները լինում են տրականաձև՝ «Ուսումնասիրել են մարդկանց», իսկ իրանիշները՝ ուղղականաձև՝ «Ուսումնասիրել են երևույթները»: Հակառակը հնարավոր է, եթե իրանիշ գոյականնե-

ըր գործածվեն անձի առումով, ինչպես՝ «Շատ է սիրում իր խնամած փոքրիկ եղնիկին», կամ անձնանիշ գոյականները՝ իրի առումով՝ «Շատ է սիրում երեխաներ»։ Անձնանիշ և իրանիշ գոյականները քերականորեն տարբերվում են նաև ներգոյական հոլովի կազմության ժամանակ։ Անձնանիշ գոյականների ներգոյական (-ում-ով) հոլովածները գործածական չեն։ Դրանք փոխարինվում են սեռական-տրական հոլովածնով և **մեջ կապով բաղադրված նույնիմաստ կապակցությամբ՝ մարդու մեջ, բժիշկների մեջ, Արամի մեջ**։

Գ.1.2. Գոյականի հոգնակի թվի կազմության յուրահատկություններ: Գիտենք, որ եզակին նշանակում է մեկ առարկա, իսկ **հոգնակին՝** նույն տեսակի մեկից ավելի առարկաներ։ Սովորաբար հոգնակի թիվ չեն ստանում որոշ վերացական (ազնվություն, կամք, վերացում, ճախր, ծաղր), **անհաշվելի** (օդ, նավթ, անագ), **հավաքական** (ամանեղեն, ուսանողություն, վառելիք, դեղորայք) առարկաներ նշանակող գոյականները, **հատուկ անունները** (Սահարա, Հակոբ, Մեծ Բրիտանիա) և մի շարք այլ գոյականներ (տիեզերք, մթնոլորտ, լուսին)։

Հատուկ անունը հոգնակի թիվ ունենում է երկու առանձնահատուկ դեպքերում։

1. Միևնույն անունով մեկից ավելի անձ կամ իր նշանակելիս՝ «Եկան տեր և տիկին Արամյանները»։ «Տիգրան Մեծի կառուցած երեք Տիգրանակերտներն ել հայտնի քաղաքներ են եղել»։ «1898 թ.-ին Կյուրինները հայտնագործեցին ճառագայթաակտիվ 2 տարր ևս, առաջինն անվանեցին պոլոնիում, երկրորդը՝ ուղիում»։ «Օրբելի եղբայրների թանգարանը ստեղծվել է Ծաղկաձորում՝ **Օրբելիների** ամառանոցում, և գործում է 1982 թվականից»։

2. Տվյալ անձին կամ առարկային բնորոշ հատկանիշ անվանելիս՝ «Մեր սերունդը կրկին համալրվեց նոր շրջանավարտներով, որոնց մեջ կան **արքիմեդներ՝** Արքիմեդի ուզած լծակը ստեղծելու ունակությամբ ու կամքով»։ «Մենք վարդաններ շատ ենք ունեցել»։ «Երիտասարդությունս անցել է **մոսկվաներում**։ Այս դեպքում բառը գրվում է փոքրատառով՝ որպես **հատկանիշ անվանող հասարակ գոյական**։

Գոյականի, ինչպես նաև գոյականաբար գործածված այլ բառերի հոգնակի թիվը կազմվում է՝ ուղիղ ձևին՝ եզակիին, ավելացնելով **-եր** կամ **-ներ** վերջավորությունը։ Բացառություն են **մարդ** և **կին** բառերը, որոնց հոգնակին է՝ **մարդիկ**, **կանայք**։ **Տիկին**, **պարոն**, **անձ** բառերը, բացի կանոնավոր՝ **տիկիններ**,

պարոններ և անձեր ձևերից, կարող են հոգնակի դառնալ նաև **տիկնայք**, պարոնայք, անձինք զուգաձևերով:

Միավանկ բառերի հոգնակին, ինչպես զիտենք, սովորաբար կազմվում է -եր, իսկ բազմավանկներինը՝ -ներ վերջավորությամբ՝ **տն-եր**, **նյարդ-եր**, **տարր-եր**, **սեղան-ներ**, **հետազոտություն-ներ**, **սիրամարգ-ներ**, **եկեղեցի-ներ**, **շերմաստիճան-ներ**:

Միավանկ (ինչպես նաև գաղտնավանկով վերջացող երկվանկ՝ մեկուկեսվանկանի) վերջնաբաղադրիչով բազմավանկ գոյականների մի մասի հոգնակին կազմվում է -եր վերջավորությամբ՝ **կենսաքար-եր**, **մոլախոտ-եր**, **դիտակետ-եր**, **հանքանյութ-եր**, **վերնակող-եր**, **ձագարափոս-եր**, **ձեռագր-եր**, **դեղատն-եր**, **փաստաթղթ-եր**, **գաղթավայր-եր**: Դրանք այն բառերն են, որոնցում այդ վերջնաբաղադրիչը՝ որպես գոյական, պահպանում է իր բուն իմաստը, իր նախորդ բաղադրիչին համադաս է (սարուձորեր, հարցուփորձեր, թերուդեմեր) կամ նրա լրացյալն է և նրա հետ միասին ցույց է տալիս այդ բուն իմաստի տարատեսակը՝ գիր - **հեռագիր**, **ծրագիր**, **խորագիր**, **ցույց** - նստացույց, **քույր** - **հորաքույր**, **բուժքույր**, **այց** - **ստուգայց**, **համայց**, **զոր(ք)** - **հեծելազոր**, **կայազոր**, **թիկնազոր**, **կարգ** - **ենթակարգ**, **վերակարգ**, **անցր** - **քթանցր**, **դիտանցր**: Սա նշանակում է, որ **հեռագիր-ը**, **ծրագիր-ը** գրի տեսակներ են, **առանձնատուն-ը**, **թոնքատուն-ը** տան տեսակներ են, **ծայրակետ-ը**, **ստորակետ-ը** կետի տեսակներ են ևն: Այս բառերը մեծ մասամբ կարելի է արտահայտել բառակապակցությամբ, որի գերադաս անդամը միավանկ վերջնաբաղադրիչն է, և բառակապակցությունը հոգնակի դարձնելիս հենց այդ բաղադրիչն է ստանում -եր վերջավորությունը՝ **խնդրազրեր** - **խնդիրների գրեր**, **նստացույցեր** - **նստած ցույցեր**, **ձեռագրեր** - **ձեռքի գրեր**, **միջնակետեր** - **միջին կետեր**:

Այլ դեպքերում միավանկ վերջնաբաղադրիչով բառն ստանում է -ներ վերջավորությունը, ընդ որում՝ այդ վերջնաբաղադրիչը չի ենթարկվում հնյունափոխության՝ **կենսազիր-ներ**, **վիպազիր-ներ**, **բարձրակարգ-ներ**, **հարկահան-ներ**, **ածխաջրածին-ներ**, **չափացույց-ներ**, **լրւանցր-ներ** ևն: Պատճառն այն է, որ այս դեպքում բաղադրյալ բառը իր միավանկ վերջնաբաղադրիչի նշանակած երևույթի տարատեսակ ցույց չի տալիս, իր գոյականական բուն իմաստով հանդես չի գալիս, այլ մի նոր, մեծ մասամբ՝ բայական, երբեմն էլ՝ փոխաբերական իմաստով, օրինակ՝ **հաշվապահ** նշանակում է ոչ թե «հաշվի պահ», այլ «հաշիվ պահող (անձ)» (նմանապես՝ **հերթապահ-ներ**, **թիկնապահ-ներ**

ևն), ժամկետ նշանակում է ոչ թե «ժամանակի կետ», այլ «ժամանակահատված», տեսակետ նշանակում է ոչ թե «տեսնելու կետ», այլ «կարծիք, հայացք, մոտեցում»: Այնուամենայնիվ, կան միավանկ վերջնաբաղադրիչով բառեր, որոնք շեղվում են կանոնից՝ **ծովահեն-ներ, օղահեն-ներ, մանրէ-ներ, միքավ-ներ, ծխախոտ-ներ, վերելք-ներ**, կամ ունեն երկձևություն՝ **երկրաշարժ-ներ, լեռնանցք-(ն)եր, գետնանցք-(ն)եր, կայազոր(ն)եր, ջրանցք-(ն)եր, ջրհոր-(ն)եր** ևն:

Հոգնակի թվի կազմության տարբերակներ: Լեզվական կանոնի խախտումները հաճախ կապվում են որոշակի կազմություն ունեցող գոյականների թվակազմության հետ:

1. Գաղտնավանկով վերջացող մի շարք երկվանկ բառերի (այդ թվում՝ փոխանուն ածականների) հոգնակին կազմվում է –եր վերջավորությամբ՝ **ազդր-եր, մանր-եր, տեսր-եր, փոքր-եր** (դրանց ներ-ով ձևերը՝ **ծանր-ներ, մանր-ներ** ևն, գրական չեն): Միայն **անզդ, արկդ, զամփո** բառերի հոգնակին կարող է կազմվել ոչ միայն –եր, այլև –ներ վերջավորությամբ՝ **անզդ-(ն)եր, արկդ-(ն)եր, զամփո-(ն)եր:** Բարդ բառերի վերջնաբաղադրիչ դառնալու դեպքում նման բառերի հոգնակին ճիշտ է կազմել –եր-ով՝ **բառատեսրեր, տոմսարկեր, այտոսկրեր, ծովեզրեր** ևն: Գաղտնավանկով սկսվող երկվանկ գոյականների հոգնակին –ներ վերջավորությամբ է կազմվում՝ **շտաբ-ներ, սպի-ներ, սպա-ներ, ձգան-ներ, վկա-ներ** ևն:

2. Մի շարք միավանկ բառերի հոգնակին կազմվում է –ներ վերջավորությամբ (գրաբարում ն վերջնահնյուն ունեցող բառերի մեծ մասը նոր հայերենում հոգնակի կազմելիս վերականգնում է այն՝ **ն+եր**)՝ **ծնկ-ն+եր, ձկ-ն+եր, մատ-ն+եր, հարս-ն+եր, ինչպես նաև խոսակցական ձեռ-ն+եր, ոտ-ն+եր (ձեռք-եր, ոտք-եր, գրական տարբերակներին զուգահեռ):** Բացառություն է նաև **ռուս բառի** հոգնակին՝ **ռուս-ներ** (նախկինում՝ **ըռուս//ռուսու-ներ**): Այս շարքի բառերը՝ որպես բաղադրյալ բառերի վերջնաբաղադրիչներ, նույնպես ստանում են –ն+եր՝ **շողակներ, սաղցալեռներ, շնաձկներ, դաշտամկներ, բելառուսներ:** Ողևոր և **ռունգ** բառերի **ռողներ, ռունգներ** ձևերը հնացած են. դրանց փոխարեն այժմ գործածվում են **ռոեր, ռունգեր** ձևերը:

3. **Ստեղն, եղեգն, հյուսն, բնեկն** պարզ բազմավանկ բառերը, ինչպես նաև –ազն, –եղն, –ակն, –ոտն երկվանկ վերջնաբաղադրիչով բարդ բառերը ստանում են –եր վերջավորությունը՝ **ստեղն-եր, եղեգն-եր (եղեգ-եղեգներ), հյուսն-եր, բնեկն-եր, արքայազն-եր, ոյուցազն-եր, հետիոտն-եր** ևն:

4. -եր վերջավորություն ստացող միավանկ ու որոշ բազմավանկ բառեր (ինչպես նաև հոգնակի թիվ չունեցող անորոշ դերբայը) –ներ կարող են ստանալ ստացական հոգնակի կազմելիս՝ **աշքներս, տուններդ, բանուգործներս, գնալներդ: Այդպես լինում է, երբ հոդը փոխարինում է անձնական դերանունների հոգնակի սեռականի ձևերին, ինչպես՝ **մեր աշքը/աշքներս, ձեր տները//տուններդ, իրենց խոսքերը//խոսքները, նրանց շուրջը//շուրջները՝** նշանակելով, որ տվյալ առարկան(ները) կամ տվյալ տեղը վերաբերում է յուրաքանչյուրին («Ձերներդ հեռո՞ւ»: «Մտքները փոխել են»: «Սոտները փող չկա»): Հոգնակիի այսպիսի արտահայտությունը բնորոշ է խոսակցական լեզվին:**

5. Մատ և հարս բառերով վերջացող բաղադրյալ բառերը ստանում են –եր կամ –ներ վերջավորությունը՝ **ցուցամատ-(ն)եր, բրամատ-(ն)եր, նորահարս-(ն)եր, ջրահարս-(ն)եր:** **Մատ-**ով բաղադրվածների համար առավել սովորական է –ներ-ով, իսկ **հարս-**ով բաղադրվածների դեպքում՝ –եր-ով կազմությունը: («Խաղողի վազի ոստ» նշանակությամբ **մատ-**ը հոգնակին սովորաբար կազմում է –եր-ով՝ **խաղողի մատեր:**)

6. –պետ և –նիշ գոյական վերջնաբաղադրիչով բառերի համար, որպես կանոն, ճիշտ են և՝ –եր-ով, և՝ –ներ-ով կազմությունները՝ **քաղաքապետ-(ն)եր, ոստիկանապետ-(ն)եր, վարչապետ-(ն)եր, համարանիշ-(ն)եր, դրամանիշ-(ն)եր, չափանիշ-(ն)եր** ևն²⁹:

7. Կան միավանկ վերջնաբաղադրիչով համանուններ, որոնցից մեկի հոգնակին կազմվում է –եր, մյուսինք՝ –ներ վերջավորությամբ՝ կախված իմաստից, օր՝ **թթվասեր-եր** (թթվամշակված սերուցքներ) – **թթվասեր-ներ** (թթու սիրողներ), **հուշագր-եր** (մեմորանդումներ) – **հուշագիրներ** (հուշ գրող հեղինակներ), **մատենագր-եր** (ձեռագիր մատյաններ) – **մատենագիր-ներ** (մատյան գրող հեղինակներ), **սառցահատ-եր** (սառուցի հատիկներ) – **սառցահատներ** (սառուց հատող նավեր) ևն:

Գ.1.3. Հավաքական գրյականներ: Մի շարք գրյականներ, ձևով եզակի լինելով, բովանդակությամբ հոգնակի են, այսինքն՝ ցույց են տալիս միատեսակ առարկաների բազմություն, հավաքականություն՝ **ամբոխ, ազգ, բնակչություն, զորք, երամակ, հոտ, նախիր** ևն: Դրանք կոչվում են **հավաքական գրյականներ** կամ **հավաքական անուններ:** Մյուս գրյականների նման կարող են դառնալ հոգնակի՝ **ամբոխներ, ժողովուրդներ, զորքեր, բազմություններ:** Հավա-

²⁹ Մանրամասն տե՛ս «Ուղեցույց հայոց լեզվի», Եր., 2017:

քական իմաստով է գործածվում նաև **մաս բառը** մի շարք կապակցություններում ու բաղադրություններում՝ ներկաների մի մասը, նրանց մեծ մասը, բերքի գերակշռող մասը, մեծամասնությունը։ Եզակի թվով հավաքական գոյականները ենթակա լինելիս վերցնում են եզակի թվով ստորոգյալ՝ «Մեծ մասը չմասնակցեց ժողովին», «**Ժողովուրդը** հզոր ուժ է», «**Զորքը** շարժվեց առաջ»։

Գ.1.4. Հոգնակերպ գոյականներ: Զևով լինելով հոգնակի՝ բովանդակությամբ եզակի են, այսինքն՝ ունեն հոգնակերտ վերջավորություն, սակայն նշանակում են մեկ առարկա (ենթակա լինելիս վերցնում են եզակի թվով ստորոգյալ)։ Դրանք մեծ մասամբ աշխարհագրական անուններ են՝ **Ամերիկայի Միացյալ Նահանգներ, Արտեր (Կղզի), Նիդերլանդներ, Տեղեր (գյուղ)**։ Այսպիսի անունները հոգնակի թիվ չունեն։ Սրանցից տարրեր են որոշ լեռնաշղթաների անուններ (Ալպեր, Կարպատներ, Անդեր, Ապենիններ, Պիրենեյներ, Հիմալայններ), որոնք թեև աշխարհագրական մեկ հասկացություն (անուն) են նշում, սակայն ունեն մերթ հոգնակիի՝ «լեռներ» իմաստը (Ալպյան լեռներ, Կարպատյան լեռներ), մերթ եզակիի՝ «լեռնաշղթա, լեռնահամակարգ» իմաստը (Ալպյան լեռնաշղթա, Կարպատյան լեռնահամակարգ)։ Հետևաբար դրանք վերցնում են մերթ հոգնակի թվով ստորոգյալ՝ «Ալպերը շատ բարձր են», մերթ՝ եզակի թվով՝ «Ալպերն ունի 1200 կմ երկարություն»։

Գ.1.5. Անեզական գոյականներ: **-անք, -ենք, -ոնք, -ունք** ածանցներով կազմված անձնանիշ բառերը (Վարդանանք, Ծովինարենք, պապոնք, Բաղունք) թեև չունեն հոգնակիի վերջավորություն, բայց արտահայտում են հոգնակի թիվ և ստորոգյալի կամ բացահայտիչի (բացահայտյալի) հետ գործածվելիս պահանջում են հոգնակի թվով համաձայնություն, օր՝ «Հրավիրված էն նաև Մեծունք»։ «Արամենք՝ մեր ազգականները, ապրում են Վանաձորում»։ Դրանք եզակի թիվ չունեն։

Գ.1.6. Որոշյալ և անորոշ առումներ: Գոյականի որոշյալ առումը կազմվում է՝ ուղիղ ձևին՝ անորոշին (եզակի կամ հոգնակի թվով, ուղղական կամ սեռական-տրական հոլովով) ավելացնելով **-ը** կամ **-ն** վերջամասնիկը։ Բացառություն է **Աստված** (նաև **Քրիստոս**) բառը, որը եզակի ուղղականում առանց վերջամասնիկի էլ կարող է որոշյալ առումով լինել՝ «**Աստված ձեզ պահպան**», «**Քրիստոս հարյավ ի մեռելոց**»։ Հոգնակիում որոշիչ հոդ չեն ստանում **մարդիկ**, **կանայք**, **տիկնայք**, **պարոնայք**, **անձինք** բառերի, **-անք, -ենք, -ոնք, -ունք** ածանցներով անձնանիշ բառերի (Վարդանանք, Սուրենենք, պապոնք) ուղղականն ու սեռական-տրականը։

Որոշակագույն արտահայտող վերջամասնիկը կոչվում է **որոշիչ հոդ. թ և ն մասնիկները որոշիչ հոդեր են:** Իմաստային առումով տարբերություն չունեն: Ցույց են տալիս առարկայի հայտնի, ծանոթ լինելը: Կարող են ցույց տալ նաև առարկան իր ամբողջ ծավալով, եթե հատկապես դրվում են նյութ ցույց տվող գոյականների վրա՝ «**Զուր թափվեց հատակին»** – «**Զուրը թափվեց հատակին»**, կամ առարկան որպես տեսակի հասկացություն՝ «**Շունք մարդու բարեկամն ե»:** Չայնավորով վերջացող բառերը միայն **ն հոդ են ստանում՝ Կարոն, առուն, այզին, Նարինեն:** Բաղաձայնով վերջացող բառերը **թ հոդ են ստանում բաղաձայնով** (այդ թվում՝ **ելյե**–ով և **ովո**–ով) սկսվող բառերից առաջ՝ գործը կարձվեց, լրտակնը երևաց, հրանոթները որոտացին:

Ը հոդը ձայնավորով (ինչպես նաև **սկ, ստ, սպ, սթ, սվ, զգ, զդ, զբ** տառակապակցություններով) սկսվող բառերից առաջ կարող է փոխարինվել **ն հոդով՝ նախազահը ընդունեց/նախազահն ընդունեց, Արամը ասաց/Արամն ասաց, զիրքը ընկավ/զիրքն ընկավ:** Բաղաձայնով վերջացող բառերը օժանդակ բայից և **ել** (նաև **ու**) շաղկապից առաջ միայն **ն հոդ են ստանում՝ «Գործն է կարևոր»:** «Այդ հարցն **ել լուծվեց»:** «Խոսքն **ու զրուցը անպակաս են»:**

Որոշյալ առման դեպքում **թ և ն հոդերի** փոխարեն կարող են գործածվել նաև **ս և դ հոդերը՝ միաժամանակ** արտահայտելով ստացականություն, դիմորդություն կամ ցուցականություն՝ **ընկերու եկավ, գրությունդ կարդացի, ես՝ հնագետու, դուք՝ կենսաբաններդ, վերջերս իմացա, օրերս կհանդիպեն:**

Գ.1.7. Հոլովական տարբերակային ձևեր (զուգաձևություններ):

Հոլովական զուգաձևությունները սովորաբար ունենում են գործառական–ոճական տարբեր արժեքներ: Երբեմն դրանցից մեկը լինում է առավել զրական, մյուս(ներ)ը՝ առավել խոսակցական: Երբեմն ել դրանց տարբերությունը լինում է զուտ կապակցական: Որոշ դեպքերում տարբերակներից մեկը լինում է հնարանություն կամ նորաբանություն:

Սովորաբար ներգոյականի **-ում** վերջավորություն չեն ստանում անձերի և կենդանիների հատուկ և հասարակ անունները (մարդ, սեր, դասախոս, Հակոբ, արջ, Չալո), ինչպես նաև **-ություն, -ում** ածանցներով վերացական գոյականները (լրություն, գերզգայունություն, սաղցակալում, նվիրում, զգուշացում): Այդ բառերի ներգոյական հոլովի իմաստն արտահայտվում է **սեռական–տրական** հոլովածի և **մեջ** կապի միջոցով՝ մարդու մեջ, սիրո մեջ, լոռ-

թյան մեջ, նվիրումի մեջ: **Մեջ** կապով այսպիսի կազմությունները ներգոյական հոլովաձևեր չեն:

1. –ու հոլովման պատկանող բառերից գուզահեռաբար նաև –ի հոլովման են ենթարկվում՝ **-ելի, -ալի, -անի** ածանցով մի քանի գոյականներ՝ **հայելիի, ընկուզենիի, բանալիի, սպեղանիի** ևն, մի քանի հատուկ անուններ՝ **Երեքունիի, Մեղրիի, Վեղիի, Աղասիի, Շաֆֆիի, Քենեղիի, Գորկիի** ևն, մի շարք հասարակ անուններ՝ **այրիի, այրուձիի, գերիի, կանաչիի, նարդիի, նավաստիի, օղիի, քեռիի, սռնիի** ևն: (Շաֆֆի գրողի անվան համար սովորական է –ու–ով ձևը՝ **Շաֆֆու «Սամվել» վեպը**):

Գյումրի և **Լոռի** բառերի վերաբերյալ կա տերմինաբանական կոմիտեի հատուկ որոշումը՝ հանձնաբարելի համարել դրանց **ու–ով** կազմությունները՝ **Գյումրու, Լոռու, հետևաբար՝ Գյումրուց, Գյումրով, Գյումրում, Լոռով, Լոռուց**: Մինչդեռ այսօր գործառվող գրական լեզվում առավել գործածական են **ի–ով** ձևերը՝ **Գյումրիի, Գյումրիից, Գյումրիով, Գյումրիում, Լոռիով, Լոռիում**. տարածված են **Լոռու** և **Լոռուց** ձևերը:

Տերմինաբանական կոմիտեի որոշմամբ, բացի **Թրիխսի** բառից, վրացական մյուս տեղանունների համար պահպանվում են առանց **ի** վերջնահնչյունի ձևերը (**Բաթում, Բորժոմ, Ախալքալաք, Սուխում, Քութայիս** ևն). սրանց սեռական–տրականի ձևերը կկազմվեն –ի հոլովիչով՝ **Բաթում–ի** (–ից, –ով, –ում), **Սուխում–ի** (–ից, –ով, –ում), **Քութայիս–ի** (–ից, –ով, –ում) ևն: Ճիշտ է՝ **Թրիխսի–ի, –ից, –ով, –ում**: Կանոնը չի տարածվում **ի–ով** վերջացող այլ տեղանունների վրա՝ **Կախի, Գորի, Փորի** ևն:

–ելի, –ալի, –անի ածանցներով ածականների, մի շարք հատուկ անունների, **թի, դի, դար** բառերի՝ **ու** հոլովմամբ ձևերը, ինչպես՝ **Շուշու, Անու, Բջնու, Արենու, Արտենու, Փարպու, Բերկրու, Սոչու, Նոր Գեղու, Նազելու, թիու, դիու, դարու, պիտանու, խոճալու, պատվելու, ածելու, հնացած են կամ խոսակցական, ոչ գրական:**

Անկողին, մարդ, ամուսին բառերի՝ –ի հոլովմամբ ձևերը՝ **անկող(ի)նի, մարդի, ամուս(ի)նի**, խոսակցական են, ոչ գրական: Կանոնական են՝ **անկողնու, մարդու, ամուսնու**:

2. –վա հոլովման պատկանող մի շարք ժամանականից բառեր (օր–վա, առաջ–վա, գիշեր–վա, տար–վա, ժամ–վա ևն) ոչ ժամանականից իմաստով գործածվելիս սովորաբար ենթարկվում են այլ հոլովման՝ **օրի, ժամի, ամսի, գիշե-**

րի, կեսօրի, կեսզիշերի, առավոտի, ժամանակի, տարու ևն: Օր՝ «Այս ի՞նչ օրի ես հասել»: «Հանգուցյալ պապիս տարուն հավաքվել էին մեր բոլոր հարազատները»: «Առավոտի» վերջին էջում հետաքրքիր լուր կար»: «Ժամանակի մեծ մասը նա անցկացնում էր տանը»: «Այս ուշ ժամին ի՞նչ եք անում այստեղ»: «Ամսի 5-ին կիրակի է»: -վա հոլովման պատկանող բառերի մեծ մասի բացառականը կարող է կազմվել ոչ միայն սեռական-տրականի (ամսվան-ից, շաբաթվան-ից, գիշերվան-ից), այլև ուղղականի ձևից (ամս-ից, շաբաթ-ից, գիշեր-ից):

Ժամանականիշ վայրկյան, բռպե, դար, երեկո բառերը ենթարկվում են -ի հոլովման՝ վայրկյանի, բռպեի, դարի: Ռոպե, դար, երեկո, ինչպես նաև այժմ բառերի -վա-ով ձևերը համարվում են ոչ գրական:

3. -ան մասնիկ եզակի սեռականում սովորաբար ստանում են -ում վերջածանցով գոյականները՝ շարժման, ուսման, լարման, հարցման, գործիականում ունենում են -ք՝ շարժմամբ, ուսմամբ, լարմամբ, հարցմամբ: Գործածական են նաև դրանց -ի հոլովմամբ ձևերը՝ շարժումի, ուսումի, լարումի, հարցումի, և այդ դեպքում գործիականը կազմվում է ոչ թե -ք, այլ ընդհանրական -ով վերջավորությամբ՝ շարժումով, ուսումով, լարումով, հարցումով: Առաջինները գրական-զրբային կազմություններ են, երկրորդները բնորոշ են խոսակցական լեզվին:

Դիմում բառը ենթարկվում է միայն -ի հոլովման: -ում ածանցով վերջացնող առանձին գոյականների համար սովորական է -ի-ով ձևը՝ շահում-ի, տեղում-ի, վատնում-ի, ապրում-ի, պատում-ի: Դրանցում առարկայական իմաստը առավել ընդգծված է:

Մահ բառը սեռական-տրականում ունենում է ոչ թե -վա, այլ -վան հոլովիչը՝ մահվան, մահվանից, մահվանով/մահվամբ: Մահ բառը ենթարկվում է նաև -ի հոլովման՝ մահի, մահից, մահով՝ «Մահը մերն է, մենք՝ մահինք»: «Գլուխը մահի տալ»: Մրանք ունեն որոշ խոսակցական երանգ: Բեռ, գառ, եզ, թռո, ծռո, լեռ, ծունկ, բուռ, մանուկ բառերը, -ան հոլովման ձևերից բացի (բեռ-ան, գառ-ան, թռո-ան), ունեն նաև -ի հոլովիչով ձևեր՝ բեռի, գառի, եզի, թռոի, ծռոի, լեռի, ծունկի, բուռի, մանուկի, որոնք ունեն խոսակցական երանգ: Մանուկ հատուկ անունը ենթարկվում է միայն -ի հոլովման՝ Մանուկի:

Ամառ, ձմեռ բառերը ենթարկվում են նաև -վա հոլովման՝ ամռան//ամառվա, ձմռան//ձմեռվա: Գարուն, աշուն բառերի բացառականը և գործիականը, ինչ-

պես նաև **ամառ**, **ձմեռ** բառերի միայն գործիականը հիմքային գուգածնություն ունեն. դրանք կարող են կազմվել ոչ միայն ուղղականի՝ **գարուն-ից**, **աշուն-ից**, **գարուն-ով**, **աշուն-ով**, **ամառ-ով**, **ձմեռ-ով**, այլև սեռական-տրականի ձևից՝ **գարնան-ից**, **աշնան-ից**, **ամռան-ից**, **ձմռան-ից**, **գարնան-ով**, **աշնան-ով**, **ամռան-ով**, **ձմռան-ով**: **Ամառ**, **ձմեռ** բառերի բացառականը կարող է կազմվել ոչ միայն **-ան՝ ամռանից**, **ձմռանից**, այլև **-վա հոլովման ձևով՝ ամառվան-ից**, **ձմեռվան-ից**:

Ծունկի, ծնկի և ծնկան տարբերակներից գործածական են առաջին երկուսը. Վերջինը աստիճանաբար դուրս է մղվում:

4. -ոց հոլովման են պատկանում անձնանիշ քոյր, ընկեր, տեր, կին, աներ, սկեսուր, տալ, տեզր բառերը և դրանցով կազմված այն բարդությունները, որոնցում դրանք վերջնաբաղադրիչ են՝ քրոջ, ընկերոջ, տիրոջ, կնոջ, աներոջ, սկեսորոջ, տալոջ, գործընկերոջ, հորաքրոջ, սեփականատիրոջ: Քոյր բառը «բուժքոյր» իմաստով կիրառվելիս կարող է ենթարկվել նաև **-ի հոլովման՝ քոյրի, քոյրից, բուժքոյրի, բուժքոյրով:**

Սկեսուր, տալ, տեզր բառերը ենթարկվում են նաև **-ի հոլովման՝ սկեսուրի, տալի, տեզրի, որոնք գնալով ավելի գործածական են դառնում: Ավելին՝ սկեսուր, տալ, տեզր բառերի բացառական և գործիական հոլովների **-ոց-ով ձևերը՝ սկեսորոջից, սկեսորոջով, տալոջից, տեզրոջով, այժմ խոսակցական են: Խոսակցական է նաև **տեզոր ձևը**: Դրանց գրական համարժեքները կազմվում են ուղղականի ձևից՝ **սկեսուր-ով, սկեսուր-ից, տալ-ով, տալ-ից, տեզր-ով, տեզր-ից**:****

Հույսով և հուսով տարբերակներից առաջինը գործածվում է առանձնաբար՝ «Հույսով սպասելու եմ ձեզ», երկրորդը՝ սովորաբար **եմ-ի հետ գուգակցված՝ «Հույսով եմ»**: Մի քանի գոյականներ (**անկյուն, հրապարակ, խաչմերուկ, փողոց** ևն) ներգոյականի իմաստով գործածվում են վրա կապով գուգորդված՝ **անկյունի վրա, փողոցի վրա** ևն: Դա բնորոշ է խոսակցականին և գրական լեզվի կանոնով հանձնարարելի չէ:

Տեր վերջնաբաղադրիչով տերտեր բառը ենթարկվում է **-ի հոլովման, տանուտեր բառը՝ թե՛-ի, թե՛-ոց հոլովման, տանտեր-ը՝ միայն **-ոց՝ տանտիրոջ:****

5. -ց հոլովման պատկանող **-անք, -ենք, -ոնք, -ունք ածանցներով կազմված անձնանիշ բառերն ունեն միայն հոգնակի իմաստ՝ **Հայկենք, Հայկենց, Հայկենցից, Հայկենցով**:**

6. ա ներքին հոլովման պատկանող ձյուն, պյուն, անկյուն, արյուն, անուն բառը (ձյան, սյան, անկյան, արյան, անվան) կարող են ենթարկվել նաև -ի հոլովման՝ ձյունի, պյունի, անկյունի, արյունի, անունի, և այդ դեպքում արյուն, անուն բառերի գործիականը կազմվում է ոչ թե -ք (արյամբ, անվամբ), այլ ընդհանրական -ով վերջավորությամբ՝ արյունով, անունով: Մեռական–տրականի և գործիականի այս ձևերը (անունի, անունով) խոսակցական երանգ ունեն:

Տուն, շուն բառերի բացառականը կարող է կազմվել ոչ միայն հնչյունափոխված ուղղականի (տն–ից, շն–ից), այլև սեռական–տրականի ձևից (տան–ից, շան–ից): Հարություն անձնանունը ենթարկվում է միայն ի հոլովման՝ Հարությունի:

7. ո հոլովման պատկանող անձնանիշ հայր, մայր, եղբայր բառերը և դրանցով կազմված անձնանիշ բարդությունները (նախահայր, տիրամայր, հորեղբայր ևն) հոլովական գուգածնություններ չունեն՝ հոր, մոր, եղբոր, նախահոր, տիրամոր, հորեղբոր (բայց՝ տառամայրի, պտուտակամայրի):

8. Այլաձև հոլովման պատկանող գոյականներից սեր բառը սեռական–տրականում ունի տարբերակային ձև՝ սիրո / սիրուն (երգը նվիրված է քո սիրուն), սիրուց, սիրով:

Կայսր, դուստր, հույս, լույս, սուզ, հուր, պատիվ, խնդիր, մամուլ, ծնունդ, գալուստ, հանգիստ, կորուստ բառերը, բացի ընդհանրական –ի հոլովման ձևերից (կայսրի, դուստրի, հույսի, լույսի, ս(ու)զի, հրի, պատվի, խնդրի, մամուլի, ծն(ու)նդի, գալ(ու)ստի, կոր(ու)ստի), հանգստի, սեռական–տրականում ունեն նաև մեծ մասամբ քարացած կամ հնաձև կազմություններում հանդիպող անկանոն ձևեր՝ կայսեր, դուստր, հուսուն, լուսուն, սզու, հրու, պատվու, խնդրու, ծննդյան, գալուստյան, հանգստյան, կորստյան:

Աստված բառը սեռական–տրականում, բացի սովորական –ու հոլովման ձևից (Աստծու), ունի նաև գրաբարից փոխանցված աստծո գուգածներ: Գալուստ անձնանունը ենթարկվում է միայն –ի հոլովման՝ Գալուստի:

9. Փողոցների և հրապարակների բաղադրյալ հատուկ անունների՝ գոյականով արտահայտված լրացումը լրացյալի հետ, որպես կանոն, գործածվում է սեռական–տրական հոլովածնով: Օր՝ Ծերեթելու փողոց, Տիգրան Մեծի պողոտա, Գարեգին Նժդեհի հրապարակ, Մայիսի 9-ի փողոց, Հանրապետության հրապարակ, Արցախի փողոց, Տպագրիչների փողոց ևն: Սակայն եթե

լրացումը –յան կամ –յանց ածանցով է կազմված, ապա լրացյալի հետ գործածվում է ուղղական հոլովածուվ: Օր՝ **Մոսկովյան փողոց, Արովյան փողոց, Ալեք Մանուկյան փողոց, Մարշալ Բաղրամյան պողոտա** ևն:

Վարժություններ և առաջադրանքներ

1. Տրված գոյականներից յուրաքանչյուրով կազմե՛ք երկուական նախադասություն՝ իրանիշները գործածելով նաև անձի (կամ շնչավորի) առումով, իսկ անձնանիշները՝ նաև իրի առումով:

Օր՝ «Եղբայրս շատ է սիրում իր շանը»: «Եղբայրս շուն է պահում»:

Առյուծ, աշակերտ, տիկնիկ, երեխա, աղվես, զինվոր, սար, վարպետ, գետ, վարդ:

2. Կազմե՛ք տրված բառերի հոգնակին: Զուգաձևություն ունեցողների համար գրե՛ք տարբերակները:

ա) Սիրամարգ, տղամարդ, սպա, վիպագիր, ստուգայց, լիազոր, ցուցամատ, մակրայ, շնաձուկ, բնագիր, հրազեն, հուշագիր, ժամկետ, դաշտամուկ, մանրէ, անձ, երկրաշարժ, բաղաձայն, խոշորացույց, չափանիշ, գործադուլ:

բ) Գանգոսկը, բժշկապետ, տիկին, նուռ, բույն, զուգահեռագիծ, զիշանգղ, լեռնանցք, նշանակետ, ախտանիշ, քարհատ, ստեղն, նախամարդ, միջանցք, նամականիշ, լավատես, ուղերեռ, արվեստագետ, հարսնաքույր, ջրահարս, թրենդ:

գ) Ճամփեզը, մթնոլորտաչափ, դեղագործ, միջակետ, մարզաձև, ծովահեն, մեղվաբույծ, տեսաբան, վերելք, հատապտուղ, զորացույց, հերթապահ, մատենագիր, պատճեն, ջրատար, ինքնաթիո, ատամնաբույծ, սպի:

դ) Դրամարկդ, նույնանիշ, բազմավանկ, տասնապետ, ամրակար, ասուլիս, միապետ, սպա, գանձատուն, հացթուխ, մոլազար, բռնապետ, տարդեղ, խոտակեր, բթամիտ, գայլաձուկ, օրաթերթ, տետր, անգղ, վերելք, եղեգն, շտար:

3. Դո՛ւրս գրեք հոգնակիի կազմության սխալները և ոչ գրական ձևերը:

ա) Ուսադիրներ, օրագիրներ, քեռակիններ, նյարդեր, քղանցքեր, այլոց, քաղաքացիք, մանկամիտներ, թիկնապահներ, սառցահատեր, տղերք, բլոգեր, անսանակերեր, մանրէներ, մանրամասներ, մորաքույրներ, բրենդեր, թմեր, անցակետներ, մակրայեր, ձայնաշարեր:

թ) Սպորեր, երկնաքերեր, ֆիդայիններ, անձիք, էրեխեր, վերջակետեր, այլոք, բթեր, կնանիք, կայազորեր, մանրամասեր, կոշկակարներ, սառցահատներ, տեսակետեր, ականջօղներ, ծխամորձներ, ջրհորներ, զյումբեցիք, բնակվարձներ, պատճեններ, մանրներ:

4. Սյունակներով առանձնացրե՛ք անեզական, անհոգնական, հոգնակերպ և հավաքական գոյականները:

ա) Մեղր, աղանդեր, հանրություն, աճ, ամպեր (չափման միավ.), Նիդերլանդներ, քիմիա, ֆուտբոլ, քրիստոնեություն, նախիր, թթվածին, Դոն Կիխոտ, հավատարմություն, նատրիումի քորիդ, ինկվիզիցիա, ալպինիզմ, հելիում, Անդեր, դիֆուզիա, Արամենք, ձավար, կաթնամթերք:

թ) Հիմալայներ, ապագա, Ֆիլիպիններ, Ամերիկայի Միացյալ Նահանգներ, ամրոխ, հպարտություն, Վարդանանք, ուսանողություն, բերք, արծաթեղեն, ժանտախտ, գենետիկա, սեպտեմբեր, լեզվաբանություն, ուրան, վազք, գութ, Կարպատներ, ռիմակ, տրամարանություն, ֆոտոսինթեզ:

5. Առանձնացրե՛ք որոշյալ և անորոշ սոռումներով գոյականները:

Սյումեն, նեյրոն, հյուլեն, պատճեն, միջօրեն, հետիոտն, քնարերգուն, ձռովյուն, սերմացուն, ստեղն, կտրոն, երգեհոն, Կանն, մարզագետին, կթղան, թերակղզին, էթան, պարեն, այրուձին, ապավեն, պեղածոն, կաթսան, ժապավեն, ապաստան, թեղին, կրվան, ֆիդային, ձեղուն, ապագան, գինեձոն, կատարածուն, գետին, ծփին, կրծոն, քնեկն, դյուցազուն:

6. Ըստգծե՛ք հոդերի գործածությունները, նշե՛ք հոդերի տեսակները:

1. Մենք՝ ֆիզիկայի ֆակուլտետի ուսանողներս, հաճախ ենք մասնակցում միջբուհական տարբեր միջոցառումների: **2.** Հայերեն ձեռագիր մատյանների ամենախոշոր պահոցը Երևանի Մեսրոպ Մաշտոցի անվան Մատենադարանն է, որը հիմնադրվել է 1921 թ: **3.** Ամսույս վերջին Հայաստան էին այցելել ԵԱՀԿ Մինսկի խմբի համանախազահները: **4.** Խելքներդ հացի հետ եք կերել: **5.** Հայերիս ամենասիրելի տոններից մեկը Վարդապառն է: **6.** Եթե ուզում ես ազատ ժամանակ ունենալ, գուր ժամանակդ մի՛ կորցրու: **7.** Ու ամենքս ենք հիմա կիսով մենակ, Ու ամենքս ենք հիմա կիսով տիսուր (ՊՍ): **8.** Օրերս դիտակների համակարգը զամմա-բռնկումից գրանցել է գերբարձր էներգիաների ֆոտոններ: **9.** Դոներդ միշտ բաց լինի, Տաշտներդ միշտ հաց լինի (ՀԹ): **10.** Զարմանալի ազգ ենք հայերս. միշտ դժգոհ ենք ինքներս մեզնից: **11.** Միամիտ չեմ՝ հավատամ քեզ, Տառապանքս փորձ ունի (ԱԲ):

7. Գտե՛ք հողերի կիրառության սխալները և ուղղե՛ք:

1. Լուսանկարչական սարքն ստեղծել է Կալիֆոռնիայի համալսարանի ֆիզիկոսների խումբն Բահրամ Զալալի դեկավարությամբ: 2. Ֆիզիկական երևույթներն վաղնջական ժամանակներից իրենց վրա են բնետել մարդկանց ուշադրությունը: 3. Այդ երևույթին վերաբերող իմ կարծիքներս հիմնավորված են, ուստի քո նկատողությունն տեղին չէ: 4. Բնախոսությունն օրգանիզմների կենսագործունեությունն, նրանց հյուսվածքներն և ֆիզիոլոգիական ֆունկցիաները ուսումնասիրող գիտություն է: 5. Անանիա Շիրակացու այյուսակներն համարվում են հնագույնը աշխարհում հայտնի համանման այյուսակներից: 6. Հրդեհներն, ասեղնատերներում մեծ չափերի հասնելով, ոչնչացնում են հսկայական տարածքները: 7. Վերջին հարյուրամյակում ոչնչացել են բույսերի որոշ տեսակները, որոնք ունեին սննդային և դեղագործական նշանակություն: 8. Զրային էկոհամակարգերում կենդանիները ունեն ավելի երկար կենսական ցիկլ. այս վերջինս թույլ է տալիս ստանալ աղտոտման ավելի ինտեգրացված բնութագրում: 9. Հողերի բերրիության անկումն, անտառապատ տարածքների կրճատումը, ջրածածկ տարածքների վերածումն ճահիճների և նման բնույթի այլ երևույթները անապատացման հետևանքներն են: 10. Նյուտոնն հայտնագործեց տիեզերական ձգողության օրենքը, որն հնարավորություն է տվել մեծ ճշգրտությամբ հաշվարկել մոլորակների ուղեծրերը, բացատրել տեղատվության և մակրնթացության ըմբռնումներն:

8. Տրված գոյականները խմբավորե՛ք ըստ հողվումների: Նշե՛ք գուգածեռությունները և բացատրե՛ք դրանց կիրառությունները:

ա) Բույն, Մանուկ, բուռ, արյուն, հուն, տիկին, լեռ, մոտեցում, զառ, ամուսին, փորձարկում, հղի, Հարություն, մուկ, թվարկում, ձուկ, բու, մանուկ, գարուն, աշուն, գործընկեր, Արգնի, բոպե, քերինք, լրացում, կաղին, աստված:

բ) Խավարում, ձմեռ, ամառ, Սոչի, ծունկ, շարժում, ուսում, սենյակ, այգի, տանտեր, օր, բույր, փողոց, բեռ, գիրք, ամիս, լուսամուտ, գրիչ, Լոռի, բարդի, դիմում, Վարդանանք, առու, առավոտ, կեսօր, լեռ, անգամ:

9. Առանձնացրե՛ք ներքին և այլաձև հողվումներին պատկանող բառերը: Նշե՛ք գուգածեռությունները: Այլաձևերի համար գրե՛ք հողվումը:

Անուն, գրատուն, հայր, հույս, տիրամայր, կայսր, հանգիստ, ձյուն, քաջություն, աղջիկ, տեղը, հորեղբայր, անկյուն, տուն, այուն, փորձություն, զալուստ,

դուստր, իրադրություն, սեր (զգացմունք), ծնունդ, մահ, արքայադուստր, լուս, Վան, Կարին, Կիլիկիա, պատիվ:

10. Կազմե՛ք տրված գոյականների սեռական և բացառական հոլովաձևերը: Հոլովական գուգաձևություն ունեցողների համար նշե՛ք տարբերակային ձևերը:

ա) Լուսություն, հայելի, բռպէ, գրել, դիմում, աշուն, տանտեր, սեր (զգացմունք), Բարում, Բերկրի, կարկին, աղջիկ, սեր (կաթի), Գալուստ, միջօրեն, Մայակովսկի, հույս, սուզ, արյուն, ձմեռ, կայսր, ժամ, օր, դուստր, աստված:

բ) Սյուն, Մեռլի, մահ, Արշիլ Գորկի, շաշյուն, ժամանակ, բանալի, սպերանի, Մուղնի, Ռաֆֆի, Պազանինի, այրի, նավաստի, օղի, ժամանակ, բեռ, ծունկ, բուժքույր, տուն, ձյուն, հանգիստ, քույր, մուկ, հարս, ամառ, գիշեր, երդում, օձաձուկ, զարգացում, սերկելենի, այզի, հարցում:

գ) Տեգը, սկեսուր, հավատ, անուն, տարի, կնքահայր, ժամանակ, Կարո, տղամարդ, ձմեռ, քեռակին, թիմ, խավարում, դուռ, փողոց, ամիս, շուն, ծիրանի, կայսր, Արենի, տիկին, բռպէ, ցուցում, մականուն, դար, երեկո, Սոչի, Թբիլիսի, Ֆելիխինի:

11. Բացելով փակագծերը՝ կազմե՛ք բառակապակցություններ:

(Տերյան) փողոց, (Չարենց) փողոց, (Դավիթ Մալյան) նրբանցք, (Արշակունյաց) պողոտա, (Մաշտոց) պողոտա, (Ալեք Մանուկյան) փողոց, (Զանրապետություն) հրապարակ, (Սոսե) նրբանցք, (Սոսկովյան) փողոց, (Մյասնիկյան) պողոտա, (Աճառյան) փողոց, (Տիգրան Մեծ) պողոտա, (Սախարով) հրապարակ, (Բայրոն) փողոց, (Գարեգին Նժենի) հրապարակ:

Գ.1.8. Ածականի տարբերակային ձևեր: Համեմատելի հատկությունն նշանակող ածականները (որակական ածականներ) կարող են ունենալ համեմատության աստիճաններ, որոնք ցույց են տալիս տվյալ առարկայի հատկության առավել կամ պակաս լինելը այլ առարկայի նույն հատկության համեմատ, այսինքն՝ առարկայի հատկանիշի չափը: Հիշենք, որ ածականն ունի համեմատության երեք աստիճան՝ դրական, բաղդատական, գերադրական:

1. Դրական աստիճանը նշանակում է տվյալ առարկայի հատկանիշը ինքնին՝ առանց համեմատելու այլ առարկաների հետ:

2. Բաղդատական աստիճանը ցույց է տալիս առարկայի հատկանիշի ավելի, պակաս կամ հավասար լինելը այլ առարկա(ներ)ի նույն հատկանիշի համե-

մատ: Կազմվում է՝ ածականի ուղիղ ձևին ավելացվելով ավելի (առավել), պակաս (նվազ) կամ նույնքան բառը՝ ավելի մեծ, առավել իմաստուն, պակաս քաղցր, նվազ ծանր, նույնքան գործունյա: Ունի երեք տարատեսակ՝ առավելական, նվազական և հավասարական: Բաղդատական աստիճանի նշանակությամբ գործածվում են նաև շարահյուսական մի քանի կառույցներ. «Մայրամուտը լուսաբացից գեղեցիկ է»: «Ծիրանենին երկարակյաց է, քան դեղձենին»: «Վանա լճի ջուրը Կապուտանի ջրի չափ աղի չէ»: «Երազի պես (նման) մեր մանկությունը անցավ»:

Գերադրական աստիճանը ցույց է տալիս առարկայի հատկանիշի գերազանց լինելը համեմատվող վյուս բոլոր առարկաների նույն հատկանիշից: Կազմվում է՝ ածականի դրական աստիճանին ավելացվելով ամենից (բոլորից) բառը կամ **ամենա-** նախածանցը կամ էլ -(ա)գույն վերջածանցը՝ **ամենից մեծ**, բոլորից խելոք, **ամենաքաղցր**, նվազագույն, իսկ համեմատվող առարկան լինում է որոշյալ առումով՝ **ամենաքաղցր** (պտուղը), **նվազագույն** (աշխատավարձը), **ամենից լավ** (տունը), **մեծագույն** (նվաճումը): **Ամենից** (բոլորից) բառով կամ **ամենա-** նախածանցով գերադրական աստիճան կարելի է կազմել համեմատելի հատկություն նշանակող բոլոր որակական ածականներից, իսկ **-գույն** վերջածանցով՝ ոչ բոլորից:

-գույն նախածանցով կազմվում են նաև **բացարձակ գերադրական** ածականներ, որոնք գործածվում են անորոշ առումով գոյականի հետ և ցույց են տալիս առարկայի տվյալ հատկանիշի բարձր կամ ցածր աստիճանը՝ անկախ ուրիշ առարկաներից՝ «Սա **մեծագույն** նվաճում է»: «Ստանում եմ **նվազագույն** աշխատավարձ»:

Նույն ածականի վրա չի կարելի միաժամանակ ավելացնել **ամենա-** և **-գույն** ածանցները՝ **ամենաքարձրագույն**, **ամենաուժեղագույն**: (Թույլատրելի է գործածել որպես մարզական տերմին՝ **ամենաթեթևագույն**):

Գ.1.9. Թվականի տարբերակային ձևեր: Հստ իմաստի՝ թվականները բաժանվում են չորս խմբի. 1. **Քանակական թվականներ** (կոչվում են նաև **բացարձակ**). նշանակում են թիվ կամ առարկաների որոշակի քանակ՝ **մեկ**, **տասը**, **քառասունյոթ**, **չորս հարյուր ութ**: Խորքիմասային հատուկ (բնորոշ) ձև չունեն: 2. **Կոտորակային թվականներ** (համարվում են նաև քանակականների տեսակ). մատնանշում են ամբողջի մասերը՝ **մեկ վեցերորդ**, **մեկ հարյուրերորդական**, **եինգ ամբողջ վեց տասնորդական**: 3. **Դասական թվականներ**. նշանակում են առարկայի թվային կարգ՝ առաջին, երկրորդ, քսաներորդ: 4. **Բաշ-**

իսական թվականներ. նշանակում են առարկաների հավասար քանակական բաշխում՝ **հինգական, երեք–երեք:**

Թվականը քերականորեն չի ձևափոխվում: Միայն գոյականաբար գործածվելիս կարող է հոլովվել: Թվականներն ըստ կազմության լինում են՝ **պարզ՝ մեկ, հինգ, քսան, և բաղադրյալ՝ հինգերորդ, երեսուն, քսանինգ, տասական, մեկ քառորդ:** Մեկ թվականն ունի նաև մի տարբերակը, որը համանուն է **մի անորոշ դերանվանը:** Թվականակերտ ածանցները վերջածանցներ են՝ **երկ–բորդ, հինգ–երորդ, ութ–սուն, հնգ–ական: –բորդ և –երորդ ածանցները քանակական թվականներից կազմում են դասական թվականներ, ինչպես նաև **քառորդ** կոտորակային թվականը: **–բորդ–ը** գործածվում է միայն **երկբորդ, երրորդ, չորրորդ** կազմություններում: **Մեկ** քանակական թվականից նշված ածանցներով դասական թվական չի կազմվում: Դրա փոխարեն գործածվում է **առաջին բառը:****

Մեկ, երկու, երեք, չորս թվականները բաղադրյալ թվականի վերջին բաղադրիչ լինելու դեպքում ստանում են **–երորդ ածանցը՝ քսանմեկերորդ, երեսուներկուերորդ, իննսուներեքերորդ,** հարյուրչորսերորդ:

–սուն ածանցը միավոր նշանակող **երեք, չորս, հինգ, վեց, յոթ, ութ, ինը** պարզ թվականներից կազմում է տասնավոր նշանակող թվականներ՝ **քառասուն, ութսուն, իննսուն:** **Երե–սուն, հի–սուն, վաթ–սուն, յոթան–ա–սուն** կազմությունների դեպքում հիմքը համապատասխան արմատների անկանոն տարբերակներ են: **–ական** ածանցը քանակական թվականներից կազմում է բաշխական թվականներ՝ **երեքական, քսանմեկական:** Կա բաշխական թվականների կազմության մեկ այլ՝ հոմանիշ եղանակ՝ քանակական թվականի կրկնությամբ՝ **երեք–երեք, տասնինգ–տասնինգ:**

Ինը և տասը թվականները ունեն **ը կամ ն վերջնահնյուն,** որը փոխանվանական կիրառության դեպքում կատարում է նաև որոշիչ հոդի դեր: **Տասը** բառը երբեմն կարող է լինել **տաս** ձևով՝ «Բննից տաս է պակաս»: Բաղադրություններում հանդես է գալիս **ն հոդով** (տասներորդ, տասնամյակ, տասնապատիկ, տասնվեց), երբեմն **էլ՝ անհոդ** (տասհարկանի, տաստոննանց, տասմետրանց): **Ինը** թվականը միշտ պահպանում է իր **ը կամ ն վերջնահնյունը՝ տասնինը, իննսուն, իննանիշ, իննիհատորյակ, իննիհարկանի, իններորդ, իննից, իններ:**

Երկու թվականը գոյականաբար հոլովվում է երկուս- հիմքով՝ երկուսը, երկուսի(ն), երկուսով, երկուսից, երկուսներ, երկուսս, երկուսներդ ևն: Սակայն ուղիղ ձևը առանց հոդի գործածվելիս կարող է լինել թե՝ ս-ով, թե՝ առանց ս-ի՝ «Մատյանում քանի՝ երկու(ս) կա»:

Մեկից բարձր քանակական թվականի լրացյալը կարող է լինել թե՝ եզակի, թե՝ հոգնակի թվով:

1. Սովորաբար եզակի է լինում, եթե՝ 1. չափի միավոր է կամ առնվում է իբրև այդպիսին՝ «Մեկնարկին մնացել է 15 օր»: «Լույսը 1 վ-ում անցնում է 300000 կմ»: «Եկել էին քան հոգով»: «Հինգ մասնակցից ոչ մեկը չկա», 2. անորոշ առումով է, և տրամաբանական շեշտը (խոսդի ուշադրությունը) թվականով արտահայտված քանակի վրա է՝ «Դահլիճում երեք ազատ տեղ է մնացել»:

2. Սովորաբար հոգնակի է լինում, եթե՝ 1. որոշյալ առումով է՝ «Մեր երեք գործնկերներն ել գործուղման մեջ են», 2. թվարկվող առարկաները նկատի են առնվում առանձին-առանձին՝ «Հաղթեց երեք մարզիկների», 3. թվական որոշիչի և դրա որոշյալի միջև մեկ այլ որոշիչ կա՝ «Մրցությանը կմասնակցեն տասնվեց ուժեղագույն մարզիկներ»: Բայց նաև՝ «Առգրավվել է երկու ինքնաշեն ատրամանակ»:

3. Թվական որոշիչ ունեցող ենթական՝ ա. եթե հոգնակի է, ապա ստորոգյալն էլ հոգնակի է լինում՝ «Երեք գուսաններ մրցում ին», բ. եթե եզակի է, ապա ստորոգյալը կարող է լինել թե՝ եզակի, ինչպես՝ «Երկշունչ ձկներից հայտնի է 12 ընտանիք, 9-ը՝ բրածո, 3-ը՝ ժամանակակից», թե՝ հոգնակի՝ «Երկշունչ ձկներից հայտնի են 12 ընտանիքներ, 9-ը՝ բրածո, 3-ը՝ ժամանակակից»: գ. եթե փոխանուն թվական է, ապա ստորոգյալը մեկ-ի դեպքում լինում է եզակի՝ «Մեկն ինձ դուք եկավ», մյուս ամբողջ թվերի դեպքում՝ հոգնակի՝ «Մերձարևադային կլիմայական գոտիներից երկուսն ել բարենպաստ են», կոտորակի դեպքում՝ սովորաբար եզակի՝ «Մեկ երրորդը այրվել է»:

Եզակի ենթակայի ստորոգյալը դրվում է հոգնակի թվով, եթե ունի որոշիչ, որը ցույց տալիս գործողության փոխադարձություն կամ հոգնակիություն՝ «Իրար բախվեցին երկու մերենա»:

Թվականի ուղղագրությունը: Քանակական թվականները՝ մեկ-ից մինչև հարյուր-ը, պարզ բառեր են կամ բաղադրյալ համադրական կազմություններ, հարյուր մեկ-ից սկսած՝ բաղադրյալ հարադրական կազմություններ են (բացի հազար-ից, միլիոն-ից, միլիարդ-ից ևն), գրվում են առանձին բաղադրիչնե-

րով՝ երկու հազար վեց հարյուր քառասունյոթ, մեկ միլիոն, երեք տրիլիոն վեց հարյուր միլիարդ չորս հարյուր քան միլիոն յոթ հարյուր քանինգ հազար ինը հարյուր ութսունութ:

Կոտորակային թվականները հարադրական կազմություններ են. բաղադրիչները գրվում են առանձին-առանձին՝ **չորս հինգերորդ**, երեք հազարերորդ, մեկ ամբողջ հինգ տասներորդ:

Բացառություն են քառորդ բառը՝ որպես մեկ քառորդ (//մեկ չորրորդ) դասական թվականի հումանիշ, և կես բառը՝ որպես մեկ երկրորդ կոտորակային թվականի հումանիշ (մեկ երկրորդ/կես/1/2//0,5 = զրո ամբողջ հինգ տասնորդական), ինչպես նաև կես-ով մի շարք կազմություններ՝ մեկուկես, յոթուկես, տասուկես ևն:

Կոտորակային թվականի համարիչը ամբողջ թիվ նշանակող քանակական թվական է, իսկ հայտարարը՝ դասական թվական (ընդունված է առանց -ական ածանցի)՝ **մեկ երկրորդ, տասնմեկ հարյուրերորդ**:

Եթե հայտարարի վերջին թիվը 1-ն է, ապա կարդացվում է **-մեկերորդ ձևով՝ երկու տասնմեկերորդ**:

Եթե հայտարար է դառնում **տասը** թվականը, ապա կարդացվում է երեք ձևով՝ **մեկ տասներորդ, մեկ տասներորդական, մեկ տասնորդական**. սովորական է և նախընտրելի առաջին տարբերակը՝ **մեկ տասներորդ, երկու տասներորդ** ևն:

Բաշխական թվականների կրկնավոր տարբերակները գրվում են միության գծիկով՝ **յոթ-յոթ, քսանմեկ-քսանմեկ**:

Եթե **դասական** թվականը կազմված է երկուսից ավելի բաղադրիչ ունեցող հարադրական քանակական թվականից, ապա հարադրական բարդություն է, այսինքն՝ գրվում է առանձին բաղադրիչներով՝ բացառությամբ վերջին երկու թվական բաղադրիչների՝ **երկու հարյուր տասնվեցերորդ, երեք հազար երկու հարյուր տասնմեկերորդ**:

Հակիրճության համար այսպիսի դասականները սովորաբար գրվում են թվերով (վերջում կցվում է **-րդ** մասնիկը), ինչպես՝ **3211-րդ, 25875-րդ**:

Թվականները, տառերով (որպես հնչյունագիր) գրվելուց բացի, ունեն նաև իրենց **գաղափարագիր նշանները**: Դրանք կամ արաբական թվանշաններ են, կամ այբուբենի տառերը՝ հատուկ թվային արժեքներով:

Արաբական թվանշանները և դրանց համակցությունները նշանակում են քանակական թվականներ: Դրանցից բաշխական և դասական թվականներ կազմելիս համապատասխան արաբական թվանշանին միության գծիկով կցվում

Է -ական, -ին կամ -րդ՝ 1-ական, 1-ին, 2-րդ, 78-րդ: Կոտորակային թվականների դեպքում տառերով գրվող այդպիսի կցումներ չեն արվում՝ **1/2, 0,5:**

Դասական թվականների՝ առանց նշված մասնիկների գործածությունը թույլատրելի է համարվում միայն հետադաս կիրառության դեպքում՝ **հոդված 3** (կարդացվում է՝ **հոդված երրորդ**), **հոդված 78** (= **հոդված յոթանասունութերրորդ**), **կետ 1** (= **կետ առաջին**), **մաս 5** (= **մաս հինգերրորդ**) ևն:

Թվարկումների ժամանակ դասական թվականների -ին-ի և -րդ-ի փոխարեն կարող է դրվել միջակետ կամ աջ փակագիծ՝ **1., 2., 3., 4.**, կամ՝ **1), 2), 3), 4)**:

Հետադաս դիրքում անթույլատրելի է համարվում «դասականի իմաստ արտահայտող թվանշանները և տառերը հոլովված ձևերով և հոդերով գործածելը, այսինքն՝ գրել ոչ թե **կետ 1-ի, զյուի II-ով, բաժին 4-րդի, նկար 5-ը, սյունակ VI-ը** և այլն, այլ **1-ին կետի, II զյուով, զ մասից, 4-րդ բաժնի, 5-րդ նկարը, VI սյունակը** և այլն»³⁰:

Հայերենի այբուբենի տառերը և դրանց համակցությունները սովորաբար նշանակում են քանակական թվականներ, եթե մեծատառերով են (Ա, ԺԷ, ՈՉԿԵ), և դասական թվականներ, եթե փոքրատառերով են (Բ, ԻԳ, ՄԼ):

Հռոմեական թվանշանները (լատինական այբուբենի մեծատառերը) և դրանց համակցությունները նշանակում են դասական թվականներ՝ I, II, III, IV, V, VI, VII, VIII, IX, X, XI, XX (20-րդ), XXX (30-րդ), XL (40-րդ), L (50-րդ), LX (60-րդ), XC (90-րդ), C (100-րդ), CD (400-րդ), D (500-րդ), DC (600-րդ), CM (900-րդ), M (1000-րդ):

Ծանոթություն: Թվանշաններով գրված տվյալների միջև, եթե դրանք բազմանիշ թվերով նշում են գումարի չափ կամ չափման այլ միավոր, սովորական գրավոր խոսքում դրվում է միջակետ, կամ գրվում են բացատով՝ հեշտ ընկալելու համար, օր. **3.500 կմ / 3 500 կմ** ևն: Սակայն մաթեմատիկայի և առհասարակ գիտության լեզվում ընդունված է դրանց միասին գրությունը՝ մեքենական հաշվարկներում թյուրընթերցումներից խուսափելու համար՝ **3500 կմ, 10055 հեկտոար, 3678500 դրամ** ևն:

Գ.1.10. Դերանվան տարբերակային ձևեր: Դերանունը առարկա կամ հատկանիշ նշանակող խոսքի մասի (գոյականի, ածականի, թվականի կամ մակրայի) փոխարեն գործածվող բառ է: Հատ այդմ՝ դերանուն համարվող բառերը լինում են՝ **գրյականական** (Ես, մենք, սա, ինքը, միմյանց, ով, ամեն ոք, ոչ ոք, ոչինչ, ինչ ևն), **ածականական** (որ, այսպիսի, նման, ոմն, մի, սույն, միևնույն, այս, ոչ

³⁰Տե՛ս «Հայոց լեզվի կանոններ (գերատեսչական նորմատիվ ակտեր)», Եր., 2004:

մի, ինչ-ինչ, ողջ ևն), **թվականական** (այսքան, ինչքան, որքան, այսափ, նույն-չափ, ինչչափ ևն), **մակրայական** (ուր, երբ, որտեղ, ինչու, ինչպես, այսպես ևն):

- 1. Ինքս** (ինքդ, ինքը) դերանունը **ես** (դու, նա) –ի սաստկականն է, ավելի է շեշտում մասնակցի դեմքը, այդ պատճառով էլ հաճախ կիրառվում է նրա հետ միասին՝ **ես ինքս** (դու ինքդ, նա ինքը) (առանց որևէ կետադրության), 3–րդ դեմքում՝ նաև գոյականի հետ միասին՝ «Ֆիզիկոսն ինքը կատարեց փորձը»: **Ինքս** սաստկականը հոլովվում է միայն 3–րդ դեմքում (ինքը), ինչպես նաև ունի հոգնակի երեք դեմք՝ **ինքներս, ինքներդ, իրենք** (հզվ.՝ նրանք ինքները):
- 2. Տարահիմք** գուգածներ կան 1–ին և 2–րդ դեմքերի բացառական, գործիական, ներգոյական հոլովներում՝ **ինձնից – ինձանից, քեզնով – քեզանով, մեզնում – մեզանում** ևն: Անձնական դերանունների ներգոյականի ձևերը՝ **մեզնում/մեզանում, ձեզնում/ձեզանում, քեզնում/քեզանում** ևն, հազվադեպ են գործածվում: Գործածական որոշ հաճախականություն ունի **մեզանում** ձևը (նշանակում է նաև **մեր միջավայրում, Հայաստանում** ևն), մյուսները աստիճանաբար դուրս են մղվում գրական լեզվից (դրանց փոխարինում են **մեջ կապով կառուցները՝ մեր մեջ, քո մեջ** ևն):
- 3. Ինքը** դերանունը որպես հատկացուցիչ (**իր խոսքը, իր դեմքով**) կամ կապի խնդիր (**իր համար, իր հետ**) օգտագործվում է **իր** (սեռականի) ձևով և ոչ **իրեն** (տրականի). շպետը է շփոթել **իրեն** ձևի հետ, որը գործածվում է որպես ուղիղ խնդիր՝ **իրեն չի սիրում, խնամում է իրեն**, կամ հանգման խնդիր՝ **իրեն կտամ, մոտեցա իրեն:**
- 4. Անձնական դերանվան** 2–րդ դեմքի հոգնակի ձևերը կարելի է կիրառել նաև եզակի նշանակությամբ: Այդպիսի կիրառությունը կոչվում է **քաղաքավարական հոգնակի:** Քաղաքավարական հոգնակի ձևերը գրվում են մեծատառով՝ **Դուք, Ձեր, Ձեզ, Ձեզնից, Ձեզնով, Ձեզանում, Ինքներդ** ևն:
- 5. Նա** ցուցական դերանունը համանուն է **նա** անձնական դերանվանը և մատնացույց է անում **ոչ անձ** («Սրանք գեղարվեստական գրքերն են, դրանք՝ գիտականները, իսկ **նրանք**՝ գիտահանրամատչելիները»):
- 6. Ի՞նչ** դերանունը իրանիշ է և ենթարկվում է **ի հոլովման՝ ի՞նչ(ը), ինչի՞ն, ինչի՞ց, ինչո՞վ, ինչո՞ւմ, ինչե՞ր(ը)** ևն: Հաճախ գործածվում է նաև որպես ածականական դերանուն՝ «ինչպիսի՞», «ո՞ր» իմաստով՝ «Սա **ի՞նչ** սարք է»: «**Ի՞նչ նշումներ** պիտի արվեն»:

7. Մակրայական երք դերանունը գործողության կատարման կամ եղելության ժամանակի նշանակություն ունի և ենթարկվում է –վա հոլովման միայն եզակի թվով՝ երբա՞ ՝ երբվա՞ ՝ գործիական և ներգոյական հոլովներ չունի:

8. Որտեղ դերանունը արտահայտում է գործողության կատարման կամ եղելության տեղի նշանակություն: Ներգոյական հոլովմանը չի գործածվում: Ուր դերանունը ցույց է տալիս գործողության ուղղություն և չի հոլովման: Հետևաբար՝ «Որտե՞ղ է գտնվում»: «Ո՞ւր է առաքվում»: «Որտե՞ղ հանդիպեցիք»:

9. Ինչո՞ւ դերանվանը հաճախ համարժեք է ինչի՞ համար կապակցությունը՝ «Ինչո՞ւ (= ինչի՞ համար) ես քերել այդ գործիքը»: Ուստի սխալ է ինչո՞ւ դերանվան գործածությունը համար կապի հետ: Հանձնարարելի չեն նաև ոռուսաբան ինչո՞ւն է քանը//հարցը (քանը//հարցն ինչո՞ւն է) կապակցությունը (որը նշանակում է «ի՞նչ է պատահել, ի՞նչ խնդիր կա, խնդիրը ո՞րն է») և դրա պատասխանը՝ քանը//հարցը նրանում(ն) է:

10. Ամեն, ամեն մի, յուրաքանչյուր, ամենայն ածականական դերանունները գործածվում են անորոշ առումով լրացյալի հետ՝ ամեն մարդ, ամեն մի ուսանող, յուրաքանչյուր տարր, ամենայն ցանկություն, իսկ բոլոր դերանունը՝ որոշյալ առումով՝ բոլոր գրքերը:

11. Ողջ, ամբողջ, համայն դերանունները սովորաբար պահանջում են որոշյալ առումով լրացյալ՝ ողջ աշխարհը, ամբողջ օրը, համայն մարդկությունը, սակայն մի անորոշ դերանվան հետ գուգակցվելով՝ պահանջում են անորոշ առումով լրացյալ՝ մի ամբողջ տիեզերք, մի ողջ ժողովուրդ:

12. Յուրաքանչյուրը, ամեն մեկը դերանուններով արտահայտված ենթական դիմորոշ հոդ ստանալու դեպքում (յուրաքանչյուրս, ամեն մեկս, յուրաքանչյուր, ամեն մեկը) ունենում է առաջին կամ երկրորդ դեմքով դրված ստորոգյալ: Օր՝ «Յուրաքանչյուրս մի առանձին գործ ենք անում», «Ամեն մեկդ ձեր անելիքն իմացեք», «Յուրաքանչյուրս մի առանձին գործ է անում», «Ամեն մեկդ պիտի իմանա իր անելիքը»:

13. Ուն դերանունը եզակի թվով գոյականաբար չի գործածվում և չի հոլովվում: Ունի միայն որոշակին կիրառություն՝ ոմն Գրիգոր, ոմն գյուտարար:

14. Մի քանի դերանունը հոլովման է միայն եզակի թվով (մի քանիսը, մի քանիսի(ն), մի քանիսից, մի քանիսով, մի քանիսում), սակայն ենթակա լինելիս գործածվում է հոգնակի ստորոգյալի հետ՝ մի քանիսը եկան, մի քանիսով ճանապարհ ընկան:

- 15.** Որոշ դերանվան գոյականաբար գործածությունը և հոգնակի թվով հոլովումը (որոշները, որոշներից ևն) խոսակցական բնույթ ունի և բնորոշ չէ գրական լեզվին:
- 16.** Այլ դերանունը գոյականաբար երբեմն, իբրև հնարանություն, գործածվում է միայն հոգնակի ուղղականում՝ այլք (այլոք ձևը սիսալ կազմություն է), և սեռական–տրականում՝ այլոց:
- 17.** Ածականական անորոշ դերանունները գործածվում են անորոշ առումով լրացյալի հետ (քացի այսինչ, այնինչ դերանուններից)` ինչ–որ բան, ինչ–ինչ խնդիրներ, ոմն Սարգսյան, մի քաղյակ, ուրիշ հարցեր, այլ դեպքեր, որոշ պայմաններ, որևէ խոչընդոտ, որևիցե պատճառ, բայց՝ այսինչ մարդք, այսինչ–այնինչ նկատառումները:
- 18.** Եթե մի–ի լրացյալը որոշիչ հողով է՝ «Մի տողը մոռացել եմ» ուրեմն մի–ն տվյալ դեպքում ոչ թե դերանուն է, այլ թվական անուն: Հակառակ դեպքում կարող է ընկալվել և՝ որպես թվական, և՝ որպես դերանուն, ինչպես՝ «Մի տող մոռացել եմ»:
- 19.** Ածականական ոմն, մի, որևէ, որևիցե դերանունները գործածվում են միայն եզակի թվով լրացյալի հետ՝ ոմն արվեստագետ, մի մարդ, որևէ խնդիր, որևիցե խոչընդոտ, իսկ ինչ–ինչ, որոշ դերանունները՝ միայն հոգնակի թվով լրացյալի հետ՝ ինչ–ինչ հանգամանքներ, որոշ դեպքեր:
- 20.** Ոչ մի դերանունը եզակի թվով որոշյալ և ստորոգյալ է պահանջում նույնիսկ որոշյալի բազմակի լինելու դեպքում՝ «Ոչ մի տերն, ոչ մի ծաղիկ չեր շարժվում քամուց»:
- 21.** Հոգնակի մեր, ձեր, իրենց կամ նրանց ձևերի փոխարեն գործածված ստացական հողից առաջ –եր հոգնակերտ մասնիկը կարող է փոխարինվել –ներ մասնիկով՝ «Ձեռքներդ հեռո՛ւ»: = «Ձեր ձեռքերը հեռո՛ւ»: «Աչքներս լույս»= «Մեր աչքը լույս»: «Մտքները փոխել են»: = «Իրենց մտքերը փոխել են»: «Հագներին շոր չունեին»: = «Իրենց հազին շոր չունեին»: «Մոտները փող չկա»: = «Նրանց մոտ փող չկա»: Հոգնակիի այսպիսի արտահայտությունը կոչվում է ստացական հոգնակի և բնորոշ է խոսակցական լեզվին:
- 22.** Անձնական դերանվան սեռական հոլովի և ստացական հողի համատեղ գործածությունը սիսալ է (իմ գիրք > իմ գիրքը կամ գիրք, քո տեսակետներդ > քո տեսակետները կամ տեսակետներդ): Դիմորոշ հողի և անձնական դե-

բանվան միաժամանակյա գործածությունը թույլատրելի է՝ **մենք՝** աշակերտներս, **դուք՝** մասնակիցներդ:

23. Ցուցական մի քանի դերանունների հոգնակին կազմվում է և՝ **–ք,** և՝ **–ներ** մասնիկների միջոցով՝ **այդպիսիք–այդպիսիները,** **ինչպիսիք–ինչպիսիները,** **որպիսիք–որպիսիները** ևն: Առաջինները առավել հատուկ են գրական–գրքային խոսքին և համեմատաբար քիչ են գործածվում:

Գ.1.11. Դերանվանական հոդեր: Որոշ դերանուններ կարող են փոխարինվել **ս, դ, ն(ը)** վերջամասնիկներով, որոնք կոչվում են **հոդեր** կամ **դերանվանական հոդեր:** Հոդ ստանում են գոյականները՝ գիրքս, աղջիկդ, նյութք, գոյականական որոշ դերանուններ՝ ինքդ, ամենքս, մեկը, ամեն մեկդ, մեկնումեկս, ոչ մեկը: Մյուս բառերը հոդ ստանում են միայն գոյականաբար գործածվելիս՝ **մեծը, գյուղականը, երկուս, քնածը, գնալուցդ, բոլորս, այսքանդ, ո՞րս, ինչպիսի՞ն, յուրաքանչյուրս, ամբողջը, այսինչը, մոտս, վրադ, վրայովս** ևն:

Հստ դերանվանական նշանակության՝ տարբերում են հոդի չորս տեսակ՝ **ստացական, դիմորոշ, ցուցական և որոշիչ:**

Ստացական հոդ: Փոխարինում է անձնական դերանվան սեռական հոլովին՝ **իմ, քո, նրա, իք,** և մատնացույց է անում, թե խոսքի մասնակիցներից ում է պատկանում կամ վերաբերում տվյալ առարկան: Ստացական հոդ ունեցող բառը նախադասության մեջ փաստորեն համատեղում է հատկացյալի և հատկացուցիչի դերերը: Որպես ստացական՝ գործածվում են **ս, դ հոդերը:** Առաջին դեմքի **իմ (մեր)** դերանվանը կարող է փոխարինել **ս հոդը՝ «Գործս (= իմ գործը) ավարտել եմ»:** «Գործիս (= իմ գործի) տեղը փոխվել է»: «Գործիցս (= իմ գործից) մի՝ խոսեք»: «Գործովս (= իմ գործով) հպարտանում եմ»: «Մտքումս (= իմ մտքում) ուրիշ ծրագրեր են»: «Խոսքերիս (= իմ խոսքերին) հավատացե՞ք»: Երկրորդ դեմքի **քո (ձեր)** դերանվանը կարող է փոխարինել **դ հոդը՝ «Խնդրանքդ (= քո խնդրանքը) կատարել եմ»:**

Դիմորոշ հոդ: Փոխարինում է անձնական դերանվան առաջին և երկրորդ դեմքերին՝ **ես, դու, և մատնացույց է անում, թե տվյալ առարկան խոսն՝ ն է, թե՝ խոսակիցը:** Սովորաբար դրվում է անձնանիշ բառերի վրա: Ուղղական հոլովով բառի վրա դրվելիս միշտ դեմքով համաձայնում է ստորոգյալի հետ՝ կրկնելով նրա դեմքը:

Որպես դիմորոշ՝ գործածվում են **ս և դ հոդերը:** Անձնական դերանվան առաջին դեմքի **ես (մենք)** ձեին և դրա թեք հոլովածներին կարող է փոխարինել **ս**

հոդը՝ մասնակիցս = ես՝ մասնակիցս, մասնակցիս = իմ՝ մասնակցիս կամ ինձ՝ մասնակցիս, մասնակցիցս = ինձնից՝ մասնակցիցս, մասնակցովս = ինձնով՝ մասնակցովս, ներքոստորագրյալներս = մենք՝ ներքոստորագրյալներս ևն:

Անձնական դերանվան երկրորդ դեմքի դու (դուք) ձևին և դրա թեք հոլովածներին կարող է փոխարինել դ հոդը՝ ամենքդ = դուք՝ ամենքդ, ձեզանից յուրաքանչյուրը = յուրաքանչյուրդ (սխալ է՝ ձեզանից յուրաքանչյուրդ), ամենքդցդ = ձեզանից՝ ամենքդցդ ևն, օր. «**Հերոսիդ** (= քեզ) գնդակ երբեք չի դիպչի»:

Երրորդ դեմքում դիմորոշ հոդը նույնանում է որոշիչ ը(ն) հոդին: Դիմորոշ հոդի և անձնական դերանվան համատեղ (միաժամանակյա) գործածությունը թույլատրելի է (մենք՝ գիտնականներս, դուք՝ մասնակիցներդ):

Ցուցական հոդ: Որպես ցուցական՝ գործածվում է ս հոդը: Փոխարինում է ցուցական այս դերանվանը և մատնացույց է անում առարկայի՝ ժամանակի կամ տարածության մեջ խոսողին մոտ լինելը՝ «Օրերս (= այս օրերին) տեղի ունեցան կարևոր իրադարձություններ»: «Աշխարհումս (= այս աշխարհում) ախ չեմ քաշի»: «Վերջերս (= այս վերջին ժամանակներում) լրջացել ես»: Առանձին գործածություններում ս-ն երկիմաստություն է դրսնորում՝ «Կյանքս (= այս կյանքը // իմ կյանքը) հոգսաշատ է դարձել»: «Գիշերս (= այս գիշերը // իմ գիշերը) լի էր երազներով»:

Որոշիչ հոդ: Որպես որոշիչ հոդ՝ գործածվում է ն(ը)-ն: Արտահայտում է առարկայի՝ խոսողին և կամ խոսակցին ծանոթ, հայտնի լինելը, խոսքում արդեն հիշատակված լինելը: Իրեն փոխարինող որոշյալ դերանուն չունի: Բայց անորոշ առման դեպքում կարող է փոխարինվել մի կամ ինչ-ոք դերանվամբ՝ *Sղան եկավ - Մի տղա եկավ:* **Ինչ-ոք տղաներ եկան:** Որոշիչ հոդ ստանում են միայն ուղղական (ճամփորդը) և սեռական-տրական (ճամփորդներին) հոլովածները:

Վարժություններ և առաջադրանքներ

1. Առանձնացրե՛ք ածականները՝ կազմելով համեմատության աստիճանները ըստ հնարավորության:

ա) Բարձր, գծուծ, հոգնած, մարմնագույն, հարթեցող, աշակերտական, ամուրի, թունդ, լեռնային, ամենը, բրդյա, պղտոր, համառորեն, մանկահասակ, երկարյա, կույր, տխուր, մելամաղձոտ, շեշտակի, ծաղկած, վճարովի, պողպատ:

Բ) Լավ, ցածր, ամենակեր, դեղին, ժլատ, նարնջագույն, պատանեկան, ջրալի, խմող, դաշտային, թավշյա, մանրամասնորեն, հարբած, վատ, սնահավատ, մեծ, կիսադեմ, մեծատուն, դժնի, հայերեն:

2. Ըստգծե՛ք այն ածականները, որոնց գերադրական աստիճանը -գույն ածանցով չի կազմվում:

Կոր, մանր, տաք, թանկ, զորեղ, բարակ, պարզ, նիհար, խիտ, մեծ, կանաչ, ծեր, վատ, նվազ, հին, ծուռ, քիչ, բարձր, վստահ, ցածր, ջինջ, նոր, ուժեղ, թույլ, խոշոր, հաճելի, լավ, վատթար, հպարտ, ազնիվ, զվարթ, խոշոր, ուրախ:

3. Կազմե՛ք նախադասություններ տրված ածականների բացարձակ և համեմատական գերադրականներով:

Ազնիվ, ուժեղ, լավ, հին, բարձր, մեծ, նվազ, վատ, ցածր, նոր, խոշոր:

4. Փոխանվանաբա՛ր կիրառեք տրված ածականները:

Մարուր, թեթև, ճերմակ, քաղցր, բարձրահասակ, կույր, կոր, փոքր, պարզ, կապույտ:

5. Թվականները գրե՛ք բառերով:

ա) Միջին տվյալներով՝ աշխարհում 100 նորածին աղջկա հաշվով ծնվում է 104–107 տղա: Աշխարհում տղամարդկանց բաժինը 50,4% է, իսկ նոր զարգացող երկրներում՝ 50,9%:

բ) Աֆրիկա մայրցամաքում նորածինների գրեթե 1/4-ը բնածին արատներ ունի:

գ) Ազգային վիճակագրական ծառայության տվյալներով Հայաստանում 2014 թ.-ին արական սեռի ներկայացուցիչների թիվը կազմել է 1439148, իսկ իգական սեռինը՝ 1571000:

դ) Եթե 2000 տարի առաջ երկրագնդի վրա ապրում էր մոտավորապես 230 մլն մարդ, ապա այժմ աշխարհի բնակչության թիվն անցնում է 7 մլրդ-ից:

ե) Ալեքսանդրիայի հռչակավոր գրադարանը հիմնադրվել է մ.թ.ա. III դ.:

զ) ՀՀ ԿԲ թողարկած 100.000-անոց թղթադրամի դիմերեսին պատկերված է Արքար Ե արքան և մի հատված 1-ին դարի տարածաշրջանային քարտեզից:

Է) Հին դարերում երկրագնդի բնակչությունը մեկ տարվա ընթացքում աճել է մի քանի հարյուր հազարով, XVIII–XIX դարերում՝ 5-10 մլն-ով, իսկ ներկայում՝ 80-85 մլն-ով:

ը) Մարդկության 70 %-ն ապրում է երկրագնդի տարածքի ընդամենը 7%-ի վրա:

թ) 1990-ական թթ. սկզբին Հայաստանը հայտնվեց շրջափակման մեջ:

Ժ) Ենթադրվում է, որ մարդկության գոյության ամբողջ ժամանակահատվածում ծնվել է շուրջ 80 000 000 000 մարդ (73,5 մլրդ մարդ մահացել է, 6,5 մլրդ մարդ ներկայումս ապրում է):

Ժա) Աշխարհի բնակչության թիվը 1830 թ.-ին կազմել է 1 մլրդ, 1960 թ.-ին՝ 3 մլրդ, 1987 թ.-ին՝ 5 մլրդ, 1999 թ.-ին՝ 6 մլրդ:

ԺԲ) Եթե XX դարի սկզբին աշխարհի բնակչության թիվը տարեկան ավելանում էր 10-15 մլն-ով, ապա 1982-ական թվականներին՝ 85-90 մլն-ով:

ԺԳ) Տարբեր դարերում հայերը գործածել են չափման տարբեր միավորներ՝ կանգուն (մոտ 46 սմ), ոտնաչափ (մոտ 30 սմ), փութ (մոտ 16 կգ), տաղանդ (մոտ 30 կգ), փարսախ//հրասախ (մոտ 5250 մ), գազ (մոտ 94 սմ) ևն, ընդորում՝ տարբեր դարերում ու տարբեր գավառներում այս չափման միավորները տարբերվել են:

6. Ուղղեք թվականների գրության սխալները:

ա) Դեռևս 1420-ական թթ. պորտուգալացիները իրականացրին առաջի գաղութային զավթումները աֆրիկյան ցամաքում:

բ) Երկու հազար ութը թվականին աշխարհի բնակչության ընդհանուր թվում երեխանները կազմել են 28,0%, աշխատանքային տարիքի մարդիկ՝ 64,6%, իսկ ծերերը՝ 7,4%:

գ) Նոյեմբերի տասնինից քսանմեկը կդիտվի առանց տեղումների եղանակ, հնարավոր է մառախուղ: Օդի ջերմաստիճանն օրվա I-ին կեսին կբարձրանա:

դ) Հայ մանրանկարչությունը տասներկուերրորդ դարի վերջին քարորդում և հատկապես տասներեքերրորդ դարում մեծ վերելք ապրեց: 12-րդ դարի II-րդ կեսից և 13-րդ դարում բացվում են Սկևորայի, Ակների, Բարձրբերդի, Հռոմելայի մանրանկարչական դպրոցները:

ե) Թորոս Ռոսլինը XII-րդ դարի կեսի կիլիկյան մանրանկարչության դպրոցի խոշորագույն ներկայացուցիչներից է: Պահպանվել են Թորոս Ռոսլինի յոթը ձեռագիր մատյաններ:

գ) Չեխ թենհիստուիխն դարձել է Ուկմբըռնի կանանց մրցաշարի I-ին քառորդ եզրափակիչ դուրս եկած III-րդ մասնակիցը:

Ե) Սերկելիի սերմերը կարմրաշազանակագույն են, ձվաձև, հազար սերմի կշիռը քսանչորսից-քառասունինգ գրամ է:

թ) Լուսնային օրացույցում տարին բաժանվում է տասերկու ամիսների, որոնք բաղկացած են մեկընդմեջ քսանինը կամ եռեսուն օրից:

7. Խմբավորե՛ք դերանուններն ըստ խորիմասային նշանակության (գոյականական, ածականական, թվականական, մակրայական):

ա) Միմյանց, այսքան, ես, նրանք, ումանք, մենք, յուրաքանչյուրը, նույնպես, ամեն ինչ, ողջ, իրենք, սա, ոչ մեկը, դուք, նա, իրար, ումն, նույնպիսի, դա, ամբողջ, ոչ ոք, մեկմեկու, այսպես, ինքը, նույնքան, ամբողջ, մյուս, միևնույն, ինչու, այլ, քանիսը, այսչափ, ինչ-ոք, իրենք:

բ) Մի երկու, ոչինչ, երբեք, ամենքը, ամենայն, համայն, սույն, ինչ, այսպես, ուրիշեցե, այդպես, բոլոր, որքան, այնչափ, ինչչափ, այս, ինչպես, ինչ-ինչ, նման, մի, որևէ, այստեղ, նույնպիսի, յուրաքանչյուր ոք, ուրիշ, ամեն մեկը, դու, ով, երբ, սույն, ողջ, ոք, որտեղ, քանի, որերորդ, այն:

8. Բնորդ դերանվան տարբեր հոլովածները կիրառե՛ք նախադասությունների մեջ:

9. Ընդգծե՛ք ճիշտ տարբերակը. եթե կա զուգաձևություն, նշե՛ք:

ա) -Իմ//ինձ համար ի՞նչ ես բերել,- խորամանկ ժպիտով հարցըց փոքրիկը:

բ) Հայազգի անվանի քիմիկոս Իվան Ապրահամյանը նշեց, որ սուպրամոլեկուլային բնագավառում մրցանակ ստանալը իր//իրեն համար մեծ պատիվ է:

գ) Աննան իր//իրեն համար խնդրի լուծման նոր տարբերակ է հորինել:

դ) Կասե՞ք, թե ձեզ//ձեր մոտից որ՞ ժամին է գնացըք շարժվում:

ե) Մեզանից//մեզնից յուրաքանչյուրը կարծում է, որ ինքը ինչ-ոք բան//բաներ կարող է անել կյանքում՝ բացահայտելու համար տիեզերքի գաղտնիքները:

զ) Ես նեղացել եմ քեզանից//քեզնից:

Է) Նրանց որոշ առաջարկները//առաջարկներ ինձ հետաքրքիր թվացին:

ը) Հարգելի՝ տիկին Պողոսյան, դուք//Դուք մոռացել եք Զեր//ձեր հեռախոսը:

թ) Քննարկմանը մասնակցում էին դասախոսներ, ուսանողներ, լրագրողներ և այլոք//այլք:

Ժ) Մենք ուսումնասիրում ենք լեզուների որոշ առանձնահատկությունները//առանձնահատկություններ:

Ժա) Մեզանում//մեզնում ընդունված է լուս ուղտ սարքել:

ԺԲ) Բոլոր//ողջ ժողովուրդը դժգոհ է և բողոքում է:

ԺԳ) Յուրաքանչյուրս պարտավոր է//պարտավոր ենք հոգ տանել շրջակա միջավայրի մասին:

ԺԴ) Այստեղ շատ մարդ կա. որոշները//ոմանք հանգստանում են, որոշները//ոմանք՝ մասնակցում ծառատունկին:

10. Կազմե՛ք ստացական հոգնակիի ձևեր՝ բառակապակցությունների դերանունները փոխարինելով ստացական հոդերով: Օր՝ մեր ձեռքերը-ձեռքներս: Մեր տները, նրանց գրքերը, ձեր ձայները, մեր ուսերին, ձեր գնալը, նրանց ձեռքերը, մեր գնալը, ձեր խելքը, իրենց խոսքերը, մեր ուշը, նրանց սրտերը, ձեր աչքերը, մեր ուտելլ:

Գ.1.12. ԲԱՅՑ: Գիտենք, որ բայերը գործողություն կամ եղելություն նշանակող բառեր են: Բայն ունի իր բնորոշ ձևը՝ ուղիղ ձևում՝ -ել կամ -ալ ածանց-վերջավորությունը: Բայր կարող է ձևափոխվել ըստ դեմքի, թվի, ժամանակի, եղանակի՝ կազմելով դիմավոր ձևեր: Բայի այդպիսի ձևափոխությունը կոչվում է **խոնարհում**: Բայի բոլոր դրական ձևերն ունեն իրենց ժխտական հակարծեքները, որոնք կազմվում են համապատասխան դրական ձևերից՝ **գրեցի-չգրեցի, ասում են - չեն ասում, կրաժանեն - չեն բաժանի, գնա՛ - մի՛ գնա են**:

Բայի գործածության մեջ ընդունված կանոններից չշեղվելու, խոսքը ճիշտ կառուցելու համար պետք է իմանալ հետևյալը.

1. Կամ տարրեր իմաստ արտահայտող բայեր, որոնք միմյանցից տարրերվում են միայն խոնարհիչով՝ աղել – աղալ, գնել – գնալ, թվել – թվալ, ծփել – ծփալ, ծխել – ծխալ են: Կամ ոյրանք կարող են լինել բառային տարրերակներ (ափսուել//ափսոսալ, ոստոստել//ոստոստալ):

2. -չ- սոսկածանցով բայերը թվով քիչ են և անկայուն, թեև շատ գործածական են: Դրանցից դիաչել, թռչել, կորչել, կաչել, փախչել, հանգչել բայերը գրական լեզվում պահպանել են -չ-ներածանցով բայի հատկանիշները: Խոսակցական լեզվում հանդիպող դիաչեցի, դիաչեց և նման ձևերը գրական լեզվում գրեթե

գործածություն չունեն և չեն հանձնարարվում: Երկու բայեր՝ **սառչել, ուռչել** հանդիպում են զուգաձևություններով: **Սառչել** բայի համար գործածվող տարբերակային ձևեր են՝ **սառեցի//սառչեցի, սառչում եմ//սառում եմ:** Գրական լեզվում հանձնարարելի են առաջինները: **Հալչել, փլչել-ը** ունեն նաև **-վ-**ածանցով կրկնասեռ տարբերակներ (**հալվել, փլվել**), որոնք կանոնական են և ավելի տարածված:

3. Սովորաբար հավելուրդային է լինում պատճառական ածանցի և **տալ** բայի համատեղումը՝ **խոսեցնել տալ, հիշեցնել տալ:** Այդ համատեղումը հնարավոր է, եթե չեզոք բայից կազմվում է ոչ միայն պատճառակերպ ներգործական բայ, այլև դրան տրվում է **պատճառական** բայի նշանակություն: Օր.՝ «Էներգահամակարգին նոր էլեկտրական հզորություններ միացնել տալու տեխնիկական պայմանների ապահովման կարգը ուժի մեջ է»:

4. -եցն- ածանց ստանում են **ե** խոնարհման պարզ, ինչպես նաև **-են-** սոսկածանց ունեցող բայերը՝ **խմել – խմեցնել, հագենալ – հագեցնել, -ացն-** ածանցը ստանում են **ա** խոնարհման պարզ և **-ան-** սոսկածանց ունեցող բայերը՝ **խաղալ – խաղացնել, հեռանալ – հեռացնել, -ցն-** ածանցը ստանում են **-ն-** և **-շ-** սոսկածանց ունեցող բայերը՝ **հասնել – հասցնել, հազնել – հազցնել, թռչել – թռցնել, կորչել – կորցնել՝** բացառությամբ մի քանի դեպքի՝ **իջնել – իջեցնել, հալչել – հալեցնել, սառչել – սառեցնել, ուռչել – ուռեցնել:** Միայլ են պատճառական ածանցով բայերի անցյալ կատարյալի ավելորդ **-եց-**ով կեղծ գրական ձևերը՝ **խաղացրեցի, թռցրեցի, մոտեցրեցի:** Ճիշտ ձևերն են՝ **խաղացրի, թռցրի, մոտեցրի:**

Խոսակցական լեզվում **ե** խոնարհման պարզ բայերից հաճախ պատճառական են կազմում ոչ թե **-եցն-** ածանցով՝ **խոսեցնել, քննեցնել, գժվեցնել, հաշեցնել, երգեցնել** են, այլ **-ացն-** ածանցով (**խոսացնել, քնացնել, հարմարացնել, հաջողացնել, ծաղկացնել, վազացնել, հիշացնել, խմացնել, երգացնել** են), որոնք սխալ ձևեր են: Դրան հակառակ՝ **ան-** սոսկածանցով բայերից **-եցն-** ածանցով երբեմն կազմում են կեղծ գրական ձևեր՝ **մզանալ > մզեցնել (մզացնել), թարմանալ-թարմեցնել (թարմացնել), հնանալ > հնեցնել (հնացնել), դժվարանալ > դժվարեցնել (դժվարացնել):** Միայլ ձևեր են նաև՝ **վախացնել (վախեցնել < վախենալ), սառացնել (սառեցնել< սառչել), հալացնել (հալեցնել< հալչել//հալվել), ուտացնել (կերցնել//ուտեցնել < ուտել), ևն:**

Կան դեպքեր, երբ **-եցն-** և **-ացն-** ածանցներով հոմանիշ բայահիմքերից կազմվում են զուգաձևեր՝ **սալիտակեցնել (<սալիտակել) և սպիտակացնել**

(<սպիտականալ>, **նիհարեցնել** (<նիհարել) և **նիհարացնել** (<նիհարանալ), **հարթեցնել** (<հարթել) և **հարթացնել** (<հարթանալ): Երկրորդ տարբերակները հնարավոր է դիտել նաև որպես սխալ կազմություններ՝ **սպիտակել**, **նիհարել**, **հարթել** ձևերից:

Սովորաբար պատճառական բայերի պես են խոնարհվում **հարցնել**, **վերցնել**, **լցնել**, **եզրակացնել** բայերը (հարցրի, հարցրեր, հարցրեց, հարցրինք, հարցրիք, հարցրին), որոնք պատճառական ածանց չեն պարունակում և միայն արտաքուստ են նման պատճառական բայերին՝ **պատճառակերպ** բայեր են:

5. Մի շարք բայերի ենթակայականի ձևեր վերածվել են նաև գոյականների՝ **ուսանող**, **ծնող**, **ընտրող**, **հարբեցող**, **մատուցող**, **ասմունքող**, **գրող**, **ուրացող**: Մի շարք դեպքերում **–ող–ը** պարզապես գոյականակերտ ածանց է՝ **լրագրող**, **ոստիոլսող**, **հեռուստադիսող**, **կինոսիրող** ևն:

Մի շարք բայերի հարակատարի ձևեր վերածվել են նաև գոյականների՝ **արած**, **կոտորած**, **հարված**, **հատված**, **խորված**, **նշանած**, **հավելված**, կամ ածականների՝ **սոված**, **նեխած**, **ցնդած**, **զինված**: Մի շարք դեպքերում **–ած–ը** վերածվել է գոյականակերտ ածանցի՝ **դիմված**, **առեղծված**, **վարկած**, **հոդված**, **զանգված**, **սոխառած**, **արկած**, **հասարակած**:

6. Բաղադրյալ ստորոգյալի կազմում իբրև ստորոգելի հանդես եկող հարակատար դերբայի հետ հանգույցը ժիստական ձևերում երբեմն սխալ է կազմվում: Հարակատարը կարող է գործածվել նաև որպես ձևաբայ՝ օժանդակ բայի հատկապես 3–րդ դեմքի հետ կազմելով, այսպես կոչված, հարակատար ժամանակ: Օր՝ «Այդ մասին ոչինչ **չի գրված**»: Դրան համարժեք է բաղադրյալ ստորոգյալով կառույցը՝ «Այդ մասին ոչինչ **գրված չէ**», որտեղ նույն հարակատար դերբայը ստորոգելի է: Առաջնը գրական լեզվում հանձնարարելի չէ:

7. Համակատար դերբայի փոխարեն խոսակցական լեզվում հաճախ գործածվում է անորոշի բացառական հոլովածերը («Տուն գնալիս (<գնալուց) հանդիպեցի նրան»): Գրական լեզվում սա մերժելի երևույթ է:

8. Հարկադրական եղանակի բայաձևերի ժիստականում **չ** մասնիկը սովորաբար դրվում է **պիտի (պետք է)** եղանակիչի վրա՝ **չպիտի երգեմ**, **չպետք է ասի**, բայց կարող է դրվել նաև բայաձևի հիմնական մասի վրա՝ **պիտի չերգեմ**, **պետք է չասի**:

9. Հրամայական եղանակի ժիստականը՝ արգելական հրամայականը կազմելիս **մի**՝ ժիստական մասնիկն ավելանում է բոլոր բայերի դրական հրամայա-

կանի ձևերի վրա՝ զրի՛ք - մի՛ զրիք, կարդա՛ - մի՛ կարդա, հազի՛ք - մի՛ հազիք, խաղացե՛ք - մի՛ խաղացեք, խոսեցրե՛ք - մի՛ խոսեցրեք ևն:

Ե խոնարհման պարզ և կրավորական բայերի հրամայականի դրական խոնարհման հոգնակիում -(եց)եք-ով վերջացող ձևերը՝ զրե՛ք կամ զրեցե՛ք, արգելականում ունենում են -եք վերջավորությունը՝ մի՛ զրեք, մի՛ խարվեք: Միաւ են ավելորդ -եց-ով ձևերը՝ մի՛ զրեցեք, մի՛ խարվեցեք:

10. Ժամանակաձևերը խոսքաշարում կարող են արտահայտել այլևայլ իմաստներ՝ երբեմն փոխարինելով միմյանց ոճական յուրահատուկ նրբերանգներով: Օր.՝ ներկա ժամանակը կարող է նշանակել՝ 1. անցյալում կատարված-ավարտված գործողություն՝ պատմական ներկա («Այնուհետև Մեսրոպ Մաշտոցն ու Սահակ Պարթևը սկսում են «Աստվածաշնչի» հայերեն թարգմանությունը»), 2. մոտ ապագայում կատարվելիք գործողություն («Երկու օրից մեկնում եմ գործուղման») ևն:

11. Հարադիր բայերի խոնարհման հարացույցում անվանական մասը միշտ մնում է անփոփոխ (լաց եղա, լաց կլինի, լաց լինող): Բաղադրյալ ժամանակաձևերի օժանդակ բայը և արգելական մի՛ մասնիկը սովորաբար միջադասվում են հարադիր բային՝ վեր եմ կենում, լաց եմ եղել, թույլ չենք տա, մայր չի մտնի, դուրս մի՛ արի (բացառություն է մի՛ վեր կաց ձևը): Պիտի (պետք է) եղանակիչը կարող է լինել թե՛ միջադաս, թե՛ առաջադաս՝ վեր պիտի կենամ, պիտի վեր կենամ, լաց պետք է լինի, պետք է լաց լինի:

Որպես կանոն՝ զուգահեռաբար խոնարհվում են զուգադրական բայերի երկու բաղադրիչներն էլ՝ կերավ - խմեց, կտանի - կրերի, ասե՛ք - խոսե՛ք:

Հարակատար և ենթակայական դերբայների թեք (հոլովկած) ձևերը սովորաբար կազմվում են միայն երկրորդ բաղադրիչի փոփոխությամբ՝ բերող-տանդները, բերած-տարածի, բերող-տանողից, բերած-տարածից, իսկ անորոշ դերբայի դեպքում առաջին բաղադրիչը նույնպես կարող է թերվել՝ ասել(ով)-խոսելով, ասել(ով)-խոսելու, ասել(ուց)-խոսելուց, ասել(ում)-խոսելում:

Համակատար դերբայով զուգադրական բայերից (ասելիս-խոսելիս) առաջինը կարող է լինել առանց -իս-ի, որը երկու բայի համար դառնում է ընդհանուր մասնիկ՝ ասել-խոսելիս:

12. **Անկանոն բայեր:** Բանայ, բառնայ, կենալ բայերը ներկայումս հնացած են և անզործածական: Դրանց փոխարեն գործածվում են բացել, բարձել, մնալ բայերը. Վերջին երկուսը կանոնավոր են:

Մի շարք անկանոն և պակասավոր բայերի անցյալ կատարյալի զուգաձևերից (ասացի//ասի, արեցի//արի, բացեցի//բացի, բերեցի//բերի, դրեցի//դրի, բռղեցի//բռղի, լացեցի//լացի, տվեցի//տվի) գրական լեզվում գործածական և հանձնարարելի են առաջինները՝ անցյալի ցոյական հիմքից կազմված ձևերը։ Երկրորդները ունեն ընդգծված խոսակցական երանգ։ **Ասել** բայի անցյալ կատարյալի ձևերը ձգտում են խոնարհման կանոնավոր ձևերին՝ **ասեցի, ասեցիր, ասեցին** ևն. սրանք առաջմ ավելի բնորոշ են խոսակցական լեզվին։

Ածանցավոր և անկանոն բայերի առանձնահատկությունները դրսնորվում են հիմնականում հրամայականում, անցյալ կատարյալում և վաղակատար, հարակատար, երբեմն նաև ենթակայական դերբայների ձևերում (**տեսնել - տե՛ս, տեսա, տեսել (եմ), տեսած** ևն)։

13. Կան բայեր, որոնք կրկնասեռ (երկսեռ) են։ Միայն համատեքստում կարելի է որոշել՝ բայը կրավորակա՞ն է, թե՞ չեղոք, չեղո՞ք է, թե՞ ներգործական։ Այդպիսի բայերից են՝ **ապրել, բացվել, սովորել, աշխատել, նայել, բաժանվել, գլորվել, հուզվել, պոկվել, ցնցվել** ևն։ Օր.՝ «Դրամապանակը գտնվեց» (կրավ. սեռ)։ «Ես գտնվում եմ Երևանում» (չեղ. սեռ)։ Կամ՝ «Ծանր օրեր ապրեց» (ներգ. սեռ)։ «Ապրում է Երևանում» (չեղ. սեռ)։

Վարժություններ և առաջադրանքներ

1. Առանձին պունակներով դո՛ իրս գրեք պարզ և ածանցավոր բայերը. որոշե՛ք, թե դրանք որ խոնարհման են պատկանում։

Մինչև 20-րդ դարի երկրորդ կեսը մարդը դեռևս չէր կարողացել հաղթահարել Երկրագնդի ձգողական ուժը և հնարավորություն չէր ունեցել թափանցելու տիեզերական ազատ տարածություն, լինել երկնային մարմինների վրա, անմիջականորեն հետազոտել այդ մարմինների բաղադրության մեջ մտնող քիմիական տարրերը։ Նրանց քիմիական կազմության միակ լրաբերը լույսի ճառագայթն էր։

Բայց մարդկային հանձարը ալիքային այդ նեղ լուսամուտից քամեց զարմանալիորեն շատ տեղեկություն։ Տակավին 17-րդ դարի կեսին՝ 1666 թ., Խահակ Նյուտոնը նկատեց, որ ապակյա եռանկյուն հատվածակողմով (պրիզմա) անցնող ճառագայթները պատի վրա ծիածանանման մի լուսակ (սպեկտր) են առաջացնում։ Նյուտոնը կոսից, որ լույսի ճառագայթների փունջը, որը գալիս է Արեգակից, կազմված է ալիքի տարբեր երկարություն ունեցող ճառա-

գայթներից, որոնք տարբեր չափով են բեկվում ապակյա հատվածակողմում: Փաստորեն այստեղից էլ սկսվեց ձառագայթների գունակազմական վերլուծությունը, որը երկնային մարմինների ճանաչման մի հզոր ու անփոխարինելի միջոց դարձավ (ՀԳ):

2. Առանձնացրե՛ք ածանցավոր բայերն ըստ տեսակների (սոսկածանցավոր, պատճառական, բազմապատկական, կրավորական):

ա) Անվանել, գժվեցնել, գտնել, թոշնել, երկնչել, զանազանել, զբոսնել, իջնել որոնել, հասցնել, հայտնել, հորինել, հիմնել, հասնել, տեսնել, օրեւանել, ելնել մթնել, մեկնել, դեղնել, խթանել, յուղոտել, հագնել, ճանաչել, գեղչել, կանչել, թոշել, շնչել, գոչել, հնչել, գրվել:

բ) Եզրապատել, կոտրատել, ընդհատել, վանկատել, փախցնել, կոչել, կորչել, շառաչել, սիրվել, թոշկոտել, մոտեցնել, կտրատել, վրդովվել, ներկոտել, բոցկլտալ, մտնել, դիպչել, ճիւլտել, խաղացնել, հեռանալ, քնեցնել, արագացնել, պոկոտել, մոտենալ, փախչել:

3. Կազմե՛ք հետևյալ բայերի պատճառականը (ածանցով կամ տաղ բայի հարադրությամբ):

ա) Խոնավանալ, մոտենալ, թոշել, վերանալ, իջնել, գրել, մոռանալ, մերձենալ, մորթել, հասնել, թարմանալ, փախչել, նվազել, կորչել, մզանալ, խաղալ, սպիտակել, տափակել:

բ) Մտնել, վագել, նստել, երկարել, կարձանալ, նկարել, հնանալ, սառչել, կպչել, հասկանալ, դադարել, մոլորվել, հաշտվել, պոկել, հաչել, ուտել, սատկել, տափականալ, կազմել:

4. Գտե՛ք սխալ բայաձեւերը, ուղղե՛ք և բացատրե՛ք:

ա) Խոսացած, դիպչեցինք, խստացնել, հարցրեցի, մուրացող, խլացնել, հանգչեց, վիճվել, մի՛ գրեցեք, թոշի՛ք, խաչակնքվել, քծնել, սառում են, սրդողաց, խնդրվել, ասեց:

բ) Հաջողացրեցինք, բուրող, ուռչած, կպչի՛ք, տուժված, փախչել է, ուտեցնել մոտեցրա՛, կպնելիս, կապնվել, բռնվեց (կառչեց), մի՛ կորի, ճաքճպած, զանգվել, աշխատեցնել:

5. Ընտրե՛ք ճիշտ տարբերակները:

Մզացնել - մգեցնել, խոնավեցնել - խոնավացնել, թարմեցնել - թարմացնել, քնացնել - քնեցնել, խոսացնել - խոսեցնել, կարձացնել - կարձեցնել, տափակացնել - տափակեցնել, նվազացնել - նվազեցնել, բարակեցնել - բարակացնել, կապտեցնել - կապտացնել, դեղնեցնել - դեղնացնել, բարդացնել - բարդեցնել, սովորեցնել - սովորացնել, հարթեցնել - հարթացնել, սառացնել - սառեցնել, գժվեցնել - գժվացնել:

6. Տրված կապային կառույցները արտահայտե՛ք համապատասխան դերբայական ձևերով:

Խոսելու ժամանակ, գոռալու պատճառով, քայլելու ընթացքում, շատ քնելու պատճառով, գրելու ընթացքում, երկար կարդալու հետևանքով, (մի բան) հիշելու ժամանակ, (դասը) սովորելու ժամանակ, (բարձր) երգելու հետևանքով, աշխատելու ժամանակ, քայլելու պատճառով, ուտելու ժամանակ:

7. Կազմե՛ք տրված բայերի անցյալ կատարյալը, հաստատական և արգելական հրամայականները (Եզ. և հոգն.):

ա) Թարգնել, մտածել, խոսել, վերցնել, կոտրվել, մոտենալ, հյուսել, վերջացնել, սպասել, գրել, փախչել, նկարել, կարդալ, նայել, նշմարել, տեսնել, բարձրացնել, կպչել, հասցնել:

բ) Որոշել, գնալ, հեռացնել, մեծանալ, վախենալ, խաղալ, հիշել, նշել, թերևսանալ, զովանալ, կորչել, մնալ, արտագրել, թռչել, փախցնել, շրջել, իջնել, հարցնել:

8. Նշե՛ք, թե տրված նախադասություններում ինչ ժամանակ է ցույց տալիս՝

ա) անկատար ներկան.

1. Ամեն տարի հաշմանդամների թիվն աճում է:
2. Հիմա չեմ կարող գալ, գնում եմ համալսարան:
3. 1947 թ. Բյուրականի աստղադիտարանում ծնվում է աստղասիյուռների առաջացման տեսությունը:
4. Երեկ թերթ եմ կարդում ու մտածում՝ ով ենք մենք և ուր ենք գնում:
5. Արդեն տոմս եմ գնել. գիշերը թռչում եմ Բուդապեշտ:
6. Հենց հիմա բացում ես գիրքը ու դասերդ սովորում:
7. Լինում ե, չի լինում մի թագավոր. թագավորն ունենում է երեք տղա:

բ) անցյալ կատարյալը.

1. Եթե չես զալիս, ես գնացի:
2. Երեկ հանդիպեցի գիտական դեկավարիս, և կազմեցինք իմ աշխատանքային պլանը:
3. - Աննա՝, գնացինք քարտեզները բերելու, շո՛ւտ արա:
4. Արագ վեր կացար ու դուրս գնացիք այստեղից, հասկացա՞ք:
9. Կազմե՛ք հետևյալ կանոնավոր և անկանոն բայերի անցյալ կատարյալը, հաստատական և արգելական հրամայականները (եզ. և հոգն.): Նշե՛ք զուգաձևությունները:

ա) Աղմկել, գտնել, փախչել, ծիծաղեցնել, մոտենալ, զգալ, հասցնել, իջնել, հասկացնել, կորչել, խոստանալ, հարցնել:

բ) Ասել, ուտել, անել, զալ, լինել, բացել, դնել, տալ, թողնել, տեսնել, վեր կենալ, դառնալ, վերցնել, լվանալ:

10. Տրված կրկնասեռ բայերով կազմե՛ք երկուական նախադասություն՝ դրանք կիրառելով տարբեր սեռերի նշանակությամբ:

Օր.՝ 1. «Նա օտար լեզուն հեշտությամբ սովորեց» (ներգ. սեռ): 2. «Տղան ջանասեր է և լավ է սովորում» (չեղ. սեռ):

Կարդալ, ապրել, նայել, ծաղկել, խոռվել, սկսվել, բաժանվել, ցնցվել, բացվել, հալվել:

11. Փակագծերում տրված բառերը անհրաժեշտ փոփոխությունների ենթարկելով՝ լրացրե՛ք համապատասխան տեղերում:

1. դեպի օվկիանոս ամեն տարի միջոցով 20-25 միլիարդ տոննա զանազան նյութեր՝ նստելով:

(գետ, հատակ, տեղափոխել, ցամաք)

2. Ցանկացած կամ հավաքույթի ես այնպիսի եմ ընտրում, հետ ձանապարհը հետաքրքիր կանցնի:

(անձ, ով, արշավ, գնայ)

3. Քաղաքակիրթ երկրներում մշակույթի ու մշակութային գործունեությանն կառույցներ են գործում, սակայն մոտ այդպիսի կառույցներ դեռ չեն:

(աջակցել, նախարարություն, ուրվագծել, ես)

4. նատրիումական աղը անհոտ է և անհամ, արագ խոնավությունը, ջրում՝ օպակեսցենտոլ լուծույթներ:

(առաջանալ, զլիկոլաթթու, ուռչել, կլանել)

5. Գիշերը, շերտերն արագ , սեղմվում են, իսկ շերտերը մնում են տաք և առաջացնում :

(սառչել, ստորին, մակերևութային, ճեղքվածք)

6. Բացի, քամին ժամանակ մեխանիկական մեծ աշխատանք է կատարում, մանավանդ չոր կիմա և աղքատ բուսածածկ անտառազուրկ :
(ունենալ, հողմահարում, տարածք, դա)

7. Դոնդողանյութը ջրում՝ կոլորիդ լուծույթ, դառնում է դոնդող, երք :

(առաջանալ, լուծել, սառչել որ)

8. մեծ մասը դիմացկուն է քիմիական շատ նյութերի պայմաններում. այդ պատճառով նրանք կարող են որպես շրջակա միջավայրի ... ցուցանիշներ:

(ազդեցություն, օգտագործել, աղտոտվածություն, մեղու)

9. Վտանգավոր, ազոտի երկօքսիդի և այլ պարունակությունը Երևանի, Հրազդանի օդային գերազանցում է սահմանները:

(նյութ, ածխաջրածին, ավազան, թույլատրել)

10. Նատրիումի ալգինատը, փրփուրի, լայնորեն կիրառվում է ատամի մածուկներում նրանց անհրաժեշտ :

(մածուցիկություն, նպաստել, առաջացում, ապահովել)

Գ.1.13. Մակրայների գործածության յուրահատկություններ:

1. Ամենին, բնավ, բոլորովին, դույզն-ինչ, երբեք, ել, այլևս մակրայները գործածվում են միայն ժիստական բայերի հետ՝ ամենինին հարկ չկա, բոլորովին հարմաք չեն:

Արևմտահայերենում **այլևս մակրայը արդեն** իմաստով գործածվում է նաև դրական խոնարհման բայերի հետ՝ «Ես և իմ քոյրս այլևս Հայկագեան կը սորվինք»: Հավանաբար այդ ազդեցությամբ արևելահայերենում սկսել ենք գործածել նաև **այլևս + դրական խոնարհում կառույցը՝ «Դա այլևս կատարված իրողություն է»:** Գրական արևելահայերենում այս գործածությունը հանձնարարելի չէ:

2. Որոշ մակրայներ կարող են հոլովվել՝ հեռվից, մոտիկից, երեկվանից, վաղը չեմուս օրից, այսօրվա, ներսում ևն:

3. Մակրայների մի մասը կարող է գործածվել ածականաբար՝ կատարելով որոշիչ դեր՝ բավական եկամուտ, միաձայն որոշում, ցմահ բանտարկություն, շտապ օգնություն, եռակի հերոս, շտապ եզրակացություն, արագ ընթացք ևն:

4. Մակրայների մի մասը կարող է լինել ոչ միայն բայով արտահայտված, այլև ածականով, մակրայով, իսկ չափի որոշ մակրայներ՝ նաև թվականով արտահայտված անդամի լրացում՝ ներկայումս գործազուրկ, ներքուստ հպարտ, մասամբ հայտնի, մոտավորապես վարչուն, գրեթե հարյուր, հազիվ երկու ևն:

Գ.1.14. Կապերի գործածության յուրահատկություններ:

1. **Շնորհիվ, արդյունքում, պատճառով և հետևանքով** կապերն ու կապական բառերը, նշելով հիմունքի, պատճառի, հետևանքի իմաստներ, միաժամանակ վերաբերմունք են արտահայտում. առաջին երկուսը՝ դրական, վերջին երկուսը՝ չեզոք կամ բացասական: Մեկը մյուսի փոխարեն գործածվելիս առաջանում է իմաստային անձշտություն: Անձիշտ են հետևյալ նախադասությունները՝ «Քաղցրահամ ջրերի անհամաշափ բաշխվածության արդյունքում աշխարհի բնակչության ավելի քան 20%-ը խմելու ջրի մեծ պակաս ունի»: Ընդգծված բառի փոխարեն պետք է գործածվեր **հետևանքով** հոմանիշը: Այլ օրինակներ՝ «Հարավային կիսագնդում ուժգին քամիների շնորհիվ (<=պատճառով) 40°-ի լայնության տակ այնպիսի ալիքավորում է առաջանում, որ նավապետները խուսափում են այդ լայնությունից»: «Բնության կարգավորիչ համակարգի **հետևանքով** (<=շնորհիվ) օդում պահպանվում է թթվածնի ամենաբարենպաստ (օպտիմալ) քանակը»:

2. **Հետ, մոտ, վրա, համար, պես, նման կապերը ես, դու, մենք, դուք դերանունների հետ կապակցվում են ոչ թե սեռական, այլ տրական հոլովածերով՝ ինձ նման, մեզ պես, քեզ հետ, ձեզ վրա ևն: Մոտ, վրա կապերի թեր ձևերի հետ նշված դերանունները լինում են սեռական հոլովով՝ իմ մոտից, ձեր վրայով ևն:**

3. Մի շարք կապեր և կապական բառեր՝ **առաջ, բացի, ի վեր, իբրև, ինչպես, որպես, հետո, անց**, պահանջում են տարբեր հոլովներով կապվող բառ՝ մեկ ժամ առաջ//դուն առաջ, օրեր անց//քանից անց, փողոցն ի վեր//նրան տեսնելուց ի վեր ևն:

4. Թեք հոլովներով կապվող բառ պահանջող մի շարք կապեր և կապական բառեր(առանց, առթիվ, չափ, նախքան, որպես, չհաշված, մասին, բացի, ժա-

մանակ ևն) գործածվում են այս, այդ, այն ցուցական դերանունների նաև ուղիղ ձևերի հետ՝ բացի այդ, այն մասին, առանց այդ էլ, այն ժամանակ:

5. Հանձինս կապը պահանջում է հոգնակի թվով խնդիր կամ կապի բազմակի խնդիր՝ հանձինս աշխատակիցների, հանձինս տնօրենի և փոխտնօրենի, իսկ հանձին կապը՝ եզակի թվով կապի խնդիր՝ հանձին տնօրենի:

6. Ի թիվս կապը պահանջում է հոգնակի թվով կապի խնդիր՝ ի թիվս սովորողների, ի թիվս այլոց:

7. Կապերի մեծ մասը տրոհում չի պահանջում: Հիմունքի և զիջման կապերով (ըստ, համաձայն, նայած, չնայած, հակառակ) ձևավորված անդամները նախադասության մյուս անդամներից սովորաբար տրոհվում են միջադաս դիրքում ստորակետերով, առաջադաս և վերջադաս դիրքերում՝ բութով՝ «Մենք, համաձայն պայմանավորվածության՝ մեկնեցինք վաղ առավոտյան»: «Ըստ պայմանավորվածության՝ մեկնեցինք վաղ առավոտյան»: «Խնդիրը լուծված է՝ համաձայն մաթեմատիկական ինդուկցիայի սկզբունքի»: Այդպես կարող են տրոհվել նաև բացառման որոշ կապերով (առանց, բացառությամբ, բացի, փոխանակ) ձևավորված անդամները: **Բացի կապով ձևավորված անդամները կարելի է ստորակետով տրոհել ցանկացած դիրքում՝ «**Բացի քեզնից**, ոչ ոքի չեմ ճանաչում»: «Չեմ ճանաչում ոչ ոքի, **քեզնից բացի**»: «Ես, **քեզնից բացի**, ոչ ոքի չեմ ճանաչում»: Առաջադաս և վերջադաս դիրքերում նախընտրելի է բութով տրոհումը: «**Բացի Մերկուրիից և Վեներայից**՝ բոլոր մոլորակների շուրջ պտտվում է առնվազն մեկ արբանյակ»: «Բոլոր մոլորակների շուրջ պտտվում է առնվազն մեկ արբանյակ՝ **բացի Մերկուրիից և Վեներայից**»:**

8. Ի դեմս կապը գործածվում է և՝ եզակի, և՝ հոգնակի թվով (բայց միայն անձնանիշ կամ անձի առումով վերցված) գոյականների հետ՝ ի դեմս գործընկերների/ի դեմս գործընկերոջ, բայց ոչ՝ ի դեմս հրամանազրի: (Ի թիվս, ի փառս, ի հեճուկս, ի դեմս կապերը չունեն առանց ս վերջնամասնիկի ձևեր):

9. Հետ կապը ծանոթանալ բառի հետ գործածվելիս արտահայտում է փոխադարձության իմաստ: Եթե կապվող բառը իրի անուն է, ապա, պարզ է, փոխադարձության մասին խոսք լինել չի կարող: Հետևաբար այդ դեպքում գոյականը պետք է գործածել միայն տրական հոլովով՝ առանց **հետ կապի, ինչպես՝ «Զկների մարմնի կառուցվածքի **հետ** (<=կառուցվածքին) կարելի է ծանոթանալ ուսկրային ձկների դասի օրինակով»:**

10. Բացի կապը պահանջում է բացառականով, իսկ **բացառությամբ** կապը՝ տրականով կապվող բառ՝ **բացի միջուկից**, **բացառությամբ միջուկից**: **Բացին** դրվում է կապվող բառից և՝ առաջ, և՝ հետո՝ **բացի նշվածից** // **նշվածից** բացի:

11. Առանց կապը պահանջում է տրական հոլովով կապվող բառ՝ **առանց պատասխանի**, **առանց զգուշացման** կամ **զգուշացնելու** (սխալ է՝ **առանց պատասխան**, **առանց զգուշացնել**):

Գ.1.15. Շաղկապների գործածության յուրահատկություններ:

1. Նախադասության մեջ հաճախ իրար կողքի կարող են հայտնվել համադասական և ստորադասական կամ երկու ստորադասական շաղկապներ՝ «Պարզ է, որ եթե գլորալ տաքացումը շարունակվի, ապա հետևանքները կլինեն ծովի մակարդակի բարձրացումը, մթնոլորտային տեղումների քանակի և բնույթի փոփոխությունը, անապատների աճը»: Նման դեպքերում շաղկապների միջև երբեմն կարելի է ստորակետ դնել՝ «Զարթնեցի և, որովհետև շատ շուտ էր, նորից քնեցի»:

Կրկնադիր շաղկապներով կապակցված համազոր անդամներն իրարից անջատվում են ստորակետով, բացի այն դեպքից, եթե կապված են նաև և կամ **ու** շաղկապով. կրկնադիր շաղկապները ստանում են շեշտ՝ «Ողնաշարավորները կարող են տեղափոխվել մեծ տարածություններ. կան և՝ ջրային, և՝ կիսաջրային, և՝ ցամաքային, նույնիսկ թռչող տեսակներ»: «Թթվային տեղումները առավել ծանր հետևանքներ են թողնում **թե** հողային, **թե** ջրային և **թե** անտառային էկոհամակարգերի վրա»:

2. **Թե, թե չե, եթե....., ապա** շաղկապները և՝ համադասական են, և՝ ստորադասական. **թե** համադասական շաղկապը գործածվում է երկընտրական կապակցություններում՝ «Տեսողությունն օգնում է մարդուն տարբերել մարմինների ձևը, չափերը, գույնը, իմանալ՝ հեռո՞ւ, **թե** մոտիկ են գտնվում դրանք, շարժվո՞ւմ են, **թե** անշարժ են», կամ որպես միավորից շաղկապ՝ «Յուրաքանչյուր ատոմի պրոտոն **թե** էլեկտրոն օժտված են նույն լիցքով, այդ իսկ պատճառով մարմիններն էլեկտրաչեղոր են»: «Եթե մարդը անգամ երկրագնդի խորքը թափանցելու հնարավորություն չունի, **ապա** հզոր աստղադիտակները կարող են թափանցել տիեզերքի խորքը միլիարդավոր լրտատարի հեռավորության վրա»: **Թե չե** ստորադասականը ունի **հենց** շաղկապի իմաստ՝ «Գետերի վարարումը սկսվեց **թե չե**, հողագործական աշխատանքներն ընդհատվեցին»: **Թե չե** սկսվեց **թե չե**, հողագործական աշխատանքներն ընդհատվեցին»:

սի՞ր, թե չէ հետո ուշ կլինի»: Ինչպես տեսնում ենք, կա նաև դիրքային տարբերություն:

3. Թե, որ հոմանիշ շաղկապներից որ-ը հաստատական նշանակություն ունի, օր.՝ «Պարզվում է, որ կենդանիների և բույսերի շատ տեսակներ բնաջնջվել են առանց մարդու ազդեցության», թե-ն՝ առավելապես երկրայական, ենթադրական՝ «Չի կարելի պնդել, թե գիտությանը հաջողվել է վերջնականապես ճանաչել ատոմի ներքին կառուցվածքի բոլոր օրինաչափությունները»: Հարցական դերանուն պարունակող երկրորդական նախադասությունը գլխավորին կապվում է թե շաղկապով՝ «Չեմ կարող ասել, թե նա ինչով է զբաղված»: Չի հանձնարարվում՝ «Ասաց, թե գալու է»:

4. Որ և որպեսզի շաղկապները իրար կարող են փոխարինել միայն այն դեպքում, երբ գլխավորին են կապում նպատակի պարագա երկրորդական նախադասություն՝ «Ներկայացուցիչներ են եկել, որ (=որպեսզի) հարցի քննարկումը նախապատրաստեն»: Այլ դեպքերում որպեսզի-ն չի կարող փոխարինել որ-ին, ինչպես՝ «Կայծակի առաջացման համար անհրաժեշտ է (ի՞նչ), որպեսզի (<=>որ) ամպի փոքր ծավալի մեջ ձևավորվի կեկտրական պարզում սկսելու համար անհրաժեշտ լարման կեկտրական դաշտ»: «Առաջարկություն է եղել (ինչի՞), որպեսզի (<=>որ) ատենախոսության քննարկումը հետաձգվի»:

5. Ոչ թե... այլ, ոչ միայն... այլև զուգադիր շաղկապներն ունեն իմաստային և կիրառական տարբերություններ: Դրանց երկրորդ բաղադրիչները (այլ, այլև) երբեք չեն կարող իրար փոխարինել: Հետևաբար պետք է զրել՝ «Ֆուֆորային թթուն ոչ թե եռահիմն է (ինչպես կարելի է եզրակացնել նրա քիմիական բանաձևից՝ H_3PO_3), այլ երկիհիմն է»: Բայց ոչ երբեք՝ «Ֆուֆորային թթուն ոչ թե եռահիմն է....., այլև երկիհիմն է»: Կամ՝ «Տիեզերագնացության զարգացման շնորհիվ ոչ միայն հնարավոր եղավ Լուսնից ապարների նմուշներ բերել, այլև մարդը կարողացավ ոտք դնել Լուսնի վրա»: Բայց ոչ երբեք՝ «..... ոչ միայն հնարավոր եղավ Լուսնից ապարների նմուշներ բերել, այլ մարդը կարողացավ ոտք դնել.....»: (Հիշենք նաև, որ ճիշտ չէ ոչ թե... այլ շաղկապի այլ բաղադրիչի վրա բութ դնելը):

6. Ստորագասական շաղկապները կարող են գեղչվել: Որ, թե, եթե, ինչ շաղկապների գեղման դեպքում գլխավոր և երկրորդական նախադասությունների միջև բութ է դրվում՝ անկախ դրանց շարադասությունից: Օր.՝ «Ելեկտրաչափի գնդին մետաղի քանոնով դիպչելիս պարզվում է՝ գնդի լիցքը հենց քա-

նոնի միջոցով անցնում է մեր մարմնին»: «Երկրից դիտողին թվում է՝ Արեգակը և Լուսինը մոտավորապես նույն չափերն ունեն»:

7. Երբեմն սակայն շաղկապը վերաբերականի նշանակություն է ստանում, երբ լինում է միջադաս դիրքում, և ստորակետերով տրոհվում է որպես միջանկյալ բառ՝ «Բարձր աղմուկը նկատելի վնաս է հասցնում մարդու առողջությանը. բացարձակ լրությունը, սակայն, կարող է հոգեպես խիստ ճնշել մարդուն»:

Գ.1.16. Վերաբերականների և ձայնարկությունների գործածության յուրահատկություններ:

1. Հաճախ որպես վերաբերական գործածվում են նաև մի շարք այլ բառաձևեր ու կապակցություններ՝ ասենք թե, հասկանալի է (որ), հաճելի է (որ), ցանկալի է (որ), ասում են (թե), ասվում է (որ), նշվում է (որ), հարց չկա, ոչ մի խնդիր, բայց և այնպես, չի կարող պատահել (որ), ինչ ուզում է լինի, ինչ գնով է լինի ևն:

2. Նախադասության մեկ անդամի նշանակությունը եղանակավորող վերաբերականները չեն տրոհվում՝ «Դու կարծես լավ չես զգում քեզ»: «Ճենց դա էի ուզում»: Ամբողջ նախադասության իմաստը եղանակավորողները մեծ մասսամբ տրոհվում են՝ իբրև միջանկյալ բառեր՝ «Դուք, իհարկե, պատասխան կստանաք»: «Ի դեպ, ես այդ մասին գիտեի»:

3. Մի՞ թե, չինի՞ (թե), չէ՞ որ, ի՞նչ արած, ինչպե՞ս չէ վերաբերականները միշտ զրվում են հարցական նշանով, իսկ այո՛, ո՛չ, չէ՛, ա՛յ, դե՛հ վերաբերականներ՝ շեշտով:

4. Մեկնական որոշ վերաբերականներ սկզբից տրոհվում են ստորակետով, վերջից՝ բութով՝ մի խոսքով, ասենք, ավելի ճիշտ (Երբեմն էլ՝ այսպես ասած):

5. Սաստկական այն էլ վերաբերականը (Երբեմն էլ՝ մանավանդ, նամանավանդ, անզամ, մինչև անզամ, մինչև իսկ, նույնիսկ) ստորակետով է տրոհվում միայն սկզբից՝ «Իհարկե եկել էր, այն էլ շքախմբով»:

6. Վերաբերականի արժեք ունեն նաև որոշ կարգի խոսքային բանաձևեր՝ ոռջո՛ւն, բարի լո՛յս, շնորհակալությո՛ւն, ներողությո՛ւն, հուզական արտահայտություններ՝ կեցցե՛ս, Աստված իմ, զրո՛ղը տանի:

7. Զգացական ձայնարկությունների ճշգրիտ նշանակությունը դրսևորվում է միայն խոսքաշարում: Օր՝ վայ՝ ձայնարկությունը կարող է արտահայտել

մերթ ցավ («Վա՛յ, ցավում է ոտքս»), մերթ վախ («Վա՛յ, չբարձրանաս, հանկարծ կընկնես»), մերթ զարմանք («Վա՛յ, դու որտեղից հայտնվեցիր»), մերթ դժգոհություն («Վա՛յ, այս ի՞նչ արիր, ամեն ինչ փշացրիր»), մերթ հանդիմանություն («Վա՛յ քեզ, այսպէ՞ս ես սովորել դասդ»), սպառնալիք («Վա՛յ նրան, ով կհամարձակվի ծպտուն հանել»):

8. Տևական արտասանվող ձայնարկության երկարացվող հնչյունը կարող է գրվել երկու կամ ավելի տառերով՝ **ՃՐ՝ ՌՈ, ԷՒԵԵՇ՝ յ:**

9. Ձայնարկությունը սովորաբար ստորակետերով անջատվում է նախադասությունից՝ «Է՛յ, փոքրիկ, արի՝ այստեղ»: Եթե ձայնարկությունը կոչականին է վերաբերում, ապա նրանից չի տրոհվում և նրա հետ միասին ստանում է մեկ ընդհանուր առողջանության նշան՝ «ԱՇ սիրելիս, այս ի՞նչ ես անում»:

10. Ձայնարկությունը կարող է ունենալ լրացումներ՝ դառնալով յուրատեսակ միջանկյալ բառակապակցության գերադաս անդամը՝ «Վուշ-վո՛ւշ, Անո՛ւշ, Վուշ-վո՛ւշ, քուրիկ՝ կ, Վո՛ւշ քու սերին, քու յարին...»:

11. Նմանաձայնություններից ածանցներով կարող են կազմվել բայեր, գոյականներ, ածականներ՝ **ՄՋ՝ զզ – տզզալ, տզզոց, տզզան, զրբ՝ նզ – զրնզալ, զրնզոց, զրնզան, զրնզուն:**

12. Ձայնարկությունները ավելի շատ գործածվում են խոսակցական լեզվում և գեղարվեստական գրականության մեջ, վերաբերականները՝ գիտական գրականության մեջ:

Վարժություններ և առաջադրանքներ

1. Գտե՛ք մակրայները, որոշե՛ք տեսակները:

1. Ինքնաբոցավառումը քիմիական ռեակցիայի արագության կտրուկ մեծացման երևույթն է:

2. Շիթային շարժումների միջոցով ցամաքային սալերը տեղ-տեղ տրոհվում են՝ մասնակիորեն հեռանալով իրարից:

3. Եթե երգոթերմային ռեակցիան դանդաղ է ընթանում, անջատված ջերմությունն աստիճանաբար ցրվում է շրջապատող տարածության մեջ:

4. Քնած հրաբուխները վաղուց արդեն չեն գործում, բայց լիովին պահպանել են գործող հրաբխին բնորոշ ձևն ու կառուցվածքը:

5. Անհրաժեշտ է բույսը մինչև սերմնաշաքիլը մաս առ մաս ծածկել հողով՝ կողքերից ամուր սեղմելով, այսուհետև ցողել հեղուկացիրով և ծածկել ապակիով:

6. Եթե լրտային ճառագայթն ընկնում է երկու միջավայրերի բաժանման սահմանին, նրա էներգիան կարող է մասամբ անդրադառնալ, մասամբ կլանվել:

7. Եթե Երկրագունդն ի սկզբանե հրահեղուկ լիներ, ապա տարբերակումը (ոյիֆերենցիացիա) բավականին արագ կընթանար:

8. Արկտիկական ու անտարկտիկական գոտիները հիմնականում սաղածածկ են, և այստեղ կենսական գործնթացները շատ դանդաղ են ընթանում կամ կատարելապես բացակայում են:

9. Անկենսածին ճանապարհով օրգանական նյութի ստեղծումն այժմ էլ է տեղի ունենում, և այն համեմատարար ուժին է ընթացել մոլորակի զարգացման առաջին փուլում:

10. Նատրիումը բույսերի կողմից սակավ է օգտագործվում, բայց կենդանի օրգանիզմներին չափազանց անհրաժեշտ է:

11. Հանգիստ վիճակում գորտի լեզվի ազատ մասն ուղղված է ներս, իսկ որպին բռնելիս այն արագ կարող է դուրս նետվել բերանից:

2. Տրված բառերով կազմե՛ք նախադասություններ՝ որպանք գործածելով մեկ որպես մակրայ, մեկ որպես ածական:

Օր՝ Պետք է դանդաղ բարձրանալ աստիճաններով (մակրայ):

Դանդաղ խոսքը երբեմն հոգնեցնում է (ածական):

Ակամա, բավական, հապճեպ, հեռու, միահամուռ, շտապ, վաղ, շատ, ցմահ, ուշ:

3. Կազմե՛ք բառակապակցություններ մոտ, վրա, նման կապերի թեք հոլվածերով և առաջին ու երկրորդ դեմքի անձնական դերանուններով:

4. Գտե՛ք կապային սխալ կառույցները և գրե՛ք ճիշտ ձևերը:

Փոխարեն վերլուծելու, առանց ապացուց, ըստ իս, որանով հանդերձ, ըստ այդմ, իմ հետ, ի հեճուկս, ըստ ինձ, քո հանդեպ, ձեր նման, ի թիվս այլոց, քո մոտից, ի դեմս ձեզ, ըստ որում, ի շնորհիվ, մեզ վրա, բացի նրանից, ինչու համար, հանձինս քեզ, ի ուրախություն, նրան՝ որպես ուսուցիչ, քեզ նմանները,

իօգուտ, իրեն համար, ի շարս, հօգուտ մեզ, ի սկզբանե, բացառությամբ նրանից:

5. Ընդգծե՛ք կապերն ու շաղկապները, նշե՛ք տեսակները:

ա) Տարբեր երկրներից բերված ներկերի կիրառությունը Հայկական բարձրավանդակում հայտնի է հնագույն ժամանակներից, որի վկայությունը պեղածո բազմազան ու բազմաթիվ նյութերն են: Սակայն Հայաստանը հայտնի է եղել սեփական ներկատու տարբեր նյութերով և հոչակված էր որպես բարձրորակ ներկերի արտադրության երկիր: Դրա մասին վկայություններ կան Ստրաբոնի, Պլինիոս Ավագի, Պրոկոպիոս Կեսարացու երկերում: Ամենանշանավորը որդան կարմիրն էր, որն իր արտակարգ որակի շնորհիվ մեծ հոչակ էր վայելում և արտահանվում էր: Հայաստանում լայնորեն օգտագործվել են հանքային ներկանյութերը, որոնց մեջ գերակշռում էին ներկատու հողերի տեսակները (օխրաները): Հանքային ներկանյութերից լայն կիրառություն է ունեցել նաև կապույտ գույն ներկող լազվարդ անունով հայտնի հանքաքարը (լյապիս-լազур): Սակայն ամենագործածականը բուսական ներկանյութերն էին, որոնք խիստ մեծաթիվ էին և բազմազան: Դրանց մեջ ամենաարժեքավոր բույսը, որն արտահանվել է, տորոնն է (Rubia Tinctorum):

բ) Գորգագործության մեջ սիրված գույներից մեկը կապույտն էր, որը, բացի վերը հիշատակված լազվարդից, ստացվում էր նաև լեղակաբույսից (Indigofera): Դեռին գույն տվյող ներկաբույսերից ամենատարածվածն ու հայտնին դեղնածաղիկն էր, սակայն գործածվում էին նաև այլ բույսեր: Կանաչակապտավուն երանգ ստանալու նպատակով օգտագործում էին դժնիկը կամ լվի ծաղիկը (Rhamnus Catarctiae):

Այլ գույներ ստանալու համար գործածվում էին տարբեր բույսեր: Բաց դեղին կամ կաթնագույն ստանում էին հարոի կամ թթենու տերևների միջոցով: Սրճագույնի համար մինչ օրս օգտագործվում է ընկույզի կանաչ կեղևը: Իսկ սև գույն ստանալու համար գործածում էին տտիպ (Origanum Vulgare) կոչված բազմամյա խոտաբույսը:

6. Տրված կապերով ու կապական բառերով կազմե՛ք բառակապակցություններ:

Շնորհիվ, հանուն, վրա, տակ, մոտ, ձեռքից, բացի, հանդերձ, համաձայն, ըստ, փոխարեն, հետ, առանց, առթիվ, երեսից, դեպի, չնայած, պատճառով, պես, հանձին, ի դեմս, հակառակ:

7. Յուրաքանչյուր բառով կազմե՞ք երկուական նախադասություն, որոնցում այդ բառերն ունենան խոսքիմասային տարարժեքություն. նշե՛ք դրանց խոսքիմասային պատկանելությունը:

Օրինակ՝ Եթե ուզում է, քող գնա (վերաբ.):

Գիրքի քո՞ դայստեղ, ուզում եմ կարդալ (բայ, հրամ.եղ.):

ա) Չնայած, մինչև, հետ, հեռու, նման, նախքան, հետո, ել, առաջ, ժամանակ, համար, մոտ, երեսից:

բ) Թվում է, մի, ասենք, անգամ, կարծես, երևում է, ճիշտ է, եկեք, ով զիտի, միևնույն է, տեսնես:

գ) Հակառակ, հայերեն, երիտասարդ, փոխանակ, հատված, կից, ձեռքից, զինվորական, ազգային, սակայն:

Գ.2. ՇԱՐԱՀՅՈՒՍՈՒԹՅՈՒՆ. ՆԱԽԱԴԱՍՈՒԹՅԱՆ ԱՆԴԱՄՆԵՐԻ ԿԱՊԱԿՑՄԱՆ ԵՂԱՍԱԿՆԵՐԻ ԵՎ ՄԻՋՈՑՆԵՐԻ ՅՈՒՐԱՀԱ-ԿՈՒԹՅՈՒՆՆԵՐ

Գ.2.1. Համաձայնություն (130): **Գ.2.2.** Խնդրառություն (134): **Գ.2.3.** Առդրություն (135): **Գ.2.4.** Շարադասություն (135): **Գ.2.5.** Նախադասության տարրերակային ձևեր կամ տեսակներ (138): **Գ.2.6.** Համանիշ շարակյուսական կառույցներ (140): **Գ.2.6.1.** Դրական և Ժիտական նախադասություններ (140): **Գ.2.6.2.** Նախադասության անդամների համանիշ ձևեր (140): **Գ.2.6.3.** Շաղկապական և անշաղկապ բարդ նախադասություններ (141): **Գ.2.6.4.** Ներգործական և կրավորական կառույցներ (141): **Գ.2.6.5.** Դերբայական դարձված և երկրորդական նախադասություն (142): **Գ.2.6.6.** Մեջքերկող ուղղակի և անուղղակի խոսք (142): **Վարժություններ և առաջադրանքներ (143):**

Գ.2.1. Համաձայնություն: Կապակցվող անդամները փոխադարձաբար պայմանավորում են միմյանց քերականական ձևեր: Այդպես են կապակցվում.

ա) **Ենթական և ստորոգյալք.** համաձայնում են քվով, նաև դեմքով: Ստորոգյալը եղակի թվով է դրվում, եթե ենթական եղակի է, այդ թվում՝ հավաքական կամ հոգնակերպ գոյական է՝ «Քիմիական տարր հասկացությունն առաջինը ձեսկերպել է Ռ. Բոյլը 1661 թ.», «Միացյալ Նահանգները ներխուժել են Իրաք»:

Եթե եզակի թվով ենթական ունի մեկից մեծ թվականով կամ թվականական դերանվամբ արտահայտված որոշիչ, ապա ստորոգյալը կարող է լինել և՝ հոգնակի՝ «Գիտաժողովում քննարկվելու են երկու հարց», և՝ եզակի թվով՝ «Գիտաժողովում քննարկվելու է երկու հարց»:

Ստորոգյալը հոգնակի թվով է դրվում, եթե ենթական՝ • **հոգնակի** է՝ «Երկնաքարերը օդում վառվում են, և գետին են հասնում միայն ծանր, չվառվող նյութերը», • բազմակի է՝ «1960 թ. թե՛ Վ. Համբարձումյանը, թե՛ Գ. Սահակյանը տեսականորեն հիմնավորեցին նյութի ավելի մեծ խտություն ունեցող աստղերի գոյությունը»:

Բազմակի ենթակայի հետ ստորոգյալը լինում է եզակի թվով, եթե՝

- Ենթականերն իմաստով հարաբերակից են և միասին արտահայտում են մեկ հասկացություն՝ «Քննարկման ավարտից հետո **հարց** ու **պատասխան** չհնչեց»:

- Ենթականերն ունեն **յուրաքանչյուր**, ամեն (**մի**), **ոչ մի** դերանուններով արտահայտված ընդհանուր որոշիչ՝ «Կամայական երկու բնական թվերի **ամեն մի** գումար և արտադրյալ միշտ բնական թիվ է»: «Ներկայումս **ոչ մի** քաղաք, բնակավայր չի կարող գոյատել առանց մաքրող կայանների աշխատանքի»:

- Նույն դեմքով ենթակաները կապված են «կամ», «կա՞մ», «ոչ թե ..., այլ» շաղկապներից որևէ մեկով՝ «Կա՞մ գրոսաշրջությունը, կա՞մ սերվիսային գործունեությունը **բավարարում** է մարդկանց պահանջները՝ ինքնազարգացման հնարավորություն տալով»: «Համաձայն Առողջապահության համաշխարհային կազմակերպության սահմանման՝ **ոչ թե** հիվանդությունների բացակայությունը, **այլ** ֆիզիկական, հոգեկան և սոցիալական բարեկեցությունն է **ապահովում** մարդու առողջությունը»:

- Ենթականերից մեկը՝ նախորդում, մյուսը հաջորդում է ստորոգյալին՝ «Ե՛վ օգնի քիմիական **քայլայումն** է վերնոլորտային ամպերի առաջացման հետևանք, և՝ օգնային խոռոչի չափերի **մեծացումը»: «Թե՛ զինվորն է պատասխան տալու կատարվածի համար, թե՛ **հրամանատարը**»:**

Հոգնակի կամ բազմակի ենթակայի հետ գոյականով (կամ փոխանվանաբար գործածված բառով) արտահայտված ստորոգելին սովորաբար լինում է հոգնակի թվով՝ «Դրանք քննարկման ենթակա **ծրագրեր** են», բայց կարող է լինել նաև եզակի թվով, եթե՝ • Ենթական հարգական հոգնակի նշանակող անձնական դերանուն է՝ «**Դուք**, պարո՞ն պրոֆեսոր, նաև հմուտ **վիրաբույժ** եք»:

• Ստորոգելին գնահատող իմաստ ունի և անհոգնական կամ անհաշվելի է՝ «Երիտասարդները մեր երկրի ապագան են»: • Ստորոգելին շեշտում է իր արտահայտած առարկայի ոչ թե քանակը, այլ տեսակը՝ դրվելով անորոշ առումով՝ «Քո ցույց տված բոլոր ծառերը կաղնի են»:

Դիմային համաձայնությունը արտահայտվում է բայի դիմային վերջավորություններով կամ հոդերով: 1-ին կամ 2-րդ դեմքի անձնական դերանունով արտահայտված կամ դիմորոշ հոդ (ս կամ դ) ունեցող ենթակայի հետ ստորգայլը լինում է համապատասխանաբար 1-ին կամ 2-րդ դեմքով «(**Մենք**) Մտավորականներս, չենք կարող չմասնակցել այդ շարժմանը»: «**Ի՞նքդ** փորձիր կողմնորոշվել»: Մնացած դեպքերում ստորոգայլը լինում է 3-րդ դեմքով՝ «Կյանքի ծագման առաջին փուլը համարվում է ածխաջրածինների սինթեզը»:

Տարբեր դեմքերով բազմակի ենթականների դեպքում ստորոգայլը համաձայնում է առաջին դեմքի ենթակայի հետ «**Ես**, դու, նա կմեկնենք», դրա բացակայության դեպքում՝ երկրորդ դեմքի ենթակայի հետ (**Դու** և նա իրար նման **եք**»), նաև վերջինիս բացակայության դեպքում դրվում է երրորդ դեմքով («Մատչելի էներգիայի աղբյուրը և որակը այս կամ այն չափով որոշում են օրգանիզմների տեսակային կազմը և քանակությունը»):

Բուն բացահայտիչը և բացահայտյալը համաձայնում են թվով, հոլովով, դեմքով, հաճախ նաև առումով՝ «**Մեզ**՝ Երկիր մոլորակի բնակիչներիս, շատ է հետաքրքրում գլոբալ տաքացման խնդիրը»: Դիմային համաձայնությունը կատարվում է անձնական դերանուններով և կամ դիմորոշ հոդերով: Օր՝ «**Զեզ**՝ ջրամբարները աղտոտողներիդ, մի՞թե չի անհանգստացնում մեր երկրի ապագան»: «**Ես**՝ երկրի անվտանգության երաշխավորս, իրավունք չունեմ չհարգելու այդ երկիրը, նրա արժեքները»:

Բացահայտիչն ու բացահայտյալը երբեմն կարող են չհամաձայնել՝

- թվով՝ «Ամենայն հոգատարությամբ պետք է վերաբերվենք երեխաներին՝ մեր երկրի ապագային», «Զրկվեցինք մեր ամենամեծ արժեքից՝ մեր նախնիների տարածքներից».

- հոլովով՝ «Ուրնե Դեկարտը մեծ հաջողություններ է ունեցել գիտության տարբեր ոլորտներում՝ փիլիսոփայություն, բնագիտություն, մաթեմատիկա ևն», «Վարդագինների ընտանիքը բաղկացած է 2000-4000 տեսակի բազմագան բույսերից՝ ծառեր, թփեր, խոտաբույսեր».

- դեմքով՝ «Արցախի ազատագրության համար պայքարողներդ՝ մեր նոր կյանքի կերտողն ու ապավենը, բոլոր ժամանակներում պիտի գնահատված լինեք».
- առումով՝ «Անհրաժեշտ միներալային սննդանյութերը՝ ազոտ, նատրիում, մագնիզիում, ֆոսֆոր, կալիում, ծծումբ և այլն, բույսը հողից վերցնում է ջրի մեջ լուծված վիճակում»: «Ըստ գիտական մի վարկածի՝ երկնային մարմինները՝ աստղեր, գալակտիկաներ, առաջանում են տիեզերական դիֆուզ (ցրված) նյութի խտացման ձանապարհով»:

Մասնական բացահայտիչը (բացահայտյալին է միանում **որպես** կամ **իբրև** կապով և մասամբ է բացահայտում լրացյալի ով կամ ինչ լինելը. «Օդը՝ **որպես** կյանքի **միջավայր**, օրգանիզմների զարգացմանը տալիս է որոշակի ուղղվածություն») բացահայտյալի հետ սովորաբար համաձայնում է թվով, հոլովով և որոշիչ հոդ չի ընդունում. օր.՝ «Պյութագորասին՝ **որպես մաթեմատիկոսի և փիլիսոփայի**, բարձր են գնահատել բոլոր ժամանակներում»: Մասնական բացահայտիչը բացահայտյալի նկատմամբ կարող է լինել նախադաս. «**Որպես** քիմիական **հումք՝ չհագեցած ածխաջրածինները** ստացվում են ջրային գոլորշիներով մշակման միջոցով»: Այս դեպքում բութը դրվում է բացահայտիչի վրա:

Որպես կամ **իբրև** կապով ձևավորված անդամը, եթե լրացնում է ստորոգյալին, չի տրոհվում՝ «Մի շարք զիշտափիչներ **որպես սնունդ** օգտագործում են զոհի պոպուլյացիայի բոլոր տարիքային խմբերը»: «**Որպես արծիվ** խոյացավթշնամու վրա»:

Մասնավորող պարագայական բացահայտիչը (պարագայական անդամի լրացում է և ձշգրտում է բայական որևէ անդամի ցույց տված գործողության կամ եղելության տեղը, ժամանակը) և բացահայտյալը հոլովով և թվով կարող են համաձայնել, եթե երկուսն էլ արտահայտված են գոյականով կամ գոյականաբար գործածված որևէ այլ բառով՝ «Եթե Համաշխարհային **օվկիանոսում՝** միջմայրցամաքային ջրային **տարածքում**, աղի ամբողջ պաշարը նստվածքի ձևով սփռվեր, ապա հատակին կգոյանար 57 մ հաստությամբ աղի շերտ»: «Լուսնի խավարում կդիմովի մոտ մեկ **շարաթից՝** վեց **օրից**»: Բայց կարող են և չհամաձայնել՝ «Դիլիջանը գտնվում է Հայաստանի հյուսիսարևելյան **մասում՝** Աղստև գետի ափին»:

Մասնավորող պարագայական բացահայտիչը, ինչպես և բուն բացահայտիչը, կարող է լինել ոչ միայն բազմակի, այլև կրկնակի, եռակի ևն, այսինքն՝ բացահայտիչը նույնպես իր հերթին կարող է ունենալ բացահայտիչ՝ «Հերթական գիտաժողովը կկայանա հաջորդ շաբաթ՝ հինգշաբթի օրը՝ աշխատանքից հետո՝ ժամը վեցին»:

գ) Հարաբերյալն ու հարաբերական բառը, որոնք կապակցում են գերադաս և ստորադաս նախադասություններ, սովորաբար համաձայնում են թվով՝ «Խոսեցի նրանց հետ, ովքեր ներկա են»:

դ) Որոշիչն ու որոշյալը թվով համաձայնում են հետևյալ դեպքերում. • գոյական որոշիչը բազմակի որոշյալի դեպքում լինում է հոգնակի, օր.՝ «Արեգակնային համակարգի ու Երկրագնդի ծագման հարցերով գրադՎել են անվանի գիտնականներ Ա. Լեբեդինսկին, Ե. Շացմանը, Վ. Համբարձումյանը և այլք», • մի շարք դերանուն որոշիչներ որոշյալից պահանջում են միայն եզակի կամ միայն հոգնակի թիվ, օր.՝ «Այս ու այն տեսությունից...», «Բոլոր ենթատեսակները...», «Որոշ վարկածներ...», «Ինչ-ինչ նկատառումներ...»:

Գ.2.2. Խնդրառություն (հոլովառություն, կառավարում): Կապակցվող անդամներից մեկը պայմանավորում է մյուսի քերականական ձևը: Այդպես են կապակցվում՝ • խնդիրն ու լրացյալ բայր՝ «Ստեղծեցին նպաստավոր պայմաններ», • անվանական պարագան ու ստորոգյալը՝ «Փոթորիկն անցել է Ավստրալիայի տարածքով», • հատկացուցիչն ու հատկացյալը՝ «Միջավայրը բնության մի մասն է», • կապն ու կապի խնդիրը՝ «Առանց ջրի կյանքը հնարավոր չէ»:

Առանձին բայերի համար արդի հայերենում առաջ են եկել խնդրառական գուգաձևներ՝ կարոտել հայրենիքին//հայրենիքը, դավանել սկզբունք//սկզբունքի, ձեռնարկել գործ//գործի, կրակել մեկի վրա//մեկին, մեկից//մեկին հինգ է պակաս, կառչել բազրիքից//բազրիքին, կախել պատին//պատից, տիրել երկրին//երկիրը ևն:

Մի շարք բայեր (ծանոթանալ, մտերմանալ, բարեկամանալ, ընկերանալ, թշնամանալ, հաշտվել, գժտվել, վիճել, կովել, խորիրդակցել) կամ դրանց հիմքով կազմված բաղադրյալ ստորոգյալներ (ծանոթ ենք, ընկեր են, համամիտ եմ ևն) հանգման խնդիր են պահանջում հետո կապով կամ էլ միայն փոխադարձ դերանունով (իրար, միմյանց, մեկմեկու), եթե առկա է փոխադարձության հարաբերություն անձերի (կամ անձնավորված իրերի) միջև: Օր.՝

«Աստղադիտարանի տնօրենը ծանոթացավ նոր աշխատակիցների հետ»: «Մենք իրար թշնամի չենք»: Եթե հարաբերությունը փոխադարձ չէ (եթե խնդիրը անձ չէ), ապա հանգման խնդիրը լինում է առանց հետ կապի («Ծանոթ եմ քո կարծիքին»):

Անորոշ դերբայով արտահայտված հետադաս հանգման և անջատման խնդիրները («Տրամադրված եմ աշխատելու»: «Հրաժարվում է քննարկելուց») կարող են դրվել նաև ուղղական-հայցական հոլովով («Տրամադրված եմ աշխատել»: «Հրաժարվում է քննարկել»): Հանձնարարելի են սեռական-տրականով ձևերը:

Գ.2.3. Առողջություն: Կապակցվող անդամներից որևէ մեկը չի պայմանավորում մյուսի քերականական ձևը. անդամները կապակցվում են սուսկ իմաստով:

Այդպես են կապակցվում.

- **Որոշիչն ու որոշյալը՝ մարդածին գործոն, ցածրադիր հարթավայր** (այլ մոտեցմամբ՝ գոյական որոշիչ-որոշյալի կապը համարվում է խնդրառություն՝ «Ներս մտավ ձեռնափայտով մի մարդ»):

- **Մակրայական** (ածականական, դերբայական) պարագան ու ստորոգյալը՝ «Խնդիրը դժվար//շուտ/կազմակերպված լուծվեց»:

- **Համադասական հարաբերությամբ միացած բազմակի անդամները՝ «Եյտ-տոնը, Զոռուլը, Ֆարադեյը անգիտացի ֆիզիկոսներ են»:**

Կա առողջության մի տարատեսակ, եթե լրացումն իր լրացյալին պարտադրում է որոշակի թիվ: Դա կոչվում է թվային կախում: Այսպես՝ խումբ-խումբ, զույգ-զույգ, բազմաթիվ, մեծաքանակ ածականները, բոլոր, ինչ-ինչ դերանունները պահանջում են հոգնակի թիվ ունեցող որոշյալ՝ բոլոր մարդիկ, բազմաթիվ տեսակներ:

Յուրաքանչյուր, ամբողջ, որևէ, որևիցե, ամեն, ամեն մի, մի դերանունները, ցանկացած ածականը պահանջում են եզակի թիվ ունեցող որոշյալ՝ ամբողջ աշխարհը, որևէ մեկը, յուրաքանչյուր մասնակից, ցանկացած գործ, մի մարդ:

Գ.2.4. Շարադասություն: Նախադասության մեջ բառերի դասավորության կարգն է: Նախադասության որոշ անդամների դասավորությունը կայուն է, անշրջելի: Այդպիսին է բացահայտյալի և բուն բացահայտիչի շարադասությունը («Մենք՝ փորձագետներս, համաձայն չենք», ինչպես նաև կապերի մեծ

մասի և կապվող բարի շարադասությունը («Փռխանակ գնայիր»: «Խոսի՛ք իմ փռխարեն»): Որոշ անդամների (որոշիչի և որոշյալի, հատկացուցիչի և հատկացյալի) շարադասությունը թեև որոշակի է, բայց շրջեկի է և ի տարբերություն սովորական շարադասության՝ կոչվում է **շրջուն:**

Որոշ անդամների շարադասությունը ազատ է, այսինքն՝ հավասարապես թույլատրելի է ցանկացած հերթականությամբ, օր՝ ստորոգյալի և ժամանակի պարագայի շարադասությունը՝ «Կմեկնենք երեկոյան»://«Երեկոյան կմեկնենք»:

Տրջուն և ազատ շարադասության դեպքում կարևոր դեր է ստանձնում տրամաբանական շեշտը:

Ենթակայի և ստորոգյալի շարադասությունը: Ուղիղ շարադասության դեպքում ենթական սովորաբար նախորդում է ստորոգյալին՝ «Մքնոլորտը երկրագնդի օդային թաղանթն է»: Այսպիսի կառույցներում ենթակայի և ստորոգյալի հակառակ շարադասությունը շրջուն է և կարող է հանդիպել բանաստեղծական խոսքում կամ միայն տրամաբանական շեշտի ազդեցությամբ՝ «Երկրագնդի օդային թաղանթն է մքնոլորտը»: Եթե հանգույցը մի դեպքում առկա է, մի այլ դեպքում՝ գեղշված, ապա ենթական կարող է լինել հետադան՝ «Այդ ժամանակ երկինքը մքնում է, և տեսանելի դառնում՝ շիկացած զազի թույլ լուսարձակումը՝ արևապսակը»:

Ենթական պարտադիր հետադաս է լինում մեջերվող խոսքի նկատմամբ միջադաս կամ վերջադաս հեղինակային խոսքում՝ «Եթե երրորդ համաշխարհային պատերազմն ընթանա ատոմային ռումբերով, ապա չորրորդը քարերով և ձողով կլինի», - գրում է Էյնշտեյնը»:

Որոշիչը որոշյալի նկատմամբ սովորաբար լինում է նախադաս, բայց շրջուն շարադասությամբ կարող է լինել նաև հետադաս: Եթե հետադաս որոշիչը ծավալուն է կամ բազմակի, ապա իր որոշյալից տրոհվում է բութով, իսկ նախադասության այլ անդամներից՝ ստորակետով՝ «Անտարկտիդայի հյուսիսային հատվածում մայրցամարից անջատվել է սառցաբեկորը՝ հսկա ու ահռելի»: «Այդ հսկա քաղաքը՝ մարդաշատ և աղմկոտ, ապրելու տեղ չե»:

Եթե բազմակի որոշիչներից մեկը արտահայտված է որակական ածականով, իսկ մյուսը՝ հարաբերական, ապա վերջինս նախորդում է առաջինին՝ «Երկրի քարե պինդ թաղանթում սեյսմիկ ալիքների արագությունը նվազում է»: Այս-

պիսի տարաբնույթ բազմակի որոշիչները միմյանցից չեն տրոհվում և չեն կապակցվում **և, ու, կամ, թե** շաղկապներով:

Տարաբնույթ (տարադաս) բազմակի որոշիչների սովորական շարադասության նախընտրելի կարգը հետևյալն է՝ գոյական որոշիչ + դերբայ որոշիչ + ածականական դերանուն որոշիչ + հարաբերական ածական որոշիչ + թվական (կամ թվականական դերանուն կամ թվանիշ ածական) որոշիչ + որակական ածական որոշիչ + որոշյալ: Օր.՝ «Կարմիր գրքում» **տեղ գտած անտառյին ո՞ր երեք գիշատիչ գազանների մասին էր երեկվա դասը»:**

Շարադասության նշված կարգը կարող է խախտվել, եթե առկա է որոշիչ-որոշյալի կայուն կապակցություն՝ տերմինի արժեքով (սննդային շղթա, կենսական տարրեր, շիթային շարժում, ելից մատյան, խոսքի մաս ևն), որին նախորդում են մյուս բոլոր ազատ որոշիչներն ընդունված կարգով («Երկրի խորքում առաջացող գորեւ շիթային շարժումները այս ու այն կողմ են հրում մայրցամաքները»: «Մեզ ներկայացրե՛ք նոր ելից մատյանը»):

Հատկացուցիչը հատկացյալի նկատմամբ սովորաբար լինում է նախադաս, բայց շրջուն շարադասությամբ կարող է լինել նաև հետադաս՝ «Հայրենիքին ծառայելը պարտականությունն է յուրաքանչյուր քաղաքացու»:

Եթե հատկացուցիչի և հատկացյալի միջև լինում է գոյականով կամ գոյականաբար գործածված որևէ բառով արտահայտված այլ անդամ, որը կարող է սխալմամբ ընկալվել իբրև հատկացյալ, ապա իմաստային հնարավոր շփոթք կանխելու համար հատկացուցիչի վրա բութ է դրվում՝ «Միջուկի լիցքի մեծությունը քիմիական մի տարրից մյուսն աճում է Մենդելեևի՝ տարրերի պարբերական համակարգին համապատասխան»: «Բիոտիկ գործոնները կենդանի օրգանիզմների՝ միմյանց վրա ազդեցության բոլոր հնարավոր ձևերն են»:

Եթե միևնույն լրացյալն ունենում է թե՝ որոշիչ(ներ), թե՝ հատկացուցիչ, ապա հատկացուցիչը նախորդում է որոշիչ(ներ)ին՝ «Օվկիանոսի մակերևութային շերտում դեպի մերձքեռային շրջանները գնացող ջուրը ջերմության վիթխարի պաշար է տանում»:

Բացահայտիչը բացահայտյալի նկատմամբ սովորաբար լինում է հետադաս: Եթե դրանց տեղերը փոխենք, ապա կփոխվեն նաև պաշտոնները՝ «Ատոմը՝ նյութի պարզագույն մասնիկը»: > «Նյութի պարզագույն մասնիկը՝ ատոմը»:

Բազմակի բացահայտյալը կարող է ունենալ մեկ բառով արտահայտված բացահայտիչ, որը նրա ամփոփումն է որոշյալ կամ Ժիտական դերանունով, և

որի հետ էլ թվով համաձայնում է ստորոգյալը: Օր՝ «Սողանքները, երկրաշարժերը, հրաբուխները, ջրհեղեղները՝ այս ամենը խախտում է մեր մոլորակի բնականոն ընթացքը»: Եվ հակառակը՝ մեկ բառով արտահայտված բացահայտյալը կարող է ունենալ բազմակի անդամներով արտահայտված բացահայտիչ որի հետ էլ թվով համաձայնում է ստորոգյալը՝ «**Ոչ ոք**՝ ո՞չ իին դարերի իմաստասերները, ո՞չ ժամանակակից գիտնականները՝ իրենց ստեղծած գերհզոր սարքերով, **չեն կարող** կանխագուշակել տիեզերքի վաղվաօրը»:

Շարադասության թույլատրելի կարգից շեղումները կոչվում են **շարադասության խախտումներ**: Եթեմն շարադասության խախտումները լինում են ոչ այնքան նկատելի, սակայն խայթարում են խոսքի տրամաբանվածությունը: Այսպես՝ զուգադրական շաղկապի մասերը համադաս նախադասություններ կապակցելիս պետք է լինեն դրանց այն մասերի սկզբում, որոնք հակադրվում են միմյանց: Օր՝ «Առանձին օրգանիզմներ հարմարվում են **ոչ միայն** ֆիզիկական միջավայրին, **այլև** հարմարեցնում են երկրարիմիական միջավայրը իրենց կենսարանական կարիքներին». այստեղ շաղկապի **ոչ միայն** մասը պետք է լինի **հարմարվում են** ստորոգյալից առաջ՝ «Առանձին օրգանիզմներ **ոչ միայն** հարմարվում են ֆիզիկական միջավայրին, **այլև** հարմարեցնում են երկրարիմիական միջավայրը իրենց կենսարանական կարիքներին»:

Չիմնավորված շրջումը հաճախ ուղղակի պատճառ է դառնում լեզվական սխալ կառույցի՝ սխալ շարադասության, որն էլ իր հերթին հաճախ հանգեցնում է արտառող ու անհեթեր մտքերի. օր՝ միշտ էլ կարելի է ընտրել նախադասության անդամների այնպիսի դասավորություն, որը բոլորի կողմից կընկալվի որպես սովորական, ճիշտ, ոճականորեն չեզոք:

Գ.2.5. Նախադասության տարբերակային ձևեր կամ տեսակներ: Դրանցից յուրաքանչյուրն ունի իր ոճական արժեքը: Այսպես՝ **պարզ** նախադասություններն առավել հատուկ են ժողովրդական խոսքին. պարզ, հստակ, ճշգրիտ ձևակերպումների համար դրանք անփոխարինելի դեր ունեն: Եթե անհրաժեշտություն կա խոսքը դարձնելու բազմաբովանդակ և տարողունակ, **բարդ** կառույցների նշանակությունն անփոխարինելի է:

Բարդ ստորադասական նախադասությունները լավագույն միջոց են դատողություններ, եզրահանգումներ, երևույթների պատճառահետևանքային կապերն ու փոխապայմանավորվածությունը արտահայտելու, խոսակցին համոզելու համար: Օր՝ «Քանի որ 20-րդ դարի երկրորդ կեսում կենսոլորտի վրա մարդու անբարենպաստ ազդեցության հետևանքներն ուժեղացան, ուստի և

բնապահանական ծավալուն միջոցառումների անհրաժեշտություն առաջացավ»: **Բարդ համադասականները** խոսքին հաղորդում են որոշ հանդիսավորություն, միօրինակություն, ներդաշնակություն, ավելի մատչելի են, հարմար միջոց են միտքք ծավալելու համար: Օր՝ «Բացվում է գարունը, և խոտաբույսերը, ծառերն ու ծաղիկները սկսում են աձել. նրանց լույս է պետք»: Միայն կամ գերազանցապես բարդ նախադասություններով կազմված խոսքը վերամբարձ է, երբեմն՝ ծանրաշունչ, դժվարընկալելի, թեև թվում է ավելի լուրջ ու ազդեցիկ: Եվ ընդհակառակն, միայն պարզ նախադասություններով կազմվածները լինում են ոյուրըմբոնելի, հստակ, բայց հանդիսավորությունից գուրկ, հաճախ է՝ պարզունակ: Լավագույնը դրանց ներդաշնակ համատեղումն է:

Երկկազմ նախադասություններն ապահովում են մտքի ճշգրտությունը, հստակությունը, տեղ չեն թողնում այլասացության: Հաճախ են գործածվում գիտական և պաշտոնական ոճերում: Մինչդեռ միակազմ նախադասություններն այս տեսակետից «կարում են»: Բայց դրանք ել ունեն իրենց առավելությունը. հնարավորություն են ստեղծում հստակ, համառոտ, հակիրճ խոսքի: Հաճախակի կիրառություն ունեն խոսակցական ոճում և ԶԼՄ-ների լեզվում:

Նախադասության **հաղորդակցական-հնչերանգային** տեսակներից (պատմողական, հարցական, հրամայական, բացականչական) որևէ մեկի ընտրությունը կախված է խոսքային իրադրությունից: Հաղորդակցման միևնույն նպատակն ունենալով՝ խոսդող ընտրում է դրանցից որևէ մեկը՝ հաշվի առնելով խոսակիցների առկայությունը և կազմը, իր և խոսակիցների հարաբերությունը և շատ այլ հանգամանքներ: Օր՝ 1. «Յանկալի կլիներ իմանալ մերժման պատճառները»: 2. «Շա տ կցանկանայինք խոշընդոտող պատճառների մասին տեղեկանալ»: 3. «Չե՞ք ասի՞ ինչ հիմնական պատճառներից դրդված եք մերժել մեր առաջարկները»: 4. «Հիմնավորե՞ք մերժումը»:

Նախադասությունների հնչերանգային տեսակները տարբերվում են նաև ստորոգյալի արտահայտությամբ՝ բայց եղանակով և ժամանակով: Լրացուցիչ դեր ունի նաև վերաբերականների, ձայնարկությունների առկայությունը՝ «Անշուշտ, սա առաջին փորձն է»: «Թերևս լավ ստացվի»: «Կարո՞ղ եմ արդյոք խոսել գրքի քննարկման մասին»:

Նախադասության հնչերանգային բոլոր տեսակները կարող են լինել նաև **միակազմ**, օր՝ պատմողական՝ «Մաս 3. Երկրագնդի բազմոլորտային կառուցվածքը», հարցական՝ «Ո՞ր եղանակով վՃռել խնդիրը», բացականչական՝

«Որքան շատ են ճշմարտության թշնամիները», հրամայական՝ «Քառակուսային եռանդամը վերլուծել արտադրիչների»:

Երբեմն միևնույն նախադասության մեջ համատեղվում են տարրեր բնույթի նախադասությունների տարրեր՝ «Ծնվեցիր՝ ծնի՛ր. կարգն է բնության»: «Ի՞նչ գեղեցկություն. երբսէ տեսէ՞լ ես այսպիսի բան»:

Գ.2.6. Համանիշ շարահյուսական կառույցներ:

Գ.2.6.1. Դրական և ժխտական նախադասություններ: Ժխտումը հաճախ հնչում է կտրուկ և կոշտ. համապատասխան դրական բնույթի նախադասությունը մերմացնում է խոսքի այդ երանգը, օր՝ «Դատողությունը ճիշտ չէ»: - «Դատողությունը սխալ է». երկրորդը առավել ժխտողական երանգ ունի: «Նա խելացի է» և «Նա հիմարներից չէ» զուգահեռ կառույցներից երկրորդը արտահայտում է հավելական իմաստ. ակնարկում է խոսքի առարկայի՝ խելացի լինելուց բացի նաև այլ հատկանիշներ (ձարպկություն, խորամանկություն ևն) ունենալու հանգամանքը:

Կան ժխտումով կազմվող ձևեր, որոնց տրվող և՝ դրական, և՝ բացասական պատասխանները հանգում են միևնույն պատասխանին՝ օր՝ «Դեմ չե՞ք, որ խնդիրը այդ ձանապարհով լուծվի» (Ո՞չ (= Դեմ չեմ): Այո՛ (= Դեմ չեմ)):

Ավելի հաճախ ժխտումը արտահայտվում է հարցով («Բա սա գո՞րծ է»: = «Գործ չէ»): Հաստատումը կարող է արտահայտվել ժխտական նախադասությամբ՝ ձարտասանական հարցով («Այդ մասին ո՞վ չզիտի»: = «Այդ մասին բոլոր զիտեն»):

Դրական համանիշներ ունեն նաև պատմողական նախադասությունները («Լավ է զգում իրեն»: = «Վատ չի զգում իրեն»): Խոսքին բազմազանություն է հաղորդում նաև կրկնակի ժխտումը. «Այդ գործը չկատարելը չի խրախուսվում»: = «Այդ գործը կատարելը խրախուսվում է»:

Գ.2.6.2. Նախադասության անդամների համանիշ ձևեր: Նախադասության նույն անդամի արտահայտությունը՝

- նոյն խոսքի մասի տարրեր ձևերով՝ «Կախված է պատին»//«Կախված է պատից», «Տասից հինգ է պակաս»//«Տասին հինգ է պակաս»,

- հոլովով և կապային կառույցով. առանց կապի՝ միայն հոլովներով ձևերը ավելի համառոտ են և սեղմ. կապային կառույցները, որպես կանոն, առավել հստակ են դարձնում ասելիքը՝ հավելելով փոքր-ինչ խոսակցական նրբե-

բանգներ. «Ուշադրություն մի՛ դարձրեք այդ հանգամանքին»//«Ուշադրություն մի՛ դարձրեք այդ հանգամանքի վրա», «Մեր տնից մինչև համալսարան հինգ րոպեի ճանապարհ է»//«Մեր տնից համալսարան հինգ րոպեի ճանապարհ է»,

● **տարբեր կապերով.** կապի բարային հատկանիշներով (գնահատողականություն, գործածականություն, ծագումնաբանական որակներ ևն) պայմանավորված՝ խոսքը ձեռք է բերում համապատասխան երանգներ՝ «Հարցի վերաբերյալ կարծիք»//«Հարցի մասին կարծիք», «Այն մասին, որ....»//«Առ այն,», «Հանդիպման առիթով (առթիվ)»//«Հանդիպման կապակցությամբ» ևն:

Գ.2.6.3. Շարկապական և անշարկապ բարդ նախադասություններ: Առաջինները խոսքին տալիս են ճշգրտություն, ավելի որոշակի են դարձնում խոսքային միավորների հարաբերությունը: Եթե նպատակ կա ընդգծելու դասողությունների պատճառահետևանքային կապը, անելու ընդհանրացումներ և եզրակացություններ, շարկապները պարտադիր գործածվում են: Այդ իսկ պատճառով դրանք հաճախակի են հանդիպում գիտական և պաշտոնական ոճերում: Օր.՝ «Իրական թվերի բազմության վրա զույգ աստիճանի արմատ բացասական թվից գոյություն չունի, քանի որ և՛ բացասական, և՛ դրական թվերի արտադրյալը դրական թիվ է»: «Եթե հարցնենք, թե քանի էկոհամակարգ կա երկրագնդի վրա, ապա այդ հարցին հնարավոր չի լինի պատասխանել, քանի որ էկոհամակարգերը հստակ սահմաններ չունեն»:

Երկրորդները ձևավորում են արագ խոսք, հատուկ են ժողովրդական մտածողությանը, ուղեկցվում են հատուկ հնչերանգով, որը նրանց տալիս է հուզականություն, սրություն, ստեղծվում է լարվածություն: Օր.՝ «Գիտությունը կառուցվում է փաստերից, տունը՝ աղյուսներից. փաստերի կուտակումը գիտություն չէ, աղյուսների կույտը տուն չէ»: Անշարկապ կառույցները ազդեցիկ են խոսքի եզրափակիչ մասում. «Ավարտին պատշաճում են անշարկապ արտահայտությունները, որպեսզի դա վերջաբան լինի, այլ ոչ թե ճառ» (Արիստոտել):

Գ.2.6.4. Ներգործական և կրավորական կառույցներ: Առաջինները սովորական՝ չեզոք կառույցներ են և որքան ել շատ գործածվեն, միննույնն է, խոսքը միօրինակ չեն կարող դարձնել: Երկրորդները ոճականորեն ակտիվ են. որոշ վերաբարձություն են հաղորդում խոսքին, հանդիսավորություն են ստեղծում, ուստի առօրյա խոսքում հաճախակի կիրառություն չունեն: Ներգործական կառույցը երբեմն կարող է ընդմիջվել կրավորականով, եթե խոսողը

նպատակ ունի չեղտելու տրամաբանական ենթակայի դերը, կամ երբ անհրաժեշտություն կա խոսքի առարկայի նկատմամբ դրսևորելու չեզոք վերաբերմունք: Օր.՝ գործողություն կատարողին շանվանելու կամ դրա անորոշությունը՝ անհայտ լինելը շեղտելու նպատակով խոսքի հեղինակը իր միտքը արտահայտում է հետևյալ կառույցով. «Նրա հետ խոսելուց հետո հասկացա, որ խաբվել եմ». խաբվածությունը բացահայտվում է զրույցից հետո, բայց ո՞վ է խաբողը. նա՞-ն, թե՞ ուրիշ մեկը. երկրորդ նախադասության կառուցածնը հարցի պատասխանը հստակ չի տալիս: Կամ՝ «Ճշգրիտ տվյալներ չեն ներկայացվել», «Հարցը քննարկվեց», «Հակառակ պնդումն ապացուցվում է» ևն:

Գ.2.6.5. Դերբայական դարձված և երկրորդական նախադասություն: Առաջինները նպատում են խոսքի հակիրճությանը, համատեղում են զուգընթաց գործողությունների նկարագրություններ. խոսքը դառնում է ավելի տարողունակ: Օր.՝ «Հեռանալով արևից՝ արևային քամու խտությունը թուլանում է, և գալիս է պահ, երբ այն, այլևս ի վիճակի չփնելով դիմադրել միջաստղային նյութի ճնշմանը, կանգ է առնում»:

Դերբայական դարձվածների հաճախակի գործածությունը կամ կուտակումը հասուլ չէ հայերենին և առաջ է բերում խոսքի միօրինակություն, արիեստականություն, անհստակություն. օր.՝ «Հարմարվելով Էկոլոգիական գործոնների փոփոխումներին, ինքն էլ իր հերթին ներգործելով շրջակա միջավայրի վրա, հարուցելով օրգանիզմների որոշակի հարմարվողական ռեակցիա և բնական ընտրության միջոցով մշակելով զանազան ֆիզիոլոգիական հարմարանքներ՝ յուրաքանչյուր կենդանի էակ զարգացում է ապրում»: Նման դեպքերում նպատակահարմար է դերբայական դարձվածները կամ դրանց մի մասը փոխարինել երկրորդական նախադասություններով: Այդ երկուսի պատճառարանված համատեղ գործածությունը ակնհայտորեն հարստացնում է խոսքը, այն դարձնում է բազմազան ու հետաքրքիր:

Գ.2.6.6. Մեջբերվող ուղղակի և անուղղակի խոսք: Ընդունված է ասել, որ շարականական այս կառույցների արտահայտչականությունը պայմանավորված է նրանով, որ առաջինները խոսքին հաղորդում են ճշգրտություն և հավաստիություն, երկրորդները՝ պատմողական երանգներ՝ երկրորդարար պահպանելով առաջիններին հատուկ գծերը:

Բառացիորեն բերված ուրիշի ուղղակի խոսքը, որը կոչվում է **ուղղակի մեջբերում**, խոսքաշարում կատարում է որոշակի դեր, որը ունի և՛ դրական, և՛ բացասական կողմեր: Հաճախակի մեջբերումները թուլացնում են հեղինակային

խոսքի ուժը. խոսողի կարծիքը մի տեսակ կորչում է մեջբերումների հորձանքում, հստակ չեն տարանջատվում հեղինակի և մեջբերվող խոսքերը: Բացի այդ՝ մեջբերումներով առատ խոսքը հնչում է միօրինակ ու անհետաքրքիր: Այդ իսկ պատճառով անհրաժեշտ է ընտրողաբար վերաբերվել դրանց՝ օգտվելով միայն շատ վառ, տպավորիչ, հետաքրքիր ու իմաստալից մեջբերումներից:

Ուղղակի մեջբերումը կատարվում է առանց փոփոխության. չպետք է փոխել բառերը, քերականական ձևերը, նույնիսկ կետադրությունը: Բանավոր խոսքում ցանկալի է մեջբերման հեղինակի անունը նշել սկզբից: Դրանով խոսքը դառնում է ավելի հետաքրքիր, գրավիչ, մանավանդ եթե հեղինակը հայտնի անձնավորություն է: Խոսքին աշխուժություն ու կենդանություն է հաղորդում նաև անուղղակի խոսքով մեջբերումը (**անուղղակի մեջբերում**):

Առավել արդյունավետ ձև է, եթե մեջբերվող խոսքի երկու տեսակները զործածվում են միաժամանակ: Դա բազմազանություն է հաղորդում խոսքին. ինչպես՝ «Անվանի գիտնական Վ. Համբարձումյանը, խոսքն ուղղելով հաջորդ սերունդներին, իր կտակում գրում է, որ յուրաքանչյուրի պարտքն է ուսումնասիրել հայոց լեզուն, գրագետ լինել հայերենից՝ անկախ այն բանից, թե քանի տոկոս է նրա մեջ հայկական արյունը: Նա խորապես համոզված է, որ այդ տոկոսը ոչինչ չի նշանակում. «Մենք փոխանցում ենք սերունդներին ոչ թե արյուն, այլ գաղափարներ, և գաղափարների մեջ ինձ համար ամենաթանկը հայոց լեզուն է: Գիտե՛ք, որ իմ կյանքի ամենամեծ երջանկությունը եղել է և կմնա, քանի ապրում եմ, հայոց լեզվին տիրապետելը»»:

Վարժություններ և առաջադրանքներ

1. Գտե՛ք ենթակա-ստորոգյաները, բացահայտիչ-բացահայտյաները. բացատրե՛ք դրանց համաձայնությունն ու կետադրությունը:

ա) Արենիի քարանձավում իրականացվում են հնագիտական պեղումներ, որոնց արդյունքում հայտնաբերվել են մ.թ.ա. 4200-3500 թվականներին վերագրվող բազմաթիվ գտածոներ՝ բուսական մնացորդներ, ամանեղեն, խաղողի, ծիրանի կորիզներ, եղեգից պատրաստված գործվածքներ, կանանց զանգեր և այլն: **թ)** 1883 թ. Ինդոնեզիայում Կրակատաու հրաբխի ժայթքման հետևանքով կղզին պայթել է, և նրա մեծ մասը վերածվել է քարաքեկորների ու փոշու: **զ)** Բուն մեսրոպյան բոլորածե երկաթագրի հնագույն նմուշը Շիրակում գտնվող Տեկորի տաճարի վիմագիր արձանագրությունն է, որը փորա-

գրվել է հայոց կաթողիկոսներից մեկի՝ Հովհան Մանդակունու աթոռակալության ժամանակ: **դ)** Սնկերը՝ որպես ստորակարգ կորիգավոր օրգանիզմներ, իրենց կենսաբանական հատկանիշներով ավելի մոտ են գտնվում կենդանական և ոչ թե բուսական աշխարհին: **ե)** Գիտաժողովի մասնակիցների մի մասը օտարերկրացի հայագետներ էին, որոնց մեծ մասն առաջին անգամ էր եկել Հայաստան: **զ)** Եթերային յուղերն օրգանական միացությունների տարբեր դասերի պատկանող նյութերի՝ ածխաջրածինների, սպիրուների, ալդեհիդների, կետոնների, եթերների, ֆենոլների խառնուրդներ են: **Է)** Վաղը՝ ժամը 14.30-ին, ԵՊՀ-ում՝ մաթեմատիկայի ֆակուլտետում, տեղի կունենա ՈՒԳՀ գիտաժողովի առաջին նիստը: **թ)** Մեզ հասած հայերեն ամենահին ամբողջական ձեռագիրը՝ Վեհամոր Ավետարանը, 7-րդ դարի է. ավելի վաղ շրջանից ունենք միայն պատառիկներ: **թթ)** ՀՀ-ում կա տասը մարզ (շիաշված Երևանը)՝ Արարատ, Արագածոտն, Արմավիր, Գեղարքունիք, Լոռի, Կոտայք, Շիրակ, Սյունիք, Վայոց Ձոր և Տավուշ: **Ժ)** Գիտնականների զգալի մասը կարծում է, որ կյանքի ի հայտ գալուց անմիշապես հետո սկսվել է դրա տարանջատումը երեք հիմնական թագավորության՝ կենդանական, բուսական և սնկերի: **Ժա)** Յուրի Հովհաննիսյանը՝ հայ մեծանուն ֆիզիկոսը, նոր գերծանր տարրերի արհեստական սինթեզի բնագավառում կատարված երկու տասնյակից ավել հայտնագործությունների հեղինակ է:

2. Գտե՛ք համաձայնության սխալները:

1. Արամն ընկերների հետ դուրս եկան գրունելու: **2.** Բույսերի մի մասը բնորոշվում են մարմնի մասնատվածությամբ: **3.** Ասենախոսության գիտական դեկավարը հայտնեց, որ ոչ մի որոշումներ չի կայացվի առանց գիտխորհրդի քննարկման: **4.** Ամեն մի ազգ, ամեն մի ժողովուրդ ունեն իրենց առանձնահատկությունները: **5.** Մեր խմբի ուսանողներից յուրաքանչյուրը՝ Աննան, Հրայրը, Լիլիթը, Կարենը և մյուսները, զբաղվում են սպորտով: **6.** Ֆոտոսինթեզի լուսային փուլի ավարտման համար պահանջվում է ջրի մոլեկուլային թթվածնի, ատոմային ջրածնի առաջցում ևն: **7.** Նորաբաց սրճարանում աշխատելու համար պահանջվում է զանձապահ և մատուցողներ: **8.** Նյութերի մեծ մասը բաղկացած են մոլեկուլներից: **9.** Հավասարակողմ կամ կանոնավոր եռանկյան բոլոր երեք կողմը հավասար է: **10.** Մաշկի վրա բուժիչ ազդեցություն ունի սոճու յուղը, կեչու ձյութը, ծծումբը, սելենը:

3. Ընտրե՛ք ճիշտ հոլովով դրված տարբերակը: Եթե կան գուգածնություններ, նշե՛ք:

ա) A, E, D վիտամիններով հարուստ սնունդը խթանում է երեխայի աճը//աճին և զարգացումը//զարգացմանը:

բ) Մենք մտադիր ենք դիմել//դիմելու օգնության, եթե հարցը չկարողանանք լուծել:

գ) Դուք խոչընդոտում եք մեր աշխատանքին//աշխատանքը:

դ) Ես ստիպված եմ Ձեզ նկատողություն անել//անելու:

ե) Նոր մեթոդների կիրառումը խթանում է ինքնուրույն մտածողությունը//մտածողությանը:

զ) Կարոտում եմ հարազատներիս, մեր քակին//քակը, իմ քաղաքը//քաղաքին:

Է) Երկար վիճաբանությունից հետո բոլորը, բացի վարպետ Արամը//Արամից, համաձայնության եկան:

ը) Արդեն 2-ին//2-ից 20 է պակաս, բայց նա դեռ չի վերադարձել:

թ) Շնորհակալ ենք ձեզ//ձեզնից, որ այս դժվարին պահին մեր կողքին եք:

Ժ) Սպորտն իր հարյուրավոր տեսակներով դասվում է մարդկային գործունեության ամենաակտիվ և ամենազրավիշ բնագավառների թվում//թվին:

4. Գտե՛ք շարադասական սխալները և ուղղե՛ք:

ա) Սովորաբար ամիններով ու պոլիամիդներով է իրականացվում էպօքսիդային խեժերի պնդացումը, որոնք պարունակում են առաջնային և երկրորդային ամինախմբեր:

բ) Պեկինում Չինաստանի նախագահի գլխավորությամբ կայացել է Ենթակառուցվածքային ներդրումների ասիական բանկի պաշտոնական բացումը, որը հիմնադրվել է չինական իշխանությունների նախաձեռնությամբ:

գ) Բաց դեղին կամ կաթնազույն ստանում էին հարդի կամ թթենու տերևներից, որն օգտագործում էին ազնվատոհմիկ կանանց հագուստը ներկելու համար:

դ) Հարգարժան նիստի մասնակիցներ, խնդրում ենք նախապես գրանցվել:

ե) Մեծությամբ երկրորդ Ալովակիայի Կոշիցե քաղաքում տեղադրվել է հայկան խաչքար՝ ի հիշատակ 1915 թ. ցեղասպանության հայոց զոհերի:

գ) Բազրատաշենի անցակետում իրավապահներն առգրավել են կոնյակի կեղծ խմբաքանակ:

հ) Մենք ունենք շատ հզոր տնտեսությունից հասկացող մասնագետներ:

թ) Միջազգային փորձագետների հետ քննարկվեցին մի շարք մեզ հետաքրքրող նախագծեր:

թթ) Կենդանի օրգանիզմներով բնակեցված Երկիր մոլորակի թաղանթների ամրողությունը կոչվում է կենտորտ (բիոսֆերա):

ժ) Լիցքավորված դրական իոնները՝ կատիոնները, շարժվում են դեպի բացասական էլեկտրոդը:

5. Դրական կառույցները փոխարինե՞ք համարժեք ժիստական կառույցներով և համեմատե՞ք:

Օր.՝ -Գալի՝ ս ես համալսարան: -Չե՞ս գալիս համալսարան:

ա) Որ խնդրեմ, կբացատրե՞ք այս թեորեմը:

թ) Կարծո՞ւմ եք արդյոք, որ դրանով նպաստում ենք շրջակա միջավայրի պահպանությանը:

գ) Մրցույթի մասնակիցները սխալ էին հասկացել առաջադրանքը:

դ) Համարում եք, որ դա կարևո՞ր է:

ե) Մենք պետք ենք աշշվի առնենք կողմերի ներկայացրած բոլոր փաստերը:

զ) Վեճը կանխելու համար դեկանը պետք է ընդառաջեր ուսանողներին:

է) Առաջադրանքը ճիշտ կատարելու համար անշուշտ կարելի է հիմք ընդունել Պյութագորասի թեորեմը:

6. Բարդ ստորադասական նախադասությունները վերածե՞ք դերբայական դարձվածներով պարզ նախադասությունների:

ա) Բջջանյութը բաց մոխրագույն թելավոր զանգված է, որը վատ է լուծվում ջրում:

- թ)** Տիգրանակերտը եղել է քաղաքաշինական առաջադեմ տեխնիկայով ստեղծված մի բնակավայր, որը հիմնադրվել է մ.թ.ա. 1-ին դարում և հարատևել է մինչև 14-րդ դարը:
- գ)** Երկրագնդի կյանքում նյութերի տարբերակումը հանգեցնում է նրան, որ միջուկում ի վերջո կուտակվում են ամենածանր քիմիական տարրերը:
- դ)** Երբ միջավայրը աղտոտվում է, փոխվում է որոշ միջատների, հատկապես զատիկների գույնը:
- ե)** Նատրիումի ալգինատի հիմնական հատկությունն այն է, որ առաջացնում է մածուցիկ ջրային լուծույթներ:
- գ)** Չնայած էկոլոգները պայքարում են մթնոլորտ արտանետվող վնասակար նյութերի դեմ, սակայն զանգվածային արտանետումներում միայն ավտոտրանսպորտի բաժինը կազմում է մոտ 65 %:
- հ)** Աշխարհագրական միջավայրի սահմաններում քիմիական տարրերից ամենից շատ ցրվում է երկաթը, քանի որ մետաղների մեջ ամենազործածականն է:
- թ)** Այն կենդանիները, որոնք ապրում են ավելի խոնավ պայմաններում, ունեն մարմնի ավելի մուգ գունավորում:
- թթ)** Երբ աստղի ջրածնային պաշարը սպառվում է, այն վերածվում է հելիումի:
- ժ)** Եթե ատոմները երկաթից ծանր միջուկներ ունեն, ապա դրանց սինթեզի ժամանակ վիթխարի էներգիա է պահանջվում:
- ժա)** Էնդիմը սպիտակուցային յուրահատուկ նյութ է, որն առաջանում է կենդանիների կամ բույսերի հյուսվածքներում և խթանում է քիմիական ռեակցիան:
- 7. Տրված նախադասություններից որո՞նք են փոխակերպվում ներգործականի:**
- ա)** Պահպանվել են նաև Շիրակցու «Տիեզերագիտություն», «Կենդանակերպի համաստեղությունների մասին», «Ամպերի և մթնոլորտային նշանների մասին», «Արեգակի ընթացքի (շարժման) մասին» երկերը և այլ գրքեր:
- թ)** Մշակույթի և գիտության մի շարք գործիչներ նախագահի կողմից պարզեատրվել են մեղալներով:

գ) Մեր հնէարանների կողմից ուսումնասիրվել են պեղումների արդյունքում հայտնաբերված բրածոները:

դ) Նորոգման աշխատանքներ կատարելու համար պահանջվում են հմուտ մասնագետներ:

ե) Այդ տեսակետը հիմնավորվում է հոգեբանամանկավարժական մի շարք զիտափորձերով:

զ) Նատրիումի ալգինատը լայնորեն կիրառվում է ատամի մածուկներում՝ ապահովելով դրանց մածուցիկությունը:

Է) Խնդիրների նոր ժողովածուն կազմվել է ԵՊՀ ֆիզիկայի ֆակուլտետի դասախոսների կողմից:

ը) Հակառակ պնդումն ապացուցվում է նույն դատողություններով:

թ) Բնության հավասարակշռությունը խախտվում է որոշակի հկողոգիական գործոններից (մարդու գործունեություն, անտառահատում, արտադրություն ևն):

ժ) Կենդանիներն ու բույսերը ամեն օր, ամեն ժամ ահեղ քննության են ենթարկվում կյանքի, գոյության փոփոխվող պայմաններից:

8. ՄԵԶՔԵՐՎՈՂ ՈՒՂՂԱԿԻ ԽՈՍՔ ՎԵՐԱԾԵ՛Ք ԱՆՈՒՂՂԱԿԻ և ԱՆՈՒՂՂԱԿԻ ԽՈՍՔ՝ ՈՒՂՂԱԿԻ ԽՈՍՔԻ:

ա) 1. «Քանի դեռ մաթեմատիկական օրենքը արտացոլում է իրականությունը, այն ճշգրիտ չէ,- գրում է Ալբերտ Էյնշտեյնը,- երբ մաթեմատիկական օրենքը ճշգրիտ է, այն չի արտացոլում իրականությունը»:

2. «Եթե սկզբունքքային հարցերի մասին ենք խոսում,- մտածեց նա,- ուրեմն, հարգելինե՞րս, դրությունը այնքան էլ հուսահատական չէ»:

3. - Տվե՛ք ինձ հենման կետ,- ասել է Արքիմեդը,- և ես կտեղաշարժեմ Երկրագունդը:

4. - Տիեզերքը հնարավոր չէ կարդալ, քանի դեռ մենք չենք սովորել լեզուն և չենք ծանոթացել սիմվոլներին, որոնցով դրանք գրված են,- ասել է Գալիլեո Գալիլեյը:

5. Վարպետի վշտալով դեմքը խոժոռվեց, և նա անորոշ մոթմոթաց.

- Տե՛ք Աստված, այդպես էլ զիտեի. սիրտս, ավա՛ղ, չկը խաբում:

6. –Ոչինչ չեմ ուզում Ձեզնից. գնացե՛ք, ապրե՛ք երջանիկ,- ասաց նա իր ընդդիմախոսին, ապա վշտացած ավելացրեց.- եթե Դուք սիրում եք կյանքը, ես սիրում եմ կյանքից առավել թանկ բանը՝ ազատությունը:

թ) 1. Զապլինը Էյնշտեյնին ուղարկած նամակում գրում է, որ ինքը հիացած է նրանով. նրա հարաբերականության տեսությունը ոչ ոք չի հասկանում, բայց և այնպես նա մեծ մարդ դարձավ:

2. 1925 թ. այցելելով Հայաստան՝ Ֆ. Նանսենը գրել է, թե այս աշխարհում կա՞ արդյոք ևս մի ժողովուրդ, որը ցուցաբերած լինի այսպիսի ամուր և կենսահաստատ ուժ բախտի դաժան փորձությունների մեջ:

3. Գիտնականները հաստատում են, որ շաքարն ուղեղի վրա ազդում է թմրանյութի պես՝ փոխելով ուղեղի քիմիան և առաջացնելով կախվածություն:

4. Էղիստնը գրում է, որ ինքը հսկայական քանակությամբ ձեռքբերումներ ունի, քանի որ հիմա գիտի մի քանի հազար բան, որոնք չի կարելի անել:

5. Դավիդ Հիլբերտը ասել է, որ մաթեմատիկան կամայականորեն սահմանված կանոններով խաղ չէ. այն ավելի շուտ ներքին կոնցեպտուալ համակարգ է:

6. Կանտը նշում է, որ Արեգակնային համակարգն առաջացել է միզամածությունից, որտեղ ձգողական ուժի շնորհիվ կենտրոնական մարմինը՝ Արեգակը, սկսել է պտտվել:

4.2. ՀԱՐՍՈՒԹՅՈՒՆ ԵՎ ԲԱԶՄԱԶԱՆՈՒԹՅՈՒՆ

4.2.1. Բովանդակության հարստություն և տեղեկատվականություն (149):

4.2.2. Հնյունական (ձայնական) հարստություն (150):

4.2.3. Բառային կազմի հարստություն: Բառապաշար. բառի բազմիմաստություն: Նորարանություններ, հնարանություններ (150):

4.2.4. Բառային գուգակցում: Դարձվածքներ (152):

4.2.5. Խորի քերականական հարստություն (153):

4.2.1. Բովանդակության հարստություն և տեղեկատվականություն: Խոսրի հարստության կարևոր պայմաններից մեկը բովանդակության հարստությունն է կամ պարզապես բովանդակայնությունը: Սա նշանակում է, որ ասելիքը նախ և առաջ պետք է պարունակի նոր և կարևոր միտք: Նորը հեշտ չի ծնվում և մանավանդ հաճախ չի ծնվում: Հայտնի պատմություն կա. Էյնշտեյնին հարցնում են, թե ինչու գրի չի առնում իր հանձարեղ մտքերը, մեծ գիտնականը պատասխանում է. «Դրանք այնքան շատ չեն, որ մոռանամ»:

Բովանդակությամբ հարուստ խոսքը հազեցած է լինում **տեղեկատվությամբ**: Հիմնական պայմանն այն է, որ լուրը, տեղեկույթը լսարանին հետաքրքրեն, նորություն լինեն լսողի կամ ընթերցողի համար: Բայց կարելի է նաև հայտնի իրողությունը, փաստը նոր տեսանկյունով կամ մի նոր հայացքով դիտարկել և կամ դրան ինքնատիպ ու յուրօրինակ մեկնաբանություն տալ:

4.2.2. Հնչյունական (ձայնական) հարստություն: Խոսքի հնչյունական հարստությունը պայմանավորված է լեզվի հնչյունական համակարգի օբյեկտիվ հատկանիշներով, հնչյունական կառուցվածքին բնորոշ առանձնահատկություններով: Տվյալ լեզվի բարեհնչությունը մեծ չափով պայմանավորված է ձայնավոր և բաղաձայն հնչյունների զուգորդության ներդաշնակությամբ և ձայնավորների հարստությամբ: Հայերենն իր հնչյունական համակարգի օբյեկտիվ բնույթով բարեհունչ լեզու է, սակայն բաղաձայնը բաղաձայնին և ձայնավորը ձայնավորին հանդիպադրվելիս բանավոր խոսքում որոշակի դժվարություններ են առաջանում: Օր.՝ դժվար է սահուն արտասանել հետևյալ բառերն ու բառակապակցությունները ընդգծված հնչյունների կից արտասանության պատճառով՝ «մարդու ու այլ օրգանիզմների ուսումնասիրություն», «վարժ շարժումներ», «հաշվիչի ցուցիչը», «գինու ու օղու արտադրությունը» ևն: Խոսքի ներդաշնակության կարևոր պայման է նաև երկար բառերի հաճախաղեաց գործածությունից խուսափելը. կարծ բառերը խոսքին հաղորդում են շարժման, ընթացքի տպավորություն, ավելի դյուրին է լինում խոսակցին լսելն ու ընկալելը:

Խոսքի հնչյունական կառուցման մեջ էական դեր են կատարում նաև սուբյեկտիվ գործոնները՝ հեղինակի անհատական հատկանիշները, նպատակադրումը, խոսքի գործառման ոլորտները, իրադրությունը, խոսքի նյութը կամ թեման ևն:

4.2.3. Բառային կազմի հարստություն: **Բառապաշար:** Հարուստ բառապաշարն ու բառերի տեղին գործածությունը գեղեցիկ և հարուստ խոսքի կարևոր պայմաններ են: Դրանք վկայում են լեզվական լուրջ կարողությունների և լեզվահմացության մասին, հարստացնում են խոսքը, այն դարձնում բազմազան:

Լեզվի բառապաշարի հարստության առաջին ցուցանիշներից է բազմիմասն բառերի առատությունը՝ **բազմիմաստությունը**, որն ավելի հաճախ հանդէս է գալիս բառի փոխաբերական իմաստների դրսուրմամբ: Օր.՝ **արծաթե** բառը հիմնական իմաստով նշանակում է «ազնիվ մետաղից՝ արծաթից պատրաստված»՝ **արծաթե զարդ, արծաթե անոթ**, իսկ փոխաբերաբար՝ «հստակ, մաքուր,

արծաթագույն»՝ արծաթե լիճ, արծաթե վարսեր: Կամ՝ Ճառագայթ բառն ունի «1. լուսատու աղբյուրից բխող լույսի շերտ, 2. որևէ կարգի մասնիկների կամ էլեկտրամագնիսական տատանումների հոսանք» ուղղակի իմաստները՝ արևի Ճառագայթ, ռենտգենյան Ճառագայթ, կատողային Ճառագայթ, իսկ փոխարերաբար նշանակում է որևէ բառն անսպասելի հանդես գալը, նշովլ՝ հոյսի Ճառագայթ, փրկության Ճառագայթ ևն:

Խոսքի հարստության կարևոր աղբյուր են բառապաշարի ձևահմաստային խմբերը՝ հոմանիշներ, հականիշներ, համանուններ, հարանուններ, ինչպես նաև՝ հատուկ բառապաշարի մեջ մտնող բառախմբերը՝ նորաբանությունները, հնարքանությունները և այլն: Դրանցից յուրաքանչյուրը, ըստ իր գործառական-ոճական հատկանիշների, որոշակի երանգ է հաղորդում խոսքին:

Հայերենն աչքի է ընկնում բառակազմական միջոցների հարստությամբ, որն ապահովում է բառապաշարի ընդհանուր հարստությունը: Նոր բառերի կազմությունը պայմանավորված է նյութով: Եթե խոսքը նոր երևույթի կամ իրողության մասին է, ապա անհրաժեշտաբար կիրառվում են նորաբանություններ: Օրինակ՝ ապրանքանիշ (բրենդ), բնապահպան (էկոլոգ), գործառույթ (ֆունկցիա), դասիչ (իներքս), դրամաշնորհ (գրանտ), լայնույթ (ամպլիտուդ), կայք (սայթ), կարծրախոտ (սկլերոզ), համակարգիչ (կոմպյուտեր), վարակաբան (ինֆեկցիոնիստ), ցանցահեն (հարեր), փայլաթիթեղ (ֆոլզա), ցողացիր (պուլվերիզատոր), փորձագետ (էքսպերտ) ևն:

Նորաբանությունների (հատկապես դիպվածային նորակազմությունների) գործածությունը պայմանավորված է հեղինակի անհատականությամբ: Խոսքը անհատական նորակազմությունների մասին է: Խոսքին անսովոր թարմություն են հաղորդում հատկապես հաջող «ընտրված» դիպվածային բառերը (օր՝ հայտարար, գեներալակազմ, քայլակից, հողատու, իրիկնազգեստ, վազքակոշիկ, օտարազգեստ, խոսադրու) ևն: Ինչպես՝ «Համակարգչագարությունը դարձել է ժամանակակից երիտասարդությանը սպառնացող ամենալուրջ հիվանդություններից մեկը», «Բնապահպաններն ահազանգում են, որ Խոսրովի արգելոցում անտառահենները ապօրինի ծառահատում են կատարել»:

Հնարքանությունները (պատմաբառեր և հնարքաներ) պատկանում են բառապաշարի ոչ գործուն բառաշերտին: Դրանք ոչ թե ընդհանրապես չգործածվող, այլ սահմանափակ կիրառություն ունեցող բառեր են և մեծ չափով պայմանավորում են խոսքի հարստությունն ու արտահայտչականությունը: Հնարքանու-

թյունները ստեղծում են պատմական միջավայր, տիպականացնում են կերպարի խոսքը՝ զորացնելով տեքստի գեղարվեստականությունը, խոսքին հաղորդում են հանդիսավորություն, վեհություն, հնավանդ ոգի (**նորա, ձեռամբ, աստ հանգչի, ի լրումն, բոլորերյան, դարձ ի շրջանս յուր, քանզի ևն**), որոշ դեպքերում նաև դրսերում են վերաբերմունք՝ հեգնանք, արհամարհանք, ծաղր ևն:

4.2.4. Բառային զուգակցում: Դարձվածքներ: Խոսքը ճիշտ կառուցելու անհրաժեշտ նախապայման է նաև բառային զուգակցումը (համապատասխանությունը). բառերի համապատասխանության մտածված խախտումները խոսքին կարող են հաղորդել արտահայտչականություն, դինամիզմ. խոսքը դառնում է անսովոր և առավել ազդեցիկ: Օր.՝ «Ես նորապսակներին դատապարտում եմ հավերժական երջանկության», «Նրա կարիերան ավարտված է. նա շարունակում է անվերադարձ մեռնել»:

Խոսքին առանձնահատուկ գրավչություն և բազմազանություն են հաղորդում **դարձվածքները**: Տարբեր ծագում ունեցող դարձվածքները խոսքը ոճավորում են տարբեր առումներով: Ժողովրդական դարձվածքների գերակշռող մասը խոսքին հաղորդում է ժողովրդային երանք: Դրանք գործածվում են առօրյա բանավոր խոսքում, գեղարվեստական գրականության մեջ և մամուլում՝ ոճավորման նպատակով. «1492 թ. Կոլումբոսը երկար նավարկությունից հետո ոտք դրեց նոր, դեռևս անհայտ մայրցամաքի մի կղզի»: «Շատ մի՛ խոսիր, որ կրակը չընկնես»: «Երիտասարդ գիտնականի վերջին աշխատությունը ձեռքից ձեռք էր անցնում»:

Գրական-գրքային ծագում ունեցող դարձվածքները խոսքին տալիս են հանդիսավորություն, որոշ վերամբարձություն: Օր.՝ «ՄԻԱՎ-ի (մարդու իմունային անբավարարություն) բուժման նոր դեղամիջոցը մեծ աղմուկ բարձրցեց գիտական աշխարհում»: «Ամազոն գետի դելտայում ներկայումս բնակվում են հնդկացիական յանումամի ցեղի վերջին մոհիկանները՝ շուրջ 500 մարդ»: «Հայտնի բան է, որ ցանկացած մարդու համար խավարի թագավորությունից դուրս գալու լավագույն միջոցը գիտության գրանիտը կրծելն է»:

Դարձվածքները հաճախ գործածվում են որպես պատրաստի համեմատություններ, օր՝ նապատակի սիրտ ունենալ, կարմիր թելի պես անցնել, շանօրը գցել, աչքի լույսի պես պահել ևն:

Խոսքին յուրօրինակ թարմություն են հաղորդում դարձվածքների հեղինակային փոփոխությունները, օր՝ «Բզոր ես այդքան ջանասիրաբար ձեռքերդ լվանում. առանց քեզ մեր գործը գլուխ չի գա», «Գորիսում աղվեսի բաժին դարձավ», «Հին օրերի տխոտը երգը երգել», «Նա սիրում է կրակի հետ ժամանակ առ ժամանակ խաղալ», «Փոս փորելիս զգն կշ եղիր. հնարավոր է՝ պատահմամբ դո՛ ընկնես այնտեղ», «Չուկ են որսում իրենց պղտորած ջրում», «Եկա, տեսա, մնացի» ևն:

4.2.5. Խոսքի քերականական հարստություն: Խոսքի քերականական հարստություն ասելով՝ հասկանում ենք կիրառվող քերականական ձևերի և կառուցվածքների բազմազանությունը: Առանձին դեպքերում քերականական տարբերակային կամ զուգահեռ ձևերի կուտակումը խանգարում է խոսքի ընկալմանը. այսպես՝ գոյականի հոլովման համակարգում սեռական կամ գործիական հոլովածերի (կազմման, հաշվառման, կոչմամբ, անկմամբ) համատեղ գործածությունը ստեղծում են անբարեհունչ խոսք, խիստ արհեստական կառուցներ, կամ բայի նույն ժամանակաձևով երկար շարադրանքը ստեղծում է միօրինակություն, մինչդեռ ժամանակաձևերի փոփոխությունը ակտիվացնում է խոսքը, ստեղծում է աշխուժություն:

Խոսքին խոսակցական նրբերանգներ է հաղորդում դիմափոխությունը, օր՝ եզակի երկրորդ դեմքի բայաձևի գործածությունը առաջին դեմքի փոխարեն. «Ասում ես, չի լինում, չես ասում, եի չի լինում, ինչ անես՝ զգիտես», երկրորդ դեմքը՝ երրորդ դեմքի նշանակությամբ. խոսողը դիմում է բացակա անձին, ինչպես՝ «Զարմանալի մարդ է Արշակը.... Այնքան զբաղված ես, որ չե՞ս կարող մի քանի րոպե մեզ տրամադրել» ևն: Հոգնակի առաջին դեմքը՝ երկրորդ դեմքի նշանակությամբ. ունի մտերմական, փաղաքշական իմաստ. «Այսօր ինչպես ենք մեզ զգում» (հարցնում է քժիշկը հիվանդին)³¹:

Խոսքի հարստության կարևոր պայմաններից մեկը շարահյուսական կառուցների բազմազանությունն է: Նախադասության հնչերանգային տեսակների՝ մեկը մյուսի փոխարեն գործածությունը, նախադասությունների տարբերակային ձևերը (պարզ և բարդ նախադասություններ՝ իրենց տարատեսակներով), համանիշ շարահյուսական կառուցները (բարդ ստորադասական նախադասություն և դերբայական դարձվածով պարզ նախադասություն, ուրիշի ուղղակի և անուղղակի խոսք ևն) յուրահատուկ բազմազանություն են հաղորդում խոսքին:

³¹ Տե՛ս նաև **Մկրտչյան Ռ.**, Ժամանակակից հայերենի ձևաբանական ոճաբանություն, Եր., 1992, էջ 238:

4.3. ՃՇԳՐՏՈՒԹՅՈՒՆ ԵՎ ՀԱՏԱԿՈՒԹՅՈՒՆ

4.3.1. Խոսքի առարկայի իմացություն (154): **4.3.2.** Բառընտրություն և բառագործածություն. հոմանիշների ընտրություն (154): **4.3.3.** Ժամանակավրիպություն (155): **4.3.4.** Բարբառայնություններ և ժարգոնային բառեր (156): **4.3.5.** Տրամարանականություն (157): **4.3.6.** Բառակազմության և ձևակազմության ճշգրտություն (157): **4.3.7.** Շարահյուսական կառույցների հստակություն (158):

4.3.1. Խոսքի առարկայի իմացություն: Խոսքը ճշգրիտ է, երբ տարբնթերցում ների տեղիք չի տալիս, միանշանակ է ու հստակ: **Ճշգրտությունը արտահայտման լիակատար համապատասխանությունն է հաղորդվող մտքին:**

Խոսքի նշված երկու հատկանիշները սերտորեն կապված են միմյանց. ճշգրտությունը խոսքին հաղորդում է հստակություն, և խոսքը ճշգրիտ է, երբ խոսողը կամ գրողը միտքը հաղորդում է հստակ ու հասկանալի: Խոսքի ճշգրտության հիմնական հատկանիշներ են համարվում **առարկայի իմացությունը, բառընտրությունը և բառագործածությունը, տրամարանականությունը:**

Խոսքի հեղինակը պետք է խորությամբ ուսումնասիրի երևույթը, ճանաչի այն իր բոլոր կողմերով, որպեսզի համապատասխան լեզվամիջոցներով ճշգրտութեն սահմանի կամ ձևակերպի այն:

Ընդունված է առանձնացնել ոչ ճշգրիտ խոսքի երկու տեսակ՝ **առարկայական և հասկացական:** Առաջինը վերաբերում է հենց խոսքի առարկայի չփմացությանը. խոսողը լավ չի պատկերացնում այն առարկան, որի մասին խոսում է:

Երկրորդի՝ **հասկացական անճշգրտության** պատճառը բառի անհաջող կամ սխալ ընտրությունն է, որը աղավաղում է խոսքի բովանդակությունը, խեղաթյուրում է միտքը: Այս դեպքում ճշգրտությունը մասսամբ նույնանում է խոսքի ճշտության հետ:

4.3.2. Բառընտրություն և բառագործածություն. հոմանիշների ընտրություն: Անհրաժեշտ բառի ընտրությունը ստեղծագործական դժվարին աշխատանք է և պահանջում է համապատասխան զիտելիքներ: Խոսողը (կամ գրողը) ոչ միայն պետք է լավ իմանա խոսքի առարկան, այլև պետք է տիրապետի նաև բառերի նրբիմաստներին, ունենա անհրաժեշտ լեզվագրացորդություն: Այս ոլորտում խոսքի ճշգրտությունը ապահովում են բառապաշտի տարբեր շերտերին ու խմբերին պատկանող բառերի (հոմանիշներ, բազմիմաստ բա-

ոեր, տերմիններ, օտար և բարբառային բառեր, ժարգոնային արտահայտություններ ևն) ճիշտ ընտրությունը և գործածությունը³²:

Հոմանիշների ընտրությունը խոսքի ճշգրիտ ձևակերպման կարևոր պայման է: Այսպես՝ **կապակցություն** բառի գործիական հոլովով ձևը նշանակում է առիթով և գործածության մեջ էլ փոխարինում է այդ բառին: Կարելի է ասել՝ պարզեցնելով ինչ-որ իրադարձության առիթով, ինչ-որ բանի կապակցությամբ («Նա պարզեցնելով նոր գուտքի արտոնագրման կապակցությամբ»), բայց եթե անձը (կազմակերպությունը, խումբը) պարզեցնելով է իր կատարած աշխատանքի համար, ապա այստեղ կապակցությամբ կամ **առթիվ (առիթով)** բառերը բոլորովին անստեղի են: Պարզեցնելով ոչ թե մասնագիտական պատշաճ պատրաստվածություն դրսերելու կապակցությամբ (կամ՝ առիթով//առյիվ), այլ մասնագիտական պատշաճ պատրաստվածություն դրսերելու համար:

(Չի) կարելի և հնարավոր (չէ) արտահայտությունները իմաստային տարրերություններ ունեն. առաջինն արտահայտում է **մերժելի** է, **արգելված** է իմաստը, երկրորդը՝ **անհնար լինելու**: Առաջինը հաճախ գործածվում է այնտեղ, որտեղ պետք է լիներ երկրորդը, և հակառակը, ինչպես՝ «Բենզոլով չի կարելի գունազրկել կալիումի պերմանգանատի ջրային լուծույթն ու բրոմազուրը»: Ճիշտ ընկալվելու համար խոսքի հեղինակը չի կարելի-ի փոխարեն պիտի գործածեր անհնար է կամ **հնարավոր** չէ արտահայտությունը: Այլ դեպքերում այդ արտահայտությունների շփոթությունը կարող է տարբնթերցումների տեղիք տալ: Օր.՝ «Չի կարելի այդ ճանապարհով հասնել հաջողության» նախադասությամբ հեղինակը մերժում է անընդունելի ձևերով հաջողության հասնելու գաղափարը: Բայց եթե նկատի է առնվում այդ գործողությունը կատարելու անհնարինությունը, ապա նախադասությունը պետք է ձևակերպվեր այսպես՝ «Անհնար է այդ ճանապարհով հասնել հաջողության»:

4.3.3. Ժամանակավրիպություն: Միայն բառընտրությունը կարող է հետևանք լինել նաև **ժամանակավրիպության**. դա որևէ դարաշրջանի վերաբերյալ երևույթների կամ փաստերի, ինչպես նաև լեզվական իրողությունների տեղափոխումն է այլ դարաշրջան: Օր.՝ «Սամվել» պատմավեպում, որտեղ նկարագրվում են 4-րդ դարի դեպքերը, Շաֆֆին մի տեղ խոսում է Մասիսի լանջին բացված փոսի մասին, որը, սակայն, իրականում առաջացել է շատ ավելի ուշ՝ 19-րդ դարի առաջին կեսերին, եթե երկրաշարժի պատճառով սարալան-

³²Տե՛ս Եզեկիան Լ., Խոսքի ճշգրտություն, «Բանբեր Երևանի համալսարանի», Եր., 2013, № 2:

Չը փլվել ու տակնուվրա է արել Ակոռի գյուղը: Կամ՝ սխալ կլինի մինչև 17-րդ դարը տեղի ունեցող որևէ իրադարձություն նկարագրելիս հիշատակել պատառաքաղի մասին, քանի որ սպասքի այդ առարկան գործածել են՝ սկսած Լյուդովիկոս 14-րդի (1638-1715 թթ.) զահակալության շրջանից միայն: Կամ՝ ժամանակավրիպություն է 10-րդ դարին վերաբերող երկերում քաղաքավարական **Դուք** -ի գործածությունը, քանի որ այդ ձեզ հայերենում գործածության մեջ է մտել 19-րդ դարի կեսերից: Կամ էլ ժամանակավրիպություն է, եթե խոսվում է իբրև թե կես դար առաջ՝ 20-րդ դարի 50-ականներին, հայերենում այնպիսի բառերի գործածության մասին, ինչպիսիք են՝ **համացանց, բջջային (հեռախոս), այլընտրանք, ՀՀ նախագահ, վարչապետ, նախարար, Ազգային ժողով, ԵՏՄ, ԵՄ** ևն: Քերականորեն ճիշտ է, սակայն բովանդակության և լեզվագործածության տեսակետից ճշգրիտ չէ հետևյալ նախադասությունը. «ՀՀ Ազգային ժողովի փոխխոսնակը **1961 թ.** մարտին պաշտոնական այցով մեկնել է Ռուսաստանի Դաշնություն»: Կամ՝ «Ազգային ժողովի՝ **1953 թ.** ապրիլի 17-ի որոշմամբ կազմավորվեց **ՀՀ մշակույթի նախարարությունը»:**

Ժամանակավրիպությունը՝ որպես խոսքի թերություն, առավելապես հանդիպում է հեռավոր անցյալին վերաբերող երկերում, ֆիլմերում, հոդվածներում:

4.3.4. Բարբառայնություններ և ժարգոնային բառեր: Գրական լեզվի նորմերի տեսանկյունից գրական գրավոր կամ բանավոր խոսքում բարբառային և առավել ևս ժարգոնային բառերի գործածությունը անընդունելի է: Սակայն խիստ հազվադեպ, երբ խոսքը ճշգրիտ կառուցելու անհրաժեշտություն կա, շրջանառության մեջ են դրվում **բարբառային** այնպիսի բառեր ու արտահայտություններ, որոնց իմաստային համարժեքը գրական լեզվում չկա, կամ գրական համարժեքը ամբողջ խորությամբ չի արտահայտում հասկացությունը, ինչպես՝ **փոշմանել, թարս, յոլա գնալ** ևն: Օր.՝ «**Հավես չունեմ** այդ գործով զբաղվելու» նախադասության մեջ դժվար է գտնել ընդգծված բառի գրական համարժեքը:

Ժարգոնային-ծածկալեզվային բառերը պատկանում են ցածր ոճին և մտնում են խոսակցական բառապաշարի մեջ: Գրական լեզվի զարգացման տեսակետից դիտվում են որպես բացասական երևոյթ և մերժելի են: Խոսքում (գեղարվեստական գրականության մեջ, պարբերական մամուլում և այլուր) կարող են գործածվել ոճական-արտահայտչական նպատակներով, ինչպես՝ խոսքի, խիպիշ, կուրաժիտ ըլնել, խոխմա, ռազբորկա, քցել, դգել, ավտարիտեստ ևն:

4.3.5. Տրամաբանականություն: Խոսքի առարկայի չհմացությունը, անձիշտ բաղընտրությունը և բառագործածությունը հաճախ կարող են պատճառ դառնալ ոչ միայն անհստակության ու անձգրտության, այլև անտրամաբանականության և թյուրընկալման: Իսկ եթե խախտվում է մտքի տրամաբանական ընթացքը, խոսքը ճշգրիտ լինել չի կարող: Օր.՝ «Հարաբերականության տեսությունը ֆիզիկական երևույթների հատկություններն ուսումնասիրող տեսություն է կամ **ուղղակի** ուսմունք տարածության, ժամանակի և տիեզերական ձգողության մասին» նախադասությունից եզրակացնում ենք, որ հարաբերականության տեսությունը առանց ձգձումների, առանց վերապահումների ստեղծված ուսմունք է: Սակայն նյութի ընդհանուր բովանդակությունը բոլորովին այլ իմաստ է թելադրում. **ուղղակի** բառը տվյալ դեպքում վերաբերականի արժեք ունի, ուստի նախադասության ճշգրիտ տարբերակը կլինի այսպէս՝ «...տեսություն է կամ **պարզապես** ուսմունք՝ տարածության, ժամանակի և տիեզերական ձգողության մասին»:

Խոսքի ճշգրտությունը ապահովելու համար պետք է հատուկ ուշադրություն դարձնել շեշտադրությանը և տրամաբանական դադարին: Հնչերանգը ընդգծում է զյսավոր ասելիքը. դա կատարվում է ուժգնության շեշտի միջոցով («Ժամանակի ամենահզոր էլեկտրոնային արագացուցիչը **Ա. Ալիխանյանի** նախաձեռնությամբ ստեղծվեց») կամ էլ տնական շեշտով («Տիեզերքում ամբողջական զանգվածի թիվը իրականում մեր պատկերացրածից **շատ** ավելի մեծ է»): Հիշենք, որ խոսքը ճշգրտվում է բանավոր խոսքում տրամաբանական դադարով, գրավորում՝ կետադրությամբ:

4.3.6. Բառակազմության և ձևակազմության ճշգրտություն: Խոսքի ճշգրտությունը խաթարելու տեսակետից առավել վտանգավոր են բառակազմական տարբերակները. դրանք, ժամանակի ընթացքում իմաստային տարբերություններ ձեռք բերելով, երբեմն դառնում են ինքնուրույն բառեր և թյուրիմացաբար գործածվում են մեկը մյուսի փոխարեն (օր.՝ **արջորս - արջ որսացող** և **արջառու - արջի որս**): Մրանց հետ չպետք է շփորել բառային սխալ կազմությունները՝ տարեկետում, սննկանալ, անձեռնամիսելի, ձեռնատու, ներեղություն և այլն:

Ուշադիր պետք է լինել հատկապես դերանունների գործածության դեպքում: Չտարբերակված իմաստ արտահայտելու հատկանիշը դժվարացնում է դերանունների գործածությունը, եթե խոսքային կառուցում հստակ չէ, թե ում կամ ինչի մասին է խոսքը: Օր.՝ «Եթե սակավաթիվ բեզոարյան այծերի պահպանությամբ նաև բնակիչները չգրադարձեն, ապա նրանք կոչնչացվեն». հստակ

չէ՝ ում է վերաբերում ընդգծված դերանունը՝ **բեղոարյան այծերի⁹ն, թէ՝ բնակչներին:**

4.3.7. Չարահյուսական կառույցների հստակություն: Խոսքի ճշգրտությունը և հստակությունը մեծ չափով պայմանավորված են շարահյուսական կառույցների ճիշտ ընտրությամբ, բառակապակցություններում բառերի ճիշտ դասավորությամբ: Անհստակության հիմնական պատճառներից մեկը բառերի ոչ համապատասխան դասավորությունն է: Օր.՝ «Անօրգանական քիմիան օգտագործում է նաև ֆիզիկայի ու բյուրեղագիտության տեսական հիմունքները և դրանց փորձարարական եղանակները» նախադասության մեջ ընդգծված դերանունը քերականորեն վերաբերում է հիմունքները բառին, մինչդեռ հեղինակը նկատի է ունեցել ֆիզիկան ու բյուրեղագիտությունը, և ստացվել է ոչ ճշգրիտ խոսք՝ հիմունքների փորձարարական եղանակները:

4.4. ՍԵՂՄՈՒԹՅՈՒՆ (ԿԱՐՃԱԲԱՆՈՒԹՅՈՒՆ)

4.4.1. «Սեղմ» բառապաշար (158): 4.4.2. Դարձվածքներ, ասույթներ, թևակորինությունից խուսափելն է: Այս առումով դիպուկ է ֆրանսիացի գիտնական, փիլիսոփա և գրող **Բ. Պասկալի** արտահայտությունը իր նամակներից մեկում. «Ես գրում եմ երկար, որովհետև կարծ գրելու ժամանակ չունեմ»: Երբ խոսքը սեղմ է, ավելի արագ է ընկալվում և առավել ազդեցիկ է: Դրան հասնելու համար մի քանի ճանապարհ կա:

- Զգործածել բառ կամ արտահայտություն, որը որևէ լրացական իմաստ չի հավելում ասվածին, պարզապես ավելորդ է: Օր.՝ «Զուրը կարող է մասնակցություն ունենալ (<մասնակցել>) տարբեր քիմիական ռեակցիաների՝ միացման, քայլայման, փոխանակման ևն»: Երբեմն անհրաժեշտ է լինում զուգահեռ կատարել նաև քերականական մասնակի փոփոխություններ, մանավանդ օտարաբան կառույցներում, ինչպես՝ «Ճարպերը (լիպիդներ) իրենցից ներկայացնում են էներգիայի աղբյուրներ, որոնք հյուսվածքները պահպանում են մեխանիկական վնասվածքներից» <=> «...էներգիայի աղբյուրներ են», «Գտնվում են կապի մեջ» <=> «Կապի մեջ են», «Զինվորներից երեքը վիրավորում են ստացել» <=> «...երեքը վիրավորվել են», «Մաթեմատիկական մոդել-

ները հիմք են հանդիսանում տիեզերքի յուրահատուկ կմախքի համար» <=> «....տիեզերքի յուրահատուկ կմախքի հիմքն են» ևն:

- **Խուսափել բառերի ու արտահայտությունների անհարկի կրկնություններից:**Օր.՝ «Տղամարդու և կնոջ ձայնի դիապազոնն ու ձայնածավալը պայմանավորված են նրանց կոկորդի անատոմիական տարբերությամբ»:
- **Նույնիմաստ բառերի կուտակումը փոխարինել ճիշտ ընտրված մեկ բառով:**Օր.՝ «Հարցի վերաբերյալ կա կարծիքների և տեսակետների բազմազանություն, տարատեսակություն» <=> «Հարցի վերաբերյալ կան տարակարծություններ»:
- **Կրկնվող բառը գործածել փոխանվանաբար, ինչպես՝ «Նշված հատկանիշները բնութագրում էին...., իսկ մյուս հատկանիշները (<=մյուսները>)....», «Ի տարբերություն առաջին մոդելի` (<=առաջինի)՝ երկրորդ մոդելում էական թերություններ չհայտնաբերվեցին....»:**
- **Կապային կառույցները փոխարինել հոլովածներով.** «Երեք ամսվա ընթացքում աշխատանքն ավարտեց »<=> «Երեք ամսում աշխատանքն ավարտեց», «ըստ հեղինակի կարծիքի» <=> «հեղինակի կարծիքով», «առնչվում է դրա հետ»<=> «առնչվում է դրան»:

4.4.2. Դարձվածքներ, ասույթներ, թևավոր խոսքեր: Խոսքի հակիրճությունը ապահովում են նաև տեղին գործածված դարձվածքը, ասույթը, թևավոր խոսքը ևն: Լավ ձևակերպված խրատական մեկ խոսքը կարող է փոխարինել մի ամբողջ բառաշատ խրատաբանության: Օր.՝ «Երբեմն ժամն աշխատում է վատերի համար, իսկ ժամանակը՝ միշտ էլ և բացառաբար՝ արժանավորի», «Ինչ որ ընտրողներն են, այն էլ ընտրյալները», «Մեր անձի վրա տարած հաղթանակը՝ ահա՝ հիմքը մեր այլ կարգի հաղթանակների» (Գ. Նժեկի):

Ասույթների, թևավոր խոսքերի այլ օրինակներ՝ «Ով առաջ է շարժվում զիտությունների գծով, բայց հետ է մնում բարոյականության մեջ, նա ավելի շատ հետ է գնում, քան առաջ» (Արխստոտել), «Բավական չէ առողջ միտք ունենալ, կարևորը դրանից հմտորեն օգտվելն է» (Դեկարտ), «Նա, ով հարց է տալիս, հիմար է հինգ րոպե, ով չի հարցնում՝ հիմար է ամբողջ կյանքում» (Ժինական ասացվածք), «Կրթությունը զիտելիքների քանակը չէ, այլ դրանց լիակատար ըմբռնումն ու հմուտ կիրառումը» (Դիստերվեգ), «Ավելի լավ է ոչինչ չասել, քան ասել ոչինչ» (Ա. Կոնի), «Չի կարելի հարց տալ մի բանի մասին, ինչն ինքնին պարզ է» (Արխստոտել), «Մարդկային հիշողությունը սար-

սափելի պարզեցնելու համար» (Ս. Ցվայգ), «Էլ ինչ արահետ, որ տաճար չի տանում» (Ժող.) ևն³³:

4.4.3. Հապավումներ և համառոտագրություններ: Խոսքին սեղմություն են հաղորդում հապավումներն ու համառոտագրությունները: Դրանք ստեղծվում են հայերենի ուղղագրության և ուղղախոսության կանոններին համապատասխան: Գործածվում են առավելապես գրավոր խոսքում: Հապավումների և համառոտագրությունների առաջացումը թելադրվել է հենց խոսքի սեղմությամբ: Ամերիկայի Միացյալ Նահանգների մասին հոդված գրողը, օրինակ, կարող է ըստ հարմարության գործածել ոչ միայն հապավումը՝ ԱՄՆ, այլև Միացյալ Նահանգներ կապակցությունը, իսկ խոսքային իրադրությամբ պայմանավորված՝ նաև Նահանգներ հակիրճ տարբերակը: Ըստ որում, առաջին անգամ գործածելիս խորհուրդը է տրվում հապավումը բացել, մանավանդ եթե այն հանրահայտ չէ:

Գրագրության առանձին ձևերում (հաշվետվություն, տեղեկագիր, օրենսգիրք, արձանագրություն ևն), գիտական ենթառներում և այլուր համառոտագրությունները պարզապես անփոխարինելի գործառույթ ունեն: Համառոտագրությունները հասկանալի պետք է լինեն ընթերցողին, երկիմաստություն չպետք է ստեղծեն:

4.4.4. Քերականական կարձ ձևեր և կառույցներ: Խոսքի սեղմության նշաններից է նաև քերականական գործածներից կարձերին նախապատվություն տալը (ամառվանից=>ամռանից, գրեցե՛ք=>գրե՛ք, ինձանից=>ինձնից ևն), կապային կառույցների փոխարեն դերքայական ձևերի գործածությունը (որոշում կայացնելու ժամանակ=>....կայացնելիս, աշխատանք կատարելու ընթացքում=>....աշխատելիս ևն), շարահյուսական սեղմ, հակիրճ կառույցների գործածությունը՝ միակազմ նախադասություններ («Ես առաջարկում եմ այդ մասին հարցում անցկացնել և արդյունքների մասին տեղեկացնել»=>«Հարցում անցկացնել, արդյունքների մասին տեղեկացնել»), բառ-նախադասություններ (<=Դուք վստա՞հ եք, որ այդ հարցին կարող եք լուծում տալ»: <=Համոզված եմ, որ կարող եմ լուծում տալ այդ հարցին» <= «Այո՛»):

Խոսքին սեղմություն է հաղորդում նաև փոխանունությունը՝ լավ նմուշները = լավերը, ԱՄՆ պաշտպանության նախարարությունը = Պենտագոնը, Երևանի բնակչությունը = Երևանը ևն:

³³ Տե՛ս նաև Միքայել Վ., Ճարտասանություն, Եր., 2004: Միքայելյան Ա., Մարդումյան Ս., Մտքի հրավառություն, Եր., 2002:

Խոսքը սեղմ և հակիրճ է դառնում, երբ հարուստ է լինում հավաստի փաստերով, թվերով, տեղեկություններով, օրինակներով: Խոսքի սեղմությունը, սակայն, չպետք է կառուցվի ի հաշիվ խոսքի պարզության. հակիրճությունը լավ է, երբ գուգակցվում է պարզության հետ:

4.5. ՏՐԱՄԱԲԱՆԱԿԱՆՈՒԹՅՈՒՆ

4.5.1. Տեքստի կառուցվածքային և իմաստային բաղադրիչների սերտ կապի ապահովում (161):

4.5.2. Տրամարանության օրենքների պահպանում (162):

4.5.3. Տրամարանական սխալներ (164): Վարժություններ և առաջադրանքներ (166):

Խոսքի տրամաբանականությունը հիմնվում է մարդու կենսափորձի և մտածական կարողությունների, ինչպես նաև այն ունակության վրա, որով նա կարողանում է ճիշտ կողմնորոշվել երևույթների պատճառահետևանքային կապերում և բացատրել դրանք: Խոսքի տրամաբանականությունը ապահովող կարևորագույն գործոններ են՝ տեքստի կառուցվածքային և իմաստային բաղադրիչների սերտ կապի ապահովումը, տրամարանության օրենքների իմացությունը և դրանց գործնական իրացումը, բառընտրության և բառագործածության հմտություններին տիրապետելը: Դրանցից մեկի կամ մյուսի բացակայությունը հաճախ ծնում է տրամաբանական սխալներ:

4.5.1. Տեքստի կառուցվածքային և իմաստային բաղադրիչների սերտ կապի ապահովում: Խոսքը պետք է ունենա կուռ կառուցվածք. խոսքի բաղադրիչ տարրերից յուրաքանչյուրը պետք է տրամարանորեն բխի նախորդից, պայմանավորված լինի նախորդով: Հարակից հարցերը, որոնք այս կամ այն կերպ քննարկվում են խոսքում, պիտի ծառայեն հիմնական գաղափարի հաստատմանը, սերտ միասնության մեջ լինեն դրա հետ: Հակառակ դեպքում՝ խախտվում է մտքի բնական ընթացքը, խոսքը դառնում է անհետևողական ու ձգձգված:

Խոսքի կառուցվածքային և իմաստային բաղադրիչների սերտ կապը ապահովելու համար անհրաժեշտ է հետևել տեքստի կառուցման մի քանի կարևոր սկզբունքների.

ա) Պահպանել տեքստի կառուցվածքային բաղադրիչների հերթագայության ընդունված կարգը՝ ներածական մաս (մուտք), հիմնական (միջին) մաս և եզրափակիչ մաս: Ներածական մասում պետք է ներկայացվեն այն հիմնական

հարցադրումները, որոնց մասին խոսվելու է: Գլխավոր մտքերը պիտի հնչեն կամ կիմնական մասի սկզբում, կամ էլ վերջում, քանի որ **միջին մասում** ասվածը սովորաբար մնում է աննկատ՝ միախառնվելով ընդհանուր դիտարկումներին: **Եզրափակիչ մասում** տրվում են տրամաբանական ընդհանրացումներն ու եզրակացությունները. դա ելույթի ամենատպավորիչ հատվածն է, ուստի այդ մասում նպատակահարմաք է վերստին անդրադառնալ գլխավոր մտքերին:

Խոսքի ձիշտ կառուցման տրամաբանությունը թելադրում է տեքստի մասնատում պարբերությունների: Մասնատումը պետք է լինի պատճառաբանված ու նպատակային. անհաջող մասնատումը էապես դժվարացնում է նյութի ընկալումը: Խորհուրդ է տրվում գործածել համեմատաբար ոչ ծավալուն պարբերություններ:

բ) Ապահովել տեքստի բովանդակային ամբողջականությունը: Բաղադրիչ նախադասությունները պիտի պահպանեն իմաստային կապը, որը իրականացվում է նախորդ նախադասության բառերի կրկնություններով, մակրայների, դերանունների գործածությամբ (**այսուեղ, եեսո, այդ ժամանակ, վերջապես ևն**), կապերով (**բացի, նման ևն**), միջարկություններով (**ինչպես արդեն ասվել է, վերն ասվածի համաձայն ևն**), նախադասության մեջ բառերի դասավորությամբ, դադարներով, հնչերանգային ելեկցումներով ևն: Օր.՝ ստորև բերվածը քերականորեն ձիշտ նախադասություն է, որում, սակայն, մտքի տրամաբանական ընթացքը խաթարված է շաղկապի սխալ կիրառության պատճառով. «Վաղը Երևանում սպասվում է 14-16 աստիճան տաքություն, իսկ Արմավիրում նույնպես մոտ 14-16 աստիճան տաքություն է»:

4.5.2. Տրամաբանության օրենքների պահպանում: Տրամաբանական խոսք կառուցելու համար պետք է պահպանել նաև **տրամաբանության օրենքները:** Դրանք չորսն են:

1. Նույնության օրենք: Մի դատողության կամ վերլուծության շրջանակներում խոսքի առարկան պետք է մնա նույնը: Խոսելու ընթացքում մի հասկացությունը չպետք է փոխարինել մեկ ուրիշով, մի դատողությունը՝ մյուսով: Եթե մի առարկայից չպատճառաբանված անցում է կատարվում այլ առարկայի, մի թեմայից մեկ այլ թեմայի, ապա շեղվում է մտքի տրամաբանական ուղին, թերի է մնում քննարկման առարկան: Առօրյա հաղորդակցման ժամանակ գրույցը երբեմն չի ստացվում այն պարզ պատճառով, որ կողմերը խոսում են

տարբեր բաներից: Այդպիսի դեպքերում հաճախ են հնչում «Խոսք մի՛ փոխիր», «Խոսք կտուրը մի՛ զցիր» արտահայտությունները:

2. Հակասության օրենք: Նույն իրողության վերաբերյալ երկու հակառակ դատողություններ չեն կարող միաժամանակ ձշմարիտ լինել: «Քոլորն ակտիվութեն փոխազդում է բոլոր տարրերի հետ: Չի փոխազդում միայն «ազնիվ» գաղերի՝ թթվածնի, ածխածնի ու ազոտի հետ»: Ստեղծվել է տրամաբանական հակասություն. ասվում է, որ փոխազդում է բոլորի տարրերի հետ, ապա ավելացվում է, որ մի քանիսի հետ ինչ-ինչ պատճառներով չի փոխազդում:

Հակասության օրենքը գործում է նույնության օրենքի առկայության դեպքում, քանի որ խոսքը պետք է վերաբերի միևնույն առարկային, նույն ժամանակին և հարաբերությանը: Օրենքի մեկ այլ՝ մասնավոր դրսւորում է հետևյալը. «PARKER ֆիրմայի բոլոր գրիչները լավն են». այս դատողության հակառակ դատողությունը («Բոլոր լավ գրիչները PARKER ֆիրմայի են») ճիշտ չէ: Ի դեպ, այս դեպքում հակառակ կամ հակառակ բառի փոխարեն հակառակ բառի գործածությունը սխալ է, քանի որ բերված դատողության հակառակ դատողություններից մեկը, օրինակ, հետևյալն է. «PARKER ֆիրմայի ոչ մի գրիչ լավ չէ»:

3. Երրորդի բացառման օրենք: Եթե նույն առարկայի մասին կան երկու հակառակ դատողություններ, ապա դրանցից մեկը ճիշտ է, մյուսը՝ կեղծ: «Բոլոր եռանկյունիները հավասարակողմ են» և «Ոչ բոլոր եռանկյունիներն են հավասարակողմ». այս դատողություններից մեկը՝ երկրորդը, ճիշտ է, քանի որ փորձով ապացուցված է, որ այն համապատասխանում է օբյեկտիվ իրականությանը: Երկու հակառակ դատողություններ կարող են միաժամանակ սխալ լինել: Օր.՝ «Բոլոր եռանկյունիները հավասարակողմ են» // «Ոչ մի եռանկյունի հավասարակողմ չէ»:

4. Բավարար հիմքի առկայության օրենք: Դատողությունը պետք է ունենա բավարար հիմնավորվածություն, փաստարկում: Այն համարվում է ձշմարիտ, եթե նրա ձշմարտացիությունը ապացուցված է: Հիմնավորում(ներ)ը պետք է լինի (լինեն) ավարտուն և ամբողջական:

Բավարար հիմքի առկայությունը ենթադրում է լեզվական ու արտալեզվական ամենատարբեր միջոցների կիրառություն՝ փաստեր ու փաստարկներ, հղումներ հեղինակավոր աղբյուրներին, վավերագրեր, թվային տվյալներ, սեփական փորձից կամ հայտնի մարդկանց կենսափորձից բերված օրինակներ, լսարանի տրամադրության, նրա խղճի ու զգացմունքների վրա ներազելու

միջոցներ, հեղինակությունների վկայակոչում ևն: Օր.՝ «Եթե եռանկյան բոլոր անկյունները հավասար են, ապա եռանկյունը հավասարկողմ է: Հավասարակողմ եռանկյան յուրաքանչյուր անկյուն 60 աստիճան է, քանի որ եռանկյան բոլոր անկյունների գումարը 180 աստիճան է»:

4.5.3. Տրամաբանական սխալներ: Որպեսզի հեշտությամբ կարողանանք հետևել սեփական խոսքի տրամաբանականությանը, պետք է իմանանք, թե հատկապես ինչ պատճառներով և որ դեպքերում են առաջանում սխալները: Դրանք առավելապես հանդիպում են բառագործածության մեջ և շարահյուսական կառույցներում³⁴:

ա) Տարաբնույթ հասկացությունների համադրություն կամ հասկացությունների շփոր: Համեմատվող կամ հակադրվող երևույթները տարբեր բնույթի են՝ տարասեռ: Օր.՝ «Բնական ջրերում լուծված առի քանակը տարբեր է անապատային աղի լճերից». քանակը հասկացությունը հանդիպադրվում է անապատային աղի լճերին և ոչ թե նրանցում եղած աղի քանակին: Կամ՝ «Տորֆամամուտի կլանած ջրի կշիռը 20-30 անգամ գերազանցում է չոր նյութին (<=չոր նյութի կշռին)»:

Մի հասկացությունը թյուրիմացարար գործածվում է մյուսի փոխարեն, օր.՝ «Անհամբեր սպասում եմ իմ ծննդյան օրվա մոտենալուն» (ոչ թե մոտենալուն, այլ օրվան), «Կարևոր խնդիրներից է չոր եղանակային պայմաններում բույսերի վերգետնյա կանաչ զանգվածի մթերման հարցը» (ոչ թե հարցը, այլ մթերումը):

Հասկացությունների շփոթը հաճախ առաջանում է բառը բաց բռնկելու կամ խոսքը ոչ լիարժեք ձևակերպելու հետևանքով: Օր.՝ «Կարձալիք ձառագայթների պատճառով Արևի ուղիղ լույսը մոլորակի մակերեսի մոտ դեղին երանգ է ստանում». ոչ թե ձառագայթների պատճառով, այլ ձառագայթների կլանման պատճառով:

բ) Բառիմաստի չիմացություն կամ սխալ բառագործածություն: Օր.՝ «Երկրագնդի 930 ակտիվ երարուխները հաճախ մարդկային զոհերի և մեծ ավերածությունների առիթ (պատճառ) են դառնում», «Իրականացան նրանց ծրագրերը. ասել է թե՝ նրանց բոլոր հույսերն ի դերև ելան». այս մտքերի հեղինակները ակնհայտորեն չգիտեն ընդգծված բառերի իմաստները և դրանք գործածել են հակառակ նշանակությամբ կամ պարզապես այլ բառերի փոխարեն:

³⁴ Հմմտ.՝ **Голуб И.**, Русский язык и культура речи, М., 2007, էջ 332-347:

գ) Միմյանց «ներառող» հասկացությունների համատեղ գործածություն: Օր.՝ «Հասարակական և բնական գիտությունները, ֆիզիկան, քիմիան, կենսաբանությունը ձգտում են գիտական մեթոդներով լուսաբանել աշխարհը դեկավարող կանոնները». բնական գիտությունները բառակապակցությունն արդեն իսկ ներառում է բնագիտության զանազան ձյուղերը: Մեկ այլ օրինակ՝ «Գորտերը սնվում են փափկամարմիններով, հողվածոտանիններով և այլ տարատեսակ որդերով»: Նախադասությունը այնպես է ձևակերպված, որ թվում է, թե փափկամարմիններն ու հողվածոտանինները նույնպես որդերի տեսակներ են, որը ոչ միայն տրամաբանական չէ, այլև սխալ է: Պետք է լիներ՝ «Գորտերը սնվում են փափկամարմիններով, հողվածոտանիններով և տարատեսակ որդերով»:

դ) **Տարասեռ դասակարգում:** Դասակարգվող, համեմատվող կամ հակադրվող երևույթները նույն բնույթի չեն: Օր.՝ «Տունդրայում ձմռանը միջին ջերմաստիճանը տատանվում է -20-ից մինչև -50 °C-ի սահմաններում, իսկ ամռանը հոդի ընդամենը 0,5 - 1,5 մետրանոց շերտ է հալվում» դատողության առաջին մասը ենթադրել է տալիս, որ երկրորդ մասում նույնպես խոսքը պիտի վերաբերեր ջերմաստիճանին և ոչ թե հողային շերտին: Այլ օրինակ՝ «Հայ մարդուն հավասարապես հոգեհարազատ են հույն Սոֆոլկեսը և իտալացի Դանթեն, ոուս Տուրգենևը և գերմանացի Հայնեն, Սերվանտեսը և Շեքսպիրը». քերականորեն ճիշտ ձևակերպված այս նախադասության մեջ տրամաբանական անձշտություն կա. Թվարկվող առաջին չորս հեղինակները բնութագրվում են որոշակի հատկանիշով (ազգությամբ), մյուս երկուսը՝ ոչ: Մինչդեռ խոսքի տրամաբանությունը կառուցված է զարդարական հենց այդ հենքի վրա, այն է՝ համաշխարհային գրականության բոլոր մեծերն ել, անկախ ազգությունից, իրենց արվեստի ուժով հոգեհարազատ են հայ մարդուն:

ե) **Սխալ շարադասություն:** Օր.՝ «20-րդ դարի երկրորդ կեսին սնկերը և ջրիմուտների որոշ տեսակներ դասվեցին առանձին կարգերի մեջ, որոնք չունեին անորթային և արմատային համակարգեր». որոնք ըլրացնում է սնկերին ու ջրիմուտներին. մտքի տրամաբանական ընթացքը խաթարվում է: Ճիշտ է՝ «20-րդ դարի երկրորդ կեսին առանձին կարգերի մեջ դասվեցին սնկերը և ջրիմուտների որոշ տեսակներ, որոնք չունեին անորթային և արմատային համակարգեր»: «Արագ կատարվող ՄԻԱՎ-ի թեստերը հնարավորություն են տալիս ներկայացնելու արդյունքները այցելության հենց առաջին օրը»: Պետք է լինի՝ «ՄԻԱՎ-ի արագ կատարվող թեստերը հնարավորություն են տալիս...»:

Անտրամաբանականությունը երբեմն գործածում են որպես ոճական հնարանք՝ սրամիտ ու բովանդալից խոսք ստեղծելու համար: Ինչպես՝ «Ունեմ երկու ընկեր. մեկը մասնագիտությամբ մաթեմատիկոս է, մյուսը՝ երդվյալ ամուրի», «Ունի ավտոմեքենա, առանձնատուն և քաղաքական կայուն հայացքներ»:

Վարժություններ և առաջադրանքներ

1. Գտե՛ք խոսքի հնչյունական ներդաշնակության խախտումները:

1. Զրաշափի ցուցմունքները արձանագրող տեղամասային տեսչական ներկայացուցիչը ցուցիչի կեղծ չափումներ կը կատարել և հավելագրումներ թույլ տվել: 2. Փախստականների՝ անձը հաստատող փաստաթղթերը փոխանցվեցին փաստահավաք առաքելություն անցկացնող միջազգային փաստաբանական խմբի ղեկավարին: 3. Զրացատկի մրցության նախապես չգրանցված մասնակիցների մրցելույթները չեղարկվեցին, և եզրափակչին մասնակցելու իրավունքը տրվեց հրավիրյալ մարզիկներին: 4. Ժիստվում է թորիումի ու ուրանի առկայությունը ՀՀ-ում, ու անպատասխան են մնում այդ փաստին վերաբերող հարցերը: 5. Վարկային ընկերությունը առաջարկում է սպառողական վարկեր տասնչորսուկես տոլկոս տոկոսադրույքի չափով: 6. Դպրոցականները մեծ հետաքրքրությամբ էին դիտում ցուցահանդեսում ցուցադրված ցանցաթեսավորների ցուցանմուշները: 7. Փափուկ զողանյութերով զոդելիս գերակշռում է աղգեզիան (մակերևույթային կաշունությունը), կոշտ զողանյութերով զոդելիս՝ առկա է նաև հալում և դիֆուզիա:

2. Տրված բառերով ու բառակապակցություններով կազմե՛ք նախադասություններ՝ դրանք օգտագործելով ուղիղ և փոխարերական իմաստներով:

Թեթև, երես, ծանր հրետանի, ընդհանուր հայտարար, վերջակետ դնել, անալի, տափակ, արբանյակ, կծել, աստղ, հազար անգամ, անողնաշար, թթու, շարքից դուրս գալ, որսալ, դաս տալ:

3. Առանձնացրե՛ք նորակազմությունները և բառակազմորեն վերլուծե՛ք:

ա) Շրջակա միջավայրը տեխնածին և կենցաղային արտանետումներով աղտոտվելուց պաշտպանվելու ֆիզիկական մեթոդների դերի բացահայտումը կարևորվում է:

բ) Ուսումնասիրվել են երկկողմանի գրաֆների մաքսիմալ անկախ բազմության, թվային բազմության ամենաերկար աճող ենթահաջորդականության խնդիրները:

գ) Փորձարկվել են նաև ֆիզիկաէկոլոգիական կրթատիրույթին միտված տասնմեկ ընտրովի խնտեգրատիվ դասընթացներ:

դ) Այդ վայրերում դա կատարվում է հետազա օգտահանման կամ հեռացման նպատակով:

ե) Կատալոգի բոլոր կետային աղբյուրներից հայտնաբերվել է 55 նոր գերլուստու ենթակարմիր գալակտիկա, և ստեղծվել է ԵՎ գալակտիկաների ամենամեծ ընտրանքը:

զ) Կատարվել են լուսաշափական հետազոտություններ:

ի) Իրականացվել են հակառարիկալային, յարդապաշտպան և հակալեղաքարային ակտիվությամբ օժտված դեղաբույսերի լուծամզվածքների ֆիտոքիմիական և հանքային կազմի հետազոտություններ:

ը) Գործածական կարո՞ղ են դառնալ արդյոք մաթեմատիկական տերմիններին իբրև համարժեք առաջարկվող հետևյալ նորակազմությունները՝ մոդուլ - հենաթիվ, աքսիոմա - հենասույթ, ռացիոնալ - քանորդահեն, գրաֆիկ - գծարկ, ինտեգրալ - բոլորակ, բազա - հենք:

թ) Խաչատուր Էրզրումցու, Սուրբիաս Աղամայանի, Սահակ Պրոնյանի՝ գրաբարով գրված աշխատություններում հանդիպում են խոտրանկյուն (obliquanulus), խառնագիծ (mixtilinea), ծոցակից/համածոց (cosinus), շոշափակից/շոշափակողակից (cotangens), առաջաքայլում (progressio) տերմինները³⁵:

Ժ) Նպատակահարմա՞ր եք համարում հետևյալ տերմինների թարգմանությունը. Էլեկտրոլիզը՝ էլեկտրատարրալուծում, հիդրոլիզը՝ ջրատարրալուծում, ինդիկատորը՝ հայտանյութ, ռեագենտը՝ ազդանյութ, էկզոթերմիան՝ ջերմանջատիչ, էնդոթերմիան՝ ջերմակլանիչ, դելոկալիզացիան՝ ապատեղանացում, ստերեոքիմիան՝ տարածաքիմիա, վալենտականությունը՝ արժեքականություն ևն³⁶:

4. Օգովելով դարձվածարանական բառարաններից՝ բացատրե՛ք տրված դարձվածքների, թևավոր խոսքերի ծագումը և իմաստը:

Ուրիշինն անցնել, դամոկլյան սուր, քավության նոխազ, ընդհանուր հայտարի գալ, դանայան տակառ, կլոր սեղան, արգելված պտուղ, ավայան ախոռ, տրոյական ձի, Աղամի (Եվայի) հազուստով, կոկորդիլոսի արցունքներ թա-

³⁵Տե՛ս [http://lraber.asj-oa.am/4530/1/1986-3\(70\):](http://lraber.asj-oa.am/4530/1/1986-3(70):)

³⁶Տե՛ս <http://chemistry.asj-oa.am/58/1/19-972:>

փել, ջայլամի քաղաքականություն, Դիոքենեսի տակառ, վերջին մոհիկան, գառան մորթով գայլ, սպիտակ ազռավ:

5. Փոփոխե՞ք տեքստը՝ գործածելով խոսքի հարստության ու բազմազանության տարբեր միջոցներ:

Արևադարձային անտառի բնակիչներից մեկը թութակն է, որն իր գույների ու բնավորության շնորհիվ դարձել է մարդկանց սիրելի թռչուններից մեկը և տարածվել աշխարհով մեկ: Միջնադարյան մի մազադարթում գրված է, որ դեռևս 13-րդ դարում հայերն իրենց տներում պահում էին թութակների այնպիսի տեսակներ, որոնց բնօրրանը գտնվում է Խաղաղ օվկիանոսի կղզիներում: 1262 թ. Կիլիկիայում Թորոս Ռուսինի ձևավորած մի մատյանի՝ Ավետարանի էջերը դիտելիս տեսնում ենք նկարներ, որոնցում պատկերված են կակարուներ: Այս թութակները մյուս ցեղակիցներից տարբերվում են նրանով, որ ունեն խրձաձև կատարներ, որոնք հիմնալի տեսք են տալիս նրանց: Բացի դրանից՝ դրանք բնավորությամբ մարդամոտ են, համբերատար, աշխույժ ու ուրախ և շուտ են ընտելանում մարդկանց՝ դառնալով նրանց հանապազօրյա զբաղմունքի առարկաները: Սիա թե ինչու Կիլիկիայի բարձր դասի մարդիկ կցանկանային ունենալ այս թութակներից, իսկ պալատական նկարիչ Ռուսինը, տեսնելով և մանրամասն ուսումնասիրելով, կարող էր ճշգրիտ պատկերել այդ թռչուններին, որոնք բնակվում էին դեռևս չբացահայտված մի երկրում՝ Ավստրալիայում:

6. Փակագծում տրված բառերից ընտրե՞ք համապատասխան տարբերակը՝ հիմնավորելով ընտրությունը:

1. Գարնանն ու աշնանը օրգանիզմի (դիմադրությունը, դիմադրողականությունը) ընկնում է, այդ պատճառով պետք է վիտամիններ օգտագործել: **2.** Ցեղասպանությունից մազապուրծ բազմաթիվ հայեր (ապաստան, ապաստարան) գտան Եվրոպայում, Հյուսիսային և Հարավային Ամերիկաների երկրներում: **3.** Վերջին ամիսներին աշխատանքից (ազատ են արձակվել, ազատվել են) մի քանի տասնյակ պաշտոնյաներ: **4.** Ուսանողներից մի քանիսը (գեկուցումներ, գեկույցներ) են կարդացել ՈՒԳԸ-ում. դրանք շուտով (լույս կտեսնեն, կտպագրվեն) ՈՒԳԸ-ի պաշտոնական կայքում: **5.** Ակնհայտ է, որ հոգեբանական պատերազմ է մրկում հանրության դեմ՝ յուրաքանչյուրիս անվստահության (զգացում, զգացմունք) ներշնչելու համար: **6.** Ներկայացվածը այդօրինակ հանդիպումների անհրաժեշտությունն ու օգտակարությունը հիմնավորող լրացուցիչ (փաստ, փաստարկ) է: **7.** Տրանսպորտի խնդիրը կարգավորե-

լու համար անհրաժեշտ են քաղաքակիրթ լուծումներ, որոնցից մեկը վճարման (միասնական, միացյալ) համակարգի ներդրումն է: **8.** Համատիրության ներկայացուցիչը հրահանգ է ստացել բնակիչներից ժամանակին (հավաքել հավաքագրել) սպասարկման վարձերը: **9.** Այդ կարևորագույն խնդրի վերաբերյալ տարակարծությունները (ծագել ստեղծվել) էին սխալ տեղեկատվության (շնորհիվ, պատճառով): **10.** Խնդրում եմ լրություն (պահպանել, պաշտպանել) դահլիճում:

7. Գտե՛ք և ուղղե՛ք խոսքի ճշգրտությունն ու հստակությունը խախտող իրությունները:

1. Ժամանակակից ծրագրավորման լեզուների կառուցվածքը և հատկանիշները հաճախ հակամետ են համակարգված դատողություններին սովոր մտածողությանը: **2.** Խզումը մարեւմատիկոս-ծրագրավորողի ստացած բարձր մաթեմատիկական լիցքի և ամենօրյա ծրագրավորման սովորական աշխատանքի մեջ որոշ մասնագետների մոտ ստեղծում է արժեզրկման զգացում: **3.** Լեզվի տեսչության օտարալեզու ցուցանակները արգելելու որոշումը սպասված էր հանրության շրջանում: **4.** Տուժած կողմի համար բռնագանձվեցին ավտոմեքենան և սեփական տունը: **5.** Բնակիչների բողոք-դիմումին ուղղակի պետք է ժամանակին պատասխանել և ընթացք տալ: **6.** Ես երախտապարտ եմ Զեղանից այդպիսի աջակցության համար: **7.** Քաղաքականությունը պետք է այնպես վարել, որպեսզի ռազմական հարցերը որոշիչ դեր չկատարեն: **8.** ՀՀ-ում կառավարության ներդրումներ անելու օտարերկրյա գործարարներին ուղղված կոչը ընթացիկ տարում դրական արդյունք կտա: **9.** ԵՊՀ-ն խթանում է այն ծրագրերին, որոնք նպատակ ունեն խրախուսելու ուսանողների քննադատական միտքը: **10.** Սերունդները երախտիքով կհիշեն Ֆ. Նանսենի անունը, որը հայերիս նկատմամբ մեծ գործ է արել: **11.** Եթե նյութը, ջրի հետ խառնվելով, մանրանում է ընդհուպ մինչև մոլեկուլներ կամ իոններ, ապա առաջացնում է անհամասեռ լուծույթ: **12.** Երկրի որևէ կոնկրետ վայրից լրիվ արեգակնային խավարում շատ հազվագյուտ է դիտվում:

8. Խմբագրե՛ք տրված տեքստը՝ ուղղելով խոսքի անձատությունները:

ա) Ծրագրավորումը դա այն մասնագիտությունն է, որը վաղուց արդեն դարձել է ամենապահանջված և տարածված մասնագիտություններից մեկն աշխարհում: Սակայն և՛ դասավանդման, և՛ առօրյա պրակտիկայում հաճախ, ցավոք, գերիշխում են մակերեսային, դեղատոմսային մոտեցում ծրագրավորման ուսումնառության և կիրառման հանդեպ:

Այն լեզվով, որը ուսանողին սովորեցնում էն արտահայտել իր մտքերը, խորը ազդեցություն է գործում նրա մտածողության հմտությունների և ստեղծագործական ընդունակությունների վրա: Ներկայումս կիրառվող ծրագրավորման լեզուների կառուցվածքը և հատկությունը հաճախ չի ենթարկվում համոզիչ ու տրամաբանական բացատրության, չի համապատասխանում համակարգված դատողություններին սովոր մտածողությանը: Արդյունքում ծրագրավորման լեզուներում տիրող անկանոնություններն անմիջականորեն ազդում են ուսանողների մոտ ձևավորվող ծրագրավորման ոճի վրա:

թ) Վերջին տարիներին մեծ ուշադրության առարկա է դարձել մարդկանց շահագործման խնդիրը՝ թրաֆիքինզը, որը բազմաթիվ երկրների կառավարությունների և միջազգային կազմակերպությունների կողմից ընդունվում է որպես մարդու հիմնարար իրավունքների և ազատության ուժնահարման կոպայիտ խախտում: Հայաստանը ևս գուրկ չի մնացել այդ երևույթից: Թրաֆիքինզի զարգացմանը օգնում է նաև օրենքի պահանջների կատարման հանդեպ պատրաստականության պակասը: Այն իրենից ներկայացնում է բարդ երևույթ, որը հաճախ կապված է սոցիալական, տնտեսական և այլ գործոններով: Ինչ վերաբերվում է թրաֆիքինզի իրականացման ուղիներին, ապա դեպքերի վերլուծությունը ցույց է տալիս, որ Հայաստանը հանդիսանում է ինչպես դրա ծագման, այնպես էլ տարանցիկ երկիր:

գ) Զրիմունները դրանք հնագույն բուսական օրգանիզմներ են, որոնք դեռևս միլիոնավոր տարիներ առաջ բնակեցրել են երկիր մոլորակը: Զրիմունների մեծ մասը ապրել և դեռևս շարունակում են կենսագործել հիմնականում ջրային միջավայրում: Զրային միջավայրում բնակության նախասիրությամբ էլ սրանք ստացել են իրենց անվանումները:

Զրիմունները համեմատարար պարզ բուսական օրգանիզմներ են և տեղադրվում են ստորակարգ բույսերի ենթաթագավորության մեջ: Ըստհանուր առմամբ հայտնի է մոտ 30.000 տեսակ զրիմուններ: Զրիմունները՝ որպես ավտոտրոֆ ֆոտոսինթեզող, իրենց մեջ պարունակում են քլորոֆիլ, որը նրանց մոտ գտնվում է հատուկ կազմավորումներում՝ քրոմատոփորներում: Բացի դա, իրենց մեջ կարող են պարունակել նաև այլ գունանյութեր:

9. Կատարելով անհրաժեշտ փոփոխությունները՝ նախադասությունները դարձրե՛ք սեղմ:

1. Պետք է ասել, որ մենք քայլեր ենք ձեռնարկում մեր սոցիալական վիճակը կարգավորելու և բարելավելու ուղղությամբ: 2. Մեր կազմակերպությունն

արդեն մի քանի ամիս է, ինչ զբաղվում է հաշմանդամություն ունեցող անձանց համար Տաթևի համալիրը մատչելի դարձնելու խնդրով: **3.** Ներկայումս վնասակար նյութերի արտանետումների հիմնական աղբյուր են հանդիսանում էներգետիկայի և լեռնամետալուրգիական ոլորտները: **4.** Այսպիսով, կարող ենք փաստել, որ նոր հայտնաբերված զտածոները նոր լույս կսփռն Հայկական լեռնաշխարհի հնագույն մշակույթի առեղծվածների վրա: **5.** Այդ ամենը, իհարկե, միանշանակ խոսում է այն մասին, որ Թուրքիան դեռ պատրաստ չէ երկխոսության: **6.** Գիտնականները պարզել են, որ անձրևորդերի հյուսվածքների մեջ ծանր մետաղների պարունակությունը կարող է ծառայել որպես հողի աղտոտվածության ստույգ ցուցանիշ: **7.** Համարվում է, որ ինոհիկատորային օրգանիզմը դառնում է մոնիթոր, եթե այն կարող է ծառայել բնակության միջավայրի կամ էկոհամակարգի վիճակի որակական բնութագրման, ինչպես նաև քանակական գնահատման համար: **8.** Կան դեպքեր, երբ միջավայրի աղտոտվածության ազդեցության տակ փոխվում է գույնը միջատների մոտ, օրինակ՝ զատիկների գույնը. այն մգանում է լուսավորվածության վատթարացման հետևանքով, որը տեղի է ունենում մքնոլորտի աղտոտվածության պատճառով:

10. Պարբերությունները դասավորե՛ք տրամաբանական հաջորդականությամբ:

1. ա) Եթե հավատանք առասպելներին, ապա մարմնի ծավալը՝ կշռին կապված լինելու հանգամանքը Արքիմեդը հայտնաբերել է բաղնիքում՝ սեփական փորձով համոզվելով, որ լոգարանում ջուրը բարձրանում է իր սուզման չափին համապատասխան. այստեղից էլ ծնվել է հայտնի արտահայտությունը՝ Է՛վրիկա, Է՛վրիկա. կամ տիեզերական ձգողականության օրենքի մասին միտքը Նյուտոնի զիմում հասունացել է այն պահին, երբ նա տեսել է, թե ինչպես է խնձորը ծառից ընկել գետնին:

բ) Սակայն գոյություն ունեն մեծ թվով պատմություններ, որոնք զիտական հայտնագործությունները ներկայացնում են որպես պատահականության արդյունք, ճակատագրի նախախնամություն:

գ) Այսպիսով, իրական դեպքերն ու մարդիկ հաճախ տարանջատված չեն հորինվածքի և իրական պատմության սահմանագծով: Արքիմեդի և Նյուտոնի մասին լեգենդները թերևս ամենահայտնիներն են. դրանք քրեստոմատիկական են:

դ) Պատահաբար արված գյուտերը՝ որպես օրինաչափություն, պարուրված են առասպելներով: Պատահականությունը հանձարեղ գյուտի նույնքան իրավահավասար մասնակիցն է, որքան գիտական երկարատև համառ հետազոտությունը:

2. ա) Այն հունարեն ձեռագույն աշխատանքում է արժեքավոր գաղափար, կամ այն, ինչ համարվում է ակնհայտ: Ժամանակակից տրամաբանության մեջ աքսիոման պարզապես մտահանգման ելակետն է:

բ) Աքսիոման կամ պոստուլատը հիմնավորման ելակետն է: Ինչպես դասականորեն ընդունված է, աքսիոման ակնհայտ նախադրյալ է, որը պետք է ընդունվի առանց վիճարկման. այն անհերքելի ճշմարտություն է:

գ) Տրամաբանական աքսիոմաները պնդումներ են, որոնք ենթադրվում է որ ձիշտ են այն տրամաբանության տիրույթով, որը նրանք սահմանում են:

դ) Մաթեմատիկայում աքսիոմա տերմինը օգտագործվում է երկու կապակցված, բայց տարբերակվող իմաստներով. տրամաբանական աքսիոմաներ և ոչ տրամաբանական աքսիոմաներ:

ե) Մինչդեռ ոչ տրամաբանական աքսիոմաները իրականում սահմանում են մասնակի մաթեմատիկական տիրույթի, ինչպիսին, օրինակ, թվաբանությունն է, հատկությունները ($I = a + b = b + a$): Աքսիոմա, պոստուլատ և ենթադրություն իմաստները փոխադարձ փոխարինելի են:

11. Ուղղե՞ք խոսքի տրամաբանականության խախտումները և բացատրե՞ք՝ ինչով են պայմանավորված դրանք:

- Բազմազավակ ընտանիքը տեղափոխվեց նոր բնակարան. նրանց անդրանիկ զավակը ծնվել էր չորս ամիս առաջ: **2.** Սուր շնչառական վարակներով ստացիոնար դիմելիությունը կազմել է 948 դեպք, որից 796-ը՝ 2-18 տարեկան հիվանդներ են: **3.** Այս տարվա գարնանային անձրևները հորդառատ էին և չհասցրին հողը խոնավացնել: **4.** Վերակենդանացման բաժանմունքում գտնվող բոլոր հիվանդները առողջացման դրական տեղաշարժով տեղափոխվել են հիվանդասենյակներ՝ բացի մի քանի ծանր հիվանդներից: **5.** Միջազգային փորձագետները ներկայացրին մեզ հետաքրքող մի քանի նախազգեր, որոնք քաջ տեղյակ էին քննարկվող խնդրի մանրամասներին: **6.** Երիտասարդը լուրջ հանցանք էր գործել և այժմ անկեղծորեն մեղանչում էր՝ հույս ունենալով ներում ստանալ: **7.** Ֆինանսական միջոցների բացակայության առկայությունը ստիպում է այլ ելք գտնել ստեղծված իրավիճակից: **8.** Արձակագրի՝

վերջին շրջանում գրած վիպակների լեզուն և ոճը զգալիորեն տարբերվում են նրա նախորդ ստեղծագործություններից: 9. Ներկայումս փորձեր են արվում վերականգնելու որդան կարմիրի ստացման եղանակը, որով իին Հայաստանում ներկում էին արքայական և իշխանական հանդերձները:

12. Տրամաբանականության խախտումը գործածելով իրեն ոճական հնարանք՝ բերե՛ք սրամիտ և դիպուկ խոսքի օրինակներ:

13. Խոսքի արժանիքների ի՞նչ դրսեռումներ կան տրված տեքստում (բազմազանություն, սեղմություն, ձշգրտություն ու տրամաբանականություն). սեղմ շարադրե՛ք իիմնական բովանդակությունը:

1. Բնության մեջ ամեն ինչ փոփոխվում է: Կյանքն անընդհատ զարգանում է, քանի որ գոյության ահեղ կովում միշտ հաղթում է ամենաուժեղը, ամենահարմարվածը, ամենակատարելազործվածը: Կյանքի այդ փոփոխությունների և զարգացումների մեջ իր սերնդի գոյությունն ապահովում է միայն այն տեսակը, որն ամենից լավ է հարմարված կյանքի փոփոխվող պայմաններին:

Կյանքի՝ միլիոնավոր տարիների զարգացման ընթացքում շատ տեղաշարժեր են տեղի ունեցել. բազմապիսի կենդանիներ և բույսեր են ապրել երկրագնդի վրա և աստիճանաբար ոչնչացել՝ իրենց տեղը զիջելով նոր, ավելի կատարելազործված տեսակներին:

Բրածո կենդանիների ուսումնասիրությունները ցույց են տվել, որ նրանց կործանման իիմնական պատճառները եղել են մարմնի հսկայական չափերը, դանդաղաշրժությունը և օրգանիզմի պարզունակ կառուցվածքը: Նույնը վերաբերում է նաև բրածո հսկա բույսերին:

2. Փոփոխության էվոլյուցիան ընթացել է այնպիսի ուղղությամբ, որ բույսերի ու կենդանիների չափերը փոքրացել են, կրծատվել է նրանց կյանքի տևողությունը, միաժամանակ նրանք ավելի են կատարելազործվել՝ բնության փոփոխվող պայմաններին ավելի լավ հարմարվելու, գոյության կռվում հաղթող դուրս գալու համար:

Սակայն կենդանական և բուսական աշխարհի ներկայացուցիչների ոչնչացման մի ուրիշ գորեղ պատճառ էլ կա: Դա քաղաքակրթության զարգացումն է, մարդու ամենօրյա գործունեությունը: Եթե գոյության կռվում առանձին անհատների կամ տեսակների ոչնչանալը միանգամայն օրինաչափ երևույթ է, որը նպաստում է օրգանիզմների է՛լ ավելի կատարելազործմանը և զարգացմանը, բնության ընդհանուր առաջընթացին, ապա մարդու գործունեության

հետևանքով անհատների և տեսակների ոչնչացումը, բնաջնջումը մեծ վնաս-ներ է հասցնում բնության ընդհանուր համակարգին, խախտում նրա հավա-սարակշռությունը, որն ի վերջո հանգեցնում է բնության էկոհամակարգի աս-տիճանաբար վատթարացման:

14. Խոսքի թերությունների ի՞նչ դրսևորումներ կան շարադրանքում:

1. Այս վերջին տարիներից ավելի շատ տեղեկություններ են ստացվում այն մասին, որ բույսերն անտարբեր չեն ձայնային տատանումներին: Շատ հետա-զոտողներ գտնում են, որ երաժշտության տակ բավական ուժեղանում է բույ-սերի աճը: Բույսն իր աճման առաջին իսկ վայրկյանից գտնվում է տարբեր բնույթի ձայների ներքո: Նրա աճն ուղեկցվում է մշտապես թռչունների դայ-լայի, առվակների խոխոչյունի, քամիների սուլոցի, կենդանիների արձակած և բնության այլ ձայներով: Խնդիրը կայանում է նրանում, որ երաժշտությունը, արագացնելով ցիտոպլազմայի շարժումը, դրանով իսկ օգնում է բույսի արագ աճմանը, բազմացմանը, ավելացմանը:

2. Շատ ավելի աննշան, մեզ համար միանգամայն անընկալելի շատ երևույթ-ներ կան (երկրի մագնիսական դաշտի ազդեցություն, լուսապարբերականություն, միկրոտարբեր, տիեզերական մի շարք երևույթների, հատկապես աստղերի ազդեցություն), որոնք ոչ միայն ազդում են բույսերի աճման ու զարգացման վրա, այլ երբեմն վճռական նշանակություն ունեն նրանց հա-մար: Պատահական չե, որ ամերիկյան տիեզերանավում բույսերի աճման ու զարգացման որոշ խանգարումները բացատրվում են նաև անհրաժեշտ ձայ-նային ազդանշանների բացակայությունով: Ի դեպ, տիեզերական այդ լոռությունը խիստ անտանելի է տիեզերագնացների համար ևս, որի դեմ նրանք պայքարում են երկրից ստացված ձայնային ազդանշանների օգնությամբ (ռադիո, հեռուստատեսություն, ձայներիզների և տեսաերիզների օգտագոր-ծում): Բույսերի աճման և զարգացման վրա երաժշտության գործած ազդեցու-թյան կապակցությամբ առաջին գիտական ուսումնասիրությունները հանդես են եկել դեռևս 1917 թ., որոնց հեղինակն է համարվում հնդիկ պրոֆեսոր Դ. Բոսը:

4.6. ԱՐՏԱՀԱՅՏՉԱԿԱՆՈՒԹՅՈՒՆ. ՊԱՏԿԵՐԱՎՈՐՄԱՆ - ԱՐՏԱՀԱՅՏՉԱԿԱՆ ՄԻՋՈՑՆԵՐ

4.6.1. Առձայնույթ և բաղաձայնույթ (175): **4.6.2.** Հոմանշություն (176): **4.6.3.** Աստիճանավորում (177): **4.6.4.** Հականշություն և հակադրություն (178): **4.6.5.** Համանունություն և հարանունություն (179): **4.6.6.** Բառախաղ (180): **4.6.7.** Շրջասույթ (181): **4.6.8.** Ավելադրություն և կրկնարերություն (182): **4.6.9.** Բազմաշաղկապություն և անշաղկապություն (182): **4.6.10.** Զեղում (183): **4.6.11.** Ճարտասանական հարց և ճարտասանական բացականշություն (183): **4.6.12.** Մեղմասություն (184): **4.6.13.** Չափազանցություն և նվազարերություն (185): **4.6.14.** Նրբարանություն (օրսիմորոն) (186): **4.6.15.** Շրջադասություն (186): **4.6.16.** Հեզնանք (187): **4.6.17.** Պարադոքս (հարատություն) (187): **4.6.18.** Համեմատություն (188): **4.6.19.** Փոխարերություն (189): **4.6.20.** Մակդիր (191): **4.6.21.** Անձնավորում (191): **4.6.22.** Փոխանունություն և համըմբոնում (192): **Վարժություններ և առաջադրանքներ (194):**

Արտահայտիչ, պատկերավոր խոսքը անհամեմատ ազդեցիկ է. արտահայտչականությունը խոսքի առարկան լսարանի համար ավելի հետաքրքիր է դարձնում, իսկ հարորդվող միտքը՝ ավելի ընկալելի: Խոսքի արտահայտչականությունն ապահովում են պատկերավորման-արտահայտչական միջոցները, որոնք դրսերվում են լեզվի բոլոր մակարդակների միավորներով՝ հնչյունաբանությունից մինչև շարահյուսություն:

4.6.1. Առձայնույթ և բաղաձայնույթ: Սրանք նույն հնչյունի կամ նման հնչյունների կրկնությունն են խոսքի որոշակի հատվածում: Բաղաձայնների կրկնությունը կոչվում է **բաղաձայնույթ**, իսկ ձայնավորներինը՝ **առձայնույթ**: Նման հնչյուն ասելով՝ նկատի է առնվում հնչյունական հատկանիշներով իրար մոտ հնչյունների, նույն շարքի կամ հարևան շարքերի (փ, ք, թ, ց, չ, կամ՝ թ, գ, դ, շ և ն) բաղաձայնների կրկնությունը:

Հնչյունական այս հնարքները առավել բնորոշ են չափածո խոսքին. ավելի տարածված է բաղաձայնույթը: **Առձայնույթը** հայերենում ընդհանրապես դժվար ճանաչելի է. խոսքաշարում ձայնավոր հնչյունների գուգրդական բարձր հաճախականությունը առձայնույթի տպավորություն է ստեղծում նույնիսկ սովորական խոսքում: Առձայնույթի բնորոշ օրինակ կարելի է համարել Ներսես Շնորհալու հետևյալ տողերը. «Առաւտ լուսոյ, Արեգակն արդար, Առ իս լո՛յս ծագեա....»:

Բաղաձայնույթը առաջ է բերում զգայական որոշակի տպավորություն: Առնչվելով բարնտրության և խոսքի բովանդակության ինչ-ինչ կողմերին՝ ոչ միայն ստեղծում է բազմաձայնություն, այլև նպաստում է ձայնապատկերի կառուցմանը: Հնչյունական այս հնարքը հայ գրականության և բանահյուսության մեջ հայտնի է վաղնջական ժամանակներից: Բաղաձայնույթի օրինակ է Հ. Շիրազի «Սոսին» բանաստեղծության հետևյալ հատվածը, որտեղ **ս, շ, ժ** հնչյունների առատությունը կապվում է սոսափի, շրջունի և հուշերի հետ. «Սոսափում է ու սիրով սարն է ենում իմ սոսին, Սոսին՝ իմ սեզ հարսի պես՝ լուսնի ոսկե կուժն ուսին, Ու ես շորորն եմ հիշում իմ շուշանի ապրեշում, Որ հուշ դարձել մշուշում ու ինձ դրժել չի հիշում»:

4.6.2. Հոմանշություն: Իմաստով համարժեք կամ հարաբերակից լեզվական միջոցների (հոմանիշների) ամբողջությունն է: Խոսքի արտահայտչական և պատկերային որակները բարձրացնելու լեզվական հիմնական միջոցներից է³⁷:

1. Հոմանիշների գործածությունը խոսքին հաղորդում է բազմազանություն. Նույն բառը շարադրանքում չկրկնելու և խոսքի միօրինակությունից խուսափելու համար հաճախ դիմում ենք ոչ միայն փոխարինող բառերի (օր.՝ դերանունների, փոխանունների) օգնությանը, այլև գործածում ենք բառի հոմանշային տարբերակ(ներ)ը՝ ախտահանել/ախտազերծել/վարակագերծել, ճաճանչ/շող/ձառագայթ/ցոլք, ծիր/շրջագիծ, քանից/երից/բազմից, առթիվ/առթեռվ/կապակցությամբ, վատահաբար/վատահորեն, իրավ/իրավամբ/հիրավի որովհետև/քանի որ ևն: Օր.՝ «Ծոցը օվկիանոսի կամ ծովի այն մասն (=հատվածն) է, որը միխրճված (=խրված) է ցամաքի մեջ»: «Հեմողոբինի կարեռագույն (=հիմնական) ֆունկցիան հյուսվածքները թթվածնով **հազեցնելն** (=հարստացնելն) է»:

2. Հոմանշային անհրաժեշտ տարբերակի ընտրությունը խոսքը դարձնում է ճշգրիտ ու համոզիչ: Տարբերակը ընտրելիս հեղինակը առանձնահատուկ կարևորություն է տալիս դրա բովանդակային և արտահայտչական նրբերանգներին: Օր.՝ **կերտել**, արարել, ստեղծել, հորինել, հնարել, ծնել, երկնել հումանշային շարքից հետևյալ նախադասության մեջ ամենահարմարը **կերտել** բառի գործածությունն է. «Մարդը բանական արարած է, և ինքն է **կերտում** իր կյանքը». այս նախադասության մեջ **արարել-ը** վերամբարձ է, **ստեղ-**

³⁷ Բարապաշարի իմաստային խմբերի արտահայտչականությունը հմմտ. **Богданова Л.**, Стилистика русского языка и культуры речи, М., 2011:

ծել-ը՝ պարզունակ, **հորինել-ը** և **հնարել-ը՝** իմաստային առումներով անձիշտ, **ծնել-ը** և **երկնել-ը՝** կյանք-ի հետ անկապակցելի:

3. Տարբեր կողմերից բնութագրելով երևույթը՝ խոսողը հոմանիշների միջոցով դրսերում է իր անհատական վերաբերմունքը: Նույն երևույթը տարբեր մարդիկ կամ հասարակական տարբեր խմբեր տարբեր կերպ կարող են ընկալել և գնահատել: Օր.՝ «Այն, ինչ կատարվում է Իրաքում քրդերի նկատմամբ, սովորական տեղահանություն չէ կամ հալածանք, այլ պարզապես եղեռն է»: Բերված նախադասության մեջ ընդգծված բառերը անհատական վերաբերմունքի արտահայտություններ են՝ կառուցված հոմանշային տարբերակների իմաստային նրբերանգների հիմքի վրա:

4. Հոմանիշ բառերի նրբիմաստային տարբերությունների ընդգծումով հոմանշային եզրերը հակադրական նշանակություն են արտահայտում. Օր.՝ «Ես նա եմ նաև, Որ տարբերում է մահացումը՝ մեռնելուց, ճիշտը՝ ճշմարտից ու ճշգրիսից» (ՊՍ): Իմաստային ընդհանրություններ ունեցող բառերի իմաստային հակադրությամբ խտանում է բովանդակությունը՝ «Ծովափնյա զեփյուրը ցածր արագության տեղական քամի է, իսկ սամումը՝ ուժեղ, մռայլ քամի»:

5. Հոմանիշների գործածությամբ հաճախ բացատրվում են անհասկանալի կամ քիչ ծանոթ բառը կամ արտահայտությունը (օտարաբանություններ, փոխառություններ, տերմիններ, նոր բառեր ևն): Այս դեպքում հոմանիշի գործածությունը արտահայտչական դեր չի կատարում և ունի հաղորդակցական արժեք: Օր.՝ «Եկողևիայի ուսումնասիրության առարկան օրգանիզմների և միջավայրի աբիոտիկ (անկենդան) բաղադրիչների միջև գործող փոխհարաբերություններն են»: «Ճարպերը (լիպիդները) գտնվում են բույսերի ու կենդանիների հյուսվածքներում»:

4.6.3. Աստիճանավորում: Իմաստով մոտ բառերը հաճախ գուգադրվում են՝ խոսքի բովանդակությունը ուժեղացնելու կամ թուլացնելու համար: Հոմանշային շարքի յուրաքանչյուր հաջորդ միավորը հավելական իմաստով աստիճանաբար գորացնում է (կամ նվազեցնում) արտահայտված իմաստը. այդ երևույթը համարվում է **աստիճանավորում** (գրադացիա): Ըստ այդմ՝ աստիճանավորումը լինում է երկու տեսակ. **ա) բարձրացող աստիճանավորում,** եթե յուրաքանչյուր հաջորդ արտահայտություն (բառ, բառակապակցություն, դարձվածք ևն) ավելի հագեցած է իմաստով, ավելի ուժգին և արտահայտիչ է, քան նախորդը, օր.՝ «Զարդեցին իրար, Զընջեցին իրար, Կորան, գընացին

Գետնին հավասար» (ՀԹ): «Որպես փոթորիկ, իջեք քաղերից Եվ խորտակեցնեք պաշտամին այս զագիր, Փոշի դարձրեք այստեղ ամեն ինչ» (ՎՏ): «Կառուցում էր ոչ թե մի մարդ, մի ընտանիք, մի գյուղ կամ մի քաղաք. ամբողջ հայ ժողովուրդն էր կառուցում՝ օր ու գիշեր, շաբաթներ ու ամիսներ, տարիներ ու տասնամյակներ» (ԳԵ). քաջնորդ աստիճանավորում, երբ յուրաքանչյուր հաջորդ արտահայտություն ավելի թույլ է, քան նախորդը. յուրաքանչյուր հաջորդ արտահայտություն տանում է մեծից փոքրը, բարձրից ցածրը, ուժեղից թույլը ևն, օր.՝ «Թող չաղմկեն, լրեն, հանդարտվեն, քաշվեն իրենց տները»: Երբեմն աստիճանավորման այդ երկու դրսուրումները գործածվում են համատեղ՝ առավել բազմազան և հետաքրքիր դարձնելով խոսքը. օր.՝ «5000 տարվա, 500 տարվա և 50 տարվա Պատմություն ունի այդ ջարդ-սպանդը, նախճիր-եղեռնը, Որ չի ավարտվել ու չի ավարտվում....» (ՊՄ):

4.6.4. Հականշություն և հակարություն: Հականիշ բառերի ոճական կիրառությունը կամ առհասարակ հականշությունը (լեզվական միավորների իմաստային հակարականությունը) իմացական-ձանաչողական գործնթաց է կամ դրա արգասիք, քանի որ պայմանավորված է իրականության մեր ընկալումներով:

1. Հականիշների գործածությունը բնորոշ է ժողովրդական խոսքին. շատ առածների ու ասացվածքների լեզվական հիմքն է և սուր ու դիպուկ է դարձնում խոսքը, ինչպես՝ «Ինչ ցանես, են կինձես», «Ինքը կուշտ է, աչքն է քարցած», «Գիտունի հետ քար քաշիր, անգետի հետ փլավ մի՛ կեր», «Կարճինուիր, երկար լսիր» ևն:

2. Հականիշները գործածվում են նաև երևույթը իր հնարավոր բոլոր երեսներով, նաև հակասական կողմերով ներկայացնելու համար: Օր.՝ «Թող ինձ չար կոչեն ինց միայն բարի լինելու համար», «Այդ օրը փողոց էին դուրս եկել բոլորը՝ ահել թե ջահել, կին թե տղամարդ»: Համադասական շաղկապների կիրառությամբ հաճախ մեղմվում է հականիշներին բնորոշ ընդգծված հակարության երանգը, ինչպես՝ «Երբ գայլ ու գառնուկ սիրով կ'արածին...» (ՊՄ), «Մտավորականությունը իր երկրի տերն է ու նաև ծառան», «Մարզադաշտում բարենպաստ եղանակ էր, բայց ֆուտբոլային անբարենպաստ տրամադրություն»:

3. Ոճական հատուկ հնարք է բարի գործածությունը իր հակառակ նշանակությամբ. ստեղծում է հեգնական վերաբերմունք, օր.՝ «Դատելով գործարարության ասպարեզում ունեցած Զեր հաջողություններից՝ վտանգի տակ է Զեր

ամբողջ ունեցվածքը», «Արագընթաց բարեփոխումների միջոցով ունենք էական ձեռքբերում՝ արտազադի 8% աճ»:

4. Հականիշներին ենք դիմում երեսն անվանելու համար այնպիսի հասկացություն կամ երևոյթ, որը որոշակի անվանում չունի, ոչ այս է, ոչ այն, միջին օդակ է. օր.՝ «Գրում է ոչ լավ, ոչ վատ», «Կյանքի ու մահվան մեջտեղում», «Ոչ կուշտ եմ, ոչ սոված»:

5. Հականիշների համատեղ գործածությամբ ստեղծվում է հակադրությունը կամ հակադրույթը (հուն.՝ antithesis – հակադրում), որը իմաստով հակադիր արտահայտությունների կամ բառերի (հականիշների) գուգորդումն է խոսքի նույն հատվածում: Հակադրույթը ձևավորվում է հականիշների բոլոր տեսակներով:

ա) Լեզվական հականիշներով հակադրություն. ընդգծում է հիմնական գաղափարը: Այս հնարքը հաճախ է գործածվում գեղարվեստական գրականության մեջ, ԶԼՄ-ների լեզվում, բանավիճային խոսքում: Դրանով հաճախ կազմում են նաև վերնագրեր՝ «Ապրելու ժամանակը և մեռնելու ժամանակը», «Պատերազմ և խաղաղություն»:

բ) Խոսքային կամ համատեքստային հականիշներով (բառային անտվոր գուգորդումներ՝ փոխաբերության հիմքով) հակադրություն. արտառոց ու տպավորիչ է դարձնում խոսքը, ուշադրություն գրավում, օր.՝ «Եթե մարդը ընկնելուց հետո ոտքի է կանգնում, դա ֆիզիկա չէ. բնավորություն է», «Դատողություններ անողները շատ են, իսկ կշռադատողները՝ քիչ», «Մեր պատմությունը հետայսու աղետալի սխալների կրկնությունը չպետք է լինի, այլ սրբագրությունը» ևն:

գ) Շարահյուսական հակադրություն. դրական խոնարհմամբ կառույցը գործածվում է (սովորաբար հատուկ հնչերանգով) ժխտական նշանակությամբ: Ստեղծվում է հեզնանք կամ բացասական վերաբերմունք՝ «Շատ տ իմաստուն է»: = «Տգես է», «Կապացուցես այդ վարկածը, ինչպես չէ» = «Չես ապացուցի»: «Շատ կուզեի հավատալ Ձեզ»: = «Չեմ հավատում Ձեզ»:

4.6.5. Համանություն և հարանություն: Համանությունը տարիմաստ լեզվական միավորների ձևային նույնությունն է: Արտահայտչականությունը ձևավորվում է հիմնականում համանունների համատեղ գործածությամբ: Հաճախ գործածվող հնարք է հրապարակային խոսքում, գովազդներում, գեղարվեստական գրականության մեջ, մասնավորապես չափածոյում, որտեղ մաս-

նակցում է հանգակերտմանը, խոսքի ռիթմին և բարեհնչությանը («Կյանքից հարբած անցավոր, Ահա դարձյալ անցավ օր, Դու վազում ես դեպի մահ – Մահը բռնում հանցավոր» (ՀԹ)):

Հարանունությունը ձևով նման արտահայտությունների կամ բառերի (հարանունների) գորգորդումն է խոսքի նույն հատվածում՝ առանց իմաստային խաղի կամ իմաստի սաստկացման: Հարանունները ոճական-արտահայտչական որոշակի արժեք ունեն գեղարվեստական խոսքում, մասնավորապես՝ չափածոյում, առօրյա-խոսակցական ոճում, հրապարակային խոսքում: Նպաստում են խոսքի բարեհնչությանը, ներդաշնակությանը, պահպանում են ներքին հանգը և ռիթմը՝ «Որպես թարուն թախիծ, Տերևներիդ խորքում Ես կփայլեմ տիտոր Ու կմտնեմ խոր քուն» (ՂԴ), «Գովերգում եմ և այն լրւսէ զաղափարը, Որ չի դառնում նեղ կաղապար» (ՊՍ), «Գնում ես... Քեզ հետ տարած մեզը բեր քո թներին, Իմ կորած աշուններից մեկը բեր քո թներին» (ՀՍ) :

Հարանունության արտահայտչականությունը զորանում է, երբ ուղեկցվում է նաև հականշությամբ. «Ահել ու ջահել իրարով անցան», «Չկա չարիք առանց բարիքի»:

4.6.6. Բառախաղ: Կառուցվում է իմաստով տարբեր բառերի կամ բառակապակցությունների արտաքին հնչյունական նույնության կամ նմանության (համանունության կամ հարանունության) հիման վրա կամ նույն բառի տարբեր իմաստների (բազմիմաստության) օգտագործումով: Արտաքուստ նույնացվում են տարբեր զաղափարներ՝ իմաստային յուրահատուկ անցումներով սրամիտ խոսք ստեղծելու նպատակով: Նրա կարևոր հատկանիշը բառերի իմաստային խաղ՝ **սրամություն** ստեղծելն է: Օր.՝ «Առաջ՝ հաց, հետո՝ հարց», «Երկու ահը մի մահ է», «Արտը՝ խախուս, մահանան՝ կարկուս»: Ավելի հաճախ բառախաղերը ստեղծվում են քերականական կամ բառաքրականական համանունության հիմքի վրա, երբ համանունության եզրերը քերականական ձևեր են՝ «Ա՛խ, մեր սերը անցավ, Բայց ոչ անցավ անցավ»:

Բառախաղը համանունների, հարանունների և բազմիմաստ բառերի սովորական գործածություններից տարբերվում է նրանով, որ այս դեպքում ստեղծվում է բառերի իմաստների խաղ, սրամություն: Հաճախ է գործածվում առօրյա խոսքում, գեղարվեստական գրականության մեջ, ԶԼՄ-ների լեզվում:

4.6.7. Շրջասույթ: Հաճախ առարկան կամ երևույթը անվանելու փոխարեն ուղղակիորեն կամ փոխաբերաբար բնութագրվում է նկարագրական բառակապակցությամբ կամ դարձվածքով, թևավոր խոսքով: Օր.՝ Շուտով **զիշերային լուսատուն** թաքնվեց ամպերի եւտում, և անթափանց խավար տիրեց», «Բարձրահասակ ֆուտրոլիստ է, և **երկրորդ հարկում** կարողանում է հաջողությամբ դրսնորել իրեն», «Հեռվից մերթ ընդ մերթ լսվում էր **ջունգլիների արքայի** ահեղ մոնչյունը»:

Լինում են նաև բառ-շրջասույթներ՝ հիմնված փոխանունության, երբեմն Էլ փոխաբերության վրա: Օր.՝ **ծուռթաթ** (արջ), **հողեղեն** (մարդ), **փետրավոր** (թոշուն), **երկաթախաղ** (ծանրամարտ), **հանգստարան** (գերեզմանց), **միհոգավոր** (զրուցակիցներին հայտնի անհամակրելի անձ), **պատմահայր** (Հերոդոտոս, Մովսես Խորենացի), **Արևելք** (Ասիա), **Արևմուտք** (Եվրոպա և Ամերիկա):

Շրջասույթի արտահայտչականության աղյուրն այն է, որ այլաբանորեն կամ իմաստային այլնայլ դրսնորումներով (ներքին համեմատություն, փոխանունություն ևն) բացահայտում է անվանվող առարկայի, երևույթի ներքին բովանդակությունը, էությունը: Շրջասույթների ձևավորման համար հաճախ աղյուր են դառնում հայտնի անձանց՝ պետական գործիչների, գրողների, դերասանների, գիտնականների, մարզիկների անունները, ինչպես՝ **Փոքրիկ կորսիկացի** (Նապոլեոն), **ամենայն հայոց բանաստեղծ** (Հ. Թումանյան), **ծիծաղի արքա** (Չ. Չապլին), **հայ երգի վարպետ** (Կոմիտաս), **Փուտրոլի արքա** (Պելե) ևն, հաճախ նաև տեղանունները՝ **Բուրգերի երկիր** (Եգիպտոս), **Ծագող արևի երկիր** (Ճապոնիա), **Սև աշխարհամաս** (Աֆրիկա), **Երածշտության մայրաքաղաք** (Վիեննա) ևն:

Շրջասույթները խոսքին հաղորդում են արտահայտչական մի քանի հիմնական հատկանիշներ.

ա) **Խոսքը դարձնում են բազմազան ու հարուստ, հնարավորություն են տալիս խուսափելու կրկնություններից, մի տեսակ փոխարինող դեր են կատարում:** Օր.՝ **Կոմիտաս-ի** փոխարեն՝ Սևակը գործածում է նաև **հայ երգի Սերուակ Մաշտոց**, այր իմաստուն, սահման-ի փոխարեն՝ **շիման զիծ** ևն:

բ) **Գնահատում են առարկան, երևույթը՝ «հայ երգի վարպետ» (Կոմիտաս), «ազատության մեծ երգիչ» (Մ. Նալբանդյան), Տրոյայի երգիչ (Հոմերոս), «անտարի գեղեցկուհի» (Ալյոն), «սև ոսկի» (նավթ), «Ճերմակ մահ» (աղ), «համար առաջին ռմբարկու» (Լ. Մեսսի) ևն:**

գ) Հաղորդակցվող կողմերի միջև կատարում են կարգավորող դեր. հնարավորություն են տպիսափելու զանազան անհարկի արտահայտություններից ու գնահատականներից՝ «Հայտնվեցինք շատ **հետաքրքիր իրավիճակում**» (անհարմար կացության մեջ գտնվելը), «Զկարողացա մի քանի **քաղցր խոսքով** չիշել նրա անցավորներին» (անպատվել, հայինել) ևն:

դ) **Խոսքը դառնում է երգիծական (հեգնական)**: Այդ դերով սովորաբար հանդես են գալիս համբահայտ շրջասույթները՝ փոխառված նշանակությամբ. «Այդ օրվանից նա ինքն իրեն հրչակել է ամենայն **հայոց քաղաքագետ**», «Նա մեր ստվերային տնտեսության **առաջին ջութակն է**»:

4.6.8. Ավելադրություն (հավելաբանություն) և կրկնարերություն: Հիշենք, որ ավելադրությունը խոսքային նույն հատվածում համարժեք կամ լրացուցիչ լեզվատարրերի գործածությունն է՝ արտահայտչական նպատակներով: Ավելադրության առկայությունը ապացուցելի է, եթե հնարավոր է վերականգնել առանց դրա տարբերակը: Օր.՝ «Ես **գիտեի, գիտեի**, որ այդպես է լինելու». բառի ավելադրական կրկնությունը խստացնում է իմաստը, շեշտում է հուզականությունը: Օր.՝ «**ընդհուպ մինչև ձմեռ**», «**աչքով եմ տեսել**», «**Լու Անջելես քաղաքի** արվարձաններում» ևն:

Ավելադրությունը բնորոշ է ժողովրդական լեզվամտածողությանը և հաճախ է հանդիպում խոսակցական լեզվում: Գրական լեզվում պետք է խուսափել դրանց գործածությունից, մանավանդ երբ ուզում եք, որ Ձեր խոսքը լինի հարուստ, անմիջինակ, հակիրճ և ազդեցիկ:

Կրկնարերությունը բարի, դարձվածքի կամ բառակապակցության, երբեմն հնախադասության կրկնությունն է շեշտողական կամ հուզական նշանակությամբ. հարուստ ու բազմազան է դարձնում խոսքը: «**Երգը բնության մասին էր...** **Երգը** կանաչ վարոցներով հոտաղների մասին էր և բանջարի ելած նախշուն գոզնոցներով աղջիկների... **Երգը** բնության ու սիրո մասին էր... (ՍԳ):

4.6.9. Բազմաշաղկապություն և անշաղկապություն: Բազմաշաղկապությունը սովորաբար բնորոշվում է որպես խոսքի որոշակի հատվածում միավորիչ շաղկապների (շաղկապական բառերի) առատություն կամ միևնույն շաղկապի (շաղկապական բառի) բազմակի կրկնություն: Բազմաշաղկապությունը, սակայն, շաղկապների անսովոր առատությունը կամ շաղկապների սոսկական կուտակումը չէ: Շաղկապների կրկնությունը կամ կուտակումը ոճական դարձույթ է դառնում այն դեպքում, երբ խոսքը դարձնում է հանդիսավոր ու վեհ, գործողությունները՝ հանդարտ ու դանդաղընթաց, ստեղծում է որոշակի

ոիթմ ու երաժշտականություն ևն: Օր.՝ «Չլինի, ոք երկնեմ ես, և չծնեմ, / Ողբամ՝ և չարտապեմ, խորհեմ՝ և չհառաչեմ, / Ամպեմ, և չանձրեմ, ընթանամ՝ և չհասնեմ, / Ես ձայն տամ, և դու չլսես, պաղատեմ՝ և անտես մնամ» (ԳՆ):

Բազմաշաղկապությունը չպետք է շփոթել կրկնադիր շաղկապի գործածության հետ (թե՝ ..., թե ..., և ..., և ..., կա՛մ..., կա մ...), ինչպես՝ «Ո՛չ տրտունջ, ո՛չ մրմունջ սգավոր, Հեռացի՛ր, մոռացի՛ր ինձ հավետ» (ՎՏ):

Անշաղկապությունը խոսքում շաղկապի կամ շաղկապների միտումնավոր բացթողումն է՝ խոսքին արագություն, տեմպ, անընդհատ շարժման տպավորություն հաղորդելու համար. խոսքը դառնում է ավելի սեղմ ու հատու: Առավել բնորոշ է ժողովրդական խոսքին և բանավոր հաղորդակցմանը: Զեղչվում են առավելապես համադասական շաղկապները: Մտքով հիմնականում հնարավոր է վերականգնել բաց թոռնված շաղկապը: Օր.՝ «Հոդի արյունի էր ծարավ, (իսկ) Ինքը ծարավ էր հոդի....» (ԴՎ), «Խենթի պես, նրանց դիակների վրայով քշեց իր ձին, Այրեց, ջարդեց, թափեց, քանդեց, քանդեց, Գյուղը դաշտ դարձրեց կարմիր հնձի» (ԵԶ):

4.6.10. Զեղչում: Հաճախ խոսքաշարից որևէ խոսքային միավոր (բառ, բառակապակցություն, դարձվածք ևն) բաց է թողնվում՝ կրկնություններից խուսափելու կամ հուզական խոսքի երանգ ստեղծելու նպատակով: Ոճական նպատակներով կատարված զեղչումը (ձարտասանական զեղչում) չպետք է շփոթել քերականական զեղչման հետ, որի դեպքում զեղչվում են շաղկապը, հանգույցը, ստորովյալը ևն, օր.՝ «Որոշ փորձագետներ կարծում են՝ (ոք) հրաբիսային գործունեությունը Վեներայի վրա շարունակվում է», «Մենք դրսում ենք սպասում, նրանք՝ (սպասում ին) տանը»:

Ճարտասանական զեղչման դեպքում հնարավոր չէ ճգրիտ վերականգնել զեղչված բառը, արտահայտությունը: Խոսքը դառնում է սեղմ, կտրուկ, հուզական. ինչպես՝ «Ես ձեր անհայրենիք հերն անիծեմ, ես ձեր վնասարար, ես ձեր անսիրտ, անհոգի, վայրենի...» (ՀՄ):

Զեղչման տեսակ է նաև դարձվածքի կամ արտահայտության մի մասի բացթողումը, որը հաճախ է հանդիպում ժողովրդական խոսքում, ինչպես՝ «Վերև՝ աստված, ներքև՝ դու», «Խելոքին՝ մեկ, անխելքին՝ հազար ու մեկ», «Ամոան փուշը՝ ձմռան նուշը»:

4.6.11. Ճարտասանական հարց և ճարտասանական բացականչություն: Ճարտասանական հարցը պատասխան չպահանջող կամ արդեն իսկ պատաս-

իսան պարունակող հարցն է, որը սովորաբար չի ուղղվում որոշակի խոսակցի, օր.՝ «Էդ ո՞ւմ վրա եք թուր հանել, հայոց մեծ ազգին չե՞ք ճանաչում» (ԽԱ): «Ի՞նչ իմանաս Ըստեղծողի գաղտնիքները անմեկին» (ՀԹ): «Մի՞թե երկրագունդը չի պտտվում արևի շուրջը...»:

Ճարտասանական բացականչությունը, ինչպես հայտնի է, նախադասությունը կամ խոսքի հատվածը բացականչական հնչերանգով արտասանելն է հուզական կամ շեշտողական նպատակով: Օր.՝ «Ինչքան ծաղիկ պիտի բուսներ, որ չբուսավ ես հողին... Ի՞նչ պատասխան պիտի ես տամ հող ու ծաղիկ տփողին...» (ՀԹ): «Շատ հին է տիեզերքը...»: «Իմ պատանության թեժ մրրիկներից ի՞նչ է մնացել»:

Ճարտասանական բացականչությունը նույն ճարտասանական հարցը չէ՝ բացականչական հնչերանգով, ինչպես երբեմն ներկայացվում է. այն շատ այլ տարատեսակներ ունի, ինչպես՝ «Այնքան եմ կարոտել քեզ...», «Հրաշք...» կամ՝ «Հաղթում ես ուժեղը և ոչ թե արդարը: Վայ թույլերին» (Գ. Նժդեհ), «Երանին նրան, ում համար կյանքում Ծիծանը լոկ... յոթ գույն ունի (ԳԷ):

4.6.12. Մեղմասություն. տիած, կոպիտ բառերի ու արտահայտությունների փոխարինումն է վայելուշ համարվող հոմանիշներով կամ կտրուկ խոսքի փոխարինումը ավելի բարեկիրթ մեղմացված համանշային տարբերակով: Ըստ այդմ՝ գործածվում է երկու որոշակի նպատակով:

ա) **Հաղորդակցումը բարեկիրթ մակարդակում պահելու համար.** խոսքի առարկայի իրական բնույթագիրը կամ անվանումը հնչեցվում է պարկեշտ կամ ոչ կոպիտ: Օր.՝ «Նա անշնորհի մեկն ե» ասելու փոխարեն՝ ասվում է՝ «Նա բարեկիրթ մարդկանցից չե», «Մեր պահանջները չկատարելու դեպքում Դուք կպատժվեք» ասելու փոխարեն՝ «Մեր պահանջները չկատարելու դեպքում Դուք խնդիրներ կունենաք»: Կամ՝ «խիստ պահպանողական» (հետամնաց), «ոչ այնքան երջանիկ» (դժբախտ), «Չեմ կարծում, որ դուք այդ հարցում ճիշտ եք» (սխալվում եք), «տեխնիկական սպասարկման անձնակազմ» (սպասավոր/ուհի, հավաքարար/ուհի) ևն:

Նման մեղմասությունները նվազեցնում են անցանկալի ելքի, վատ տեղեկության տպավորությունը, մեղմում են լսարանի վրա հնարավոր ծանր ազդեցությունը:

բ) **Երևոյթի բուն երթյունը քողարկելու նպատակով:** Սա ավելի հաճախ հանդիպում է այնպիսի իրողություններ ներկայացնելիս, որոնց մասին սովորա-

բար լրում ենք կամ հրապարակավ շատ չենք խոսում: Մեղմասությամբ ակնարկ է արվում. լսարանին վերապահվում է կռահել, հասկանալ խոսքի ամբողջ բովանդակությունը, ինչպես՝ «դիմել ծայրահեղ քայլերի» (պատժել ոչնչացնել), «քարձրագույն պատիժ սահմանել» (դատապարտել մահվան), «անկանխատեսելի հետևանքներ» (ընդհարում, մահ), «սահմանադրական կարգի հաստատում» (պատերազմ, պատերազմական գործողություններ), «էթնիկական զտում» (այն անձանց տեղահանում կամ ոչնչացում, որոնք չեն պատկանում տվյալ տարածքում գերիշխող ազգին), «խաղաղապահ գորքերի տեղակայում» (ռազմական միջամտություն), «առճակատում» (պատերազմ) ևս:

Մեղմասությունների գործածությունը մեծ չափով պայմանավորված է **սոցիալական միջավայրով**: Այն, ինչ ընդունելի է սոցիալական մի միջավայրում և համարվում է բարեկիրթ, այլ միջավայրում կարող է միանգամայն անընդունելի լինել:

Մեր օրերում, երբ խոսքային հաղորդակցումը գործնական կարևոր նշանակություն է ձեռք բերում, մեղմասության ձևերին տիրապետելը նախապայման կարող է դառնալ հաղորդակցման արդյունավետությունը ապահովելու համար:

4.6.13. Չափազանցություն և նվազաքանություն: Չափազանցության դեպքում հատկանիշը կամ երևույթը ներկայացվում է սովորականից առավել չափով, օր.՝ «Վառվում էր վիթխարի մի մայրամուտ Հեռու հորիզոնից մինչև անտառ» (ՆԶ): Չափազանցումը նպատակ ունի տպավորությունը ուժեղացնելու միջոցով հաղորդակցվող կողմին համոզելու:

Տարածված ոճական ձևն է ներբողականներում, շնորհավորանքներում, բաժականաբերում, հանրահավաքային և դատավարական խոսքում և այլուր: Առտնին խոսքում չափազանցությունը հաճախ է կիրառվում՝ մտքին և հույզին ուժգնություն հաղորդելու նպատակով («միլիոն անգամ ասել եմ», «մեռաբացարելով», «հազար տարի իրար չենք տեսել», «հարյուր ժամ է՝ սպասում եմ» ևս):

Նվազաքանությամբ հատկանիշը կամ երևույթը ներկայացվում է սովորականից փոքր, թույլ չափով: Օր.՝ «Եվ ձեռքերը կրծքին ծալած՝ նա կուշ եկավ, դարձավ մի բուռ, հնազանդ, ճնշված, խեղճ, խելոք, լսող, անլեզու և ճորտ», «Էստեղ՝ էս զյուղի տեղը, հարյուր տարի առաջ որ արել են, մի էսքան տեղ է

եղել, մի ձվի չափ» (ՀՄ), «Ժամանակը իր վախճանին կհասնի, Եվ արևը մի բուռ մոխիր կդառնա....» (ԱԲ): Խոսակցական լեզվում հաճախ հանդիպող ոճական ձև է՝ «Մի բուռ ժողովուրդ ենք», «Մի կտոր հաց չունի ուտելու», «Շունչ քաշելու ժամանակ չունեմ»:

Չափազանցությունն ու նվազաբանությունը հաճախ համընկնում են մակդիրին կամ փոխաբերությանը:

4.6.14. Նրբարանություն (օքսիմորոն. բառացի՝ սրամիտ անմտություն): Առաջանում է երկու միմյանց ժխտող ու հակադիր հասկացություններ կապակցելու միջոցով: Տրամաբանորեն անհամադրելի իմաստային միավորների համադրությամբ ցույց են տրվում երևույթի, առարկայի, իրավիճակի անսովորությունը, բարդությունը, հակասականությունը: Հանդես է գալիս բառային մակարդակում՝ ի տարբերություն պարադրսի (հարաստթյան), որ շարահյուսական կառուցվածքի վրա հիմնված բանադրձում է: Նրբարանության դեպքում լրացումը բառական իմաստով հակադրվում է իր լրացյալին՝ ստեղծելով իմաստալից գաղափար, օր.՝ պարտված հաղթանակ, անհամեստ համեստություն, բարդ պարզություն, խավար արշալույս, անխիղճ գութ, անօգուտ օգնություն, համբ աղմուկ, հաջողակ ձախորդություն, անվերջության ավարտ, քաղցր դառնություն ևն:

Առաջին հայացքից՝ ստեղծվում է անտրամաբանական խոսք, սակայն համապատասխան միջավայրում այն հնչում է միանգամայն բնական ու արտահայտիչ չսպասված թարմությամբ, օր.՝ «Ինչ տենդով պատմեմ Մեր անանցյալ անցյալը» (ԵԶ), «Սոցիալիզմը ապահովում է արդար անարդարություն, իսկ կապիտալիզմը՝ անարդար արդարություն»: Հաճախ են հանդիպում որպես գրական երկերի, կինոնկարների վերնագրեր, լրագրային նյութերի վերնագրեր՝ «Դժբախտ երջանկություն», «Կույր ականատեսը», «Հարազատ թշնամիներ» ևն:

Նրբարանությամբ ստեղծվում է նաև նույր հեզնանք՝ «Երիտասարդը արդեն վաղուց երիտասարդ չե», կամ սուր ծաղը՝ «Նա մեզ բոլորիս կտանջի իր անգիտակից գիտակցությամբ» ևն:

4.6.15. Շրջադասություն (շրջուն շարադասություն կամ շրջում): Նախադասության մեջ բառերի այնպիսի դասավորություն է, որ հակասում է ընդունված կարգին՝ սովորական շարադասությանը: Հայերենում նախադասության անդամների դասավորության ընդունված կարգը հետևյալն է. լրացումների

մի մասը (որոշիչ հատկացուցիչ, որոշ պարագաներ) նախորդում է լրացյալին, ինչպես՝ «արագ ընթացք», «միացության զանգված», «հանկարծ հայտնվել» ևն, ենթական մեծ մասամբ նախորդում է ստորոգյալին՝ «լավան շարժվում է», «ես գնացի» ևն: Շրջուն շարադասությամբ սրանք կլինեն այսպես՝ «ընթացք արագ», «զանգված միացության», «հայտնվել հանկարծ», «շարժվում է լավան», «գնացի ես» ևն:

Շրջադասությունը խոսքին հաղորդում է՝ **ա) բանաստեղծականություն, հուգականություն** («Մի փոքրիկ ամպ՝ բափանցիկ ու անձն, լողում էր երկնքում» (ԱԲ)), **բ) հնության երանգ.** գրաբարում որոշիչ-որոշյալ, հատկացուցիչ-հատկացյալ և նախադասության մի շարք այլ անդամների դասավորության կարգը այսօրվա շրջուն շարադասությունն է՝ «Եվ այր մի՝ Մաշտոց անուն», «Գիրք ճանապարհի», «Երկիր կորուայա՞լ, թե՞ ապազյի», **գ) հանդիսավորություն.** այդ նշանակությամբ հաճախ հանդիպում է պաշտոնական գրագրության մեջ, դիվանագիտական փաստաթղթերում, ինչպես՝ «Արձանագրություն նիստի», «Կարծիք ատենախոսության մասին», «Որոշում հարցի վերաբերյալ» ևն:

4.6.16. Հեգնանք: Դրական իմաստ կամ իմաստային երանգ ունեցող բառը կամ արտահայտությունը գործածվում է բացասական կամ ժխտական նշանակությամբ. երբեմն առարկային, իսկ սովորաբար մարդկանց վերագրվում են այնպիսի դրական հատկանիշներ, որոնցից նա զուրկ է: Բանավոր խոսքում այդ վերագրումն ուղեկցվում է հեգնական հնչերանգով, իսկ գրավոր խոսքում հեգնանք արտահայտող բառը, արտահայտությունը հաճախ առնվում են չակերտների մեջ, որպեսզի ուղղակի նշանակությամբ չըմբռնվեն, օր.՝ «Ի՞նչ «հայրենասեր» մարդ է. Արցախի տեղը չգիտի», «Չատ «Զրջահայաց» է. ամբողջ կյանքում միայն անհաջողություններ է ունեցել»:

Ուժական այս հնարքը հիմնականում ստեղծվում է՝ ուղղակիորեն անհրաժեշտ բառը իր հականիշով փոխարինելով: Հականիշների հեգնական, ծաղրական գործածությունները կարող են ընդհանրական արժեք ձեռք բերել և նույնիսկ դարձվածքների վերածվել: Օր.՝ **խելքի պուտուկ՝ «անխելք», արկադյան սոխակ՝ «էշ, ավանակ», նազար՝ «վախվոտ», Բաքոսի տաճար՝ «զինետուն», բարի պտուղ՝ «շար, անարժան, անպետք մարդ»:**

4.6.17. Պարադրս (հարասություն): Առաջին հայացքից ընկալվում է որպես տարօրինակ ու անսովոր բովանդակությամբ արտահայտություն: Խոսքի տրամաբանական հիմքը կարծես խախտված է, սակայն թվացյալ այդ անհե-

թեթության ներքո հաճախ թաքնված են խորիմաստ մտքեր, իմաստային նուրբ երանգներ, տարողունակ դատողություններ, ինչպես՝ «Ես միայն մի բան գիտեմ՝ այն, որ ոչինչ չգիտեմ» (Սոկրատես), «Միրուց բացի՝ ել ոչինչ չէր կարող այսքան ատելություն կուտակել» (Բ. Շոռ): Կամ միտքը կարող է արտաքնապես ձիշտ թվալ բայց ներքնապես, բովանդակային առումով՝ պարունակել հակասություն, ինչպես՝ «Պատերազմը պետք է լինի, որ խաղաղությունը լինի» (Դ.Դ.), «Թանկից էժանը չկա», «Որտեղ՝ երաշխիք, այնտեղ՝ փորձանք», «Ես սիրում եմ մեծ արհամարհողներին, որովհետև նրանք ամենամեծ հարգողներն են» (Ֆ. Նիցշե), «Ես չեմ սիրում այն մարդկանց, ովքեր չեն ծիծառում. նրանք լուրջ մարդիկ չեն» (Վ. Մոցարտ):

Պարադոքսի հիմքով հաճախ ստեղծվում են պարադոքսային խնդիրներ: Օր՝ Երեխային կուլ տված կոկորդիլոսը երեխայի հորն ասում է. «Կվերադարձնեմ երեխային, եթե դու կարողանաս ձիշտ կոահել՝ ես կվերադարձնեմ նրան, թե՞ ոչ»: Ի՞նչ պիտի պատասխանի հայրը իր երեխային վերադարձնելու համար: (Պատ.՝ «Չես վերադարձնի»):

Հայտնի են նաև մի շարք **մաթեմատիկական** պարադոքսներ: Օր՝ ըստ **Գալիլեյի** պարադոքսի՝ չնայած ոչ բոլոր բնական թվերն են ինչ-որ թվերի լրիվ քառակուսի, բնական թվերը լրիվ քառակուսիներից շատ չեն: Կամ՝ ըստ **Հիլբերտի** «Գրանդ հոթել» պարադոքսի՝ եթե անվերջ քանակությամբ սենյակներով հյուրանոցը լրիվ զբաղված է, միևնույնն է, նրա մեջ կարելի է տեղավորել ելի մարդկանց, նույնիսկ՝ անվերջ քանակությամբ մարդկանց:

4.6.18. Համեմատություն: Երկու կամ ավելի առարկաների կամ երևույթների գուգաղրումն է՝ ցույց տալու համար դրանց նմանությունը կամ տարբերությունը, մեկի կամ մյուսի առավելությունները կամ պակասությունները:

Համեմատությունը կազմող երկու կողմերից կամ եզրերից (համեմատելի և համեմատյալ) բացի՝ կա նաև համեմատության հիմք. դա այն հատկանիշն է, որի հիման վրա կատարվում է համեմատությունը: Համեմատության հիմքը խոսրում հաճախ բացակայում է, չի արտահայտվում, այսպես՝ «Ամպրոպի պես թափվեցին զլիսին»: = «Ամպրոպի պես **անակնկալ (հուժկու)** թափվեցին զլիսին»:

Համեմատությունները սովորաբար ձևավորվում են **ասես, ասես թե, զերդ, իբրև, ինչպես, կարծես, կարծես թե, հանգույն, հանց, նման, ոնց որ, որպես, պես, քան, այնքան, որքան, ինչքան, ոչ նման, տարբեր, ի տարբերություն, հա-**

կառակ և նման բառերով: Օր.՝ «Հիմա, երբ մենք սովորել ենք թոշել օդում, ինչպես թոշունները, լողալ ջրում **իբրև** ձկներ, մեզ մնում է միայն մի բան սովորել՝ երկրի վրա մարդու **նման** ապրել»:

Համեմատություն կարող է ստեղծվել նաև առանց վերը նշված բառային միջոցների (**բաքնված** համեմատություն), ինչպես՝ «Ես ինչպե՞ս Զեզ չսիրեմ: Դուք արվեստ եք և հոգի» (ԵԶ), «Գիտությունը օվկիանոս է. այն հավասարապես բաց է մարդկանց և ֆրեգատների համար» (ԲԼ):

Համեմատությունները լինում են **հաստատական** և **ժխտական**. համեմատությունը ժխտական է, եթե ժխտվում է համեմատության եզրերի ընդհանրությունը, համեմատելիի մեջ ժխտվում է համեմատյալի հատկանիշը, օր.՝ «...Արիստոդոս աղային ներկայացավ երիտասարդ մը, որ վաճառականի չէր նմաներ, սեղանավորի ալ չէր նմաներ, արհեստավորի ալ չէր նմաներ, գործավորի ալ չէր նմաներ և վերջապես անանկ բանի մը կը նմաներ, որուն նմանը չկա» (ՀՊ):

Կան նաև **ծավալուն** համեմատություններ, երբ համեմատելին ու համեմատյալն արտահայտվում են առանձին ամբողջական նախադասություններով. «Իմացությունը ծովի նման միշտ թպրտում ու ձողփում է մակերևույթին և դրանով ավելի շատ ուշադրություն է հրավիրում իր վրա, քան մարզարիս որոնողը, որը գանձեր որոնելու համար սուզփում է մինչև անհայտ խորքերի հատակը»:

Համեմատությունը գործածվում է բոլոր ոճերում. գիտական գրականության մեջ ավելի հավաստի ու համոզիչ է դարձնում դատողությունը, գեղարվեստական խոսքին հաղորդում է պատկերավորություն, ԶԼՄ-ների լեզվին՝ ամենատարբեր արտահայտչական նրբերանգներ՝ հստակություն, հավաստիություն ևն:

4.6.19. Փոխաբերություն: Մի բարի (բառակապակցության) գործածությունն է մեկ այլ բառի իմաստով և նրա փոխարեն՝ հիմնված դրանց արտահայտած առարկաների (հատկանիշների, գործողությունների) նմանության կամ համեմատելի լինելու վրա: Ժողովրդական խոսքը հարուստ է փոխաբերություններով՝ դարձվածքներ (ձեռքից գնալ, աշքի տակ առնել), կենդանիների և դրանց մարմնի մասերի անվանումների փոխաբերական գործածություն (ձանկ – ձեռք, աղվես – խորամանկ) ևն:

Տարբերում են մի կողմից՝ պարզ և ծավալուն, մյուս կողմից՝ անհատական (խոսքային) և ընդհանրական (համալեզվական) փոխաբերություններ:

Պարզ փոխաբերությունը կազմված է լինում մեկ բառից («Անապատի դեղին լորություն», «հիշողության մեջ փորագրած սկզբունքներ», «բարախող աստղեր»), ծավալունը՝ մի քանի բառերից, բառակապակցություններից, նախադասություններից («Փղոսկրե անիվներով հեռանում է բախտն օրեցօր» (ՈՒ), «Արշալույսի եղյամն է սունկի գլուխն արծաթել»: «Իմ հիշողության մթագնած հորիզոնի վրա ցցկում է դաժան մի պատկեր»:

Անհատականները ստեղծագործող հեղինակների, մեծ մասամբ գրողների կողմից կերտված փոխաբերություններն են, որոնք ինքնատիպ մտածողության արգասիք են, ինչպես՝ «Մահը փակեց տան դուռը», «Ալիքներեն ծեծված մենավոր ապառած մը» (Նապոլեոնի մասին է) (ՈՒ):

Ըստհանրական են այն փոխաբերությունները, որոնք լայն տարածում ունեն, ծանոթ են այդ լեզվով խոսող հանրությանը կամ նրա մեծ հատվածներին: Օր.՝ **ծանր լոռություն, բարի աշքով նայել, ընթերցողի սեղանին դնել** ևն:

Փոխաբերությունը խոսքում կատարում է մի քանի կարևոր գործառույթ.

ա) ստեղծում է պատկերավորություն. գեղարվեստականացնում է խոսքը, այսինքն՝ կատարում է գեղագիտական գործառույթ. օր.՝ «Մեր կյանքի հիմերն անդունդը ընկան Եվ արնոտ միզում ճարճատում են դեռ» (ԵԶ), «Իսկ երբ սայթաքես, մուճակիդ փոշին մեծ մարդ է դառնում և քեզ հարվածում» (ԱԻ):

բ) հնարավորություն է տալիս միտքը հաղորդելու այլարանորեն՝ ենթատերստով՝ քողարկելով հիմնական ասելիքը. օր.՝ «Ծանոթ շները չեն հաշում վրայ, ծանոթ մարդիկ են հաշում քո վրա» (ԱԻ), «Փոքր մարդը ո՛չ կարող է ընկնել, ո՛չ էլ վնասավածք ստանալ».

գ) գործածվում է բացատրելու համար երևոյթներ կամ իրողություններ, որոնք անմիջական, ուղղակի ընկալմամբ մնում են անհասկանալի. օր.՝ «Այն ժամանակ Արցախում բոլորս նույն վիճակի մեջ էինք. **մենք կիսում էինք մեր մահը և հացը**»: «Ճնաժամից պաշտպանվելու համար տնտեսությունը պետք է պահեստային ռեսուրսներ ունենա. **դրանք անվտանգության բարձիկներ** են մեզ համար».

դ) կատարում է գնահատողական դեր. գնահատողականությունը ձևավորվում է նմանության, համարանության, համեմատության հիմքի վրա. առավել տարածում ունեն բացասական բնույթի գնահատողական փոխաբերություն-

ները՝ աղվես, կոճդ, գիշատիչ, խոտակեր, ջայլամ ևն: Օր.՝ «Նրան դժվար է ըմբռնել ու հասկանալ կամ կռահել նրա քայլերը. նա խսկական դի է»:

4.6.20. Մակդիր: Բայ կամ բառակապակցություն է, որ արտահայտչորեն և փոխաբերորեն բնորոշում է առարկան (անձը, իրը, երևույթը), հատկանիշը կամ գործողությունը: Պետք է կարողանալ տարբերել իրարից սովորական որոշիչը (ինչպես նաև ձևի պարագան) և մակդիրը. առաջինը ցույց է տալիս առարկայի (գործողության, հատկանիշի) ուղղակի (ներհատուկ, նրա էռությունից բխող) հատկանիշը, երկրորդը փոխաբերորեն և հուզականորեն է բնութագրում առարկան, հանդես է գալիս այլաբերական գործածությամբ, ինչպես՝ **հետաքրքիր** հուշեր - **ոսկեշղթա** հուշեր, **մանր** ավագ - **քավշե** ավագ, **հորդ** անձրև-**արծաթ** անձրև, **խոր** քնած - **հավերժորեն** քնած, **մուգ** կարմիր - **արնավառ** կարմիր ևն:

Մակդիր կարող են դառնալ նյութական իմաստ ունեցող բոլոր խոսքի մասերը՝ **ածական՝ ապերասան** փոթորիկ, **անվախճան ճշմարտություն**, **անզեն աչք, գոյական՝ լույսի պար, հրաշք աղջիկ, մակրայ՝ քաղցրորեն մկրտվում** է լուսնկան, **հավերժորեն** խմում են, **դերբայ՝ աղոթող** անտառներ, **ծաղկած փշալարեր**:

Մակդիրը կարող է արտահայտվել նաև **բառակապակցությամբ**, ինչպես՝ **հողից հոգնած ուսեր, վրեժից սառած արյուն, մեր Մեսրոպ Մաշտոց աստվածը, հաղթանակների ծարավից գինով արծիվներ** ևն:

Մակդիրը խոսքին հաղորդում է անսովոր թարմություն, գեղարվեստականություն: Այդ իսկ պատճառով առավելապես գործածվում է գեղարվեստական խոսքում:

4.6.21. Անձնավորում: Փոխաբերության տեսակ է. առարկաներին և երևույթներին վերագրվում են մարդկային կամ շնչավոր էակների հատկանիշներ, օր.՝ «Երկներ երկին, երկներ երկիր, Երկներ եւ ծովն ծիրանի...» (Գողթան երգերից), «Անպտուղ և սխալներով լի են այն գիտելիքները, որոնց չի ծնել փորձը», «Տգիտությունը տգիտություն չէր լինի, եթե իրեն բարձր չդասեր գիտությունից», «Արյուն կը ծորե չափազանց հասուն Փոշոտ մորենին» (ԴՎ):

Անձնավորումը արտահայտվում է ոչ միայն բայ-ստորովյալով («Սիրո սարսուտից հովերն **արթնացան**» (ՀՍ)), այլև քերականական ամենաբազմազան միջոցներով, օր.՝ ստորովելիով («Գիշերն է լուռ, լիձը՝ տրտում» (ՈՒ)), որոշչուղվ (ծերուկ եղրևանի, լեզու **սառած** ծառեր, **շնչող** անտառ), հատկացյալով (ըմ-

բուտանքներն **համբույրի**, բացահայտիչով («Մենք՝ մեռելներս, ձեզի հետ ենք» (U)), խնդիրներով («Աքասիաներ... մաքուր շունչ մը կը հևան», «Տրտմություն մը կը ցանե բիլ եղբևանին» (UU)), պարագաներով («Կարապներ... հուսահատորեն զաղթեցին» (U)), կոչականով («Լոռության երկինք, խոսի դու ինձ հետ....» (U)) ևն:

Հատկապես որոշիչով արտահայտված անձնավորումը նույնանում է մակդիրի հետ, ինչպես՝ **լեզու առած քարեր, հեզանազ ուռենի, որբուկ երազներ, սարսափահար հորիզոններ, բազկատարած ծառ ևն**:

Հաճախակի կիրառություն ունի գեղարվեստական չափածոյում («Հետո հարբեց Շավարշը. գայլը արյունով է հարբում» (ԵՉ)): Անհարկի անձնավորումը խոսքի թերություն է, օր.՝ «Նյարդային ինքնավար համակարգը **հսկողության տակ է պահում** արյան շրջանառության, շնչառության, մարտորության, նյութափոխանակության օրգանները»:

4.6.22. Փոխանունություն և համբմբոնում: **Փոխանունությունը** ձևավորվում է ստորադասական բառակապակցություններում. կապակցության անդամներից մեկը՝ լրացումը, փոխարինում է մյուսին՝ լրացյալին, որը գեղչում է, ինչպես՝ «**Սևերով, սևերով** կպատեմ, Իմ սիրտը, իմ սերը շորորուն....» (ՎՏ): Փոխանունությունը հիմնված է առարկաների, երևույթների և հատկանիշների զանազան կապերի ու հարաբերությունների և ոչ թե դրանց ներքին կամ արտաքին նմանությունների վրա, ինչպես՝

1. պարունակողը պարունակյալի փոխարեն՝ «Մի գավաթ (օր.՝ սուրճ) ըմպեցի»: «**Դահիճը ուշադրությամբ** լսում էր բանախոսին», 2. գործողությունը՝ արդյունքի կամ հակառակը՝ արդյունքը՝ գործողության փոխարեն՝ «**Հրամանը** իր գործը կատարեց», 3. հեղինակը՝ ստեղծագործության փոխարեն՝ «Կարդում եմ Զարենց»: «Հաճախ եմ լսում **Կոմիտաս**», 4. տեղանունը՝ կառավարող մարմնի, կազմակերպության, հաստատության և այլնի փոխարեն՝ **Մոսկվա-Ռուսաստանի Դաշնություն**, **Սահմանակ տուն** – ԱՄՆ նախագահի նստավայր, **Downing Street (Դառնինգ Սթրիթ)** – Անգլիայի արտաքին գործերի նախարարություն, **Ելիսեյան պալատ** – Ֆրանսիայի նախագահի նստավայր, 5. նյութը նրանից պատրաստված առարկայի փոխարեն՝ «Հայ մարզիկները երկու ոսկի ստացան, երեք արծաթ» ևն:

Փոխանունության հիմնական գործառույթները.

1. Մեծապես նպաստում է խոսքի սեղմությանը. Խոսքը դառնում է ավելի արագ, շարժուն (*«Սիրում էր այդ պանդոկում տաք սուրճ ըմպել. մի գավար խմեց և վեր կացավ»*, *«Կրեմլ հանդես եկավ հայտարարությամբ»*):

2. Շեշտադրում է կատարում հաղորդվող նյութի հիմնական հատկանիշների վրա (*«Դիոզենեսին հարցրին, թե զազաններից որոնք են ամենից վտանգավորները, և նա ասաց՝ Վայրենիներից՝ օձը, ընտանիներից՝ շողոքորթը (=դոդոքորթ մարդը)»*):

3. Ատեղծում է հաղորդվող երևոյթի որոշ «ֆիմաստային անորոշություն», որը լարում է լսարանի ուշադրությունը, խթանում է ընկալումը: Օր.՝ *«Նյութը կարող է գտնվել ազրեգատային երեք վիճակում՝ պինդ, հեղուկ և զազային. առաջինում պահպանվում են և՝ ծավալը, և՝ ձևը, երկրորդում՝ ծավալը (ձևը փոփոխվում է՝ կախված պարունակող անորթից), երրորդում ձևը և ծավալը փոփոխվում են՝ «հարմարվելով» նյութը պարունակող անորթին»:* *«Գյուղը կծկվել էր, վախից կուչ եկել»:*

Համբարձումը ընդհանրություն և բովանդակային նույնություն ունի փոխանունության հետ. երկու դեպքում էլ արտահայտչամիջոցի կառուցման հիմքում մի բառի գործածությունն է մեկ այլ բառի փոխարեն: Բայց համբարձումը առաջանում է երևոյթների, առարկաների միայն **քանակական հարաբերությունների** հիմքի վրա. այս դեպքում գործածվում է **մասը ամբողջի, մասնավորը՝ ընդհանուրի, եզակին՝ հոգնակիի** փոխարեն կամ հակառակը՝ ի տարբերություն փոխանունության, որում այդ հարաբերությունները խիստ բազմազան են: Բացի այդ, համբարձուման դեպքում լրացյալի զեղչում կարող է չլինել: Օրինակ՝ *«Եվ նրա խորաթափանց ոգին ճանաչեց մարդուն (= մարդկանց...)»* (ԱԻ), *«Թող ոչ մի զոհ չպահանջվի ինձնից բացի, Ոչ մի ստվեր (=մարդ) կախաղանին թող մոտ չգա»* (ԵԶ):

Փոխանունությունը հաճախ է գործածվում խոսակցականում, ԶԼՄ-ների լեզվում, գեղարվեստական գրականության մեջ, մասամբ պաշտոնական խոսքում:

Գրականություն

- Աղայան Է.,** Ընդհանուր և հայկական բառագիտություն, Եր., 1984:
- Աղայան Է.,** Տերմինագիտություն, Եր., 1978:
- Աճառյան Հ.,** Հայերն արմատական բառարան, 2-րդ հրատ. հ. I-IV, Եր., 1971-1979:

4. Զարարյան Հ., Ավետիսյան Յու., Բառազիտություն, Եր., , 2007:
5. Ավետիսյան Յու., Հայոց լեզու և խոսքի մշակույթ, գիրք Ա, Եր., 2014:
6. Գևորգյան Գ., Վարդանյան Գ., Գործառական լեզու, Եր., 2019:
7. Եղիկյան Լ., Խոսքի ճշգրտություն, «Բանբեր Երևանի համալսարանի», Եր., 2013, № 2:
8. ՀՀ կառավարության որոշումը «Մեծությունների միավորների, չափումների...մասին», «ՀՀ ՊՏ», 2012, 10.03/48(922):
9. Մարգարյան Ա., Ժամանակակից հայոց լեզու, Եր., 1990:
10. Մարգարյան Ա., Ժամանակակից հայոց լեզու բառազիտություն, Եր., 1993:
11. Միրզոյան Վ., Ճարտասանություն, Եր., 2004:
12. Միքայելյան Ա., Մարդումյան Մ., Մտքի հրավառություն, Եր., 2002:
13. Միքայելյան Հ., Մաթեմատիկական կրթության լեզուն և խոսքը, Եր., 2019:
14. Ալբուշյան Ռ., Ժամանակակից հայերենի ձևաբանական ոճաբանություն, Եր., 1992:
15. Սուրբիայան Ա., Ժամանակակից հայոց լեզու, Եր., 1999:
16. «Տերմինարբանական և ուղղագրական տեղեկատու», Եր., 1988:
17. Բոգданова Լ., Стилистика русского языка и культуры речи, М., 2011.
18. Голуб И., Русский язык и культура речи, М., 2007.

Վարժություններ և առաջադրանքներ

1. Բացատրե՛ք՝ ինչ տրամադրություն են ստեղծում բաղաձայնույթի կիրառությունները տրված հատվածներում:

ա) Շուշանն շողեր հովտին, շողողեր դէմ արեգականն. Այն հիւսիսային հովէն հով հարեալ գոհար շուշանին: Շուշանն շաղով լցեալ, շող-շաղով և շար մարգարտով (ԳՆ):

- բ) Ծափ կը զարնե, ծիծաղեն ծըլեր է ծիրն իր այտին... (ՄՄ):
- գ) Մթնում է. մոտ է մայրամուտը. Մահվան մշուշ է մովում մաղում. Մեռնում է մովը մթնշաղում. Մթնում է: - Մոտ է մայրամուտը (ԵԶ):

2. Տրված բառերի համար գրե՛ք տարբեր (չեզոք, դրական, բացասական) վերաբերմունք արտահայտող հոմանիշներ: Մի քանիսով կազմե՛ք նախադասություններ:

Հպարտ, խոսել, ուտել, նիհար, հասարակ, գայթակղել, համառ, մանր, կարծր, հարթ, բարձրահասակ, փափուկ:

3. Բացատրե՛ք հոմանիշների նրբիմաստային տարբերությունները:

ա) Ես նա եմ նաև, Որ տարբերում է պաշը համբույրից, Ինչպես սիրողին՝ սիրահարվածից, Եվ մահացումը՝ մեռնելուց: Իրոք. ի՞նչ է իմ գործը, Եթե ոչ ջոկել

Ոչ թե կեղծիքը ճշմարտությունից, Այլև տարբերել սուտը կեղծիքից, Ճիշտը՝ ճշմարտից և ճշգրիտից. Գութը՝ խոճալուց... (ՊՍ):

թ) Իրիկուն էր, **հրակարմիք** մի իրիկուն: Արևը՝ բռք, մայր էր մտնում արևմուտքում: Դաշտի վրա փովել էր մուժ արյունամած... Արևը՝ թեժ, մայր էր մտնում արևմուտքում: Հորիզոնում վառել էր մի կարմիք քուրա Ու արնավառ փայլ էր փռում դաշտի վրա (ԵԶ):

զ) Աշուն էր, պայծառ աշուն... Օդը **մաքուր** էր, արցունքի պէս ջինչ: Կապտավուն սարերն այնքան մոտ, այնքան **պարզ** էին երևում, որ հեռվից կարելի էր համրել նրանց **մաքուր** լանջերի բոլոր ձորակները (ԱԲ):

4. Հետևյալ առած-ասացվածքներում գտնե՛ք հականիշները, բացատրե՛ք կիրառության նպատակը:

- Փորձած թանը անփորձ մածունից լավ է:
- Մի գիծ քարը զցեց ծովը, հազար խելոք չեն կարողանում հանել:
- Մոտիկ հարևանը հեռու բարեկամից լավ է:
- Խելոքի հետ քար քաշիր, անխելքի հետ փլավ մի կեր:
- Ներսը՝ սատանա, դուրսը՝ քահանա:
- Խոսքը՝ մեծին, ջուրը՝ փոքրին:
- Իր աշքի գերանը չի տեսնում, ուրիշի աշքի չոփն է տեսնում:

5. Գտնե՛ք լեզվական և խոսքային հականիշները: Ոճական ի՞նչ նպատակներով են դրանք կիրառվել (հակադրություն, հակադրույթ, հեզնանք ևն):

ա) Այնպես ես զալիս, այնպես գնում, Բերածդ ի՞նչ է, տարածդ՝ ի՞նչ:
Ո՞վ դու ավերող և ավերիչ, Կյա՞նք իմ, դու՝ ձրի ներկայացում,
Որ դժվար է մարդ գլխի ընկնում՝ Բայց ինչքան թանկ ես նստում վրաս (ՀՍ):

թ) Հորս ձեռքին կարծ ու երկար, հաստ ու բարակ մի փետ կար:
Տեսանք երեք շեն. երկուսը դատարկ, մնումն էլ իսկի մարդ չկար:
...Երեք պառավ. երկուսը մեռած, մնի բերանումն էլ շունչ չկար (ՀԹ):

զ) ...Անոնք անցյալ են, մենք՝ ապառնի, անոնք խավար են, մենք՝ լույս, անոնք սուր են, մենք՝ գրիչ, անոնք կրակ են, մենք՝ ջուր, անոնք միս են, մենք՝ բանջարեղեն, անոնք վարունգ են, մենք՝ խնձոր...(ՀՊ):

6. Բացատրե՛ք տրված հարանունների իմաստները. մի քանիսով կազմե՛ք նախադասություններ:

ա) Ազգային-ազգայնական, հուզում-հուզմունք, ազատել-ազատազրել, տնօրենություն-տնօրինություն, երախտիք-երախտագիտություն, մեղանչել-մեղագալ, գեկուցում-գեկույց, պատրաստակամություն-պատրաստականություն:

բ) Զգացում-զգացմունք, հրավեր-հրավերք, պաշտոնական-պաշտոնեական, ցուցում-ցուցմունք, ավանդույթ-ավանդություն, պահպանել-պաշտպանել, փորձառություն-փորձություն:

7. Ի՞նչ միջոցներով են կազմված բառախառերը:

ա) Ի՞նչ ես տանջում, կամ թույլ եղիր, կամ արի, Կամ հեռացի՛ք, ընդմիշտ գնա, կամ արի՛,

թե չէ այդպես դու նման ես չփլված, Բայց ուր որ է զլիխս թափվող կամարի (ՊU):

բ) Կարծես թե ես եմ լալիս այս երգում, Կարծես թե քեզ եմ կարոտով երգում (ՎS):

գ) Գիտեմ, գիտեմ, գուշակ էլ ես, կախարդ էլ ես. Չէ՞ որ դու ինձ ոսով-զլխով կախարդել ես (ՊU):

դ) Էնքան շատ են ցավերն, ավերն իմ սրտում, Էնքան տրտում՝ կորած լավերն իմ սրտում...Չեմ էլ հիշում շար ու խավար էս ժամին՝ Ե՛ք են փայլել ուրախ օրերն իմ սրտում (ՀԹ):

ե) • Ես աղա, դու աղա, բա մեր աղունն ո՞վ աղա:

- Ապրել կա դանակ է, ապրել կա դմակ է:

- Բերնեքերան, հազար բերան, ասեղը կդառնա գերան:

- Գիծը գնաց հարսանքատուն, ասաց՝ էստեղ լավ է, քանց մեր տուն:

- Արտը խախուտ, մահանա կարկուտ:

- Ամառվա փուշը, ձմեռվա նուշը: Գող՝ սիրտը դոդ: Ահը շատ է, քան մահը:

8. Գտե՛ք շրջատույթները և բացատրե՛ք:

ա) Բազմել է ցարերի գահին

Նստել է, քշում է բոի,

Թիֆլիսցի նեղճակատ կինտոն,

Վարզում է, ոստնում է, անցնում,
Խրում սապոգներ հազին
Տիրան է, Ներոն է, բոի
Եվ գահը արել է ֆայտոն:
Սփռում է արյուն ու արցունք (ԵԶ):

- թ)** Սերում են նրանք և այն ծերուկից,
Որ նախընտրում էր քնել տակառում:
Սերում են նրանք և այն պատանուց,
Որ սիրահարվեց իր իսկ պատկերին (ՊՍ):
- գ)** Իսկ մենք՝ ես ու դու, արվեստ ենք խաղում,
Եվ... մի այնպիսի համոզվածությամբ,
Որ Սերվանտեսի հերոսն էլ չունի (ՊՍ):

9. Ո՞ւմ կամ ինչի՞ մասին են հետևյալ շրջասույթները (օգտվե՛ք Պ. Բեղիրյանի «Հայերեն շրջասությունների բառարան»ից).

- ա)** Միջուկային ֆիզիկայի հայր, ծագող արևի երկիր, ծիծաղի արքա, Բուրգերի երկիր, Սև աշխարհամաս, Տրոյայի երգիչ, սև ոսկի, բալզակյան տարիքի կին, Սերվանտեսի հերոս, ոսկե նեկտար, մառախչապատ Ալբիոն, Հիպոկրատի աշակերտ, հայկական խնձոր, կյանքի գարուն, երկաթե լեղի//տիկին:
- բ)** Սպիտակ ոսկի, ազնիվ մետաղների քազուիի, տրոյական ձի, սավաննայի արքա, աշխարհի տանիք, Արամազդի գոտի, արկադյան սոխակ, Բաքոսի տաճար, զրքերի գիրք, երեք կրոնների քաղաք, Հիպոկրատի աշակերտ, ներքին դատավոր, քարե ջոնգիներ, ֆուտրոլի արքա:

10. Գեղարվեստական գրականությունից բերե՛ք անշաղկապության և բազմաշաղկապության մեկական օրինակ:

11. Կետաղըք՝ ք տրված դարձույթները՝ բացատրելով ճարտասանական հարցերի ու բացականչությունների ոճական արժեքը:

- ա)** Գիտեք որ Արեգակնային համակարգի բոլոր մոլորակները կարող են տեղավորվել Յուպիտեր մոլորակի մեջ:
- բ)** Ձեզ տեղեկացրել են որ 1865 թ. փետրվար ամիսը միակ ամիսն է մարդկության պատմության մեջ երբ լիալուսին չի եղել:
- գ)** Պատկերացնում եք մարդը կյանքի ընթացքում շուրջ 40 տոննա սննդամթերք է օգտագործում:

- դ) Կարող եք երևակայել որ 1 գրամ ոսկին հնարավոր է 3,5 կմ ձգել:**
- Ե) Բայց ինչպես փրկենք մեր մոլորակը որքան ջանքեր են պահանջվում:**
- Գ) Պատկերացնում եք որ մեղվաբույնը միակ տեղն է աշխարհում որին կայծակը երբեք չի խփում մեղվաբույնը վանում է հոսանքը:**
- Է) Տեղյակ եք որ մարդու աչքի մկանները օրվա ընթացքում շարժվում են 10000-15000 անգամ:**
- Ծ) Օգոնային շերտի քայլայում կլիմայի համամոլորակային փոփոխություն թթվային տեղումներ ահա ինչ աղետներ են սպասվում Երկիր մոլորակին: Մարդիկ չինի հանձնվել եք ուզում:**
- Թ) Միթե պարզ չէ որ եթե մարդը սովորեք բնությունից օգտագործել բոլոր թափոնները ապա էկոլոգիական աղետի վտանգ չէր լինի:**
- Ժ) Ով չգիտի որ Երկիր մոլորակի վրա օրգանական նյութերի ստեղծման միակ առյուղը կանաչ բույսերն են որոնք սինթեզում են մեծ քանակությամբ օրգանական նյութեր:**
- 12. Շարունակե՞ք հետևյալ նախադասությունները՝ ամբողջացնելով ձարտասանական հարցերը (ըստ մասնագիտական ոլորտի):**
1. Մի՞թե դուք իսկապես կարծում եք//ենթադրում եք....
 2. Մենք կարո՞ղ ենք արդյոք ենթադրել/կասկածել, որ....
 3. Մի՞թե կարելի է արդյոք պնդել, որ.....
 4. Չգիտեի՞ք, որ....
 5. Ինչպե՞ս բացատրել, որ....
 6. Ի՞նչ կշահեք, եթե....
 7. Չէ՞ որ հայտնի փաստ է.... :

13. Մեղմասություններով փոխարինե՞ք հետևյալ բառերը, բառակապակցությունները, նախադասությունները:

Դուք սիսալ եք, քո գործը չէ, նա ստում է, մի կոպեկի խելք չունի, թաղումը տեղի կունենա վաղը, պառավ, անդաստիարակ//անտաշ մարդ, դու բան չես հասկանում, հաշմանդամ, զզվեցնել (մեկին), ձանձրալի է, էշի ականջում քնած, դու տգետ ես, վեր ընկիր տեղդ, սենյակդ խոզանոց է, թքած ունենալ մեկի կարծիքի վրա, ձայնդ կտրի՞ք:

14. Գտե՛ք չափազանցություններն ու նվազաբանությունները:

- ա) Օ, աշխարհը վաղո՞ւց է դարձել Համոն,
Մի փոքրի՞կ, փոքրի՞կ փողոց... Մի Կարո,
Ու ապրում են ողջ աշխարհում- Մի Պողոս (ԵԶ):

թ)...Էնպես զարկեց ջաղացքարին՝ Ծանր զարկով հսկայական.
Քարը եղավ հազար կտոր, Փոշին ելավ Սասմա դաշտից,
Կտորները երկինք թրուան, Բննեց երեսն արեգական:
Ու գնում են մինչև էսօր: Երեք զիշեր ու երեք օր
Եկավ, զարկեց բոլոր ուժով, Փոշին կանգնեց ամպի նման (ՀԹ):
գ) Տիեզերքն այս անսահման, Կախված է սոսկ մի մազից
Յուր ծանրությամբ ահազին, Եվ այդ մազն է իմ հոգին (ՀԹ):

15. Բերե՛ք չափազանցության և նվազաբանության օրինակներ, որոնք հաճախ եք օգտագործում առօրյա խոսքում:

Օր՝ մի գրամ խելք չունի; 1000 անգամ ասացի:

16. Գտե՛ք նրբարանությունները (օքսիմորոն). բացատրե՛ք, թե լեզվական ինչ միջոցներով են դրանք կազմվել:

ա) Մեր ոխերիմ բարեկամները շարունակում են ոչնչացնել իրենց երկրում գտնվող հայկական եկեղեցիները, հուշարձանները՝ արավադելով պատմությունը:

թ) Պերճախոս լռություն են պահպանում նաև հարևան երկրի իրավապաշտպանները. նրանց ձեռնտու չէ պաշտպանել մի մարդու, որն ամբողջ կյանքում պայքարել է հանուն ժողովրդավարության:

գ) «Մեղիամաքս» գործակալությունը նոր շարք է սկսել՝ «Անծանոթ ծանոթ քաղաքներ» խորագրով. ներկայացվում են Հայաստանի այն բնակավայրերը, որոնց մասին մենք իրականում այնքան ել շատ բան չգիտենք:

դ) Մրասձ մի տոթ կա օդում,

Լուր մի որոտ կա օդում (ՀՍ):

ե) Թերևս ակամա ես հետևեցի

Զայլամի հիմար իմաստնությանը (ՊՍ):

զ) Քո ժպիտն է անժպիտ

Ուղիներիս փարոսում (ՎՏ):

Է) Քարե ծաղկունքի քնքշանք է բիրտ (ՀՍ):

Ը) Ի՞նչ հզոր է աղաղակող լոռությունը լեռների:

17. Բացատրե՛ք պարադոքսի (հարասության) իմաստային նրբերանգները:

ա) Ազատության օրենքներն անհարիր են օրենքների ազատությանը:

բ) Եթե խաղաղություն ես ուզում, պատրա՛ստ եղիր պատերազմին:

գ) Ատելու չափ սիրի՝ թ մարդկանց, բայց լավություն մի՛շտ արա (ԱԻ):

դ) Կանանց ուժը նրանց թուլությունն է:

ե) Շարժման սկիզբը անշարժությունն է:

զ) Դանդա՛ղ շտապիր:

Է) «Երբեք մի՛ հետևեք ուրիշի խորհուրդներին», - ասում է Սոկրատեսն իր աշակերտներին: Հետո հասկանում է, որ ինքն էլ է խորհուրդ տալիս և ավելացնում է. «Երբեք մի՛ հետևեք ուրիշի խորհուրդներին, ինչպես նաև այս խորհրդին»: Բայց միևնույնն է, խորհրդին չհետևելու խորհուրդը նույնպես խորհուրդ է:

18. Պատկերավորման-արտահայտչական ի՞նչ միջոցներ են գործածված հետևյալ հատվածներում:

ա) Աշնան մի պայծառ առավոտ էր, Արարատյան դաշտի հրաշագեղ աշունը: Փոշոտ ցանքերի միջից փայլում էին խաղողի ոսկեղեն ողկույզները, նուրն ու խնձորներն ասես հրեղեն գնդակներ լինեին, հուրթի այզիներից լիության անուշ բուրմունքն էր խնկում: Վերևում՝ բաց կապույտում, հավքերի շղթան էր ձգվում, ներքևում ցողաթուրմ արահետներով հայ գեղջուկի սայերն ու ձիերն էին անցնում՝ բարձած աշնան հազար ու մեկ բերքերով: Աշնան քաղցր ու մեղմ արևը իր տարածուն ծիրանին էր փոել (ԱԻ):

բ) Մի գիշերում դու ձայնով նվաճեցիր Վիեննան. . .

Ու խենթացած ծափ տվեց Փարիզն ինչպես ձեռքերով,

Այնպես էլ բաց ու խուփ թարթիչներով զարմացած (ՊՍ):

գ) Որպես լրված թավջութակի ձգված մի լար՝

Դողում է սիրտս կարոսով մի ահարկու.

Կարոտներիս զազաթն է այն՝ վերջի՛ն քնար.-

Մի պիրկ պարան ու երկնուղեշ փայտեր երկու (ԵԶ):

դ) Արևը ծորում է դեղին, Արևը ծորում է դեղին,
և մեղրի թելերը հողին և եթե նայում ես շյուղին,
փոքը են կարպետը նախշուն, թեքվել է կարոտիս վրա
ներկել են հանդերի ուղին: քերծել է լոռությունը հին... (ՆԱ):

19. Գտե՛ք պատկերավորման միջոցները (մակդիր, համեմատություն, փոխաբերություն, ճարտասանական հարց, զեղչում ևն). նշե՛ք այն տերմինները, որոնք առաջացել են բառերի փոխաբերական գործածությամբ:

1. Քիմիան շոշափում է այնպիսի թեմաներ, ինչպիսիք են ատոմների և մոլեկուլների փոխազդեցությունը քիմիական կապերի մեջ, նոր քիմիական միացություններ առաջացնելիս:

2. Կարելի՞ է արդյոք պնդել, որ ռացիոնալ թվերը լցնում են թվային ուղիղը:

3. Ք.ա. III-II դդ. պարզ թվերի աղյուսակ կազմելու մի սրամիտ եղանակ գտավ Էրատոսթենեար:

4. Կարլ Գաուսը (1777–1855) անդրադարձել է մաթեմատիկային՝ որպես «գիտությունների թագուհու»:

5. Մարմինը պետք է միշտ շարժման մեջ լինի, միտքը՝ հանգստության, իսկ հոգին՝ զուլալ, ինչպես լեռնային գետը:

6. Իմացությունը ծովի նման միշտ թպրտում ու ճողփում է մակերևույթին և դրանով ավելի շատ ուշադրություն է հրավիրում իր վրա, քան մարգարիտ որոնողը, որը գանձեր որոնելու համար սուզվում է մինչև անհայտ խորքերի հատակը:

7. Դուք գիտեի՞ք, որ հրաբիս՝ անհամբերությամբ ներքև շտապող լավան շարժվում է մինչև 25 կմ/ժ արագությամբ:

8. Տգիտությունը մերկ դաշտ է, որը կարելի է վարել ու ցանել. կեղծ գիտնականությունը սիզախոտով պատված դաշտ է, որը քաղիանել գրեթե անհնար է:

9. Պատմիչը սկսվ սպիտակին գրեց նախարարական տոհմերի պատմությունը:

10. Եթե Արեգակը համեմատենք ֆուտբոլի գնդակի հետ, ապա Յուպիտերը կլինի գոլֆի գնդակի, իսկ Երկիրը՝ ոլոռի հատիկի չափ:

ՄԱՍ 5

ԽՈՍՔԻ ԳՈՐԾԱՌԱԿԱՆ ՏԱՐԲԵՐԱԿՆԵՐԸ

5.1. Գիտական ոճ (204): 5.2. Պաշտոնական ոճ (218): 5.3. Խոսակցական ոճ (227): 5.4. Գեղարվեստական ոճ (235): 5.5. Լրագրային-հրապարակախոսական ոճ (244):

Մարդիկ հաղորդակցվելիս կիրառում են տարբեր բառեր, արտահայտություններ, նախադասությունների տարբեր ձևեր, արտահայտչական տարբեր միջոցներ, այսինքն՝ գործածելով նույն լեզուն՝ ամեն մեկն իր խոսքը կառուցում է լեզվական յուրահատուկ միջոցներով:

Լեզվական այդպիսի յուրահատկությունների դրսերումը կախված է մի քանի հանգամանքներից:

- գործունեության այն ոլորտից, որում կատարվում է հաղորդակցումը. ըստ այդմ՝ տարբերակում են **գործառական** ոճեր (գիտական, պաշտոնական, գեղարվեստական, հրապարակախոսական, առօրյա-խոսակցական)։

- խոսքային իրադրությունից, որի համաձայն՝ տարբերակում են **իրադրական** ոճեր (չեզոք-անտարբեր, հանդիսավոր, ուսուցողական-խրատական, ասմունքային, մտերմական-փաղաքշական, մանկաբան, կարգադրական, հեգնական-ծաղրական, կատակարգան, գոեհիկ-հայինյական ևն)։

- հաղորդակցվողներին բնութագրող անհատական գործուներից. ըստ դրանց՝ տարբերակում են **անհատական** ոճեր (խրթին, բարձր կամ վսեմ, միջին կամ խառն, պարզ կամ հասարակ, պարզունակ)։

Առավել տարածված և ընդունելի է ոճերի **գործառական** (ֆունկցիոնալ) դասակարգումը: Դասակարգելիս հաշվի են առնվում երկու հիմնական գործուներ՝

ա) **արտալեզվական**. հասարակական լյանքի և գործունեության այն ոլորտները, որոնք առանձնանում են հատկանիշների որոշակի ամբողջությամբ՝

գիտություն, պարբերական մամուլ, պաշտոնական և հրապարակային գործունեություն, առօրյա հաղորդակցում, թ) լեզվական։ այդ ոլորտներում գործառվող լեզվի առանձնահատկությունները, որոնք մեծ չափով պայմանավորված են առաջին (արտավեզվական) գործոնով։

Ըստունված է առանձնացնել գործառական (ֆունկցիոնալ) ոճերի հինգ տեսակ՝ պաշտոնական կամ վարչագործարարական, գիտական, գեղարվեստական, առօրյա-խոսակցական, լրագրային-հրապարակախոսական (ՁԼՄ-ների լեզուն)՝³⁸։

Դրանցից յուրաքանչյուրն ունի որոշակի նպատակ և բնորոշ հատկանիշներ։ Գեղարվեստական ոճը, օրինակ, իրականացնում է գեղագիտական գործառույթ, ուստի այդ ոճին հատուկ է պատկերավորման և արտահայտչական միջոցների բազմազանությունը։ Գիտական ոճը առավելապես ճանաչչողական դեր է կատարում, համոզում է և ապացուցում, ուստի այն ճշգրիտ է և տրամաբանված։ Լրագրային-հրապարակախոսական ոճը համատեղում է հաղորդող և ներգործող լեզվատարրեր, քանի որ կոչված է ներազելու լսարանի վրա (իրականացնում է կազմակերպական, քարոզչական, դաստիարակչական և այլ գործառույթներ)։ Առօրյա-խոսակցական ոճի հիմնական նպատակը պարզ, հասկանալի, սեղմ լեզվով հաղորդակցում ապահովելն է։ Պաշտոնական ոճը տեղեկացնում է, համոզում, կազմակերպում, այդ իսկ պատճառով այս ոճում հաճախ են գործածվում տեղեկատվական և գնահատողական լեզվատարրեր։ պաշտոնական ոճի հատկանիշների հիմքում ընկած են ճշգրտությունը, տրամաբանականությունը, երևույթների միջև եղած պատճառահետևանքային կապերը։ Դրանցից յուրաքանչյուրն ունի խոսքային հաղորդակցության իր օրենքները, որոնք ընդունված է կոչել ոճական նորմեր։ Այն, ինչ ընդունելի է մեկի համար, կարող է միանգամայն անընդունելի լինել կամ բնորոշ չլինել մյուսի դեպքում։ Օր.՝ պատկերավորությունը և հուզականությունը գեղարվեստական ոճի բնորոշ գծերն են, մինչդեռ նույն հատկանիշները բնավ հատուկ չեն գիտական կամ պաշտոնական խոսքին։ Ավելին՝ ավելորդ հուզականությունը, ենթատեքստը, փոխաբերական զանազան առումները խաթարում են դրանց միանշանակությունը, ճշգրտությունը ևն։ Եվ հա-

³⁸ Առանձին դեպքերում մեր շարադրանքի մեջ ոՃ-ի փոխարեն խոսք կամ լեզու տերմինի գործածությունը նպատակ ունի ընդգծելու լեզվի գործառական տարրերակների ոչ միայն լեզվառձական, արտահայտչական կողմը, այլև դրանց կառուցվածքային ու ձևային բոլոր յուրահատկությունները միասին վերցրած։

կառակը, կաղապարը պաշտոնական, մասամբ նաև գիտական խոսքի հատկանիշ է, բայց այն մերժելի է գեղարվեստական տեքստի համար:

Լեզվի գործառական տեսակներից են նաև **հրապարակային խոսքը և գովազդի լեզուն**, որոնք, ընդհանրություններ ունենալով ԶԼՄ-ների լեզվի հետ, միաժամանակ առանձնանում են մի շարք բնորոշ հատկանիշներով:

5.1. ԳԻՏԱԿԱՆ ՈՃ³⁹

5.1.1. Հնդիանուր հատկանիշներ (205): 5.1.2. Ենթառություն և ժանրեր (209): 5.1.3. Գիտական աշխատանքների կառուցվածքը և ձևավորումը (211): Վարժություններ և առաջադրանքներ (214):

Լեզվի ճշգրտության, դիրքուկության, խորության և այլ առանձնահատկությունները բացառիկ դեր են կատարում գիտական աշխարհում: Այսօրվա երիտասարդ գիտական աշխատողը ոչ միայն պետք է լարված հետևի գիտական զաղափարների զարգացմանն ու տարածմանը, այլև պարտավոր է ապահովել համապատասխան լեզվական մակարդակ, այլ կերպ գիտական աշխատանքը ցանկացած արդյունքը չի տա: Ուրեմն գիտությունը կարելի է դիտել այս տեսակետից, որպես լեզվի զարգացման հետ կապված մարդկային գործունեության ամենակենսունակ ուղղություններից մեկը: Երբ խոսում ենք զարգացած գիտությանը համապատասխան լեզվական մակարդակի մասին, այդ նշանակում է, որ մենք՝ գիտության մշակներս, պետք է ստեղծենք հայոց գիտական լեզուն և հասցնենք կատարելության: Հենց այդ գիտական լեզուն էլ մեծապես նպաստելու է համաժողովրդական լեզվի զարգացմանը:

Վիկտոր Համբարձումյան

Ժամանակակից աշխարհում մարդկային գործունեության կարևորագույն բնագավառներից մեկը գիտությունն է: Այս կարևորագույն ոլորտի սպասարկմանն է ծառայում զրական լեզվի գործառական տարրերակներից մեկը՝ գիտական ոճը կամ գիտական խոսքը:

³⁹ «Գիտական ոճ» բաժնի տեսական նյութը կրճատումներով և որոշ փոփոխություններով ներկայացվում է ըստ «Հայոց լեզու և խոսք մշակույթ» դասագրքի համապատասխան բաժնի, հեղինակ՝ Թելյան Լ.: Տե՛ս Ավետիսյան Յու. և այլք, Հայոց լեզու և խոսք մշակույթ, Եր., 2016, էջ 292-314:

Գիտական ոճը թերևս ամենից ավելի է առանձնանում տարբերակային ձևերի առատությամբ, քանի որ այդպիսին է իր արտացոլման առարկան: Գիտությունը նախ բաժանում են երեք խոշոր բնագավառների՝ բնական, հասարակական (հումանիտար) և տեխնիկական. սրանք ել ունեն իրենց ոլորտները, ճյուղերը, ենթաճյուղերը⁴⁰:

Բնական է, որ գիտության լեզուն նույնպես միատարր լինել չի կարող. լեզվական որակի ու կազմի առումով էապես տարբեր պիտի լինեն, ասենք, մաթեմատիկական, կենսաբանական, լեզվաբանական, պատմագիտական աշխատությունները:

Գիտական ոճը գործառական մյուս ոճերի հետ ունի և՝ ընդհանուր, և՝ տարբերակից գծեր: Այն առավել չափով մոտ է պաշտոնական, մասամբ հրապարակախոսական ոճերին և հակառարկում է գեղարվեստական ու խոսակցական ոճերին:

5.1.1. Ընդհանուր հատկանիշներ: Ամենակարևոր հատկանիշներից մեկը գիտական ոճի ընդհանրական ու վերացական բնույթն է՝ պայմանավորված գիտական մտածողության յուրահատկությամբ: Եթե արվեստի մեջ ընդհանուրը հանդես է գալիս եզակիի, կոնկրետի տեսքով, ապա գիտության մեջ եզակին դրսևորվում է ընդհանուր ձևով: Որպես օրինակ բերենք գայլ գոյականի երկու կիրառությունները՝ գիտական և գեղարվեստական բնագրերում:

«....Տունդրային գայլը ավելի բաց գույնի է, ձմռանը գրեթե սպիտակ, անտառայինը՝ մուգ, անապատայինը՝ գորշ շիկակարմիր» (ՀՍՀ):

«Գայլն աչքերը կտրեց նրա գունատ աչքերից, զլուխը թեքեց և աչքերով ձնափոշի արավ. նա միամտացնում էր այդ երեխային, որ ցատկի, բայց երեխան գիտեր, որ իրեն միամտացնում են, և գայլին ընդառաջ էր գնում դանդաղ ու մահակի պես պինդ. գայլը մոռացավ, որ ինքը գայլ է, կլանչոցով ետ թռավ» (ՀՄ):

Գիտական բնագրում գայլ բառը նշանակում է կենդանու այդ տեսակը, գեղարվեստական ոճում նկարագրված է այդ տեսակի մի կոնկրետ առանձնյակ: Սակայն սա չի նշանակում, թե գիտությունը չի անդրադառնում մասնավոր կամ կոնկրետ իրողությունների. ընդհանրականության աստիճանը պայմանավորված է գիտական երկի ժանրով, նրա կոնկրետ նպատակադրմամբ:

⁴⁰ Գիտությունը նույնպես հանդես է գալիս որպես ուսումնասիրության առարկա հատուկ գիտության՝ գիտաբանության համար:

Գիտական ոճին բնորոշ են նաև հետևյալ հատկանիշները.

- ձևակերպումների ձգրտությունը և սեղմությունը,
- խոսքի ընթացքի խիստ տրամաբանվածությունը,
- տրամաբանական դասողությունների, փաստարկման և ապացուցման եղանակների հաճախակի կիրառումը,
- խոսքի հուզարտահայտչական և պատկերավորման միջոցների խիստ սահմանափակ գործածությունը,
- ոչ կանոնական լեզվական միավորների բացառումը,
- հակումը դեպի գրքային երանգ ունեցող լեզվական միավորները,
- մասնագիտական բառերի և կադապարային արտահայտությունների հաճախակի կիրառությունը,
- շարահյուսական բարդ կառույցների հաճախակի գործածությունը⁴¹:

Գիտական խոսքի բառապաշարի ամենաբնորոշ տարրերը **տերմիններն** են, որոնք բնութագրվում են իմաստի **ընդհանրականությամբ** և **միանշանակությամբ**. սրանցով են հիմնականում ապահովվում գիտական ոճի ձգրտություն ու հստակությունը, ընդհանրականությունն ու վերացականությունը: Տերմինները սովորաբար կազմում են գիտական ոճի բառապաշարի 15-20%-ը: Տերմինային արժեքով կարող են կիրառվել միայն նյութական իմաստ արտահայտող խոսքի մասերը. **կապերը, շաղկապները, վերաբերականներն** ու **ձայնարկությունները** տերմին չեն դառնում: Նյութական իմաստ ունեցող բառերից տերմինային կիրառությամբ հիմնականում հանդես է գալիս գոյականը, առավել սակավ գործածում են ածականներն ու բայերը. դերանուններին ու մակրայներին ևս տերմինային կիրառությունները բնորոշ չեն:

Համագործածական բառաշերտի միավորը գիտական խոսքում կարող է գործածվել տերմինային արժեքով (օր.՝ **ջուր** – քիմիական, **սիրո** – կազմախոսական, **բուփ** – բուսաբանական ևն): Իբրև գիտության տերմինային համակարգի միավոր՝ բառը ձեռք է բերում տերմինային իմաստ, որը, ի տարբերություն բարի ոչ տերմինային իմաստի, արտահայտում է գիտության կամ որևէ այլ բնագավառի բնորոշ կոնկրետ հասկացություն և որպես այդպիսին՝ տրվում է գիտական ձգրիտ սահմանման: Հնարավոր է նաև հակառակ երևույթը, այ-

⁴¹ Տե՛ս **Զարարյան Հ., Ավետիսյան Յու.**, Ոճագիտություն, տեքստագիտություն, հայոց լեզվի պատմություն, Եր., 2018, էջ 11:

սինքն՝ մասնագիտական տերմինները կարող են ներթափանցել համագործածական բառաշերտ օր՝ **մոլեկուլ, թթվածին** ևն: Որպես գիտական տերմինաբանության մեջ գործող ընդհանուր օրինաչափություն ընդունված է «մեկ տերմինին՝ մեկ իմաստ տվյալ տերմինահամակարգում» սկզբունքը⁴²:

Հայտնի է, որ գիտական խոսքը գուրկ է պատկերավորման-արտահայտչական միջոցներից կամ հուզական որոշակի գունավորումից: Երբեմն դրանց առկայությունը պայմանավորված է նրանով, թե գիտական ոճի որ ենթառձին կամ ժանրին է վերաբերում տվյալ բնագիրը: Բնական է, որ հումանիտար (առավելապես գրականագիտական, պատմագիտական, արվեստագիտական և այլ) բնագրերում, ինչպես նաև գիտահանրամատչելի երկերում սակավադեպ չեն պատկերավոր մտածողություն դրսնորող լեզվական միջոցները:

Գիտական ոճի բնագրերում ընդհանրապես սովորական են **բառերի փոխաբերական գործածության** դեպքերը (ընդհանրական-ավարտուն փոխաբերությունները): «Գիտության համարյա բոլոր բնագավառներում փոխաբերական իմաստով գործածվում են մի քանի բառեր, որոնք հանդես են գալիս տարբեր լրացումների հետ: Դրանցից են՝ **աղբյուր** (վարակի, ջերմության, լույսի, զգացմունքների, երջանկության, հակասությունների, ձառագայթման, շարժման, ձայնի, հաղորդման.... ևն), **օջախ** (բորբոքային, ձառագայթման, մշակութային.... ևն), մթնոլորտ (հոգեբանական, շիկացած, գրական, հեղձուցի.... ևն), **բանալի** (զաղտնիքների բացահայտման, հարցի լուծման, ուսումնասիրության ևն), **շտեմարան** (քարի, ձկան, վարժությունների ևն), **գոտի** (սևահողային, խաղողագործական, արևադարձային.... ևն)»:

Մեր լեզվի բառակազմական ձկունությունն ու գիտական մշակման հարուստ ավանդույթը հնարավորություն են տալիս հայերենով հաջողությամբ արտահայտելու գիտության անընդհատ նորացող հասկացությունները:

Գիտական խոսքի ընդհանրականությունն ու վերացականությունը ամենից հաճախ դրսնորվում են ներկա ժամանակի երրորդ դեմքի ձևերով. ներկա ժամանակն այս դեպքում հանդես է գալիս ոչ թե իր բուն նշանակությամբ, այլ որպես **ընդհանրական ներկա** («Երկիրը պտտվում է Արեգակի շուրջը», «Զկներն ապրում են վտառներով»), կամ էլ հաճախ որպես պատմական ներկա («Հայտնի ֆիզիկոս Հերցը դեռևս մանկուց արտասովոր հակումներ է

⁴² Հմմտ. **Աղայան Է.**, Տերմինագիտություն, Եր., 1978, էջ 44-46:

դրսնորում մաթեմատիկայի, ինչպես նաև լեզուների նկատմամբ», «Կարմիր գրքի վերջին հրատարակությունը լույս է տեսնում 1978-1980 թթ.»):

Բայի (նաև դերանվան) **Երկրորդ դեմքը** գիտական խոսքում ամենից սակավաղեան է. սրա համեմատ հաճախ է գործածվում **առաջին դեմքը**, որը սովորաբար նշում է երկի հեղինակին և առավելապես արտահայտվում է հոգնակի թվով (հեղինակային **մենք**): Օր.՝ «Սույն աշխատության մեջ **մենք** անդրադառնում ենք....», «**Հուսով ենք**, որ այս գիրքն իր նպաստը կրերի....» ևն:

Հոգնակի թվի առաջին դեմքի բայով (սովորաբար ըդական եղանակի ապառնի ժամանակով) ձևավորվում են նաև ընդիհանրական դիմավոր միակազմ նախադասություններ (դարձյալ առավելապես գիտառուսումնական ենթառնում): Օր.՝ «**Լուծենք** հավասարումը», «Մի պահ **վերանանք** բառերի կոնկրետ իմաստներից» ևն:

Բայի **եղանակային ձևերից** գիտական ոճում գրեթե բացառվում է հրամայական եղանակը (բացի ուսումնական գործնական առաջադրանքների ձևակերպումներից՝ «**Առանձնացրե՛ք** ածանցավոր բառերը», «**Լուծե՛ք** տրված հավասարումը» ևն). սրանք ավելի հաճախ արտահայտվում են անորոշ դերբայով («**Առանձնացնել**..., **լուծել**... »):

Գիտական մտածողության համարմեք արտահայտման պահանջով գիտական ոճում շատ են կիրառվում նաև ոչ նյութական իմաստ արտահայտող խոսքի մասերը՝ կապերը (**համար**, **պատճառով**, **մասին**, **կապակցությամբ**, **համաձայն**, **ըստ** ևն), շաղկապները (**եթե...**, **ապա**, **չնայած** (որ), **որպիես**, **քանի** որ, **ուստի**, **այնպես** որ, **թեև**), **վերաբերականները** (անշուշտ, **իհարկե**, **երբեք**, **անտարակույս**, **թերևս**, **երկի** ևն):

Շարահյուսական կառույցներից գիտական ոճին առավել բնորոշ են **գոյականական բառակապակցությունները**՝ տերմինային արժեքով (բացարձակ թիվ, ուղեծրի շեղում, օպտիկական առանցք, ձառագայթաակտիվ փոշի, նոսր լուծույթ):

Պարզ նախադասությունները գերազանցապես երկկազմ են: Գիտական ոճում, առավել քան գործառական մյուս ոճերում, շատ են գործածվում **բարդ նախադասությունները**՝ գերազանցապես ստորադասական տիպի: Դրանց բաղադրիչների շարահյուսական հարաբերություններից ամենատարածվածը պատճառակետանքային **կապն** է՝ դրսնորված պատճառի, պայմանի, հիմունքի պարագա կամ հետևանքի երկրորդական նախադասություններով:

Սա պայմանավորված է գիտական մտածողության առանձնահատկությամբ, տրամաբանական կաղապարների լեզվական ճշգրիտ արտացոլման պահանջով: Սակայն գիտական ոճին խորթ չեն նաև **դերքայական դարձվածներով** կառույցները, որոնք, բարդ նախադասությունների հետ գուգորդվելով, որոշակիորեն մեղմում են գիտական խոսքին պարտադրված միօրինակությունը:

Գիտական խոսքին բնորոշ է շարահյուսական մի յուրահատկություն ևս. գիտական երկի հեղինակը հաճախ խուսափում է առաջին պլան մղել իր կամ տվյալ հարցով գրադրված այլ գիտնականների անձը: Այս նպատակն իրագործելուն առավել չափով նպաստում են **կրավորական կառուցվածքի** նախադասությունները (օր.՝ «Ուսումնասիրվել են մետաղների հատկությունները», «Կիրառվել են քննության նորագույն մեթոդները»), ինչպես նաև **ընդհանրական միակազմ** նախադասությունները (օր.՝ «Առանձնացնում են լեզվի զարգացման հետևյալ փուլերը», «Թեորեմը ապացուցում են երկու եղանակով»): Շատ են հանդիպում նաև **պետք է (կարելի է, անհրաժեշտ է, ցանկալի է...)** + **անորոշ դերքայ** կառուցվածքի միակազմ նախադասությունները: Նախադասության հնչերանգային տեսակներից բացարձակ գերակշռություն ունի **պատմողական տիպը**, որ բխում է գիտական խոսքի առաքելությունից:

Գիտական ոճում սակավադեպ չեն **ներդրյալ միավորները**՝ բառեր, բառակապակցություններ կամ նախադասություններ, որոնք լրացնուցիչ տեղեկատվություն հաղորդելու գործառություններ և սովորաբար առնվում են փակագծերի մեջ: Օր.՝ «Ուզիումոնտանն իր աշխատությունում **կոսինուսն** անվանել է **լրացման սինուս** (*լատ.* *sinus complementi*), իսկ նրա հետևորդները 17-րդ դարում այդ անվանումը կրամատեցին ու դարձրին **co-sinus** (Էղմունդ Հունժեր), իսկ ավելի ուշ՝ **cos** (Ուիլիամ Օորեղ)»: «Գալակտիկայի աստղերի մեծ մասը գտնվում է սկավառակի հարթությունում (հատկապես՝ ջերմ հսկա աստղերը, աստղասփյուները և բաց աստղակույտերը), և երկնքում այդ հարթությունը երևում է մեզ Ծիր Կաթինի ձևով (Հարդագողի Ճանապարհ)»:

5.1.2. Ենթառմեր և ժանրեր: Նախ՝ գիտական խոսքը, ինչպես և խոսքն ընդհանրապես, ունի դրսևորման երկու ձև՝ **բանավոր** և **գրավոր**:

Գիտական խոսքի ենթառմերը հիմնականում տարբերվում են նրանով, թե հանրության որ խմբին է հասցեազրվում տվյալ գիտական շարադրանքը և ինչ նպատակ է հետապնդում: Ըստ այսմ՝ տարբերում են **մասնագիտական**, **գիտառուսումական**, **գիտահանրամատչելի** ենթառմեր:

Մասնագիտական ենթառով գրված երկերը (մենագրություն, ատենախոսություն, հոդված, թեզ, գեկուցում ևն) նախատեսված են գիտության տվյալ ոլորտի գիտական ու տեխնիկական մշակումներով գրաղվող նեղ մասնագետներին. դրանք կարող են մատչելի չլինել մասնագիտական պատրաստություն չունեցողների համար: **Գիտառևումնական** ենթառով գրվածները նախատեսված են գիտության տվյալ ոլորտի ապագա մասնագետների համար. սա դասագրքերի, ուսումնական ձեռնարկների, ուսուցողական բնույթի այլևայլ աշխատանքներին հատուկ լեզվական որակն է: **Գիտահանրամատչելի** երկերը (հոդված, տեղեկագիր, ուղեցույց, դասախոսություն ևն) գիտելիքի պարզեցված շարադրանք են՝ հասցեագրված գիտության տվյալ բնագավառի վերաբերյալ հատուկ մասնագիտական պատրաստություն չունեցողներին:

Գիտական ոճի ենթառերի՝ վերևում նկարագրված լեզվական որակների տարրերությունները առավել ակներս ներկայացնելու համար բերենք մի քանի նմուշներ մասնագիտական և հանրամատչելի բնագրերից:

1. Մասնագիտական բնագրեր

ա) Փիզիկայից

Եթե մարմինն օժտված է որևէ կարգի առանցքային համաշափությամբ, ապա իներցիայի կենտրոնը կգտնվի այդ առանցքի վրա: Նրա հետ կհամընկնի նաև իներցիայի գիւավոր առանցքներից մեկը, իսկ մյուս երկուսը կլինեն նրանց ուղղահայաց: Հստ որում, եթե առանցքային համաշափության կարգը երկուսից մեծ է, ապա մարմինը սիմետրիկ հոլ է (Լ. Լանդաու, Ե. Լիֆշից):

բ) Կենդանաբանությունից

Սողունների և թռչունների կազմության մեջ ընդհանուր շատ բան կա՝ չոր մաշկ, նմանություն թեփուկների և փետուրների զարգացման մեջ, մեկ հոդելուստով գանգի հոդավորում ողնաշարի հետ, ինտերտարսալ հոդավորում, զարկերակային արյուն կրող առորտայի աջ աղեղ, կոնքային երիկամ, սաղմային թաղանթներ ևն: Թոշունների շատ օրգաններ նման չեն սողունների համապատասխան օրգաններին, բայց նրանք զարգացել են վերջիններիս բարդացման հետևանքով (Ե. Լուկին):

գ) մաթեմատիկայից

Այն հարթություննը, որը գնդային մակերևույթի հետ ունի միայն մեկ ընդհանուր կետ, կոչվում է շոշափող հարթություն: Շոշափող հարթությունը կարելի

է դիտել որպես հասող հարթության սահմանային դիրք, երբ զնդի կենտրոնից ունեցած նրա հեռավորությունը ձգտում է շառավղին:

2. Հանրամատչելի բնագրեր

ա) Փիզիկայից

Տիեզերքը կազմող մատերիան գոյություն ունի ոչ միայն որպես նյութ: Լույսը կամ ռադիոալիքները նյութական չեն, բայց մատերիական են: Եթե դրանք ոչինչ լինեին, մի՞ թե պետք կլիներ ինչ-որ բան ծախսել դրանց ստեղծման համար: Ինչո՞ւ էլեկտրակայանները պետք է ածուխ կլանեն, իսկ հնադարյան լապտերները՝ ձեր: Խորասուզվելով էլեմենտար մասնիկների աշխարհը՝ տեսնում ես, որ այնտեղ ուղղակի հրաշքներ են տեղի ունենում. նյութի հատիկներն ամրողությամբ, առանց մնացորդի վերածվում են ձառագայթման: Իհարկե, այդպիսի դեպքերը զարմանալի են թվում, սակայն դրանց մեջ զարմանահրաշ ի՞նչ կա (Դ. Դանին):

բ) բուսաբանությունից

Ծառերին տերևներն անհրաժեշտ են՝ կենդանի մնալու համար. տերևները ծառի սննդի գործարաններն են: Նրանք պարունակում են քլորոֆիլ կոչվող կանաչ մածուցիկ նյութ: Քլորոֆիլն օգտագործում է ջուր, արևի լույս և օդի մեջ եղած ածխաթթու գազ՝ բուսակայության պատրաստելու համար, որն անցնում է ծառի բոլոր մասերին: Տերևների մեջ սնունդ ստեղծելու այդ եղանակը կոչվում է ֆոտոսինթեզ, որի ընթացքում բույսերը օդից վերցնում են ածխաթթու գազ և արտազատում թթվածին:

գ) քիմիայից

Մանրէասպան օճառների խմբին պատկանող օճառները օգտագործվում են ոչ միայն կանխարգելիչ նպատակներով, այլև մաշկային վարակիչ հիվանդությունների դեմ պայքարելու համար: Այս օճառներն ավելի լայն կիրառություն ստացան, երբ դրանց բաղադրության մեջ քայրայող ֆենոլը փոխարինվեց քլորացված ֆենոլով: Օճառները դարձան համեմատաբար քիչ քայրայող և ավելի լավ մանրէասպան հատկություններով օժտված: Ի դեպ պետք է նշել, որ օճառում մանրէասպան նյութի քանակությունը չպետք է գերազանցի 2 %-ը:

5.1.3. Գիտական աշխատանքների կառուցվածքը և ձևափորումը: Գիտական յուրաքանչյուր շարադրանք պետք է ունենա որոշակի՝ այդ կարգի աշխա-

տանքների համար ընդունված կառուցվածք և ձևավորված լինի գիտական աշխատանքների համար մշակված հատուկ կանոններով:

Գիտահետազոտական աշխատանքը, անկախ դրա ծավալից, պետք է բաղկացած լինի կառուցվածքային երեք մասերից՝ **ներածություն, հիմնական բովանդակություն, եզրակացություն(ներ):** Համեմատաբար մեծ ծավալ ունեցող աշխատանքներում (դիպլոմային աշխատանք, մագիստրոսական թեզ ևն) այդ բաժանումները ունենում են առանձին վերնագրեր, կարող են ունենալ **ենթաբաժիններ:**

Ներածության մեջ պետք է ներկայացվեն հետազոտության մեջ քննարկվող հարցերն ընդհանուր գծերով, դրանց քննության կարևորության, նպատակի, ակնկալվող արդյունքների, ուսումնասիրության մեթոդի մասին տեղեկությունները:

Բովանդակության մեջ արդեն պետք է ներկայացվեն հետազոտողի կատարած աշխատանքի (լաբորատոր փորձերի, այլ կարգի փորձարարական աշխատանքների, եթե այդպիսիք արված են) արդյունքները, դրանք հիմնավորվեն, կատարվեն եզրահանգումներ, փաստարկումներ, հաստատվեն հեղինակի նախապես առաջադրած կանխադրույթները, անդրադարձ կատարվի հակադիր կամ հաստատող կարծիքներին, կատարվեն ընդհանրացումներ:

Եզրակացությունը փաստորեն ամփոփում է հիմնական բովանդակության շարադրանքը՝ առանձին կետերով ներկայացնելով ստացված եզրահանգումներն ու կոնկրետ արդյունքները:

Աշխատանքի վերջում դրվում է օգտագործված գրականության (անհրաժեշտ դեպքերում նաև սկզբնադրյուրների, համառոտագրությունների) ցանկը: Որոշ կարգի աշխատանքներ ըստ անհրաժեշտության կարող են ունենալ նաև հավելվածներ:

Կուրսային, ավարտական աշխատանքները, մագիստրոսական թեզերը, ռեֆերատները, ատենախոսությունները կազմվում են հետևյալ կառուցվածքով:
Անվանաթերթ (էջ I), որի վրա առանձին տողերով վերևից նշվում են նախ՝ բուհի և ամբիոնի անվանումները, ապա՝ գլխատակերով՝ աշխատանքի տեսակը (ասենք՝ **ԱՎԱՐՏԱԿԱՆ ԱՇԽԱՏԱՆՔ**), այնուհետև առանձին տողով նշվում են հեղինակի անուն-ազգանունը (կուրսայինի կամ ռեֆերատի դեպքում՝ նաև կուրսը և խումբը), դեկավարի անվան սկզբնատառն ու ազգանունը, գիտական աստիճանն ու կոչումը:

Բովանդակություն: Այս վերնագրի տակ անվանաթերթին հաջորդող էջում (2-րդ) հերթական համարակալումով և էջերի նշումով տրվում են աշխատանքի մասերը՝ Ներածություն, հիմնական մասի վերնագրերը, Եզրակացություն, Օգտագործված գրականության ցանկ, Հավելված(ներ) (եթե կան):

Ներածությունը սկսվում է աշխատանքի 3-րդ էջից: Հիմնական մասը հաջորդում է ներածությանը՝ նոր էջից: Եթե այս մասը բաժանված է առանձին գլուխմերի, դրանք նույնպես սկսվում են նոր էջից: Հիմնական մասին հաջորդում է Եզրակացությունը (նոր էջից), իսկ վերջում՝ Օգտագործված գրականության ցանկը, որտեղ առանձին տողերով նշվում են (համարակալումով) այն աշխատանքները, որոնցից օգտվել է հետազոտության հեղինակը և հիշատակել իր աշխատանքում: Այս շարքում պետք է նշել հեղինակը, ստեղծագործության անվանումը, հրատարակության տեղն ու տարեթիվը:

Հղումների և ծանոթագրությունների կարգը: Գիտական աշխատանքի հեղինակը հաճախ քաղվածքներ ու մեջբերումներ է անում այլոց ուսումնասիրություններից: Դրանք բերվում են կամ բառացի, կամ պատմողաբար՝ վերաշարադրումով: Բառացի մեջբերվող խոսքը առնվում է չակերտների մեջ, իսկ անուղղակի մեջբերվող խոսքը տրվում է առանց չակերտների: Չակերտներով մեջբերվող խոսքն սկսվում է մեծատառով (բացի այն դեպքերից, երբ մեջբերվող խոսքը ներկայացվում է որպես հեղինակային խոսքի շարունակություն), վերջում՝ փակվող չակերտի վրա (անուղղակի խոսքի դեպքում՝ վերջին բառի վրա) դրվում է մեջբերման թվահամարը և նույն թվահամարով էջի ներքում՝ վերջին տողից հետո, գրվում է հղումը: Հղումի մեջ նշվում են մեջբերվող խոսքի հեղինակի անվան և կզբնատառը, ազգանունը (ընդգծված), աշխատության վերնագիրը, հրատարակության տեղը, տարեթիվը, համապատասխան էջը (օր.՝ 1. Գաբրիելյան Հ. Կ., Քիմիական տարրերը տիեզերքում և մեր շուրջը, Երևան, 1990, էջ 39): Նույն էջում նույն աղբյուրից այլ հղում տալու դեպքում երկրորդ անգամ հղումը չի կրկնվում, այլ նշվում է՝ Նույն տեղում (անուղղակի հղումի դեպքում՝ **Տե՛ս նույն տեղը**): Եթե նույն աղբյուրին հղում է տրվում այլ էջերում, ապա՝ հեղինակի ազգանունը, և գրքի վերնագրի փոխարեն՝ **նշվաշխատ** և էջը:

Ըստունված է նաև հղումների այլ կարգ. շարադրանքի մեջ՝ մեջբերված խոսքից անմիջապես հետո, փակագծերում նշվում են աշխատության համարը, որը գրականության ցանկում տվյալ աշխատանքի թվահամարն է, և էջը (օր.՝

35, 124): (Այս ձևը առավել ընդունելի է ծավալուն աշխատանքների համար՝ մենագրություն, մագիստրոսական թեզ, ատենախոսություն ևն):

Այլ աշխատություններից մեջքերումները նշող հղումներից բացի՝ հեղինակը կարող է տեքստից դուրս՝ տողատակում, լրացուցիչ որևէ տեղեկություն, բացատրություն կամ մեկնաբանություն անել շարադրանքի որևէ բառի, դարձվածի, դրույթի վերաբերյալ: Մրանք **ծանոթագրություններ** են, որոնք տեքստում կարող են համարակալվել կամ նշվել աստղանիշով:

Վարժություններ և առաջադրանքներ

1. Որո՞նք են գիտական ոճի առանձնահատկությունները:

Միօրինակություն, արտահայտչականություն, ճշգրտություն, ապացուցականություն, ընդհանրականություն, կաղապարայնություն, վերացականություն, տրամաբանական հետևողականություն, գրական լեզվի նորմերի խախտում, հուզականություն:

2. Թվարկե՛ք գիտական ոճի ենթառման միջնորդը: Ի՞նչ տարրերություններ կան դրանց միջև:

3. Ո՞ր բառերի հետ տերմինային բառակապակցություններ կկազմեն թիվ, սինթեզ, շեղում, ֆունկցիա, ճառագայթում, պրոցեսիա տերմինները:

Զերմամիշուկային, անկյունային, տարրական, բնական, երկրաչափական, մինուլորտային, գոգավոր, էլեկտրական, դիֆերենցելի, միջուկային, դոպլերյան, ռենտգենյան, թվաբանական, դրական, կենտ, ռացիոնալ, քիմիական, ասիմետրիկ:

4. Տրված նախամասնիկներով կազմե՛ք տերմիններ:

Քվազի-, ձայնա-, մակրո-, ինքնա-, առանցքա-, գեր-, ջերմա-:

5. Գրե՛ք բառագույզեր՝ առաջին հատվածում տրված բառերի համարժեքները գտնելով երկրորդ հատվածում:

- Սիմետրիա, իդեալական, ֆակտոր, իզոբար, ալկալիական, իդեոգրամ, մեզոսֆերա, իդեա, ստանդարտ, էտալոն, իզոբարային, լոկատոր, ինվարիանտ, զոնայական, զոդիակ, կրիոգենային, կումուլյատիվ, կումուլյացիա, կոսմոգրոնիա, կոսմոլոգիա, կոռոզիա, կորպուսկուլյային, կոնստուրկ, կոնստրացիա, մակածային, վիբրացիոն, կոլիմատոր, անալոգային, կոմպետենցիա:

• Կարճացում, տիեզերաբանություն, գործոն, անփոփոխակ, գաղափարագիր, հավասարածնշում, մասնիկային, համաչափություն, մենագունավորիչ, գաղափար, կուտակչական, թրթռական, չափանիշ, սառնածնային, հիմնային, միջնորդութ, հավասարածնշագիծ, չափանմուշ, տեղորոշիչ, անփոփոխակ, նմանակային, կուտակում, տիեզերածնություն, հաղորդաշղթա, մակաձային, իրողություն, քայլայում, գոտիական, կենդանաշրջան:

6. Տրված տեքստում նշե՛ք գիտական ռՃի բառապաշարային և քերականական առանձնահատկությունները:

Գենը ժառանգականության տարրական միավորն է, որը ԴՆԹ-ի՝ դեզօքսինիբոնուկլեինաթթվի, իսկ որոշ վիրուսներում՝ ՌՆԹ-ի՝ ռիբոնուկլեինաթթվի մոլեկուլի մի հատվածն է. պայմանավորում է որևէ հատկանիշի առաջացումն ու զարգացումը կամ մասնակցում է օրգանիզմի մի քանի հատկանիշների ձևավորմանը: Գեների ամբողջությունը ծնողները փոխանցում են իրենց սերնդին:

Հատկանիշները սերունդներին փոխանցվում են քրոմոսոմներ կոչվող գոյացությունների միջոցով: Դրանք գտնվում են բջիջների կորիզների ներսում: Բջջի կորիզում պարունակվող քրոմոսոմներից յուրաքանչյուրն ունի իր գույքը. գույքերից մեկը մայրական քրոմոսոմն է, մյուսը՝ հայրականը: Բոլոյսերի և կենդանիների բոլոր տեսակները միմյանցից տարբերվում են քրոմոսոմների թվով: Օրինակ՝ մարդկանց քրոմոսոմները 46-ն են և գոյացնում են 23 գույգ:

Քրոմոսոմը բաղկացած է գեներից, որոնցում պարփակված է ժառանգական հատկանիշների մասին տեղեկությունը: Ժառանգական հատկանիշները որոշվում են մեկ գույզ առաջացնող 2 գենի գործունեությամբ: Սովորաբար ժառանգած գեներից մեկը մյուս գենի նկատմամբ գերիշխող է, և հատկանիշի զարգացման վրա գերակշռող ազդեցություն է ունենում հենց նա: Արական և իգական օրգանիզմների տարբերությունը պայմանավորված է նրանց սեռական քրոմոսոմներով: XX քրոմոսոմ ունեցող օրգանիզմը կլինի իգական սեռի, XY ունեցողը՝ արական:

7. Տրված տեքստում գտե՛ք գիտահանրամատչելի ենթառձին բնորոշ տարրերը: Ինչո՞վ է գիտահանրամատչելի ենթառձ տարբերվում մասնագիտականից:

Բնությունը մարդուն պարզել է զգայարանների մի խումբ, որով նա կարողանում է ճանաչել աշխարհը, տեսնել իրեն շրջապատող միջավայրը, վայելել

բնության տված բարիքները: Եվ այն, ինչ նյութական է, կազմված է քիմիական տարրերից:

Քիմիական տարրերը Երկրագնդի վրա համեմատաբար ցածր ջերմաստիճաններում կազմում են մոլեկուլներ ու շատ բարդ ջերմաստիճանների պայմաններում կարող են ատոմական վիճակում գտնվել: Ավելին՝ նույնիսկ ատոմները կարող են կորցնել Երկրագնդի վրա մեզ հայտնի կառուցվածքը և վերածվել տարրական մասնիկների:

Երկրագնդի վրա հայտնաբերված են 107 քիմիական տարրեր, որոնց մեծ մասը՝ մոտ 90-ը, կազմում են մեզ շրջապատող բնության բաղադրիչները: Վերջին տասնամյակներում գիտաշխատանոց-լաբորատորիաներում հաջողվել է ստանալ նոր տարրեր, որոնք անկայուն են և սինթեզվելուց հետո արագ փոխարկվում են այլ տարրերի:

Երկրագունդը տիեզերքում մեզ հայտնի երկնային մարմիններից այն յուրահատուկն է, որի վրա այդքան շատ քիմիական տարրեր կան, որոնք զանազան զուգորդություններով ներկայացնում են այնքան բազմազան անօրգանական ու օրգանական աշխարհը:

8. Գիտահանրամատչելի և գիտառուսումնական ի՞նչ գրքեր, ամսագրեր, հեռուստահաղորդումներ գիտեք: Բանավոր ներկայացրե՛ք որևէ գիտահանրամատչելի նյութը:

9. Տրված տեքստի համար գրե՛ք 7 բանալի բառ:

Էլեկտրական երևույթներին առաջինը ուշադրություն է դարձել Հին Հունաստանի յոթ իմաստուններից Թալես Միլեթացու (Ք.ա. 7-րդ դար) դեռաստիդուստրը: Փորձելով մաքրել իր սաթե իլիկը մանր թելիկներից և փոշուց՝ նա նկատել է, որ դրանք դարձյալ կպչում են իլիկին: Հույները սաթի այլ խորհրդավոր հատկանիշներ են են հայտնաբերել: Շփելով սաթը մթության մեջ՝ տեսել են, թե ինչպես է ամբողջ կտորն արձակում կապտավուն կայծեր, որոնք ուղեկցվում են ձայթյուններով:

Սաթի խորհրդավոր հատկությունները գիտական լուրջ ուսումնասիրության առարկա են դարձել Թալեսից երկու հազար տարի անց: Անգլիացի բժիշկ և ֆիզիկոս Ուիլյամ Ջիլբերտն է «Էլեկտրականություն» բառը ներմուծել գիտության մեջ: Նրան հաջողվել է մագնիսական և էլեկտրական երևույթներն առանձնացնել իրարից: Միայն մեկուկես դար անց անգլիացի մի ուրիշ գիտնա-

կանի՝ Զեմս Մաքսվելին (19-րդ դար), հաջողվեց կրկին միավորել Էլեկտրականությունն ու մագնիսականությունը, բայց արդեն՝ նոր հիմքի վրա:

10. Հատ հետևյալ բանալի բառերի՝ կազմե՛ք զիտական տեքստ:

ա) Ինֆորմացիայի կորավորում, պայմանանշան, առյուսակ, հիշողության ծավալ, բիթ, բայթ, ծավալ:

բ) Էլեկտրական լիցք, հաղորդիչ, էլեկտրական դաշտ, էլեկտրացույց, էլեկտրաշափ, պղնձե ձող, մեկուսիչ:

գ) Վալենտականություն, ատոմ, միացություն, լիցք, իոնային կապ, օքսիդացում, էլեկտրոն:

դ) Նյարդային հյուսվածք, օրգան, սիրտ-անոթային համակարգ, մաշկ, արյունատար անոթ, քթըմպան, կարմիր ոսկրածուծ:

ե) Ցուցային ֆունկցիա, գրաֆիկ, արժեքների բազմություն, կիսաառանցք, աբսցիսների առանցք, որոշման տիրույթ, ուղիղ:

զ) Քարտեզ, քանակական մեթոդ, հարաբերակցային վերլուծություն, ինդեքս, դինամիկ շարք, քարտեզաչափություն, ելակետային տվյալներ, ցուցանիշ:

11. Տրված հատվածների վերաբերյալ կատարե՛ք իղումներ:

ա)Գեղանկարիչ, քանդակագործ, բանաստեղծ, գյուտարար, ֆիզիկոս, մաթեմատիկոս, բուսաբան, քիմիկոս, աստղագետ, փիլիսոփա, աշխարհագրագետ, լեզվաբան Լեռնարդո դա Վինչիի՝ 2010 թվականին Երևանում հրատարակված «Առավներ, հեքիաթներ, լեզենդներ» գրքի 46-րդ էջում կարդում ենք հեղինակի՝ իր ընթերցողներին ուղղված հետևյալ խորհուրդը. «Քննադատելիս քննադատի՝ ը կարծիքը, այլ ոչ թե նրա հեղինակին»:

բ) Ալեքսանդր Իվանովը 2018 թվականին Մոսկվայում ոռուերեն լույս տեսած «Քիմիան մատչելի է» („Химия-просто”) գրքի 6-րդ էջում գրում է, որ քիմիայի համար մաթեմատիկան պարզապես գերազանց գործիք է, որի օգնությամբ հնարավոր է ստեղծել ինչ-որ նոր բան, փոխել կենցաղը, տեխնոլոգիաները, կյանքը:

զ) Կ. Գրիգորյանի, Ա. Եսայանի, Հ. Ժամհարյանի, Ա. Խոյեցյանի, Հ. Մովսեսյանի, Գ. Փիրումյանի՝ 2009 թվականին Երևանում լույս տեսած «Էկոլոգիայի և բնության պահպանության հիմնահարցեր» ուսումնական ձեռնարկի 134-րդ էջում գրված է. «Շրջակա միջավայրի մոնիթորինգի կենտրոնի տվյալների

համաձայն՝ վտանգավոր ածխաջրածինների, ազոտի երկօքսիդի և այլ նյութերի պարունակությունը Երևանի, Հրազդանի և մյուս քաղաքների օդային ավազաններում գերազանցում է թույլատրված սահմանները»: Նույն գրքի 133-134-րդ էջերում գրված է, որ Ալավերդու մետաղուրգիական կոմբինատը յուրաքանչյուր տարի մթնոլորտ է արտանետում 15.5 հազ. տոննա փոշի և ծծմբի երկօքսիդ:

¶ Համար Միքայելյանը 2019 թվականին Երևանում լույս տեսած իր «Մաթեմատիկական կրթության լեզուն և խոսք» վերնագրով գրքի 36-րդ էջում գրում է. «Խնչպես և յուրաքանչյուր լեզու, մաթեմատիկան ունի իր այբուբենը: Այն կազմվում է բնական լեզվի այբուբենից, որոշ հատուկ նշաններից, որոնց մեջ մտնում են լատինական այբուբենի տառերը, կետադրական նշանները, փակագծերը և այլն»:

12. Ներկայացրե՛ք, թե ինչ կառուցվածք ունեն՝

- ա) ռեֆերատը,
- բ) կուրսային աշխատանքը,
- գ) գիտական հոդվածը:

5.2. ՊԱՇՏՈՆԱԿԱՆ (ՎԱՐՉԱԿԱՆ) ՈՃ

Պաշտոնական ոճն ունի շրջանառման բազմազան ոլորտներ՝ պետականական համակարգ, օրենսդրական գործունեություն, դիվանագիտական հարաբերություններ, տնտեսավարում, գործարարություն, բանկային գործ ևն: Այս ոճով են շարադրվում նշված ոլորտներում գործառվող գրագրության բոլոր ձևերը՝ սկսած պետական օրենսդրական ակտերից մինչև գործնական նամակներ, հաշվապահական տեղեկագրեր և այլ տիպի փաստաթղթեր: Ոլորտների այսպիսի տարատեսակությունը ենթադրում է գրագրության տարաբնույթ ձևերի գործածություն և խոսքի բազմազանություն: Նշված գործոնները պաշտոնական ոճի համակարգում ձևավորում են ենթահամակարգեր՝ խոսքի ենթատեսակներ կամ ենթառմեր՝ **իրավաբանական, դիվանագիտական, գրասենյակային, հաշվապահական** ևն:

Պաշտոնական-գործարարական լեզուն իր հիմքով գիտական բնույթ ունի (սահմանադրություն, տարբեր օրենքներ, որոշումներ, համաձայնագրեր, ակտեր ևն) և այդ առումով սերտ կապեր է դրսնորում գիտական լեզվի հետ: Սա-

կայն, ի տարբերություն զիտական լեզվի, այն մշտապես առնչվում է առօրյա կյանքին, քանի որ պաշտոնական տեղեկատվությունը վերաբերում է հասարակության բոլոր անդամներին, և տեղեկույթի իմացությունը պարտադիր է յուրաքանչյուրի համար:

Պաշտոնական (վարչական) ոճին բնորշ են հետևյալ հիմնական հատկանիշները.

- Վարչաբանությունների և կաղապարային արտահայտությունների հաճախակի գործածությունը,
- խոսակցական երանգ ունեցող ձևերից խուսափելը և գրքային ձևերին նախապատվություն տալը,
- ոչ կանոնական լեզվական միավորների գրեթե բացառումը,
- խոսքի ընդունված և կանոնակարգված շարադասությունը,
- դերքայական դարձվածների հաճախակի գործածությունը,
- գրաբարյան և աշխարհաբարյան նախորդավոր կապակցությունների գործածությունը՝ ի զիտություն, ըստ պատկանելվույն, ընդ որում, ցպահանջ, առայն ևն,
- որոշ կարգի հարադրական բայերի գործածությունը՝ ի կատար ածել, բերման ենթարկել, մասնակցություն ունենալ և այլն,
- խոսողի անձնական վերաբերմունքն արտահայտող լեզվական միավորների, արտահայտչական ու պատկերավորման միջոցների գրեթե բացակայությունը,
- գուսապ ու միօրինակ խոսքը,
- բառերի միանշանակ և առավելապես ուղիղ իմաստով գործածությունը:

Պաշտոնական գրագրությունների լեզվական նյութը գրական լեզուն է՝ իր բառապաշտությամբ: Խստորեն կանոնակարգված է. ստեղծվում են պատրաստի լեզվական կառույցներ, կրկնվող բառաձևեր, որոնք կողմերը պայմանականորեն ընդունում են որպես նյութի շարադրման մշակված բանաձևեր՝ կաղապարներ, ինչպես՝ ուժը կորցրած ձանաչել, ի զիտություն ընդունել, հայցը բավարարել մասնակիորեն, արգելանքի տակ պահել ևն: Լեզվական այսօրինակ կաղապարների կրկնությունը գրագրության լեզվին

հաղորդում է որոշ միօրինակություն: Խոսքը դառնում է կաղապարված, որոշ չափով արհեստական:

Պաշտոնական խոսքն ունի առավելապես հաղորդակցական կազմակերպական նպատակ: Դրանով պայմանավորված՝ շարադրանքի անհրաժեշտ որակներ են սահմանվում տեղեկությի ամբողջական և ավարտուն բնույթը, հակիրճությունը, սեղմությունը: Փաստաթուղթը կազմողի հիմնական խնդիրն է առավելագույնս սեղմ և հստակ արտահայտել իրավական ուժ ունեցող տեղեկությունները:

Պաշտոնական խոսքն ուղղվում է հանրությանը կամ որոշակի մասնագիտական լսարանի (անձի կամ կազմակերպության): Հետևաբար շարադրվում է հնարավորինս մատչելի, հասկանալի լեզվով, դիպուկ և պարզ: Պարզ, բայց ոչ պարզունակ: Քանի որ հակառակ դեպքում շարադրանքը կզրկվի պաշտոնական խոսքին հատուկ մյուս կարևոր հատկանիշներից՝ պաշտոնականություն, հանդիսավորություն, որոշ վերամբարձություն ևն, որոնք կոչված են լսարանի վրա որոշակի ազդեցություն ապահովելու:

Պաշտոնական խոսքը, լինի դա վճիռ, ծավալուն հաշվետվություն թե սեղմ հրահանգ, հաշվապահական վավերաթուղթ թե հավատարմագիր, պետք է ձևակերպված լինի ճշգրիտ: Դա վերաբերում է տեքստի թե՛ բովանդակային մասին, թե՛ լեզվին: Ասելիքը պետք է լինի հստակ, որ այլ կարծիքների կամ տարընթերցումների տեղիք չտա: Այդ իմաստով պաշտոնական ոճը մոտ է գիտականին:

Պաշտոնական խոսքում հուզական սուբյեկտիվ (կամային) վերաբերմունքը գրեթե բացառվում է. անհատի տրամադրությունը, հույզը այստեղ դեր չունեն: Նյութի շարադրանքը պետք է լինի խիստ առարկայական (օբյեկտիվ), պետք է ունենա տեղեկատվական և զուտ գործնական բնույթ: Երբեմն փաստաթղերի առանձին տեսակներում կարող է արտահայտվել խնդրանք կամ շնորհակալություն, պահանջ, հորորդ կամ հրաման:

Պաշտոնական խոսքում բառի ճիշտ ընտրությունը և տեղին գործածությունը խոսքի կառուցման կարևորագույն պայմաններն են: Բառն այստեղ գործածվում է ուղղակի նշանակությամբ: Բազմիմաստ բառերը խոսքաշարում պետք է կիրառվեն և ընկալվեն իրենց մեկ՝ հիմնականում առաջնային նշանակությամբ: Դա ապահովում է փաստաթղերի գործնական, ինչպես նաև իրավական արժեքը:

Պաշտոնական ոճի կարևոր հատկանիշն է տերմինների լայն գործածությունը. տերմինները հական դեր են կատարում այս ոճին բնորոշ ճշգրտությունն ու միօրինակությունն ապահովելու գործում:

Բառի փոխաբերական իմաստով գործածությունը հատուկ չէ պաշտոնական լեզվին. դա կարող է վնասել տեղեկույթի հստակությանը, խանգարել ճիշտ ընկալմանը: Այսուհանդերձ, մտքի տպակորիչ ձևակերպման համար փաստաթոթերի առանձին տեսակներում գործածվում են լեզվական փոխաբերություններ, որոնք հանուրին հասկանալի և ըստ էության իրենց փոխաբերականությունը կորցրած կայուն կապակցություններ են և գործածվում են առավելապես անվանողական՝ զուտ տերմինային նշանակությամբ. օր՝ **արտաքին հարաբերություններ**, **բանկային օր**, **սառը պատերազմ**, **սպառողական զամբյուղ**, **դիվանազիտական խողովակներ**, **դրամավարկային քաղաքականության գործիքներ**, **ֆինանսական հոսք**, **վարկերի ծանր բեռն** ևն:

Պաշտոնական գրագրության բառապաշտարը բնութագրվում է **բարդ բառերի** հաճախակի գործածությամբ: Առավել գործածական են համադրական բարդություններն ու բայական հարադրությունները՝ **արտոնազիր**, **կանոնադրային**, **ներկայացուցություն**, **անվավեր համարել**, **հանդես բերել**, **հետ կանչել** ևն:

Հապավական բարդությունները հնարավորություն են տալիս խուսափելու կրկնություններից և տնտեսելու ինչպես ժամանակը, այնպես էլ տեղը: Գրագրության ձևերի մեծ մասում չի բացառվում **հնարանությունների** գործածությունը՝ խոսքին հանդիսավորություն և պաշտոնականություն հաղորդելու համար, ինչպես՝ «Ի լրումն հրամանազիրի հինգերորդ կետի....», «Մինչև սույն պայմանագիրը կնքելը...», «....այսուհետև՝ «Գնորդ»՝ ի դեմս Ս. Հակոբյանի», «Թղթակցությունները կհամարվեն վավեր (=ստույգ, վավերական)....»:

Պաշտոնական ոճին նկատելի թարմություն են հաղորդում իմաստային նորաբանությունները՝ ֆինանսական հոսք, բյուջեի ճեղքածք, դրոնք երկրներ, **թիրախային** մարտավարություն ևն:

Պաշտոնական գրագրության ձևաբանական նյութը գրական լեզվի կանոնական ձևերն են՝ հոլովման, խոնարհման, հոգնակիակազմության, հոդառության կանոնարկված տարբերակները:

Փաստաթոթերի առանձին տեսակներ ունեն իրենց **հատուկ ժամանակաձևերը**: Հրահանգներում գործածական է **անկատար ներկան**, քանի որ ցույց է տալիս ընթացքի մեջ եղող և հաստատապես կատարվող գործողություն, ունի

կտրական բնույթ, սահմանում է նորմեր, ինչպես՝ «Վարման կարգը սահմանվում է հատուկ հրահանգով»: Հաշվետվություններում գերիշխում են վաղակատարով կազմությունները, որոնք ցույց են տալիս անցյալ անորոշ մի ժամանակում կամ ժամանակակետից առաջ ավարտված գործողություն: Որոշումներում և հրամաններում իշխող կառույցներ են **անորոշ դերբայով** կազմությունները, քանի որ արտահայտում են մեղմ հրաման, առավել պաշտոնական են հնչում, քան բուն հրամայականով ձևերը, ինչպես՝«Խորհուրդը որոշում է. 1. Հաստատել...: 2. Հանձնարարել...: 3. Պատասխանատվությունը դնել....»:

Կապային կառույցների գուգածներից գրքային բնույթ ունեցողները, հասկանալի են, բնորոշ են պաշտոնական լեզվին՝ դրա հետ մեկտեղ<=**դրանով հանդերձ**, իբրև պատասխան<=**ի պատասխան**, հովանավորության տակ<=**հովանավորության ներքո**, պաշտոնի բերումով<=**ի պաշտոնե** ևն:

Պաշտոնական խոսքում գործածական են **զողվածով** (շաղկապով կամ հարաբերական բառով) կապակցությունները՝ «...այնքան, ոքքան....», «եթե...., ապա....», «քանի ոք...., ուստի....», «....այն...., ինչ....» ևն. գերակշռում են **բարդ ստորադասական նախադասությունները**՝ հատկապես պատճառի, հետևանքի, հիմունքի և նպատակի պարագա երկրորդականներով:

Գործնական գրագրություններում հաճախ հանդիպող շարահյուսական կառույցներ են թվարկման հնչերանգով իրար հետ կապված և պարբերույթով արտահայտվող **անդեմ նախադասությունները**, որոնք գրագրության առանձին ձևերում (օր.՝ որոշումներում, հրամանագրերում) երբեմն հասնում են մի քանի տասնյակի: Բայական անդեմ նախադասությունները խոսքը դարձնում են միօրինակ, քայլ ստեղծում են ռիթմ: **Լրիվ նախադասությունների** գործածությունը պաշտոնական գրագրության մեջ պարտադիր պայման է: Ճիշտ է, թերի նախադասությունները հնարավորություն են տալիս խուսափելու երկարաբանություններից (մանավանդ երկխոսություններում), սակայն պաշտոնական փաստաթղթերում կրկնվող նախադասության մեջ այս կամ այն բարի բացակայությունը կարող է այլընթերցումների առիթ տալ:

Պաշտոնական գրագրության մեջ մտքի դատողական գործունեությունը դրսևորվում է **պատմողական նախադասություններով**: Պաշտոնական տեքստը չի հանդուրժում **բացականչական նախադասությունները**: Հարցական կառույցները, հատկապես անուղղակի հարցում արտահայտողները, փոքր-ինչ գործուն են նամակի մեջ: **Հրամայական նախադասության** հնչերանգից է

կախված այն հանգամանքը, թե իրամանը կտրական պահա՞նց է արտահայտում, ցանկությո՞ւն, թե՞ ինդրանք: Գործնական գրագրության մեջ սովորաբար իրամայականի ձևերը (դրական և արգելական) փոխարինվում են մեղմ իրաման արտահայտող այլ քերականական ձևերով՝ անորոշ դերբայով կամ անորոշ դերբայ ունեցող կազմություններով՝ **տեղյակ պահել, ընթացք տալ, ստուգել, կազմակերպել, ուժը կորցրած ճանաչել** ևն:

Խոսքի պաշտոնականությունն ընդգծում են նաև **կրավորական կառույցները**, որոնք խիստ տարածված են փաստաթղթերի լեզվում, ինչպես «Մենք քննարկել ենք առաջարկը»//«Առաջարկը քննարկվել է մեր կողմից»: **Դերբայական դարձված(ներ)ով** նախադասությունները խոսքին տալիս են որոշ միօրինակություն, բայց հարմար միջոց են զուգահեռ կատարվող գործողություններ մատնանշելու համար: Պաշտոնական ոճում դերբայական դարձվածների կուտակումը անխուսափելի է:

Կան **շարակելուսական հատուկ կառույցներ**, որոնք հաճախակի գործածություն ունեն պաշտոնական գրագրության լեզվում: Այդպիսիք են, օրինակ, անորոշ դերբայի գործիական հոլովով դերբայական կապակցությունները (**նշելով**, որ..., **ուշադրության առնելով**, որ..., **հասողված լինելով**, որ..., **գիտակցելով**, որ..., **հաստատելով**, որ...), կամ միակազմ գլխավոր նախադասությամբ բարդ ստորադասական նախադասությունները («Հարկ է նշել, որ....», «Պետք է ավելացնել, որ....», «Անհրաժեշտ է, որ....») ևն:

Պաշտոնական կամ գործնական գրագրության մեջ պահպանվում է նախադասությունը բաղադրող անդամների ընդունված դասավորությունը՝ **շարադասությունը**. շարադասության դերը մեծանում է, քանի որ այստեղ՝ գրավոր խոսքում, պակասում է այնպիսի կարևոր լեզվական միջոց, ինչպիսին հնչերանքն է: Բացի դրանից՝ գրողը գրկված է վերաբերմունքային բառեր ընտրելու հնարավորությունից:

Պաշտոնական ոճն ունի շրջանառման բազմազան ոլորտներ՝ ովհանագիտական հարաբերություններ, տնտեսավարում, գործարարություն, պետականական համակարգ, օրենսդրական գործունեություն, բանկային գործ ևն: Ոլորտների այս տարատեսակներում ենթադրում է գրագրության տարաբնույթ ձևերի գործածություն և խոսքի բազմազանություն: Նշված գործուները պաշտոնական ոճի համակարգում ձևավորում են ենթահամակարգեր՝ խոս-

քի ենթատեսակներ կամ ենթառձեր՝ իրավաբանական, դիվանագիտական, գրասենյակային, հաշվապահական ևն:

Վարժություններ և առաջադրանքներ

1. Առանձնացրե՛ք պաշտոնական ոճին բնորոշ հատկանիշները:

Կաղապարայնություն, բազմազանություն, երկխոսական բնույթ, բարդ բառերի և հապավումների կիրառություն, ճշգրտություն, պատկերավորություն, սեղմություն, քերականական հնաբանությունների գործածություն, գեղչումներ, կրավորական կառույցների գործածում, միօրինակություն, հուզականություն, բարի փոխարերական իմաստով գործածություն, կրկնություններ:

2. Որո՞նք են պաշտոնական ոճի ենթառձերը:

3. Ո՞ր ենթառձերով են բերված հատվածները: Ընդգծե՛ք պաշտոնական ոճին բնորոշ կայուն բառակապակցությունները:

ա) Սովորաբար միջնորդական առաքելություն ստանձնող երկիրը կամ երկրները հանդես են զայիս կամավորության սկզբունքով: Նրանք քաջ գիտակցում են, որ իրենց միջնորդությունը գործելու է այն իրավիճակում, երբ հակամարտող կողմերի միջև առկա է բռնություն կիրառելու իրական սպառնալիք, եթե կողմերի միջև ուղղակի շփումներն անհնար են, եթե կողմերից մեկը բռնություն է կիրառում, և երրորդ կողմին ձեռնտու է դառնում բարենպաստ հարաբերությունների զարգացումը կողմերի միջև:

Ինչպես հայտնի է, Արցախի հարցի կարգավորման նպատակով հակամարտող կողմերին օգնելու առաջարկությամբ որպես միջնորդներ հանդես եկան մի շարք երկրներ՝ Իտալիան, Իրանի Իպամական Հանրապետությունը, Ռուսաստանի Դաշնությունը, իսկ ավելի ուշ՝ Մինսկի խումբը՝ Ռուսաստանի, Միացյալ Նահանգների և Ֆրանսիայի համանախագահությամբ:

բ) ՀՀ քաղաքացիական դատավարության օրենսգրքի 130-րդ հոդվածի 2-րդ մասի համաձայն՝ հայցի ապահովման միջոց կիրառելու մասին միջնորդությունը պետք է պարունակի հայցի ապահովման միջոց կիրառելու հիմքի առկայության վերաբերյալ հիմնավորումներ և նշում հայցի ապահովման միջոցի կամ միջոցների մասին:

ՀՀ քաղաքացիական դատավարության օրենսգրքի 131-րդ հոդվածի 2-րդ մասի համաձայն՝ եթե հայցի ապահովման միջոց կիրառելու մասին միջնորդությունը չի համապատասխանում սույն օրենսգրքի 130-րդ հոդվածի 2-րդ մասի

պահանջներին, ապա այն դատարանի կողմից չի քննվում, որի մասին միջնորդությունը ներկայացրած անձը տեղեկացվում է ոչ ուշ, քան հաջորդ օրը:

Վերաքննիչ դատարանը արձանագրում է, որ բողոքի հիմնավորվածությունը գնահատելու համար անհրաժեշտ է վերոնշյալ իրավանորմերը և նրանք լեզվաբանական մեկնաբանման՝ հայցը ապահովելու և հայցադիմումը վերադարձնելու իրավակարգավորումների համակարգային վերլուծության միջոցով։ ՀՀ քաղաքացիական դատավարության օրենսգրքի 130-րդ հոդվածի 2-րդ մասից հետևում է, որ «միջնորդություն» է համարվում այնպիսի դատավարական փաստաթուղթը, որը պարունակում է հայցի ապահովման միջոց կիրառելու հիմքի առկայության վերաբերյալ հիմնավորումներ և նշում հայցի ապահովման միջոցի կամ միջոցների մասին։

գ) ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ԱՐՉԱՆԱԳՐՈՒԹՅՈՒՆ

Ինֆորմատիկայի և կիրառական մաթեմատիկայի ֆակուլտետի գիտական խորհրդի
նիստի 30.09.2011 № 2

Նախագահ՝ Վ. Ս.

Քարտուղար՝ Ն. Ս.

Ներկա էին խորհրդի բոլոր անդամները։

Օրակարգ։

1. ԵՊՀ գիտական խորհրդում ֆակուլտետի ներկայացուցչի ընտրության հարցը։

2. Ընթացիկ հարցեր։

1. ԼՍԵՑԻՆ. ԵՊՀ գիտական խորհրդում ֆակուլտետի ներկայացուցչի ընտրության հարցը։

ԱՐՏԱՀԱՅՏՎԵՑԻՆ. Ա. Սահակյանը, Կ. Առաքելյանը, Վ. Գևորգյանը։

ՈՐՈՇԵՑԻՆ. Դիսկրետ մաթեմատիկայի և տեսական ինֆորմատիկայի ամբիոնի վարիչ, Փ. մ. գ. դ., պրոֆ. Ա. Ա. -ին ընտրել ԵՊՀ գիտական խորհրդի անդամ։

2. ԼՍԵՑԻՆ. Դեկանի տեղակալ Վ. Գ.-ին - Ամփոփելով լուծարքների արդյունքները՝ Վ. Գ. -ն նշեց, որ անբավարար ստացած ուսանողների քանակը բավականաչափ մեծ է համալսարանի այլ ֆակուլտետների հետ համեմատած։

ՈՐՈՇԵՑԻՆ. Հանձնարարել կուրսդեկներին՝ կիսամյակի ընթացքում առավել ինտենսիվ աշխատել ցածր առաջադիմություն ունեցող ուսանողների հետ։

Նախագահ՝ Վ. Ս.

Քարտուղար՝ Ն. Ս.

4. Ըստ նախորդ վարժության տեքստերի՝ բնութագրե՛ք պաշտոնական ոճին բնորոշ ձևարանական և շարադրուական առանձնահատկությունները:

5. Տրված շարքերից ընտրելով մեկական բառ՝ կազմե՛ք պաշտոնական ոճին բնորոշ բառակապակցություններ:

- Դրամավարկային, ցմահ, ֆինանսական, վարչական, սպառողական, վերաքննիչ, բաժնետիրական, իրավական, աշխատանքային, քրեական, անցանկալի, ծանրացնող, դիվանագիտական, կառուցվածքային, պատզամափրական:

- Անձեռնմխելիություն, խողովակ, ազատազրկում, տույժ, զամբյուղ, ընկերություն, դաշտ, ստորաբաժանում, հոսք, անձ, պատասխանատվություն, դատարան, հանգամանք, քաղաքականություն, շուկա:

6. Տրված գեղարվեստական տեքստում գտնե՛ք պաշտոնական ոճին բնորոշ տարրերը, բացատրե՛ք, թե ինչ միջոցներով է արտահայտվել երգիծանքը:

Միլիցիան դուրս եկավ կենտրոնից, զնաց, փնտրեց ու գտավ Գետամեջ զյուղը: Գետամեջ զյուղում հետախուզությամբ գտավ Ռևազ Մովսիսյանի տունը, գոմը, գոմի դուռը: Ռևազի (կարծեցյալ կորստատեր Ռևազ Մովսիսյանը կտրականապես հայտարարեց, որ ինքը լավ չի հիշում, թե իրենք երբեմ ունեցե՞լ են ոչխարներ) և մանավանդ նրա կնոջ մանրակրկիտ հարցաքննությամբ պարզվեց, որ երկու օր առաջ (սթա. օգոստոսի 27-ին, երեկոյան ժամը հինգի մոտերքը, ոչ շուտ չորսն անց երեսունից, ոչ ուշ հինգն անց երեսունից) կորել են Գետամեջ զյուղի բնակիչ քաղաքացի Ռևազ Մովսիսյանի չորս ոչխարները, երկուուր՝ չորս տարեկան, մեկը՝ երեք, մեկը՝ երկու, երկուուր՝ սպիտակ, երկուուր՝ սև, տեղական տեսակին պատկանող. մեկը՝ մեկ տարեկանը՝ խրտնող, երեքը՝ հանգիստ բնավորության պատկանող (առաջինի պատճառով էլ, հաշվի առնելով կորստատիրուհի Թագուհի հորենական ազգանվամբ Կարապետյանի կարծիքը, վերոհիշյալ չորս ոչխարները հեռացել են տիրոջական դրույթից): (ՀՄ):

7. Պաշտոնական գրությունների ի՞նչ ձևեր գիտեք. թվե՛ք մի քանիսը: Գրե՛ք՝

ա) դիմում,

բ) երաշխավորագիր,

գ) տեղեկանք:

5.3. ԽՈՍԱԿՑԱԿԱՆ ՈՃ

Խոսակցական լեզուն բանավոր հաղորդակցման միջոց է, որով էլ պայմանավորված են նրա ոճական առանձնահատկությունները: Հակադրվում է պաշտոնական, գրքային խոսքին իր անմիջականությամբ և ոչ պաշտոնական բնույթով: Ձևավորվում է խոսելու պահին. ունի կիրառության լայն ոլորտ: Խոսակցական ոճին հատուկ են հանպատրաստից ձևավորումը, լեզվական միջոցների խնայողությունը, պատկերավորությունը, սեղմությունն ու հակիրճությունը. **ինքնարուիս է, արագ և փոփոխվում:** Հաճախակի են բառային կրկնությունները: Շարահյուսական կառույցները պարզ են: Խոսքն ամրողական չէ. հաճախ մնում է **անավարտ**⁴³:

Առօրյա-խոսակցական ոճին բնորոշ հատկանիշներ են.

- թեմատիկ բազմազանությունը և ոճական տարասեռությունը,
- խոսքի արտահայտչական և պատկերավորման միջոցների գործածությունը,
- խոսքի հուզականությունն ու անմիջականությունը,
- ոչ կանոնական լեզվական միավորների, այդ թվում՝ խոսակցական ու բարբառային
- բառերի ու բառաձևերի գործածությունը,
- երկխոսությունների առատությունը,
- շարադասության խախտումների, գեղշումների առատությունը,
- շարահյուսական պարզ կառույցների հաճախակիությունը,
- կենցաղային բառերի ու արտահայտությունների առատությունը,
- գրքային երանգ ունեցող լեզվական միավորների գրեթե բացակայությունը:

Բանավոր հաղորդակցման ժամանակ կարևոր դեր է խաղում **հնչերանգը**, որը հիմնականում արտահայտվում է տրամաբանական շեշտի միջոցով: Հուզականությունը, զգացմունքների բազմազանությունը հաճախ դրսևորվում են միայն հնչերանգով:

⁴³ Տե՛ս «Разговорная речь в системе функциональных стилей современного русского литературного языка», Саратов, 1992, ст. 312:

Խոսակցական լեզվում հաղորդակցական մեծ դեր ունեն **շարժումները** (ժեստերը), որոնք կենդանի խոսքում ընդգծում են այս կամ այն իմաստը՝ ուշադրությունը հրավիրելով դրա վրա, կամ ուժեղացնում են խոսքի զգացական կողմը, լրացնում և ամբողջացնում ասվածի իմաստը:

Անկաշկանդ խոսքի արագ տեմպում որոշ հնչյուններ կարող են իրենց որակը փոխել, թուլանալ կամ բոլորովին սղվել, որոշ հնչյուններ (նույնիսկ վանկեր)՝ չարտասանվել: Խոսակցական ոճում ձայնավորները մի շարք դեպքերում կորցնում են իրենց հնչյունական հատկանիշները՝ ենթարկվելով զանազան փոփոխությունների, ինչպես՝ իմիջիայլոց - իմիջայլոց, դաստիարակել - դաստիրակել, ձայն - ձեռն, աշխուժ - աշխուժ, խորի[ը]րդակցել - խորդակցել, ձեռ[ը]նպահ - ձեռն[ը]պահ, պարտվել - պարտ[ը]վել, փոխառյալ բառերում ոռւսերենի նմանողությամբ՝ պենիցիլին - պինիցիլին, ինտելիգենտ - ինտիլիգենտ, տրանսպորտ - տրանսպ[ը]րտ, Սուկվա - Մ[ա]սկվա և այլն:

Խոսակցական լեզվին բնորոշ է **հ-ի** անկումը՝ խորուրդ, հայոյել, օրնել, հաշվապա: Մի շարք դեպքերում կարող են չհնչել թ-ն (**Եկրորդ, գրի**՝ զրի՝ թ-ի փոխարեն)) և ն-ն (**առաջի, վերջի, ընդհակառակ**): Ը-ի փոխարեն երբեմն արտասանվում է **ո՝ Գե[ո]մանիա, վե[ո]նազիք, ե[ո]ետոն:** Տարածված է բառի մեջ նոր, ավելորդ հնչյունի կամ հնչյունակապակցության հավելումը, որից բառիմաստը չի փոխվում՝ կանանչ, ավելնորդ, ութանասուն, ֆիդային, բարձրունք, սանդիր:

Հաճախ կրծատվում են բառերը, հատկապես հատուկ անունները: Օր՝ **հաջողություն-հաջող, Հովհաննես-Հովիկ / Հովոն, Անահիտ - Անոն / Անիկ, Խաչատուր - Խաչիկ / Խաչոն / Խչոն, Սարգիս / Սաքոն** ևն:

Առօրյա խոսքի արտասանական նորմերը, ի տարբերություն գրական լեզվի նորմերի, ավելի հաճախ են փոփոխվում և գրական լեզվում ընդունելի չեն:

Խոսակցական բառապաշարն աչքի է ընկնում բարբառային տարբերակների, օտարարբանությունների, դիպվածային բառերի, դարձվածքների առատությամբ: Դրանք հիմնականում ունեն հոմանշային տարբերակներ գրական լեզվում, օր՝ **վռագ (շտապ), զռոռվ (քոնի), հանաք (կատակ), հալ (վիճակ), վախտ (ժամանակ)** և այլն:

Գործածական են հարադրավոր բայերը՝ **աշքով անել, դաս առնել, մեջ ընկնել, խելքի բերել, կրկնավորները՝ կես-կես, ինչ-ինչ, քիչ-միշ, մանր-մունք,**

զուգադրական բայերը՝ Եփել-թափել, չափել-ձևել, տանել-բերել, ծել-ծաղկել, պատճառական հարադիր բայերը՝ ավել տալ, երգել տալ, բերել տալ:

Խոսակցական ոճի բառապաշարում հաճախակի գործածություն ունեն դարձվածքները՝ բերանը ջուր առնել, դանակը ոսկրին հասնել, բարբառային բառերը՝ կոչ գալ, դարուփոս, ջան, ժարգոնային բառերը՝ լովել - մնալ, խփնվել - իրեն կորցնել, ֆազերը գցել - խիստ բարկանալ, հոգնած - ձեռքից գնացած, ոչ պիտանի, հասարակաբանությունները՝ զահլա, ախմախ, թիթեգություն, օտարաբանությունները՝ զիբիլ, խաբար, արադ, դաստա, ոռչկա, պրոցես, կորպուս ևն: Երբեմն աղավաղվում է օտար բառի արտաքին տեսքը՝ հնչյունական կազմը՝ պեշենի, ցելաֆոն, մառոժնի, կուխնի: Կենցաղային առարկաների հայերեն անվանումների փոխարեն հաճախ գործածվում են դրանց օտարալեզու տարբերակները՝ զանավեսկա (վարագույր), վեդրո (դույլ), դուշ (ցնցուղ), մերել (կահույր): Վերջին շրջանում ակտիվացել է անգլերենից անցած բառերի գործածությունը՝ օքեյ (լավ), բայ (ցտեսություն), օֆիս (գրասենյակ), շեյփինգ (մարզանք):

Նորաբանությունները դժվարությամբ են մուտք գործում խոսակցական լեզու. նախապատվությունը տրվում է օտարաբանություններին՝ դեֆեկտ (\Rightarrow արատ), ռեկլամ (գովազդ), սայթ (կայք): Խոսելու պահին հաճախ ծնվում են դիպվածային բառեր՝ սովորելացավ, տոկոսախեղդ, սրճամոլ, կյանքակեր:

Երբեմն հաղորդակցման ժամանակ գործածվում են ավելորդաբանություններ, որոնք ծանրաբեռնում են խոսքը, օր.՝ նորից հետ վերադառնալ, վերև բարձրանալ, կրկին անզամ, քո ասածներդ, բազմիցս անզամ, հետ նահանջել ևն:

Բանավոր խոսքում շատ են կիրառվում նաև բառեր և արտահայտություններ, որոնք գործածվում են ժամանակ շահելու, խոսքի ընթացքում առաջացած դադարը լցնելու նպատակով՝ դե, բան, այ քեզ բան, ուրեմն, հետո, դե ինչ ասեմ, խոսքի, օրինակի համար, ասենք քե ևն:

Խոսակցական լեզուն համանշային տարբերակներից «նախընտրում է» խոսակցական բերականական ձևերն ու կազմությունները: Լեզվի միօրինակացման միտումը դրսեորվում է առաջին հերթին խոսակցական լեզվում: Զեաբանական տարբերակներ առաջանում են հենց այդ միտումի ազդեցությամբ. լեզվում գործող անկանոն շատ ձևեր կամ կաղապարներ դուրս են մղվում:

Հաճախ են կիրառվում ցուցական ու հարցական դերանունները, վերաբերականներն ու ձայնարկությունները: Ստացականություն արտահայտելու համար իմ, քո սեռական հոլովածների հետ շատ դեպքերում գործածվում են նույն իմաստն արտահայտող ս, դ հոդերը՝ իմ ընկերս, քո երգդ:

Հաճախակի են նաև ածականի և թվականի փոխանվանական կիրառությունները, օր՝ «Հինգը զնացին, չորսը մնացին», «Մեկից վատն ես, տասից՝ լավը», «Մեծերին լսել է պետք»: Բնորոշ է ածականի գերադրական աստիճանի՝ ամենա- և - գույն մասնիկների համատեղ գործածությունը՝ ամենալավագույն, ամենահինագույն:

Գոյականի ի հոլովումը, շատ դեպքերում գուգահեռաբար գործածվելով մյուս հոլովումների փոխարեն, աստիճանաբար լայն տարածում է ստանում՝ **ծագման - ծագումի, սկեսրոջ - սկեսուրի, անկյան - անկյունի:** Հաճախ են գործածվում հոլովական ձևերի անհնյունափոխ տարբերակներ՝ բժիշի, հովիտի, թռչունի, պտուղի, նարինջի: **Տատ, պապ, տղա, երեխա, ոչ ոք** բառերը սովորաբար -ու հոլովմամբ են հոլովում՝ **տատու, պապու, տղու, երեխու, ոչ ոքու:** Գործիական հոլովում -ք-ի փոխարեն հիմնականում կիրառվում է -ով վերջավորությունը՝ լայնությամբ - լայնությունով, ուսմամբ - ուսումով, հարթությամբ - հարթությունով, առաջացմամբ - առաջացումով ևն:

Տարածված են նաև հին հայերենից պահպանված -ք հոգնակերտի կիրառություններ՝ **քաղաքացիք, տղեք, երեխեք, աղջկեք:** Խոսակցականին հատուկ են հավաքական -ենք մասնիկով ձևերը (**Լուսիկենք, Հակոբենք, մամայենք**), -ք մասնիկի անկումով կազմված -ներ-ով հոգնակիները (**ոտներ, ձեռներ**): Գրական տարբերակներին գուգահեռ՝ խոսակցականում կիրառվում են նաև հոգնակի թվի հետևյալ ձևերը՝ **թմեր, աշխատավարձներ, հորաքույրներ:** Գործածական են նաև ստացական հոգնակի ձևերը՝ **աշքներս, ձեռքներս, ասելներս, գնալներդ:**

Քայական գուգաձևերից տարածված են կա՛մ խոսակցական կազմությունները (**ասեցի//ասի, բերի, տվի, դրի, թողի** ևն), կա՛մ պարզապես բարբառներից խոսակցականին անցած սխալ կազմությունները (**փախնել, թռնել, հելնել, վազացնել, ուտացնել, խոսալ, եռալ, գրի** (գրեցի իմաստով) ևն): Ամենից հաճախ գործածվում է բայի ներկա ժամանակը, երբեմն՝ այլ ժամանակների նշանակությամբ, օր՝ «Եկող տարի վերաբառնում եմ» (ապառնիի իմաստով), «Գնում եմ տուն. ի նշ տեսնեմ...» անցյալ ժամանակի իմաստով): Եզակի երրորդ դեմքում է օժանդակ բայի փոխարեն սովորական է ա-ի գործածությունը

(ասում ա, գրում ա): Զուգաձևերի առատությամբ աչքի են ընկնում հրամայականի ձևերը՝ գրի՝ թ-գրի՝, խոսի՝ թ-խոսա՛, բարձրացի՝ թ-բարձրացի՝, հազգրո՛ւ-հազգրա՛ են:

Առօրյա-խոսակցական լեզվում գերակշռում են շարահյուսական պարզ միավորները, հատկապես՝ թերի և միակազմ նախադասությունները, օր՝ «Բացատրեց. հասկացա», «Ցրտեց», «Լուսացավ»: Դրանք խոսքը դարձնում են ավելի սեղմ և դիպուկ:

Բաղադրյալ ստորոգյալի չէ հանգույցի փոխարեն գործածվում է չի-ն՝ «տանը չի», «պետք չի», «քնած չի»: Հաճախակի գործածություն ունեն եղանակավորող բառերով, ձայնարկություններով արտահայտված բառ-նախադասություններ՝ «Հա՛»: «Չէ՛»: «Ո՛»: «Գուցե»: «Իհարկե»:

Նախադասության անդամների շարադասության ընդունված կարգը հաճախ չի պահպանվում, և խոսղի համար առավել կարևոր բառը դրվում է նախադասության սկզբում՝ անկախ նախադասության մեջ նրա ունեցած պաշտոնից: Խոսքի սահուն ընթացքը հաճախ ընդմիջվում է միջանկյալ նախադասություններով, օր՝ «Վաղը, ես ուրախ եմ, պիտի գնաս գուող՝ ձերոնց մոտ», «Մենք մեկնում ենք, եղ մասին քեզ էի եմ ասել, հոկտեմբերին Միացյալ Նահանգներ»:

Բնորոշ են անշաղկապ նախադասությունները, որոնցում մեծ դեր է կատարում հնչերանգը՝ «Եթե՛ Գաս՝ կգնանք»: «Ասեց՝ (որ) քերելու ե»:

Նկատելի են ենթակայի և ստորոգյալի համաձայնության որոշ շեղումներ՝ «Քո ասածները ինձ ոգևորեց», «Մեծ ջանքեր պահանջվեց», «Նրա կեցվածքն ու պահվածքը անլուրջ թվաց»: Երբեմն ենթական և ստորոգյալը համաձայնում են ոչ թե քերականորեն, այլ ենթակայի արտահայտած իմաստով (բակառություն)՝ «Մի մասը հետ գնացին», «Ժողովուրդը հրապարակում հավաքվեցին»:

Խնդրառության առանձին դեպքերում զգալի է օտար լեզուների անմիջական ազդեցությունը՝ ծանոթանալ տեսարժան վայրերի հետ, նվազել դաշնամուրի վրա: Որոշ կապերի հետ անձնական դերանունների տրական հոլովի (ինձ, մեզ, քեզ, ձեզ) փոխարեն խոսակցականում համատարած գործածություն ունեն սեռական հոլովաձևերը՝ իմ մոտ, քո համար, մեր հետ, ձեր նման են: Ներգոյական հոլովաձևերին որոշ դեպքերում փոխարինում են սեռական հոլով+վրա կառուցները՝ հրապարակի վրա, խաշմերուկի վրա, փողոցի վրա, անկյունի վրա:

Շարահյուսական բնորոշ հատկանիշներից մեկը **խոնարհված քայ + բղձական եղանակի** բայալն (անորոշ դերբայի փոխարեն) կառուցների հաճախակի կիրառությունն է՝ **ուզում եմ ասեմ, վախենում եմ հանդիպեմ:**

Խոսակցական ոճն ունի ընդգծված **հուզարտահայտչական երանգ**. դրանով խոսողն ուզում է ներազդել խոսակցի վրա: Ունի որոշակի պատկերավորման համակարգ: Լայն կիրառություն ունեն՝ **փոխաբերությունը** («Ի՞նչ ես դատարկ-դատարկ խոսում»), **համեմատությունը** (շատ պես չարչարվել ամպի չափ սիրել), մակդիրը (անհամ խոսք, չուտվող մարդ), **փոխանունությունը** («Թումանյան շատ եմ սիրում»), **չափազանցությունը** («Գիշեր-ցերեկ աշխատում էր, քիթ սրբելու ժամանակ չուներ») ևն:

Խոսակցական լեզուն լի է թերի, անավարտ, լիովին չձևավորված, երբեմն նույնիսկ մի նախադասությունը մյուսի մեջ թափանցած կառուցներով: Խոսողը հաճախ ինքն է «ընդհատում» իրեն, լրացնում ասելիքը զանազան պարզաբանող բառերով, ավելադրություններով, և այս բոլորի հետևանքով նախադասությունների սահմանները հաճախ դառնում են անհստակ, անորոշ: Զեղչումների մեծ քանակը պայմանավորված է արտալեզվական գործոններով, իրադրությամբ: Քերականական զեղչումներից խոսակցականին հատուկ է հարակատար դերբայի զեղչումը, օր.՝ բրդից գործած գուլպա > բրդից գուլպա, կաշվից կարված ձեռնոց > կաշվից ձեռնոց, հավով եփած հարիսա > հավով հարիսա ևն:

Խոսակցական լեզուն հիմնականում **երկխոսական բնույթի** է: Շատ դեպքերում երկխոսության ընթացքում նախադասության կառուցքը անսիցականութեն պայմանավորվում է խոսակցի միջամտությամբ, նրա պատասխանով կամ նույնիսկ շարժումով: Նախադասությունները հաճախ կարող են արտահայտվել մեկ անդամով: Օր.՝ «Ա.- Ի՞նչ էր պատահել՝ չիր եկել: Բ.- Հիվանդ էի»: «Ա.- Որտեղից էսպես հոգնած: Բ.- Գործից»:

Կրկնությունների միջոցով շեշտվում, ընդգծվում է նախադասության որևէ անդամ կամ հատված, օր.՝ «Վերցրո՛ւ, վերցրո՛ւ, մի՛ ամաշիր»: Կրկնությունը համապատասխան հնչերանգի դեպքում խոսքին հետաքրքիր յուրահատկություն է հաղորդում, դառնում է հույզերի, ապրումների, տրամադրության, մասնավորապես զայրույթի, հուսահատության դրսնորման միջոց: Օր.՝ «Էղ գնալն էր, որ գնաց», «Ատելով ատում էր»:

Այսպիսով՝ խոսակցական լեզուն ունի իրեն հատուկ նորմավորված որոշակի համակարգ: Ի տարբերություն գրական լեզվի նորմի՝ խոսակցական լեզվի նորմը գիտակցաբար չի հաստատվում և չի հսկվում. շափանիշ է համարվում այն, ինչ հանդիպում է լեզվին տիրապետող շատ մարդկանց խոսքում:

Վարժություններ և առաջադրանքներ

1. Ո՞ր բառերն ու բառակապակցություններն են բնութագրում խոսակցական ոճը. ընդգծե՛ք:

Մշակվածություն, հնչերանգի կարևորություն, դերբայական դարձվածքների հաճախակի գործածություն, միօրինակություն, անկայունություն, միակազմ և թերի նախադասությունների բացակայություն, հարադրությունների գործածություն, ձգրտություն, ինքնարուխ բնույթ, տերմինների կիրառություն, շարժումների հաղորդակցական դեր, պատկերավորման միջոցների սահմանափակ գործածություն, երկխոսական բնույթ, խոսքի ավարտունություն, զեղչում, արտասանական նորմերի պահպանում, օտարարանությունների առատություն, շարադասության խախտումներ:

2. Գտե՛ք խոսակցական լեզվին բնորոշ տարրերը: Փորձե՛ք քրանք փոխարինել գրական ձևերով՝ տեքստը շարադրելով գրական լեզվի նորմերին համապատասխան:

ա) Աբովյան փողոցի ինտերնետ ակումբներից մեկում երկու օր առաջ աշխատանքի եմ ընդունվել որպես համակարգող: Բարեւում եմ գործընկերներիս, նստում կոմպի դիմաց: Շուտով շեֆի սենյակից մի աղջիկ է դուրս գալիս՝ հայցքն ուղղելով ինձ...

- Մի րոպե եկե՛ք սենյակ, հա՞:

Խառնված թողնում եմ կոմպը, հայելու դիմաց մի փոքր կարգի եմ բերում զգզգված մազերս, մտնում շեֆի սենյակ:

- Արտակ ախաբե՞ր, ո՞նց ես,- սուրճը ֆոթացնելով բարբաջում է երեսունին մոտ կոկիկ հազնված երիտասարդը:

- Մերսի, լավ...

- Ճիշտ ա, կարձ ժամկետ ա, որ աշխատում ես, բայց զոհ եմ,- շարունակում է շեֆը, սուրճի հետ վայելում է «Մոցարտ» կոնֆետը:

Ստամոքս կծկվում է: «Կիյուրասիրի երևի», - անցնում է մտքովս:

- Մի հատ նուրբ վիճակ ա ստեղծվել, զոհ եմ քեզանից, բայց եսօր ազատել եմ աշխատանքից...

Սիրտս խելահեղ արագություն է հավաքում.

-Պատճառ կա՞,- խուլ կծմծում եմ:

-Ախազե՞րս, մեր հարազատներից մեկը խնդրել ա, որ իրա քրոջ տղուն աշխատանքի տեղավորեմ, չեմ կարա մերժեմ, կարգին ախազեր ա, քո տեղն եմ նշանակել- ֆրոթ, կարծես ինձ է կլլում:

-Լավ, ոնց կասեք, ցտեսություն...

Բացում եմ դուռը, հետևից բացականչում է.

-Կանգնի՞, այ ախազեր,- դրամապանակից ճոճուան հինգիազարանց է հանում,- աշխատածդ փողը վերցրա՞ն, նոր զնա՞:

Վերցնում եմ, դուրս գալիս... (ԱՊ):

3. Տրված բառերից յուրաքանչյուրով կազմե՞ք երկուական նախադասություն՝ խոսակցական բառը հնարավորության դեպքում փոխարինելով գրական համարժեքով. բացատրե՞ք արտահայտչական տարրերությունները:

Ալարել, հավես, չոքել, զոռով, իրիկուն, ծլկել, թիթիզ, հանաք, զավզակ, շշկուել, մեջ ընկնել, ձեռ առնել, ցանցառ, նամուս, վոազել:

4. Գտե՞ք դարձվածքները և բարբառային տարրերը:

Ու հիմա, հիմա տարոնցի Խաչոն, Մաշտոցի հայրենակից Խաչոն ավելի շուտ Մամփրեի իմացած հայոց զրին է հավատում, քան իր որդու, քան իր թոռների:

- Օղորմի քու անուշ մոր, Մամփրե, սուրբ Մաշտոցի զրերն ի՞նչ տեսք ունեն, ու ի՞նչ բնույթ ունեն: Մեկ-երկու նմուշ պատկերե, Մամփրե:

Մամփրեն, որ գլուխկախ լսում էր Խաչոյին (փառք աստծո, ուրեմն գյուղում բոլորը չեն, որ իր արածը ընդունել են խենքություն), հիմա շտկվեց և ձեռքը տարավ զրպանը, որ ճամփից հավաքած թերթերից ընտրի զլիատառ զիրը և բացատրի, բայց միտքը փոխեց, գտավ մի կտոր ճիպոտ և ուղիղ մի զիծ քաշեց խոնավ գետնին:

- Էս ի՞նչ է, Խաչո:

Մշեցի Խաչոն երկմտեց, իսկ Անդարդ Ավեն ելավ-կանգնեց գծի գլխին և շտապեց՝

- Գիծ է: Հիմա ես ել գծեմ ու իմ պապի պապն ել զա ու գծե:

- Ճամբերե՞-, Խաչոն ձեռնափայտով քշեց Ավեին: - Նստի՞ր քու տեղն ու մեր արևն մի՛ ծրաբե:

- Հաշվենք, թե առու է, Խաչո: Առվակ: - Մամփրեն զիծը խորացրեց: - Առվակ է ու ոչ թե դաշտի առվակ, սարից իջվարող առվակ է՝ շիտակ ու բարակ ու զուլալ: - Եվ զուգահեռ գծեց: - Ու էս զուխտակ զուլալ առվակներն սարից կիջվա-

թեն ու կհանդիպեն ու կմիանան մեկ ավելի պստիկ առվակի՝ լանջն ի հետ գնացող: Էս է: - Մամիրեն ճիպոտով զուզահեռ առվակները միացրեց: - Միացա՞ն... թե միացան, թե առվակներն զարկվան իրար, ուրեմն ջուրն կշատանա, ուրեմն առվակներն կլցվեն ափեափ, ուրեմն հարկ է, որ մի տեղից ջուրն ձորթ տա... Էս է: Ուրեմն ձորթ կտա, քչիկ մի կերթա ու... ո՞ւ պետք է էրթա, Խաչո՛, սար է, չէ՛, ուրեմն կդառնա ու էսպէ ս կիշվորե: Էս էղավ, ուրեմն, սուրբ Մաշտոցի առաջին տարն ու մեծ տարն՝ Ա (ՄԳ):

5.4. ԳԵՂԱՐՎԵՍՏԱԿԱՆ ՈՃ⁴⁴

Գեղարվեստական լեզուն կամ ոճը գրական լեզվի մի տարբերակն է, որը ստեղծվում, զարգանում և անվերջ հարստանում է գրողների ստեղծագործությունների միջոցով: Այն ամենատարողունակն է և՝ բառապաշտի հարստությամբ, և՝ քերականական զուզաձևություններով, և՝ լեզվի ու պատկերավորման միջոցների գործածության բազմազանությամբ: Հատկանշական է, որ եթե գրական լեզվի նորմերի պահպանումը գործառական մյուս ոճերի դեպքում պարտադիր է, ապա գեղարվեստական լեզուն հաճախ է շեղվում ընդունված նորմերից:

Գեղարվեստական ոճին բնորոշ են.

- թեմատիկ բազմազանությունը և ոճական տարասեռությունը,
- արտահայտչական և պատկերավորման միջոցների լայն գործածությունը,
- հուզականությունը,
- ոչ կանոնական, հատկապես խոսակցական լեզվական միավորների գործածությունը,
- բանաստեղծական բառերի ու արտահայտությունների, անհատական փոխաբերությունների, դիպվածային բառերի հաճախակիությունը,
- տաղաչափական հնարքների կիրառումը չափածո խոսքում:

Գեղարվեստական լեզվի հարստությունն ու ինքնատիպությունը դրսնորվում են լեզվական բոլոր մակարդակներում: Որոշակի հնչյունական կազմ ունե-

⁴⁴ «Գեղարվեստական ոճ» բաժնի տեսական նյութը կրճատումներով և որոշ փոփոխություններով ներկայացվում է ըստ «Հայոց լեզու և խոսքի մշակույթ» դասագրքի համապատասխան բաժնի, հեղինակ՝ **Տեր-Մինասյան Ա.**: Տե՛ս և **Ավետիսյան Յու.** և այլք, Հայոց լեզու և խոսքի մշակույթ, Եր., 2016, էջ 349-370:

ցող բառերի միջոցով բանաստեղծության զգացմունքային կողմը ուժգնացնելու հնարանքը (բաղաձայնույթ կամ առձայնույթ) գեղարվեստական գրականության մեջ համեմատաբար քիչ է հանդիպում, օր.՝ «Աշնան մշուշում շշուկ ու շրջուն....» (Վ.Տ), «Հոգվույս դափ ու թմբուկի Կ'իջնե ծիծաղն այս գիշեր. Ծնծղաներու պէս ցնծուն Ծափ կը զարնեն իմ հուշեր» (ՄՄ),

Գեղարվեստական լեզուն գրական լեզվի մի տարրերակն է, սակայն, ի տարբերություն գործառական մյուս ոճերի, չկա բառապաշտի մի շերտ, որի գործածությունը այս ոճում բացառվի:

Համագործածական բառերը, որոնք ոճական առումով համեմատաբար չեզոք են, ենթարկվելով վարպետ արվեստագետի գրչին, գեղարվեստական ստեղծագործության տարրեր դրվագներում դրսնորում են իրենց ոճական արժեքը: Դրանց նոր իմաստ ու նրբերանգ հաղորդելու միջոցով գեղարվեստական խոսք կրելու արվեստը բնորոշ է բոլոր առաջնակարգ գրողներին, ինչպես օրինակ՝ «Երբ կու ծաղկի միտքս ու հոգիս, լեզուս իմ հանց պտուղ կու տայ» (Ֆ.ր.):

Գեղարվեստական լեզվի կարևոր արժանիքներից է բարի փոխարերական գործածությունը, որով խոսքը դառնում է առավել խորիմաստ և պատկերավոր: Հատկապես այս հնարանքի շնորհիվ են ստեղծվում գեղարվեստական լեզվի յուրօրինակությունն ապահովող պատկերավորման և արտահայտչական միջոցները:

Գրականության լեզուն ավելի ազատ է ու անկաշկանդ. գրողը միշտ է ձգտում է պահպանել լեզվի կենսունակությունը՝ գրական խոսքը հնարավորինս մոտեցնելով առօրյա-խոսակցական լեզվին: Գրական լեզվի զարգացման համար բառապաշտային ու քերականական ձևերի հարուստ գանձարան են բարբառները: **Ժողովրդախոսակցական, բարբառային, նույնիսկ ժարգոնային** բառերն ու արտահայտությունները գրողների կողմից երբեմն մտցվում են ստեղծագործություն՝ հերոսների խոսքային բնութագիրը տալու նպատակով⁴⁵: Հեղինակները կերպարների խոսքը առավել համոզիչ ու բնական դարձնելու նպատակով որոշ ներմուծումներ են կատարում բառապաշտի տարբեր, այդ թվում՝ բարբառային և խոսակցական շերտերից, որոնց կիրառությունը մեծ հմտություն է պահանջում: Օր.՝ «Մեր Անդրին անցկացած շաբաթը մի նամակ էր ուղարկել Վարշավու կողմերից...Լավ չի գրում. ասում է՝ Էս է մի ամիս է Ծմակի մեջ, գիշեր-ցերեկ թռփերը տրաքում են: Մինչև անգամ չու դուրս գալն էլ ա երկյուղալի» (Ա.Բ.):

⁴⁵ Տե՛ս Շահվերդյան Թ., Ոճագիտություն, Եր., 2010, էջ 133:

Պատմական թեմաներով գրված ստեղծագործություններում դարաշրջանի շունչն ու կոլորիտը վերարտադրելու համար, իրոք, նպատակային է երբեմն գործածել նաև **հնարանություններ**: Ըստ որում, հնարանություններից պատմաբառեր՝ ժամանակի ընթացքում գործածությունից դուրս եկած իրերի, առարկաների, պաշտոնների և այլ անվանումները (ատրուշան, նիզակ, քուրմ, սեպուհ), պատմականությանը նպաստում են ճանաչողական առումով, որովհետև դրանք ոչ թե գեղարվեստական պատկեր են կերտում, այլ մասնակցում են պատմական միջավայրի նկարագրությանը: Ուժականորեն առավել ակտիվ են **հնարաները**, որոնց գործածության շնորհիվ կերպարների խոսքը ինչ-ոչ չափով համահունչ է դառնում տվյալ պատմական ժամանակահատվածի լեզվին: Օր.՝ «Եվ արդ աշխարհակալ իմ հարևան, Ի հատուցումն ընծաներիդ առատության, Առ այս աքքատական ակնակութ գոտին» (ՆԶ):

Գեղարվեստական երկերի հեղինակների կողմից **նորակազմությունների** ստեղծումը բացառապես **անհատական** երևույթ է՝ միտված խոսքի նրբերանգային կողմերն ընդլայնելուն: Այդ բառերի գլխավոր առանձնահատկությունը բարիմաստային տարրունակությունն է, գրողի ասելիքը առավել հակիրճ, բայց խորիմաստ արտահայտելը: «Նոր բառի ստեղծման ժամանակ գրողի նպատակը ոչ թե գրական լեզուն հարստացնելն է, այլ զգացմունքը, միտքը անհրաժեշտ նրբերանգներով, ոճական պատշաճ որակով արտահայտելը»⁴⁶: Այս բնագավառում ստեղծված նորակազմությունների գերակշիռ մասը մնում է տվյալ ստեղծագործության էջերում՝ որպես **դիպվածային** նորաբանություն (ավարայրվել, հավերժավուժ, պատժանք, ամենահայր, սիրադուլ, վասականալ ևն), և միայն փոքր թվով բառեր, ժամանակի ընթացքում ուրիշների կողմից ևս գործածվելով, անցնում են գրական լեզվին:

Ուժական արժեք ունեցող քերականական իրողությունների մեծ մասը պայմանավորված է ձևաբանական զուգաձևություններին՝ տողերի հանգավորման ու բարեհնչունության համար: Թումանյանի տողերում բազմիցս հանդիպում ենք ձևաբանական զուգաձևություն ունեցող բառերի ժողովրդախոսակցական ձևերի՝ **տղերք** (տղաներ), **մարդին** (մարդուն), **գլխովը** (գլխով) ևն. «Սիրո՛ ևս տիկնայր,

⁴⁶ Մելքոնյան Ս., Ակնարկներ հայոց լեզվի ոճարանության, Եր., 1984, էջ 174:

զահե՛լ տղերք, Լա՛վ ուշ դրեք իմ խաղին», «Ո՞վ չի սիրում, թեկուզ դուշման, Լավ արարքը, լավ մարդին»: «Գլխովը շատ ամպեր կանցնեն...»:

Բանաստեղծական խոսքին անկրկնելի նրբերանգներ են հաղորդում գոյականական մակդիրները՝ **հրաշք** աղջիկ, **մանկության** երկինք, **արծաթ** անձրև, **քար** լոռություն և այլն. օր.՝ «Մըռնչալով ելավ տեղից, ին առյուծի առյուծ որդին» (ՀԹ): Գոյականը ոճավորման ինքնատիպ հումք է դարնում, երբ հոգնակի չունեցող բառը գործածվում է հոգնակի թվով: «Եթե ուզեն՝ արեգակներ կըշպրտեն երկինքն ի վեր, Եթե ուզեն՝ վա՛ր կրերեն երկինքներից արեգակներ...» (ԵԶ):

Գեղարվեստական խոսքի ոճավորման լայն հնարավորություններ ունեն հատկապես որակական **ածականները**՝ իրենց համեմատության աստիճաններով ու շարահյուսական բազմաբնույթ կիրառություններով. «Իմ սո՛ լրի Հայրենիք, Դու սրտիս մեջ ես....» (ՀՇ), «Իմ կույր հավատի աչքերն ել տեսան Գազանի մեջ մարդ...» (ՀՇ):

Ածականները հաջողությամբ կազմում են խոսքային հոմանիշներ և հականիշներ: Օր.՝ «Ների՛ր ինձ, դու իմ անզի՛ն, Իմ խելո՛ք և իմ համա՛ն, Հարկադիր այս ծիծաղի, Ու քարուն լացի համար» (ՀՍ). (**անզին**, **խելոք**, **համան** – խոսքային հոմանիշներ, **հարկադիր** - **քարուն** – խոսքային հականիշներ):

Ածականի ոճական արժեքը մեծ է նաև փոխանվանական կիրառություններում՝ «Դարեր գալիս, շարեր գալիս, Տենչում էին ալեկոծ, Իմ Սևանա ծովը խմել...» (ՀՇ):

Թվականները որոշ շափով ոճական արժեք են ստանում դարձվածքներում («Հասկացողին՝ մեկ, չհասկացողին՝ հազար ու մեկ», «յոթ սարից այն կողմ»), ժողովրդական ստեղծագործություններում և դրանց մշակումներում, որտեղ հաջողությամբ մասնակցում են շափազանցություն պարունակող դրվագների կառուցմանը: Օր.՝ «....Ու ցած իջավ Թուր-Կայծակին: Անցավ քառսուն գոմշի կաշին, Անցավ քառսուն քարերը ցած, Միջից կըտրեց ժանտ հըրեշին, Օխտը գագ էլ դենը գընաց» (ՀԹ):

Դերանունն ու մակրայք ևս ոճական որոշակի լիցքեր կարող են հաղորդել խոսքին՝ նրանց ընձեռած հնարավորություններից հմտորեն օգտվելու դեպքում. օր.՝ «Դու Հասարակ մի դերանուն, Դու՝ երկու տառ...» (ՊՍ), «Ես եմ, դու ես, ես ու դու, Գիշերում այս ոյութական, Մենք մենակ ենք՝ ես ու դու, Ես էլ դու եմ, ես չկամ...» (ՎՏ): «Արևոց հայերեն է ծագում, Ծառերդ հայերեն են ծաղկում,

Հայերեն են պայթում բառերդ:Չորերդ շնչում են **հայերեն**, Չոհերդ ննջում են **հայերեն**, **Հայերեն** են տանջում ցավերդ» (ՀՍ):

Բայը ևս ոճական մեծ արժեք է ձեռք բերում, երբ գործածվում է փոխաբերաբար՝ նպաստելով պատկերավորման տարրեր միջոցների (փոխաբերություն, համեմատություն, անձնավորում, չափազանցություն ևն) ձևավորմանը: Այսպես՝ «Գարուն էր: Չեկած ամառ՝ **Փուլ եկավ** երկնակամար: **Զյուն մաղեց** մեր բաց զիսին, **Զյուն մաղեց** կրակի պես» (ՊՍ): Խոսքին ուշագրավ ձևավորում են հաղորդում անորոշ դերբայով արտահայտված անդեմ նախադասությունները՝ «Ապրե՛ լ ապրե՛ լ այնպէ՛ ս ապրել, Որ սուրբ հոդի երբեք չզգա քո ավելորդ ծանրությունը...» (ՊՍ):

Գեղարվեստական ստեղծագործությունների ոճավորման գործում կարող են եւական դեր կատարել նախադասությունների ու բառակապակցությունների շրջուն շարադրասությունը, միակազմ նախադասությունների, ճարտասանական դարձույթների, ընդհատված խոսքի և այլ լեզվական միջոցների գործածությունները: Անդեմ նախադասությունների տպավորիչ օրինակներով հարուստ է Տերյանի քնարերգությունը, ինչպես՝ «Եվ այն վալսը՝ «Անդարձ ժամանակ», **Ծառուղին** ամայի պուրակում, Ե՛վ գիշեր, և՛ **համբույր**, և՛ **լուսնյակ**, Տաղտկալի, ձանձրալի պատմություն», «Մոռանա՛ լ, մոռանա՛ լ ամեն ինչ, Ամենին մոռանալ. Չսիրել, չխորհել, չափսսա՛ լ – Հեռանա՛ լ...»:

Շարահյուսական ոճավորման նրբերանգները հատկապես տեսանելի են ոչ պատմողական բնույթի՝ **հարցական**, **հրամայական**, **բացականչական** նախադասություններով կառույցներում: Ահա մի քանի օրինակ՝ «Ո՞վ ես դու, որ անզոր եմ քո դեմ» (Վ.Տ), «Մի՛ խառնեք մեզ ձեր վայրի արջի ցեղերին» (Վ.Տ), «Ճե՛յ ջան, հայրենի՛ք, ինչքա՞ն սիրուն ես...» (ԱԻ): Կարող են մեկ բարդ նախադասության մեջ միավորված լինել նշված հնչերանգային առանձնահատկություններով տարրեր նախադասություններ, ինչպես՝ «Ճեյ-հե՛յ, լսեցե՛ք, ձա՛յն տվեք իրար, Ամե՞նքդ եք արթուն, մարդ քնած չկա՞» (ԱԻ):

Յուրաքանչյուր արվեստագետ ունի իր գրելառձը, իր խոսքային կառույցները: Մեծ բանաստեղծների խոսքարվեստի յուրօրինակություններն այնքան ակնհայտ են, որ կարդալով կամ լսելով տակավին անծանոթ որևէ բանաստեղծություն՝ սովորաբար գուշակում ենք, թե ով է հեղինակը: Իհարկե, բանաստեղծական ոճը շատ հաճախ պայմանավորված է լեզվի զարգացման տվյալ փուլի յուրահատկություններով, տարրեր ստեղծագործությունների թեմատիկ, աշխարհայցքային և այլ հատկանիշներով: Սակայն նույնիսկ

այս հատկանիշների ընդհանրությունների դեպքում որոշակիորեն ուրվագծվում են հանձարեղ բանաստեղծների խոսքարվեստի նրբերանգները: Այսպես, Շիրազի «Հայոց հրաշքը» և Սևակի «Եվ այր մի՝ Մաշտոց անուն...» պոեմները տպագրվել են ոչ միայն հայոց լեզվի գարգաման նույն փուլում, այլև նույն՝ 1962 թ., երբ նշվում էր Մեսրոպ Մաշտոցի ծննդյան 1600-ամյակը: Երկու պոեմներում էլ կան հատկածներ, որտեղ հեղինակների աշխարհայցքային ըմբռնումները բացարձակապես նույնն են, ավելին՝ նույն համեմատություններով ու փոխարերություններով են բնութագրվում և՝ Մաշտոցը, և՝ հայոց գրերն ու նրանց դերը:

Ամեն տառդ հայ ազգապահ մի զինվոր է անմեռական,
Ամեն բառդ՝ հայոց մի գունդ, այբուբենդ՝ բանակն Հայկյան... (ՀՇ):

Քանզի քեզնով հայ մնացինք, քանզի քեզնով ենք ազգանում,
Քեզնով զինված էին հաղթում անթագակիր դարերն հայոց... (ՀՇ):

Եվ մենք՝ նրանով միշտ զինավառված...
...Անվերջ կրելով զարկեր ու հարված...
...Հաղթեցինք դաժան ժամանակներին... (ՊՍ):

Ըստ Էռլիյան գործ ունենք գրեթե նույն մտքերի բանաստեղծական ձևակերպման երկու տարբերակների հետ: Սակայն թեմայից բխող ընդհանրությունները չեն խանգարում զանազանելու երկու մեծ բանաստեղծների խոսքարվեստի նրբերանգները: Նրանց մոտ տարբեր են և՝ բառընտրությունն ու բառաշինությունը, և՝ տաղաչափական կառուցները, և՝ հատկապես բանաստեղծական պատկերի շարահյուսական ոճավորման նրբերանգները:

Գրողների ոճի ինքնատիպությունը տեսանելի է հատկապես բնապատկերներ կերտելիս: Այստեղ առավել հստակ է երևում, թե տվյալ արվեստագետը որ արտահայտչամիջոցների գուգորդությամբ է նախնտրում հասնել իր գեղագիտական նպատակադրումներին: Հայաստանի գետերի՝ Դեբեղի և Բասուտա գետի նկարագրությունները հրաշալիորեն տրված են թումանյանի և Բակունցի ստեղծագործություններում: Օր՝ «Իր նեղ հունի մեջ զալարվում է Բասուտա գետը: Ասես նրա սպիտակ փրփուրի տակ ոռնում են հազար գամփոներ և կրծում քարե շղթաները» (ԱԲ): «Գալարվում է զիժ Դեբեղը մոլի, Խելազար թռչում քարերի գլխով, Փրփուր է թքում անզուսապ երախով Ու զոռում զիժ-զիժ՝ վա՛ շ-վի՛ շ, վա՛ շ-վի՛ շ» (ՀԹ):

Չափածո երկերի համեմատությամբ էապես տարբեր են արձակի (հատկապես ծավալուն ժանրերի) ոճական առանձնահատկությունները. դրանք ավելի բազմազան են, որովհետև հերոսների կերպավորման գործում կարևոր դեր ունի նաև նրանցից յուրաքանչյուրի խոսքի ոճական անհատականացումը:

Գեղարվեստական գրականության լեզուն գրական լեզվի տարբերակներից մեկն է, որի առանձնահատկությունների ամբողջությունը կոչվում է գեղարվեստական ոճ: Սական յուրաքանչյուր գրող ունի նաև ի՞ր անհատական ոճը, որն իր հերթին նպաստում է գեղարվեստական գրականության լեզվի հարստացմանն ու զարգացմանը:

Վարժություններ ու առաջադրանքներ

1. Նշե՛ք գեղարվեստական ոճի առանձնահատկությունները: Ինչո՞վ է այն տարբերվում

- ա) գիտական ոճից,
- բ) պաշտոնական ոճից,
- գ) խոսակցական ոճից:

2. Տրված տեքստում գտե՛ք գեղարվեստական ոճին բնորոշ լեզվական տարբերը, ընդգծե՛ք պատկերավորման միջոցները:

- ա) Իմ ներսում ես ո՛չ ծով ունեմ, ո՛չ օվկիանոս, անծիր տարածությունների համար փակ եմ, երկնքում ու տիեզերքում լինելու ո՛չ հավես ունեմ, ո՛չ հավակնոտություն: Ես սիրում եմ, հողին կանգնած, երկնքին նայել, սիրում եմ աստղերը դիտել մեր ամառանցի կտուրից: Թող բոլորը մնան իրենց տեղում. երկինքը՝ երկինք, հողը՝ հող: Ես հոգուս մեջ ո՛չ ծով եմ պահում, ո՛չ օվկիանոս: Վաղուց հերիք է, իմ ներսի լայնարձակ ազատությունից հոգնել եմ, հոգնել եմ սրճարաններից, ակումբներից, մեղրածոր թխվածքներից, աղի ձողիկներից ու ջերմիներից, անիմաստ տվայտանքներից ու ճիգով ծիծաղելուց, թեթևամտությունից հոգնել եմ, հերիք եղավ: Ինձ դեմքս պատռող եզրեր են պետք, իրար մոտ գտնվող ափեր, ինձ ճեղք է պետք, կացնի դիպուկ հարված, սելավ է պետք, ավերակներ, գարնան ցեխ, ճիմ, դեպի բախումը պլացող ձյունախառն քարեր, նեղ բացվածք, որի մոտ կարող եմ գալ, կարող եմ առանձնանալ, մի քանի ժամ նստել, ուղղակի նայել, երկար նայել ու տեսնել երկու ափերը բաժանող եռքի դիմակահանդեսը (ԱՊ):

թ) Ես իմ ներսում ո՞չ ծով ունեմ, ո՞չ օվկիանոս, բայց գտել եմ իմ գալու տեղը, իմ սևեռումը, որ ծծլացող առու է, գետնի վրա դոնդողող խաղողի շիրա, ժամանակին եղել է, հիմա կա, հունը բետոնով ու երկաթներով փոխել են, նեղացած հոսում է քաղաքի ընդերքում, թափալ է գալիս, խաշվում, լուր զգլում: Ես գտել եմ նրան, օրվա վերջում գալիս եմ Խանջյանի մոտերքում դեռ պահպանված երակին ընդառաջ, մեքենաս կայանում եմ բազալտապատ քարե պատնեշի դիմաց, իջնում եմ, կանգնում պատնեշի շուրթին ու ցած նայում: Գետառը հոսում է կցկցված գալարներով, այնքան է նեղացել, որ բռումն հանգիստ կտեղավորվի, վտիտ աղջկա վտիտ թևի բարակություն է: Գալիս է դանդաղ ասես մեկը դավադրաբար բռնել է ոտքը, քաշում է մազերից, լեզվի մեջ կեռեր է միեւ, չի թռողնում՝ ապրի: Ես ո՞չ Եփրատն է, ո՞չ Տիգրիսը, ո՞չ Սևնն է, ո՞չ Թեմզան, ո՞չ Դանուբն է, ո՞չ Էլ Պոն... (ԱՊ):

3. Համեմատե՛ք տրված գիտական և գեղարվեստական տեքստերը, նշե՛ք հիմնական տարբերությունները:

1. ա) Արարատը հանգած հրաբխային մեկուսացած լեռնազանգված է Արարատյան դաշտի հարավում: Ունի երկու գագաթ՝ Սիս (3925 մ) և Մասիս (5165 մ): Մասիսը Հայկական լեռնաշխարհի ամենաբարձր գագաթն է, իսկ հարաբերական բարձրությամբ՝ ստորոտից մինչև գագաթ 4300 մ, աշխարհի ամենաբարձր լեռն է: Լեռան հիմքի մակերեսը գրավում է 1200 կմ² տարածք, պարագիծը 130 կմ է: Գագաթների միջև հեռավորությունը կազմում է 11500 մ: Մասիսը գտնվում է Հայկական լեռնաշխարհի ակտիվ երկրաշարժային շրջանում, ուստի և զերծ չի մնացել բնական աղետներից:

թ) Սքանչելիք է Արարատյան դաշտը: Մասիսը ուղղակի դիմացներս էր, այնպէս պարզ ու վճիռ էր, որ նրա ոտքերից մինչև գագաթը մեկ-մեկ կարելի էր դիմում: Մի հսկա սպիտակաբաշ առյուծի էր նման նա՝ նստած հետի ոտքերի վրա, ալեռոր գլուխը անդունդի մեջ, հանգիստ է, անվրդով: Աշնան քաղցր ու մեղմ արևը Մասիսի վերից վար և Արարատյան երկրի լայնքին ու երկայնքին իր տարածուն ծիրանին է փոել (ԱԻ):

2. ա) Հայտնի են արագիլների 20 տեսակներ, Հայաստանում՝ 2 տեսակ՝ սև և սպիտակ: Արագիլների ձախնալարերը հետզարգացած են, հաղորդակցվում են կափկափյուններով: Մարմնի կեցվածքը ուղղահայաց է, երկարությունը հասնում է 100–115 սմ-ի, թևերի բացվածքը՝ 155–165 սմ-ի, կենդանի զանգվածը՝ 4 կգ-ի:

Բույն հյուսում են ճյուղերից, խոտարույսերից ու լաթերից՝ գյուղական տների տանիքներին, ծառերի, աշտարակների, ժայռերի վրա, նույնիսկ էլեկտրասյուների ծայրերին: Դնում են երեքից յոթ ձու, ունենում երեքից հինգ ձագ: Արագիլները սնվում են միջատներով, ձկներով, երկկենցաղներով, սողուններով, մկներով, բույսերով:

թ) Մեր պարտեզի բարձր բարդու վրա, ուր ծառը երեք մեծ ճյուղերի էր բաժանվում, երկու արագիլ իրենց բույնն էին հյուսել, մի ամուր և մեծ բույն. այնպես որ արագիլները իրենց ձագուկներով հանգիստ տեղափորվում էին այնտեղ:

Ամեն գարուն՝ ձնծաղիկների երևալուն պես, զալիս էին արագիլները՝ այր ու կին. հսկա թևերը գյուղի վրա ծափ տալով և ուրախ-ուրախ լա՛կ-լա՛կ անելով՝ զալիս հանգչում էին իրենց վաղեմի բույնի վրա: Մի քիչ հանգստանալուց հետո սկսում էին աշխատել. թռչում էին, շյուղ, տաշեղ, փետուր գտնում-բերում ու բույնը կարկատում:

Մենք հետևում էինք արագիլների ամեն մի շարժմանը. մեկ տեսնում էինք, թե ինչպես էին ծնողները փոխնիփոխ դաշտ գնում, սնունդ ձարում ու բերում-կերակրում ձագերին, մեկ էլ տեսնում էինք, թե ինչպես հայրն ու մայրը, ձագերին թևերի վրա առած, թռչել էին սովորեցնում նրանց ճիշտ այնպես, ինչպես մեր մեծերը լողալ էին սովորեցնում մեզ գետի խորին տեղերում (ԱԻ):

4. Տեքստը վերաշարադրե՞ք գիտական ոճով:

Գարունը բացվել է, ծաղկել է արդեն տիեզերքի ամենահրաշալի ծաղիկներից մեկը՝ հնգաթերթ մանուշակը: Ասում են, որ ամռան սկզբին էլ է ծաղկում: Այստեղ մանուշակի տարբեր գույներ են աճում: Ալպիական այս չքնաղ ծաղկի ցողունը, այո՛, կաքավի ոտքի պես կարմիր է, ծաղիկը՝ ծիրանի գույն: Քարի մոտ է բուսնում ալպիական մանուշակը, պարիսպների տակ: Արևից քարերը տաքանում են, և երբ ամպերը ծածկում են քար ու պարիսպ, մանուշակը թեքվում է, գլուխը հենում քարին: Շուրջբոլորս հոգեկմա բույր ունեցող մանուշակներ են՝ հերթադիր ամբողջական տերևներով: Անտառները, թփուտները, մարգագետինները, նույնիսկ չոր, քարքարոտ վայրերը զարդարված են մանուշակների բազմաթույր բույլերով: Սքանչելի է ժայռերի ձեղքերում միայնակ աճող դեղնաթույր մանուշակը՝ սրտանման մուգ կանաչավուն տերևներով: Սյունյաց աշխարհի այդ նրբագեղ հրաշալիքի գեղեցկությունը չեն խամրեցնում ո՛չ ալպյան գոտու խճաքարերը, ո՛չ խոնավ լանջերի տամկությունը:

5.5. ԼՐԱԳՐԱՅԻՆ - ՀՐԱՊԱՐԱԿԱԽՈՍԱԿԱՆ ՈՃ

5.5.1. Զանգվածային լրատվամիջոցների լեզուն (245): 5.5.2. Գովազդի լեզուն (250): Վարժություններ և առաջադրանքներ (253):

Լրագրային-հրապարակախոսական ոճը գրական-գրքային ոճ է, որ հիմնականում ձևավորվում է հասարակական հարաբերությունների ոլորտում և սպասարկում է քաղաքական, տնտեսական, գաղափարական, մշակութային և այլ բնագավառներին, մասնավորապես պարբերական մամուլին, հրապարակային, բանավիճային ելույթներին ևն: Ցանկացած ոլորտի ցանկացած խնդիր կարող է դառնալ այդ ոճով ձևավորված խոսքի նյութ՝ բերելով իր հետ համապատասխան բառեր ու արտահայտություններ: Հրապարակախոսությանն առավել բնորոշ են հասարակական-քաղաքական, սոցիալական թեմաները, առօրյա լրատվությունը, մշակույթի, գիտության հանրամատչելի և հրատապ խնդիրները, մարզական նորությունները ևն: Ինչպես գործառական մյուս ոճերը, լրագրային-հրապարակախոսական ոճը ևս ունի իր ընդհանուր հատկանիշները.

- հաղորդող և ներգործող լեզվատարբերի գուգահեռ գործածությունը,
 - փաստարկման և ապացուցման եղանակների կիրառությունը,
 - խոսքի արտահայտչական և պատկերավորման միջոցների գործածությունը,
 - գնահատողական լեզվական միավորների կիրառումը,
 - խոսքի հուզականությունը,
 - ձարտասանական հնարքների գործածությունը,
 - թեմատիկ և ժանրային բազմազանությունը և դրանով պայմանավորված ոճական տարասեռությունը,
 - հատուկ բառապաշարի սակագությունը,
 - հանդիսավոր խոսքի հաճախակի կիրառությունը,
 - նվազագույն լեզվական միջոցներով առավելագույն տեղեկություն հաղորդելը:
- Հրապարակախոսական ոճի կիրառության ոլորտների բազմազանությամբ է պայմանավորված այդ ոճի տարբերակների կամ ենթառձերի բազմազանությունը:

5.5.1. ԶԱՆԳՎԱԾԱՅԻՆ ԼՐԱՏՎԱՍԻԶՈՒԵՐԻ ԼԵԶՈՒՆ⁴⁷

Զանգվածային լրատվամիջոցների նպատակն է որոշակի տեղեկատվությամբ ներազդել մարդկանց մտքի և զգացմունքների վրա, նրանց գործողություններին ցանկալի ընթացք տալ, հասարակական վերաբերմունք մշակել համագույն կարևորություն ունեցող խնդիրների նկատմամբ: Նկատի ունենալով զանգվածային լրատվամիջոցների բավականին մեծ դերը հասարակության վրա՝ մամուլը կոչում են նաև չորրորդ իշխանություն (առաջինը՝ օրենսդիր իշխանությունն է, երկրորդը՝ գործադիր, երրորդը՝ դատական համակարգը):

ԶԼՄ-ների հիմնական գործառույթներն են **հաղորդումը, քարոզությունը, ներգործումը**, որոնցով էլ պայմանավորված են ԶԼՄ-ների ընդհանուր հատկանիշներն ու լեզվառական յուրահատկությունները: Դրանք են՝

- 1. Թեմայի հրատապությունը.** լուրը պետք է հաղորդել անմիջապես, որպեսզի ուշագրավ լինի:
- 2. Հաղորդող և ներգործող լեզվատարրերի համատեղ գործածությունը.** գործակցվում են լեզվի տեղեկատվական և հուզարտահայտչական միջոցները:
- 3. Դրանում գրավոր և բանավոր կերպերը.** դրանք ընկած են ԶԼՄ-ների ենթառների առանձնացման հիմքում: Ըստ այդմ՝ տարբերում են երկու ենթառներ՝ պարբերական մամուլի և ռադիոհեռուստատեսության:
- 4. Հիմնականում մենախոսական բնույթը և չեղորությունը.** առանձին դեպքերում (հարցագրույց, բանավեճ) առկա է երկխոսություն կամ բազմախոսություն:
- 5. Լեզվական միջոցների տնտեսումը.** առավելագույն տեղեկույթի հաղորդում լեզվական ամենաքիչ միջոցներով:
- 6. Մատչելիությունը.** գրել որքան հնարավոր է պարզ լեզվով (բայց ոչ պարզունակ. դա վնասում է խոսքի ձգբրտությանը):
- 7. Գնահատողական լեզվատարրերի առկայությունը.** դա պայմանավորված է հասարակական շարժառիթներով:

⁴⁷ «Զանգվածային լրատվամիջոցների լեզուն» բաժնի տեսական նյութը կրճատումներով և որոշ փոփոխություններով ներկայացվում է ըստ «Հայոց լեզու և խոսքի մշակույթ» դասագրքի համապատասխան բաժնի, հեղինակ՝ Ներսիսյան Ն.: Տե՛ս Ավետիսյան Յու. և այլք, Հայոց լեզու և խոսքի մշակույթ, Եր., 2016, էջ 371-393:

8. Գրական և խոսակցական իրողությունների համատեղ գործածությունը. խոսակցական լեզվի ազդեցությունը զգայի է ռադիոհեռուստալեզվում և գեղարվեստական-հրապարակախոսական ժանրերում:

9. Գործառական մյուս ոճերին բնորոշ լեզվատարրերի կիրառությունը:

ԶԼՄ-ների բառապաշտը ընդհանուր առմամբ գրական-գրքային է: Ըստ գործածության հաճախականության՝ առանձնացվում են 1. **լրատուական** բառեր (**ա**) տեղ, ժամանակ, կոչում, պաշտոն նշանակող բառեր, անձնանուններ, թվականներ. պատասխանում են **որտե՞ղ, ե՞րբ, ո՞վ, ի՞նչ** հարցերին, ոճականորեն չեզոք են և չունեն գնահատողական երանգ, թե եղանակություն, գործողություն, շարժում ցույց տվող «շարքային» բառեր, ասացական բայեր՝ **հայտնել, տեղեկացնել** ևն), 2. **գնահատողական** (դրական՝ **ոգեշնչել, համերաշխություն, վսեմ**, և բացասական՝ **խեղկատակություն, զավթիչ, անհեռատես** ևն) **վերաբերմունք** արտահայտող բառեր, 3. **գաղափարակիր** բառեր (հասարակական-քաղաքական կյանքին վերաբերող՝ կուսակցություն, երկրապահ, **խորհրդարան** ևն), 4. **մասնագիտական** բառեր (բուն՝ **տերմինային նշանակությամբ** կամ փոխարեական իմաստով), 5. **կայուն կապակցություններ, կաղապարներ, դարձվածքներ, 6. համագործածական** բառեր:

ԶԼՄ-ների լեզվում **դարձվածքների** կիրառությունը պայմանավորված է ժանրով, նյութի բովանդակությամբ, ինչպես նաև լրագրողի վերաբերմունքով: Դարձվածքները խոսքին հաղորդում են անմիջականություն ու մտերմիկ երանգ, ասելիքը դարձնում պատկերավոր և սեղմ՝ հարկ եղած դեպքում ընդգծելով նաև լրագրողի վերաբերմունքը: Դարձվածքով արտահայտված վերնագիրը ուժեղացնում է ազդեցությունն ընթերցողի վրա, օր՝ «**Սիրտը պատգամավորներից չի կտրվում**», «**Եվրոպան լվանում է ձեռքերը**»: Լրատվամիջոցներով ոչ միայն տարածվում են լեզվում եղած դարձվածքները, այլև դրանց վերաբերում են նոր իմաստներ, կամ ստեղծվում են նորերը: Վերլուծական-հրապարակախոսական ժանրերում և վերնագրերում շատ են հանդիպում դարձվածքների փոփոխված տարբերակներ, ինչպես՝ «**Արջը երկրորդ երգը չսովորեց**», «**Ասա՝ ով է ընկերդ, ասեմ՝ ինչ վտանգներ են քեզ սպառնում**»:

Վերջին շրջանում հատկապես ռադիոհեռուստատեսային հաղորդումներում և լրագրային որոշ ժանրերում նկատելի է **հասարակաբանությունների, բարբառային և ժարգոնային** բառերի ոճական կիրառությունը՝ պայմանավորված խոսքին անմիջականություն հաղորդելու նկատառումով. օր՝ «**Մենակ է բիզ-**

նեսն ու չունի ընկեր. արդեն համարյա լրիվ **տակ տված յոլա է գնում», «Հանրահավաքի բազմամարդությունն այնքան են խորում հանրության աչքը, որ արդեն մարդկանց **զահլան գնում է»: Որքան էլ հեշտ է դրանցով ոճավորել խոսքը, այդուհանդերձ լրագրողը նշված բառաշերտերից պետք է օգտվի զգուշությամբ, դրանք ծառայեցնի ոճական նպատակների (վերապարի տիպականցում, միջավայրի ստեղծում) և չխաթարի նյութի բովանդակությունը:****

ԶԼՄ-ներում լայն կիրառություն ունեն **փոխառությունները**, հատկապես փոխառյալ նորաբանությունները. այս կարգի բառերը կիրառելիս լրագրողը պետք է հաշվի առնի լսարանը՝ ընտրելով առավել հարմար տարբերակը: Նույն ձևով պետք է վարվել նաև այն դեպքում, եթե հայերենը իր բառակազմական միջոցներով է ստեղծում նոր բառ՝ օտար բառի փոխարեն, օր.՝ **ստատուս** (կարգավիճակ), **լոգունգ** (կարգախոս), **մենթալիտետ** (մտածելակերպ, հոգեկերտվածք) ևն:

ԶԼՄ-ների լեզուն հեղեղված է **օտարաբանությունների** բոլոր տեսակներով (արտասանական, բառային, իմաստային և քերականական): Ի տարբերություն բառային օտարաբանությունների (մեղիա, մոբիլիզացիա, եքստրադիցիա, սայթ, չաթ, ինֆորմացիա, ռեֆերենտում, միտինգ, բանդա)՝ քերականական օտարաբանությունները անհարիր են մեր ազգային լեզվամտածողությանը, խարիստում են լեզվի քերականական կառուցվածքը, ինչպես՝ «Գնդապետն իր մոտ է», «Տոնախմբությունը կենտրոնական հրապարակի վրա է կայանում»:

Հնաբանությունները **ԶԼՄ-ների** տարբեր ենթառման ժանրերում ու ժանրերում գործածության տարբեր հաճախականություն ունեն, ոճական գունավորումը նույնպես տարբեր է: Եթե լրագրողի ասելիքը վերաբերում է անցյալին, ապա սրանք ստեղծում են բնականության պատրանք, օր.՝ **քանզի, վասն, լուս, հուսոն, թագավորաց, ցայսօր** ևն: Տեղեկատվական ժանրերում առավել տարածված են գրաբարյան նախդիրներով կապակցությունները (ի, առ, ց), որոնք խոսքին հաղորդում են հանդիսավորություն, ընդգծում են պաշտոնականությունը:

Նորաբանությունները բուն հրապարակախոսական ժանրերի անբաժան ուղեկիցներն են (աշխատակարգ, վեհաժողով, ցանցահեն, կայր, խոսնակ, առանձնազրույց, ձեպազրույց ևն), իսկ հեղինակային (դիպվածային) նորաբանություններով հարուստ են հատկապես այն ժանրերը, որոնցում լրագրողն ազատ է իր վերաբերմունքն արտահայտելիս, ինչպես՝ «Առաջիկայում սպա-

սենք **առնետավազքի», «Հայրենակիցները վայրենակիցների վերածվելու հակում ունեն»: Անհատական նորաբանությունները կարևոր դեր ունեն խոսքի սեղմության, լեզվի մեջ գործող խնայողության սկզբունքի դրսնորման առումով. հատկանիշներ, որոնք շատ կարևոր են հրապարակախոսության մեջ՝ գրանտակեր, օֆշորահարված, գովազդախեղող, բարեփողիչ, մտարոբիկ, չընտրություն, հանքահեն ևն:**

Լրագրային խոսքում խնայողության և սեղմության միջոց են նաև հապավումները, որոնք լրատվական որոշ ժանրերում ամենաշատ գործածվող բառերից են:

ԶԼՄ-ներում հաճախադիպ է նաև իմաստային նորաբանությունների գործածությունը, օր.՝ հարկային **արձակուրդ**, ճանապարհային **քարտեզ**, փաստաթորերի **փարեթ**, արժեթղթերի **շուլկա**, ճանապարհային **քարտեզ**, փողերի **լվացում**, բանկային **խողովակ**, **բափանցիկ** ընտրություն ևն:

ԶԼՄ-ների լեզվում ընդհանուր առմամբ պահպանվում են գրական լեզվի քերականական օրինաչափությունները: Խոսքի ձշությունն ապահովելու նպատակով քերականական նորմերի պահպանումը տեղեկատվական ժանրերում պարտադիր է, մյուս ժանրերում ընտրությունը պայմանավորված է լրագրողի անհատականությամբ:

Զևարանական իրողություններից ոճական գործածության հաճախականությամբ աչքի են ընկնում խոսակցական տարբերակները, օրինակ՝ «Ի՞նչ փառավոր տղերք կային մեր կողքին», «Տիրոջ հոգեբանություն պտի ունենաք, տենց պտի մեծանաք, դաստիարակվեք»: Տեղեկատվական ժանրերում հաճախ են գործածվում գրական-գրաբարյան քերականական գուգածելերը՝ ստեղծելով հանդիսավոր ոճ, օր.՝ «**Հրապարակավ ելույթ ունեցողները հերքցին այդ լուրերը**», «**Քաղաքական դաշտը վերածվել է «հաճախորդաց» տան»:**

ԶԼՄ-ների լեզվի շարահյուսական կառուցվածքը հիմնականում նորմատիվ է, շարադասությունը՝ կանոնական. առանձին ժանրերում, սակայն, ոճական նկատառումներով կարող է խախտվել գրական նորմը: Նյութի լեզվական ձևավորումը կատարվում է առաջին հերթին **երկլազմ** պատմողական նախադասություններով, որոնք տեղեկատվական ժանրերի լեզվական հիմքն են: Ընդհանուր առմամբ, լրատվության մեջ (լուրի գրառում) գերակշռում են պարզ **նախադասությունները**, որոնք եղելությունը, դեպքը արձանագրելու հիմնական միջոցներ են:

Դերբայական դարձվածով կառույցները, հատկապես՝ անորոշ դերբայի գործիական հղովով կազմվածները, խոսքը դարձնում են սեղմ, տարողունակ, ինչպես՝ «Մեկնաբանելով կատարվածը՝...», «Վստահեցնելով, որ հարցի լուծումը չեն ուշացնի՝....», «Այս ամենը համադրելով՝ կարող ենք արձանագրել....» ևն:

Զեղչված անդամներով նախադասությունները հաճախ են գործածվում որպես վերնագիր, օր՝ «Աշխատատեղեր՝ ազատամարտիկներին, ուազմամարտական կրթություն՝ երիտասարդներին», «Հանրահավաքից՝ ոստիկանություն» ևն: Նշված կառույցները գրավում են ընթերցողի ուշադրությունը:

Հաճախադիպեալ են բուն հարցական և **Ճարտասանական** հարցական նախադասություններով վերնագրերը, որոնք լարվածություն են ստեղծում, մեծացնում հետաքրքրությունը, ինչպես՝ «Մարզպետի նկարը մոնտաժված է», «Անհատի պաշտամունք ՈՒ-ո՞ւմ», «Նրա օրինակը կտարածվի՝ մյուսների վրա» ևն:

Անենթակա նախադասություններով շեշտվում է գործողության իմաստը. «Պարտադրում են ժողովրդին», «Զերբակալվածներին ինչ-որ տեղ տարան»: Դրանք խոսքին հաղորդում են դինամիզմ. գործածական են նաև տեղեկատվական նյութերում, ինչպես՝ «Կիսից հաղորդում են», «Դամասկոսից փոխանցում են» ևն: Հատկապես արդյունավետ է սրանց կիրառությունը վերնագրերում, օր՝ «Որտե՞ղ են լվանում փողերը», «Նրան ձերբակալել են օդանավակայանում»:

Անդեմ նախադասությունները խոսքին հաղորդում են սեղմություն և հուզականություն. դարձյալ հաճախ են հանդիպում վերնագրերում, օր՝ «Զանգվածների ոգևորությունը», «Ո՞ւմ հավատալ», «Ինչպե՞ս պարտվել «Եվրատեսիլ»-ում», «Ո՞ր հեծանիվն ընտրել»: Երկարաշունչ վերնագրերը կարող են ձանձրացնել ընթերցողին:

Պահպանելով նյութի հավաստիությունը, հրատապ լինելը՝ լրագրողը կարող է օգտվել գեղարվեստական ամենատարբեր հնարանքներից: Առավել գործածական են **մակդիրը, փոխարերությունը, համեմատությունը, փոխանունությունը, շրջատույթը**, որոնց միջոցով երևույթը, իրողությունը ներկայացվում են նոր ու անսովոր նրբերանգներով:

5.5.2. ԳՈՎԱԶԴԻ ԼԵԶՈՒՆ⁴⁸

Գովազդը հայտարարության յուրօրինակ տեսակ է, որը կատարում է երկու գործառույթ՝ **տեղեկատվական և ներգործման**: Դրանք փոխկապակցված են: Գովազդառուն շահագրգոված է ներգործման խնդրով, իսկ գովազդառուն՝ տեղեկատվությամբ:

Գովազդային տեքստ գրելը մեծ արվեստ է: Այն ունի իր պահանջները. քիչ բարերի միջոցով առավելագույն տեղեկույթ հաղորդել, կարողանալ հրապուրել սպառողին, վստահություն ներշնչել գովազդվող ապրանքի կամ ծառայության հանդեպ:

Գովազդները լինում են՝ ա) **տեսողական** (տպագիր գովազդ, լուսագովազդ, ֆոտոգովազդ են), բ) **լսողական** (ռադիոգովազդ), գ) **տեսալսողական** (հեռուստագովազդ, կինոգովազդ): Դրանց տարածման ուղիները բազմազան են՝ զանգվածային լրատվական միջոցներ՝ ռադիո, հեռուստատեսություն, պարբերական մամուլ, էլեկտրոնային լրատվամիջոցներ, կայքեր, պաստառային գովազդներ՝ տեղեկատվական վահանակներ, խոշորածավալ պաստառներ, որոնք ամրացված են սյուների վրա կամ կախովի են, պլանշետային (պատկերներ, որոնք հաջորդաբար փոխվում են էլեկտրաշարժիչի օգնությամբ), խանութների ցուցատախտակներ, լուսատախտակներ, վազող տողեր, առձեռն տրվող գովազդ (քերթեր, թոռուցիկներ, հուշանվերներ, խանութներում տրվող զանազան ապրանքներ) ևն:

Գովազդային տեքստերը հաջողված են համարվում, եթե ունեն հստակ կառուցվածք: Սովորաբար տեքստը բաժանվում է երեք մասի՝ **առաջին** մաս, **հիմնական** մաս և **եզրափակիչ** մաս: Առաջին մասը գովազդային ուղերձի կարգախոսն է. այն ապահովում է գովազդի ներգործուն ուժը՝ ձևակերպելով ապրանքի անվանումը: Օր՝ «Colgate» ատամի մածուկ, «Ariel» լվացքի փոշի, «Գուլպին» բուրմեյքերական ցանց ևն: Հիմնական մասը ամբողջական տեղեկատվություն է ապրանքի կամ ծառայության մասին. այստեղ ածականների և բայերի միջոցով նկարագրվում է ապրանքը. օր՝ ատամի մածուկի գովազդում՝ «Ատամների գերազանց մաքրում: Սպիտակեցնում է ատամները...»: Գովազդի արդյունավետությունը մեծ չափով պայմանավորված է հիմնական մասի բովանդակությամբ: Եզրափակիչ մասը (որտեղ կարող են տրվել հեռա-

⁴⁸ «Գովազդի լեզուն» բաժնի տեսական նյութը որոշ կրճատումներով ներկայացվում է ըստ «Հայոց լեզու և խոսքի մշակույթ» դասագրքի համապատասխան բաժնի, հեղինակ՝ **Աղիկանյան Ա.**: Տե՛ս **Ավետիսյան Յուլ.** և այլք, Հայոց լեզու և խոսքի մշակույթ, Եր., 2016, էջ 394-403:

խոսի համար(ներ)ը և հասցեն) կարգախոսի և հիմնական մասի օգնությամբ ձևավորում է դրական վերաբերմունք ու պոտենցիալ սպառողին մղում համապատասխան «վերաբերմունքի»:

Գովազդային տեքստերի լեզուն պետք է լինի պարզ, հստակ: Լեզվական կամ խոսքային ուղերձները կարող են ուղեկցվել արտալեզվական միջոցներով՝ շարժումներ, գունային երանգներ, գրազարդումներ, նկարներ, երաժշտություն և այլն:

Բանավոր խոսքում կարևորվում է հնչերանգի, շեշտի, առողանության դերը: **Դադարը** առավել կարևոր դեր է կատարում հեռուստագովազդում. այն հեռուստադիտողին հնարավորություն է տալիս ուշադրություն դարձնելու այս կամ այն լեզվատարրի վրա, օր.՝ «Քե՛զ համար, ա՛յս ամառ: Միայն հիսո՞ւն օր, միայն ա՛յս ամառ»: Զայնի ռիթմը, ելսէջումը, խոսքի արագությունը և նման այլ միջոցներ տեղին և նպատակային գործածվելիս մեծ չափով մեծացնում են գովազդի ազդեցությունը:

Գովազդային տեքստերի **բառապաշարը** ներառում է թե՛ գրական, թե՛ խոսակցական ու ժարգոնային բառեր: Գրական բառապաշարով կազմված տեքստերը լայնորեն տարածված են և հաջողություն են բերում գովազդատուններին: Նպատակահարմար չէ գովազդային տեքստերից խոսակցական բառերի իսպառ բացառումը, քանի որ դրանց միջոցով կարելի է անմիջաբար ազդել մարդու տրամադրվածության վրա և գովազդը դարձնել ավելի ընկալելի: Հարկ է խուսափել ժարգոնային բառերով տեքստեր մատուցելուց. դրանք շատ արագ յուրացվում են հատկապես դեռահասների կողմից և խաթարում են նրանց լեզվամտածողությունը: Բարեբախտաբար, վերջին տասնամյակում ժարգոնային բառերով կազմված տեքստերը էապես նվազել են:

Գովազդներում հաճախ գործածվում են նաև **դիպվածային նորաբանություններ**, ինչպես՝ «Մի՛ հապաղիր, սմիկերսի՛ր», տերմիններ, որոնց կիրառությունը հիմնականում պայմանավորված է գիտության ու տեխնիկայի վերջին նվաճումները հասարակությանը ներկայացնելու հանգամանքով՝ **դիզայն, պլանշետ, աքսեսուար, սմարթֆոն, մալուխ, ինտերիեր, ֆաստ կրեդիտ** և այլն:

Գովազդային տեքստերի բառապաշարում առանձնակի տեղ են գրավում **օտար բառերը**. դրանք հիմնականում ապրանքանիշի կամ ծառայությունների անվանումներ են: Անշուշտ, օտար բառերի չարաշահումը դժվարացնում է գովազդային տեքստերի ընկալումը, սակայն դրանց տեղին գործածությունը

Ճևավորում է գնահատողական վերաբերմունք, որը շատ անհրաժեշտ է գովազդատուին, օր.՝ բրենդային բուտիկ, իդեալական մաքրություն, օրիգինալ պայուսակներ ևն:

Գովազդային տեքստերում ամենից հաճախ գործածվում են գոյականները, որովհետև գովազդը պահանջում է մեծաքանակ ապրանքների ու ծառայությունների անվանումներ: Գոյականների գործածության շնորհիվ կարելի է համապատասխան եզրակացություն անել ներմուծվող կամ արտադրվող ապրանքների տեսականու, մատուցվող ծառայությունների մասին:

Ածականն անմիջապես բնութագրում է առարկան, երևույթը՝ նպաստելով տեքստի սեղմությանն ու հակիրճությանը, օր.՝ «աննախադեպ, շշմեցուցիչ զեղչեր», «հարմարավետ համարներ», «շքեղ լողավազաններ», «անկրկնելի արդյունք» ևն:

Դերանունների միջոցով մի տեսակ անմիջական կապ է հաստատվում գովազդատուի և ունկնդրի կամ ակնդրի միջնորդությամբ: «Դու կապ ունես», «Միացե՛ք իրար սուպեր գնով»:

Մեծ է նաև **բայերի** դերը: Կան հանգուցային բայեր, որոնք առաջարկում, խրախուսում կամ բնութագրում են որևէ ապրանք կամ ծառայություն: Այդ բայերից են՝ հիշել, խոսել, հոգալ, վայելել, երավիրել, դիմել, զանգահարել, առաջարկել, գնել: Օր.՝ «Խաղացե՛ք ու շահե՛ք», «Շտապե՛ք, միացե՛ք բազմամասիքային հեռախոսահամարին»:

Գովազդային տեքստերում հաճախ են գործածվում նաև **թվականներ**, որոնք մատնանշում են առարկաների թիվը, քանակը, կարգը, որևէ իրադարձության ժամանակը կամ վայրը: Օր.՝ «....Դեկտեմբերի 17-ից 40% զեղչ», «Ստացե՛ք թարեկան մինչև 12,5% տոկոսադրույթով կայուն եկամուտ»:

Գովազդային տեքստերը կառուցվում են հիմնականում **անվանական անդեմ նախադասություններով՝ «Արարատ: Զգացմունք բացահայտող պահեր»**, «**Միզ: Արագ միջոց ցավի դեմ**». դրանք խոսքին հաղորդում են սեղմություն և արագություն:

Տեքստին հուզականություն հաղորդելու նպատակով գովազդներում գործածվում են ոճական-արտահայտչական միջոցներ, որոնք անմիջականորեն ազդում են մարդու ոչ միայն մտքի, այլև զգայական աշխարհի վրա: Ամենագործածականը **բառային կրկնությունն** է: Այն ապահովում է գովազդի ազդեցույթունը մարդու ենթագիտակցության վրա: Օր.՝ «Միայն թարմ, միայն հկոլ-

զիապես մաքուր չըեղեն», «**Ոսկե** ժառանգություն **ոսկե** ակնթարթների համար»:

Մեծ է նաև **մակդիրի** դերը (**ոսկեշող** խաղող, **արեարույր** կոնյակ, **խելահեղ** շահում ևն). իր բնութագրական որակներով և պատկերավորությամբ այն հրապուրում է սպառողին: **Շարադասությունը** ևս գովազդներում մեծ նշանակություն ունի: Շարադասական խախտումները անմիտ ու անհեթեթ են դարձնում գովազդը, ինչպես՝ «Աշխարհահոչակ ֆրանսիական մազերի ներկեր», «Աննախաղեալ ամանորյա զեղչեր», «Ամբողջ տղամարդկանց տեսականին 70% զեղչ»:

Քանի որ գովազդները նախատեսված են հասարակության լայն խավերի համար, ուստի գովազդային տեքստերում անշռույլատրելի են լեզվական սխալները. դրանք ազդում են մարդկանց ոչ միայն ենթագիտակցության, այլև հոգեբանության վրա: Բոլոր դեպքերում գովազդի հաջողության գրավականը տեքստի հաջողված բովանդակությունն ու մատուցման եղանակն են:

Վարժություններ և առաջադրանքներ

1. ԶԼՄ-ներին, մասնավորապես մամուլին բնորոշ ո՞ր հատկանիշները կառանձնացնեք՝

- ա)** դիպլածային, ժարգոնային, բարբառային, օտար բառերի գործածություն,
- բ)** զիտարառերի գործածություն,
- գ)** կաղապարային արտահայտությունների կիրառություն,
- դ)** լրատվության և մեկնաբանության սահմանազատում,
- ե)** ոեպորտաժներում սեփական մեկնաբանությունների և դատողությունների ներառում,
- գ)** նյութի ճշգրտություն և բազմակողմանիություն,
- ե)** պիտակավորումից և վիրավորական արտահայտություններից զերծ մնալու վարքականոնի պահպանում,
- ը)** քաղաքական անկախ դիրքորոշում:

2. Փոփոխությունների ենթարկելով տրված դարձվածքներն ու թևավոր խոսքը՝ գործածե՛ք իրեն վերնազրեք:

Եկա, տեսա, հաղթեցի; զրոյի հավասարեցնել, սատանի ձին նստել, շունը տիրոջը չճանաչել, երկու քարի արանքում, յուղոտ պատառ, Սիզիփոսի աշխատանք, պղտոր ջրում ձուկ որսալ, դուդուկի տակ պարել, հողմաղացների դեմ կովել, քարից հաց քամել, փակազգերը բացել, ջրի գին:

3. Տեքստերում գտնե՛ք ԶԼՄ-ների լեզվին հատուկ բառապաշտային իրողությունները:

ա) Կառավարությունը 2016 թ.-ը հայտարարել է հավասար հնարավորությունների տարի:

Այս տարի նախատեսվում է հաշմանդամություն ունեցող երեխաների համար անհրաժեշտ պայմաններ ստեղծել ևս 20 միջնակարգ դպրոցներում: Ներկայումս հանրապետությունում գործում է ներառական կրթություն ապահովող շուրջ 150 դպրոց: Մինչև 2022 թ.-ը ծրագրվում է ստեղծել համընդհանուր ներառական կրթության համակարգ: ՀԿ-ների ներկայացուցիչները կարծում են, որ արդեն ժամանակն է շեշտը դնելու հաշմանդամություն ունեցող անձանց մասնագիտական կրթության վրա: Անհրաժեշտ է նկատի ունենալ, որ հաշմանդամը միայն անվասայլակով մարդու չէ: Հաշմանդամը կարող է ունենալ ոչ միայն ֆիզիկական, այլև մտավոր կամ հոգեկան խնդիրներ, ուստի և հավասարապես պետք է բավարարվեն նաև կողմնորոշվելու խնդիր ունեցող մարդկանց կարիքները: Սոցիալական պատրոնաժի խնդիրը ևս բավականին կարևոր է: Հասարակությունը դեռևս աչք է փակում այս խնդիրի լուծման վրա, այնինչ անհրաժեշտ է, որ երեխաները, ծնողներից բացի, նաև այլ խնամակալ-ուղեկցողներ ունենան հասարակության մեջ:

բ) Արվեստագետները ևս միացել են հին շենքերը քանդելու դեմ բողոքին. «Մեր հստակ պահանջն է՝ դադարեցնել պատմամշակութային հուշարձանների շարունակական ոչնչացումն ու որդեգրել դրանց պահպանման, խնամքի և մշակութային ժառանգության վերականգնման պետական քաղաքականություն», - ասվում է «Քաղաքացիական պահանջազրի» մեջ: Որոշ արվեստագետներ նույնպես միացել են այդ պահանջազրին և կոչ են անում դադարեցնել Երևան քաղաքում հին շենքերը քանդելու գործընթացը:

Լրագրողների հետ հանդիպած արվեստագետները ներկայացրին իրենց տեսակետները:

«Մարդիկ կենտրոնը սարքել են շենքերի կույտ, որտեղ ոչ ոք չի կ բնակվում: Աքովյանի վրա գտնվող հրշեցների շենքի ճարտարապետը Երևանի առաջին ճարտարապետ Նիկողայոս Բունիաթյանն է եղել, ու հիմա որոշել են քանդել այդ շենքը: Երևանը խուզ գոտիից եկած աղջկա է հիշեցնում, որը 3 կգ շպար է դեմքին ծեփել և իրեն թվում է՝ դա է գեղեցկությունը: Ո՛չ, գեղեցկությունը պարզության մեջ է», - ասաց երգիչ-երգահան Լիլիթ Պիպոյանը:

«Երևանը կենդանի օրգանիզմ է, որը կարուտում է, հիասթափվում, սիրում ու նեղանում: Երևանը, ինչպես Ֆորշն է ասում, տուն ու շենք չենք, Երևանը մենք ենք: Այսօր մեր քաղաքը թիկունքի կարիք ունի, և եթե չկարողանանք հենց այսօր պաշտպանել քաղաքը, մեր՝ այստեղ մնալն էլ ի՞նչ արժեք ունի: Քաղաքի դիմանկարը հիմա աղավաղված է, և ոչ թե քաղաքաշինությամբ են հիմա զբաղված, այլ շենքաշինությամբ», - ասաց դերասան Միքայել Պողոսյանը:

գ) ԱՄՆ-ում գտնվող այս վայրը միակն է, որտեղ ձկներն անցնում են ճանապարհը: Ամեն տարի սաղմոններն արգելափակում են Վաշինգտոն նահանգի երթենեկությունը: Վաշինգտոնում գտնվող Սրորումիշ-Վելլի Ռոռուդը երկկողմանի փողոց է, որտեղով անցնում են մեքենաները: Բայց նոյեմբերին ճանապարհը լցվում է ձկներով, որոնք դուրս են գալիս մոտակա Սրորումիշ գետից և հատում ճանապարհը: Սա դարձել է ամենամյա միջոցառման պես մի բան, որն անվանում են «Սաղմոնի վազը»:

Վարորդների համար նույնիսկ ճանապարհային նշան կա. «Զգուշացե՛ք. դանդաղ և ուշադի՛ր վարեք, ձուկն անցնում է ճանապարհը»: «Սա հազվագյուտ երևույթ է, այն տեղի է ունենում զրեթե ամեն տարի նույն վայրում», - ասում է Վաշինգտոնի՝ ձկների և վայրի բնության դեպարտամենտի վերլուծաբան Ահարոն Դուֆալուն:

Վերլուծաբանի խոսքով՝ ձկները ճանապարհին են հայտնվում մոտակա ձկնաբուծարանից, որտեղ նրանց բուծում են և բաց թողնում գետերը: Սակայն ձկներից շատերը շեղվում են բուն ճանապարհից. որոշ սաղմոններ վերադարձնում են գետը, բայց մեծ մասը սատկում է դաշտերում՝ դառնալով պարարտանյութ կամ սնունդ:

Հատկանշական է, որ Հուդի ջրանցքով «ճանապարհորդող» սաղմոնի մի տեսակը նշվում է որպես «վերացման վտանգի տակ» գտնվող ձկնատեսակ:

4. Ոճական և խմաստային ի՞նչ երանգ են խոսքին հաղորդում մամուլում գործածվող ժարգոնային, խոսակցական բառերը: Քննարկե՛ք բերված օրինակները:

- ա) Հանրապետական թեկնածուն «քլնգում» է Հ. Քլինթոնին:**
- բ) Քաղաքական որոշ անառողջ ուժեր գողական սխողկաների միջոցով են փորձում հարցեր լուծել և զրադարձ են մուտիլովկաներով և ռազբողկաներով:**
- գ) Որոշ այսպես կոչված «գործարար» պաշտոնավորներ կարողացան գործ «կացնել» արտասահմանյան ընկերությունների հետ:**
- դ) Երկրի այսօրվա տնտեսական վատթար իրավիճակի անմիջական պատասխանատու որոշ պաշտոնյաներ կարողացան ձիշտ ժամանակին «թռնել» հանրապետությունից:**
- ե) «Ազգընտիր» որոշ պատգամավորներ հավես չունեն հանրաքվեի արդյունքների մասին խոսելու:**
- զ) Կառավարությունն ու ՀԷՅ-ը «քցում» են ժողովրդին. սպառողներն ահազանգում են:**
- է) Մոցիալապես անսապահով խավը մի կերպ յուա է գնում չնչին նպաստներով:**
- ը) Կոպիտ ասած՝ Վ. Ժիրինովսկու և նմանների հակաթուրքական հայտարարությունները մեզ կուտ են տալիս և, անկեղծ ասած, դժվար է լինելու այդ կտից հրաժարվելը:**
- թ) Ֆեյքերի ինստիտուտը կատարյալ է. մարդն իրական է, բայց իր փոխարեն գրում, մեկնաբանում ու սպառնում են:**
- ժ) Հաքերները կոտրել են մի քանի կայքեր:**
- Ժա) ՀՀ կառավարությունը գնում է «վա բանկ». տնտեսական հետևանքները երկրի համար անկանխատեսելի են:**
- 5. Գտե՛ք դիպվածային բառերը: Ի՞նչ նպատակով են դրանք ստեղծվել:**
- ա) Այսօր համացանցում կարելի է գտնել բազմաթիվ նոր կայքեր, որտեղ դժբախտակից ընկերները միմյանց օգնում են տարբեր հարցերում:**
- բ) Մեր ազգի մեծ մասը համարանացավ է ընկել. բոլորն ուզում են, որ իրենց երեխան բարձրագույն կրթություն ստանա:**

գ) Ինչպե՞ս են Հայաստանում աստղ կամ աստղուի դառնում. մեկնարանում է Վահրամ Սահակյանը:

դ) Պաթոսահայ է կոչվում ողբահայի և մուննաթահայի քնարերգական սիմֆիոզը:

ե) Ֆեյսբուքահայերի ու ֆեյսբուքահայուհիների մեջ քիչ չեն լատինատառ կամ կիրիլիցայով գրողները, որոնք միշտ «խոր են առ հօգ հայ են»:

զ) . . . Գլուխ ընկա, որ «Նախի» բառը ոչ թե գոյական է, այլ եթե միայն կարելի է քերականության մեջ այսպես ասել, մազութիհամոյական (ԵԶ):

Է) Ումանց լեզվաբուժարան է պետք ուղարկել:

ը) Մեր պաշտոնական ոճը հայերեն չէ, բյուրոկրատերեն է:

6. Վերականգնե՞ք փոփոխված դարձվածքների սկզբնաձևերը. ինքներդ քերե՞ք նման օրինակներ.

ոտքը թոշակի չափ մեկնել -

ոուսական մուրճի և արևմտյան սալի արանքում -

արաբների ձեռքով Սիրիայից շագանակներ հանել -

խելքը սև խավիարի հետ ուտել -

վարկաբեկված դեմքը փրկել -

երկու տնտեսվարողների արանքում -

ոտքը սեփական կուսակցության վերմակի չափով մեկնել -

7. Գրե՞ք հոդված հետևյալ թեմաներից մեկով.

ա) «Երիտասարդությունը և հասարակությունը. իրավունքներ ու պարտականություններ»,

բ) «Նոր տեխնոլոգիաների դերը կրթության ոլորտում»,

գ) «Արտերկրում կրթություն ստանալու շարժառիթները»,

դ) «Ինչո՞ւ ընտրել մաթեմատիկա (Փիզիկա, կենսաբանություն, քիմիա ևն) մասնագիտությունը»:

8. Օգտվելով համացանցից՝ շարունակե՞ք և ավարտե՞ք հայերի կողմից կատարված հայտնագործությունների մասին հոդվածները. վերնագրե՞ք դրանք:

1. Հայազգի Մայր Տէր-Պետրոսյանը (1925-1996 թթ.)՝ ամերիկահայ Փիզիկոս, պողիտրոնային ճառագայթային տումոգրաֆիայի հայտնագործողներից մեկը.....

2. Ռեյմոնդ Վահան Դամայյան. գյուտարար, ով հայտնագործել է մազնիսական ռեզոնանսային պատկերի ախտորոշման սարքը....
3. Բանկումատի գյուտարար Լյուտեր Չորջ Սիմիջյանը, ով ունի ավելի քան 200 գյուտի հավաստագիր
4. Գերհամակարգչի առաջատար մասնագետ Բորիս Արտաշեսի Բաբայանը՝ եվրոպական գիտնականներից առաջինը, ով ստացել է Intel Fellow կոչումը....
5. Մեքենաների ապակիների մաքրման խոզանակների և այլ գյուտերի հեղինակ Արտաշես Հայկանյանը, որը ստեղծել է առաջին պլաստիկ կոնսեյները....
6. Արտեմ Միկոյանը՝ ՄԻԳ ինքնաթիռների ստեղծողը,
7. Հովսեփ Աղամյանը՝ սև ու սպիտակ և գունավոր հեռուստացույցների, ինչպես նաև առաջին տեսանվագարկչի հեղինակը....
8. Քրիստոֆեր Տեր-Սերոբյանը, ով ստեղծել է ամերիկյան դոլարի կանաչ գույնը, որը....
- 9. Նշված հատկանիշներից որո՞նք են բնորոշ համացանցային լեզվին.**

բարդ ստորադասական նախադասություններ, հապավումներ, գրաբարյան քարացած ձևեր, համառոտագրություններ, ժարգոնային բառեր, նորաբանություններ, հնաբանություններ, միակազմ նախադասություններ, ճարտասանական հարց, օտարաբանություններ, բանաստեղծական բառապաշար:

10. Որո՞նք են, ըստ ձեզ, համացանցում հայերենը լատինատառ (կամ որևէ այլ լեզվի այբուբենով) գրելու պատճառները՝

 - ա) ծովանում են փոխել լեզուն,
 - բ) լատինատառն ավելի հարմար է և արագ,
 - գ) լատինատառ գրելիս տառասխալները չեն երևում,
 - դ) հայատառ գրելու տեխնիկական հնարավորություն չկա,
 - ե) այլ պատասխան:

11. Եթե ընտրել եք նախորդ վարժության 2-րդ տարրերակը, հիմնավորե՛ք ձեր պատասխանը:

12. Գովազդի ի՞նչ տեսակներ գիտեք: Ո՞ր տեսակն է ավելի շատ ներգործում ձեզ վրա և ինչո՞ւ:

13. Պատասխանե՛ք հետևյալ հարցերին՝ հիմնավորելով պատասխանները:

ա) Երբնէ նկատե՞լ եք գովազդում եղած արտասանական, բառագործածության, քերականական և այլ սխալներ:

բ) Ո՞ր գովազդն է ավելի դուր գալիս. երբ գրակա՞ն է լեզուն, թե՞ երբ կան խոսակցական, ժարգոնային բառեր, արտահայտություններ:

գ) Ուշադրություն դարձնո՞ւմ եք արդյոք գովազդողի ձայնին, հնչերանգին, խոսքի տեմպին, բարբառային կամ ոչ գրական արտասանությանը:

դ) Ո՞ր գովազդն է մեծ տպավորություն թողել Ձեզ վրա:

ե) Ի՞նչ նշանակություն ունեն գովազդողի անձը և անձնային հատկանիշները:

14. Գրե՛ք կամ բանավոր ներկայացրե՛ք փոքրիկ (լսողական, տեսողական, տեսալսողական) գովազդ (օրինակ՝ վաճառում եք որևէ իր, առաջարկում եք Ձեր ծառայությունները որևէ ոլորտում ևն):

15. Բերե՛ք գովազդային տեքստերի օրինակներ, որոնցում, ըստ Ձեզ, կան լեզվական տարաբնույթ սխալներ. ուղղե՛ք դրանք և բացատրե՛ք:

Գրականություն

1. Ավետիսյան Յու., Պաշտոնական գրագրություն, Եր., 2001:

2. Գարբիելյան Վ., Գրավոր խոսք, Եր., 2017:

3. Գևորգյան Գ., Վարդանյան Գ., Գործառական հայերեն, Եր., 2019:

4. Զարարյան Հ., Ավետիսյան Յու., Ոճագիտություն, տեքստագիտություն, հայոց լեզվի պատմություն, Եր., 2018:

5. Մելքոնյան Ս., Ակնարկներ հայոց լեզվի ոճաբանության, Եր., 1984:

6. Շահվերդյան Թ., Ոճագիտություն, Եր., 2010:

7. Քաղաքացիական իրավական պայմանագրեր (օրենսդրական պարզաբանումներ), իսմբ.՝ Վլ. Նազարյան, Եր., 1999:

8. «Разговорная речь в системе функциональных стилей современного русского литературного языка», Саратов, 1992.

ՄԱՍ 6

ՀՐԱՊԱՐԱԿԱՅԻՆ ԽՈՍՔ ԵՎ ԲԱՆԱՎԵՃԻ ԱՐՎԵՍՏ⁴⁹

6.1. Հրապարակային խոսք (260): 6.2. Բանավեճի արվեստ (267):

6.1. ՀՐԱՊԱՐԱԿԱՅԻՆ ԽՈՍՔ

Հրապարակային խոսքին մեծ կարևորություն է տրվել դեռևս հնուց. նրա արվեստին տիրապետում էին Հին աշխարհի տարբեր երկրներում: Եվ, այնուամենայնիվ, պերճախոսության հայրենիքը Հին Չունաստանն է:

Տայ իրականության մեջ հնում հրապարակային խոսքը զարգանում էր առավելապես հոգևոր և որոշ չափով՝ ռազմական ոլորտներում (հիշենք Վարդան Մամիկոնյանի նշանավոր խոսքը՝ ուղղված գրականներին), իսկ հետագա դարերում՝ հիմնականում հոգևոր ոլորտում: Հրապարակային խոսքը միշտ էլ կիրառվել է, քանի որ միշտ էլ կարիք է լինում դիմելու մարդկանց՝ նրանց որևէ բան հաղորդելու, քարոզելու, համոզելու, ոգեշնչելու և շատ ու շատ այլ նպատակներով:

Ուսումնասիրողներն առանձնացրել են հրապարակային խոսքի տարբեր տեսակներ՝ մեծ մասամբ հիմք ունենալով նրա դրսնորման բնագավառները: Դասակարգումներն այս առումով շատ բազմազան են: Այսպես՝ ոռու ուսումնասիրողներից շատերը կիրառում են հետևյալ դասակարգումը, որի համար ընդհանուր առմամբ հաշվի են առնում իրադրությունը, թեման և նպատակը⁵⁰:

⁴⁹ «Հրապարակային խոսք և բանավեճի արվեստ» բաժնի տեսական նյութը որոշ կրճատում-ներով ներկայացվում է ըստ «Հայոց լեզու և խոսքի մշակույթ» դասագրքի համապատասխան բաժնի, հեղինակ՝ Սարգսյան Ա.: Տե՛ս Ավետիսյան Յուլ. և այլք, Հայոց լեզու և խոսքի մշակույթ, Եր., 2016, էջ 441-468:

⁵⁰ Տե՛ս Կոչտես Հ., Основы ораторской речи, М., 1992:

ԵԼՈՒՅԹԻ ՍԵՌՈՎ	ԵԼՈՒՅԹԻ ՏԵՍԱԿԸ
Ակադեմիական	դպրոցական և բուհական դասախոսություններ գիտական գեկուցումներ գիտական տէսություններ գիտական հաղորդումներ գիտահանրամատչելի դասախոսություններ
Դատական	դատախազական (մեղադրական) փաստաքանական (պաշտպանական)
Սոցիալ-քաղաքական	գեկուցում (համագումարում, նախաշրջանում, ժողովում ևն) խորհրդարանական հանրահավաքային ռազմահայրենասիրական դիվանագիտական քարոզական քաղաքական տէսություն
Սոցիալ-կենցաղային	հորեցանական ողույնի բաժակաձառ (կենաց) ընդունելության դամրանական
Հոգևոր (եկեղեցա-աստվածարանական)	խոսք (քարոզ) պաշտոնական եկեղեցական

Հրապարակային խոսքի ամբողջականությունը պայմանավորվում է թեմայի միասնականությամբ, ամբողջական հատվածների ճիշտ դասավորությամբ և ցանկալի իմաստի հստակ ձևակերպմամբ: Խոսքը պետք է լեզվական ու ոճական առումներով ճիշտ կառուցվի, ինչպես նաև ուղեկցվի համապատասխան պահվածքով, ունենա հուզական համապատասխան երանգավորում ևն: Հաջող ելույթ ունենալու համար կարևոր են նաև ուրիշ գործոններ՝ խոսողի ձայնը, արտասանական հատկանիշները, արտաքինը ևն:

Կարևոր է ելույթի տեքստի պատրաստումը: Արդյոք անհրաժեշտ է նախօրոք լիովին նախապատրաստել ելույթի տեքստը. այս հարցի վերաբերյալ տեսակետները տարբեր են: Մասնագետների մի մասի կարծիքով՝ նախապես պետք չէ ոչինչ գրի առնել. հարկավոր է միայն ուսումնասիրել անհրաժեշտ նյութերը՝ օգտվելով տարբեր աղբյուրներից: Մյուս մասն առաջարկում է ելույթին նախապատրաստվել, սակայն ելույթը լիովին գրի չառնել, այլ համառոտ ձևակերպումներով գրառումներ անել և դրանցից օգտվելով՝ ելույթ ունենալ: Ուրիշներն են ճիշտ են համարում ելույթը լիովին գրելը, մանրա-

կրկիտ մշակելը և դրանից չշեղվելը: Դրանից բացի՝ հարց է ծագում, թե արդյոք ելույթն ընթերցե՞լն է ճիշտ, թե՞ նախօրոք սովորելն ու բանավոր խոսելը:

Իհարկե, բանավոր խոսելն ավելի լավ տպավորություն է ստեղծում, սակայն նախապատրաստվելու և ելույթ ունենալու պարտադրանք չի կարող լինել: Նախ՝ կարենոր է հռետորի անհատական մոտեցումը, և բացի այդ՝ ելույթին առնչվող տարբեր հանգամանքներ թելադրում են իրենց պայմանները:

- Նպատակահարմար է հնարավորության դեպքում հանգամանորեն նախապատրաստվել ելույթին:

- Նախապատրաստվելիս պետք է օգտվել հնարավոր բոլոր աղբյուրներից՝ հանրագիտարաններ, տեղեկատուններ, համացանցային կայքեր ևն: Կարելի է գտնել նաև համապատասխանող առանձներ, ասացվածքներ, թևավոր խոսքեր, առակներ, հումորային զրույցներ ևն ու, պայմանավորված ասելիքի բնույթով, ելույթի մեջ ըստ անհրաժեշտության գործածել:

- Եթե ելույթը գրի առնելը պարտադիր չէ (նախօրոք թարգմանելու կամ այլ պատճառով), ապա նախապատրաստվել պետք է ըստ անհատական ընտրության՝ համակարգված գրառումներ կատարելով, տեքստն ամբողջությամբ գրելով ևն: Եթե պարտադիր չէ ելույթն ընթերցելը, պետք է ձգտել հնարավորության դեպքում բանավոր ելույթ ունենալու:

- Քանի որ հնարավոր են դեպքեր, երբ հանպատրաստից ելույթ ունենալու անհրաժեշտություն կառաջանա, ապա պետք է ընդհանրապես միշտ էլ հետաքրքրվել հասարակական կյանքում կատարվող իրադարձություններով, արվեստի պատմությամբ, գիտության նվաճումներով, մի խոսքով՝ ձգտել լինելու բազմակողմանիորեն զարգացած, այսինքն՝ խոսել հանպատրաստից, բայց ոչ անպատրաստ:

Հրապարակային խոսքը, ինչպես ամեն մի գրավոր կամ բանավոր տեքստ, ունի իմաստակառուցվածքային մասեր: Սովորաբար առանձնացնում են հրապարակային խոսքի երեք մաս՝ սկզբնամաս, հիմնամաս, ավարտամաս: Հայ ճարտասանության մեջ տիրապետողը և առավել ընդունելին ավանդարար պահպանված վեցմասյա դասակարգումն է՝ **առաջարան, առաջարկություն, պատմություն, ցուցում, հորդոր և վերջաբան**⁵¹: Սակայն ելույթի ինչ մասեր ել

⁵¹Տե՛ս Միքոնյան Վ., Ճարտասանություն, Եր., 2006, էջ 85-86:

առանձնացվեն, ամենակարևորն այն է, որ ելույթին բնորոշ լինեն նյութի միասնականությունը, ասելիքի մասերի լեզվատրամաքանական փոխկապակցվածությունը, ինքնատիպությունը, թարմությունը:

Խոսքում կարող են գործածվել ինչ-ինչ օրինակներ կյանքից, տարբեր գրույցներ, անսպասելի ձևակերպումներ ևն, այսուհանդերձ խոսքը չպետք է խճողված լինի զանազան պատմություններով, ասույթներով ևն: Գնահատելի է պարզ, բայց ոչ պարզունակ խոսքը: Ամեն ինչ պետք է լինի տեղին, չափավոր ու տրամաբանված:

Հրապարակային խոսքի **առաջարանը** կարևոր դեր ունի և կատարում է երկու հիմնական գործառույթ՝ հոգեբանական (կապ ստեղծել լսարանի հետ) և բացատրական (հիմքեր ստեղծել՝ հետազոտում ասվածը լավ ըմբռնել տալու համար): Առաջարանը պետք է լինի սեղմ, հետաքրքրող և տրամադրող: Նրա միջոցով ունկնդիրները պետք է պատկերացում կազմեն ելույթի ընդհանուր ուղղվածության մասին:

Առաջարկության մեջ պետք է ուրվագծվեն խոսքի հետազա զարգացումները: Դրանով պարզ են դաշնում խոսողի մտադրություններն ու նպատակները, առաջ քաշած խնդիրները, նկարագրվում է ելույթի նպատակային ուղղվածությունը, թվարկվում կամ կարձ նկարագրվում են այն խնդիրները, որոնց մասին պետք է խոսվի պատմության մեջ: Հասկացական առումով կարևորվում է այն, որ նշվում է թեմայի առանձնահատկությունը, բնորոշվում հրատապությունը և հասարակական հնչեղությունը:

Պատմությունը ելույթի հիմնական մասն է: Հենց այստեղ են ներկայացվում խնդրի բուն էությունը, բովանդակային փաստական տեղեկությունները: Փաստական կամ տեսական նյութով հազեցվածության աստիճանը պայմանավորված է խոսքի բնույթով, թեմայով, լսարանի առանձնահատկություններով: Պատմությունը պետք է շարադրել տրամաբանական հաջորդականությամբ, հստակ և առանց ձգձգելու:

Փաստարկումը (ցուցումը) հաջորդում է պատմությանը: Փաստարկման միջոցով խոսողը հիմնավորում է ասվածը: Փաստարկումն առաջին հերթին պետք է հիմնվի տրամաբանության օրենքների վրա, սակայն հնարավոր է, որ ելույթ ունեցողը դիտավորյալ դիմքի այլ միջոցների (հոգեբանական ազդեցության, բառախաղերի ևն), եթե չկան տրամաբանական բավարար հիմքեր:

Հորդոր հաջորդում է փաստարկմանը: Հորդորի միջոցով խոսողը նախապատրաստում է ավարտը՝ մեկ անգամ էլ շատ սեղմ ներկայացնելով ասվածի բուն էռթյունը և հուզական նոր լիցք հաղորդելով:

Վերջաբանով ամփոփում է ասվածը: Վերջաբանները տարբեր են լինում՝ պայմանավորված խոսքի բնույթով, նյութով, խոսողի նպատակադրմամբ ևն, սակայն շատ կարևոր է տպավորիչ ավարտը, որի շնորհիվ խոսքը երկար է հիշվում:

Խոսքն ընդհանրապես և հրապարակային խոսքը մասնավորապես պետք է լինի **հստակ, հասկանալի, արտահայտիչ**: Դրա համար հուետորը պետք է թե՛ լեզվական գիտելիքներ ունենա, թե՛ ընդհանրապես զարգացածության բարձր աստիճան: Լեզվական առումով կարևոր են ուղղախոսական նորմերի պահպանումը, ճիշտ բառընտրությունը, քերականական միջոցների ճիշտ կիրառությունը, ոճական համապատասխանությունը: Մրանցից բացի՝ կարևոր են շարժումները, հագուստը, սանրվածքը ևն:

Պետք է հաշվի առնել **տպավորության կարևորությունը**: Խոսքը մեծ ուժով է ներազդում, եթե թարմ է ու ինքնատիպ: Ծամծմված, ստանդարտ արտահայտություններ պարունակող խոսքը հետաքրքրություն չի առաջացնի և տպավորություն չի գործի. արդեն գիտեցածը գրավիչ չէ:

Խոսողի **ձայնը, խոսքի տեսմը, ռիթմը, տոնը, դադարները** ևս շատ կարևոր են: Ճարտասանի բնատուր հնարավորությունները, արտասանական հատկանիշները պետք է համապատասխանեն ասվածի բովանդակությանը: Եթե հուետորը տարբեր պատճառներով ստիպված է միննույն լսարանի առջև մի քանի անգամ ելույթ ունենալ կամ էլ տարբեր լսարանների առջև նույն թեմայով ելույթ ունենալ, ապա նրա գործը խիստ դժվարանում է: Անհրաժեշտ յանձնել նորանոր ձևեր ու միջոցներ, բովանդակային հավելումներ, որպեսզի խոսքը ձանձրակի չդառնա:

Խոսքը պետք է լինի **պարզ** ու **բնական**. ոճական տարբեր միջոցները, դարձվածային միավորները, թևավոր խոսքերը, տարբեր աղբյուրներից մեջքերումները ևն պետք է կիրառվեն տեղին և չափավոր: Ելույթի ծավալը այնքան է էական չէ. իհարկե, այն ընդհանուր առմամբ պետք է համապատասխանի իրադրությանը, ընդունված նորմերին ևն, սակայն առավել կարևոր ասելիքի ամբողջական լինելն է:

Վարժություններ ու առաջադրանքներ

1. Ի՞նչ կառուցվածք ունի հրապարակային խոսքը: Որո՞նք են հրապարակային խոսքի հիմնական հատկանիշները:
2. Գտե՛ք հրապարակախոսական ոճին բնորոշ առանձնահատկությունները: Որոշե՛ք հրապարակային ելույթների տեսակները:

ա) Այն, ինչ ուզում ենք մենք հիմա անել, այդ հավատի վերականգնումն է, այսինքն՝ ավելի շատ բարոյահոգեբանական նշանակություն ունի հայ ժողովրդի համար ընդհանրապես, Ղարաբաղի համար՝ մասնավորապես: Մանավանդ որ դարարաղին կարծում է, թե իրեն իսպառ մոռացանք, և թե՝ Ղարաբաղում, թե՝ Հայաստանում այն տպավորությունն է իշխում, որ մենք, ժողովրդական կոպիտ արտահայտություն պիտի գործածեմ, «Էշր կերանք, պոչին խոռվեցինք»: Մինչեւ դեռևս մայիսի կեսերին ձեր բոլորի, մեր բոլորի ուժերով ռազմական խնդիրներն արդեն լուծել էինք, ռազմական խնդիր չէր մնացել: Սակայն (վաղուց սպասվում էր) թշնամին համախմբվեց, ինչպես մենք էինք համախմբված, և արմատական փոփոխությունների դիմելով՝ վճռական գրոհի անցավ, որպեսզի ի չփ դարձնի մեր նվաճումները: Եթե մենք նման բան թույլ տանք, դավաճանություն կատարած կլինենք մեր ոչ միայն զոհված, այլև վիրավոր ընկերների նկատմամբ, որոնք այս պահին գամված են անկողիններին և չեն կարողանում կռվել: Ավելի լավ չէ՞ր լինի՝ Էն զլիսից մարտի չելնեինք, զուր արյուն շրավիվեր:

.....Հասել է ուժեղի, ոգով ուժեղի ժամանակը: Ով ամուր եղավ, նա էլ հաղթելու է: Մեզնից, միմիայն մեզնից է կախված, թե ի վերջո ինչպես է լուծվելու Ղարաբաղի հարցը:

....Նորից պիտի ընդգծեմ՝ գումարտակը, որ ուզում ենք կազմավորել, «մահապարտների» ենք կոչել, բայց ձի՛շտ հասկացեք, դա ամենսին չի նշանակում, որ մենք գնում ենք մեռնելու: Ես սկզբունքորեն դեմ եմ «Մահ կամ ազատություն» կարգախոսին, ուզում եմ, որ թե՛ կենդանի մնանք և թե՛ ազատության տիրանանք: Ուստի անցնենք գործի, կոնկրետ խոսենք գումարտակի կազմավորման մասին, մանավանդ որ ձառերից արդեն հոգնել ենք ...⁵²:

բ) Մենք այն ժողովուրդն ենք, որ մայրաքաղաքներ շատ է տեսել: Եվ սրա մեջ է, եթե կուզեք, մեր ժողովրդի դարավոր ողբերգության արտահայտություննե-

⁵² Սարգսյան Վ., Ոգու փրկություն, Եր., 2000, էջ 232-233:

թից մեկը, որովհետև երջանիկ են այն ժողովուրդները, որոնք իրենց պատմության ընթացքում մեկ-երկու մայրաքաղաք են ունենում: Դա նշանակում է, որ տվյալ ազգը ունեցել է պատմական զարգացման քիչ թե շատ կայուն վիճակ: Իսկ մենք մայրաքաղաքներ շատ ենք ունեցել, ունեցել ենք ստիպված, ունեցել ենք, որովհետև նախկին մայրաքաղաքը ավերել են, հիմնահատակ արել: Ու մեզ մնացել է փլատակներով հպարտանալու զգացմունք միայն, որ հպարտության վսեմ զգացմունքի վերջին տեսակն է և ոչ առաջինը:

Թվում է, թե սխալված չեմ լինի, թվում է, թե բոլորիդ անունից խոսած կլինեմ, եթե ասեմ, որ այս հանդիսավոր պահին՝ Էրեբունի-Երևան թանգարանի պաշտոնական բացման պահին, մեզ պիտի համակի նախ և առաջ հետևյալ զգացումը:

Թող այսուհետև մեր ժողովրդի կյանքը ընթանա այնպես, որ մենք այլս չունենանք նոր մայրաքաղաք, որ Երևանը լինի և մնա մեր վերջին մայրաքաղաքը՝ սրբազն Արարատի հայացքի ներքո, Արարատյան աշխարհի կենտրոնում՝ Թեյշեբանիի, Արմավիրի, Արտաշատի, Վաղարշապատի, Դվինի՝ մեր նախկին մայրաքաղաքների հարևանությամբ⁵³:

գ) - Իմ պաշտպանյալը խարդախություն չի կատարել և մտադրություն չի ունեցել որևէ մեկին խարելու: Դատախազը չկարողացավ հիմնավորել նրա մեղքը: Իրականությունը խեղաթյուրված է: Մեր կողմից ձեռք բերված ու դատարանում հիմնավորված փաստերը ապացուցում են, որ իմ պաշտպանյալի արարքում առկա չեն խարդախության հանցակազմի հատկանիշներ: Գործով առկա չեն օրիեկտիվ ու սուրյեկտիվ ապացույցներ, հետևաբար գործի վարութը ենթակա է կարձման: Ելնելով քրեական դատավարության օրենսգրքի 266-րդ հոդվածից՝ միշնորդում եմ իմ պաշտպանյալին քրեական օրենսգրքի 188-րդ հոդվածի 3-րդ մասի առաջին կետով և 2-րդ դրվագով առաջադրված մեղադրանքներում ճանաչել անմեղ և կայացնել արդարացման դատավճիռ (հատված փաստաբանի ելույթից):

դ) Մեծարգո՞ պ-ն նախարար, ՀՀ պատվիրակության մեծարգո՞ անդամներ, մեծարգո՞ պ-ն դեսպան, Բեռլինի և Հայոց համայնքների մեծարգո՞ նախագահներ, մեծապատիկ հյուրեր, Մարտին-Լյութերի անվան համալսարանի հայագիտության ամբիոնի և «Մեսրոպ» հայագիտական հետազոտական կենտրոնի անունից ուրախ եմ ձեզ ողջունելու ցուցահանդեսի բացման կա-

⁵³ Հատված Պարույր Սևակի խոսքից՝ նվիրված Երևանի 2750-ամյակին:

պակցությամբ: Մեր ցուցահանդեսը գերմանական ներդրումն է աշխարհով մեկ տեղի ունեցող այն հանդիսությունների, որոնք սկսվել են դեռևս 2011 թ.-ի դեկտեմբերին: Այսօր գերմանական և հայկական կառավարությունների հովանավորությամբ ու աջակցությամբ հոբեյանական առաջին ցուցահանդեսը բացելու պատիվն է վիճակվել ինձ: Ցուցանմուշների մեծ մասը մենք բերել ենք Բեռլինից, մի մասն էլ ստացել ենք Մյունիենի Բավարական պետական գրադարանից (13-րդ դ. կիլիկյան մի հին ձեռագիր), Հալլեի Համալսարանական-երկրամասային գրադարանին կից Գերմանական արևելագիտական ընկերության գրադարանից: Այստեղ նաև առաջին անգամ ցուցադրվելու են Տրանսիլվանիայի հայկական տպարանների հնատիպ գրքերը: ՀՀ մշակույթի նախարարության աշխատակիցների անձնուրաց ջանքերի շնորհիվ հնարավոր եղավ նաև ճիշտ ժամանակին Հայաստանից առաքել ցուցանմուշները՝ 1512-ին Վենետիկում հրատարակված հնագույն հայկական գիրքը և երեք հնատիպ գորգ⁵⁴:

3. Պատրաստե՛ք հրապարակային ելույթներ հետևյալ թեմաներով.

- ա) «Կոչ ուսանողությանը»,
- բ) «Բացման խոսք՝»,
- գ) «Երևանը 2800 տարեկան է»:

6.2. ԲԱՆԱՎԵՃԻ ԱՐՎԵՍ

Բանավեճի արվեստը՝ երիտրիկան, ձևավորվել և իր ծաղկման զագաթնակետին է հասել Հին Հունաստանում, թեև այս կամ այն չափով ուսումնասիրվել է նաև Հին աշխարհի տարբեր երկրներում: Արիստոտելը տարբերակում էր բանավեճի երեք տեսակ՝ դիալեկտրիկական (ձմերտությանը հասնելու համար), սովիետական (թվացյալ իմաստնությունը ցույց տալու համար) և երիտրիկական (հաղթանակի հասնելու համար): Մեր ժամանակներում էլ բանավեճի արվեստը չի կորցրել իր արդիականությունը. բանավեճը լայնորեն կիրառվում է առօրյա խոսքից մինչև դիվանագիտական տարբեր հանդիպումներում:

⁵⁴ Բացման խոսք՝ 2012 թ. ապրիլի 15-ին Հալլեի արվեստի ֆորումում մեկնարկած «Գրչության և պատկերների թովչանք. հայ գրատպության 500-ամյակ» խորագրով ցուցահանդեսում:

Էրիստիկան ուսումնասիրելու համար կարևոր և օգտակար է ուսումնասիրել տրամաբանության հատկապես այն բաժինները, որոնք վերաբերում են մտահանգումներին ու փաստարկմանը:

Ըստ արտահայտման ձեզ՝ բանավեճը դասակարգել հետևյալ հիմունքներով՝ **ըստ արտահայտման ձեզ,** ըստ դրսերման կերպի, ըստ ձևավորման եղանակի, ըստ մասնակից կողմերի քանակի, ըստ անցկացման ձեզ:

Ըստ արտահայտման ձեզ՝ բանավեճը լինում է **բանավոր և գրավոր:** **Բանավոր** բանավեճի դեպքում, ի թիվս մի շարք գործոնների, կարևոր դեր են կատարում նաև հոգեբանական և այլ գործոններ՝ արագ կողմնորոշման ունակությունը, արտասանությունը ևն: Կարևորվում է նաև բանավիճողների՝ ոչ միայն հաղթելու, այլև լավ տպավորություն թողնելու, լսարանի հետ հոգեբանական կապ ստեղծելու հանգամանքը: **Գրավոր** բանավեճերը հատկապես ծավալվում են գիտական, հասարակական, քաղաքական կարևոր հարցերի վերաբերյալ: **Բանավիճողները** կարող են հանդես գալ հողվածներով, գրքույներով ևն: Այս դեպքում արդեն բանավեճը հանպատրաստից չի կարող լինել, և բանավիճողները հնարավորություն ունեն հանգամանորեն պատրաստվելու:

Ըստ դրսերման կերպի՝ բանավեճը լինում է **բացահայտ և ծածուկ:** **Բացահայտ** բանավեճերը ծավալվում են հրապարակայնորեն՝ հենց ունկնդիրների առջև, եթե բանավեճը բանավոր է, կամ մամուլում, տպագիր տարբեր աշխատություններում, եթե բանավեճը գրավոր է: **Ծածուկ** բանավեճը սովորաբար դրսերման է գաղտնի գրախոսությունների միջոցով: Հնարավոր է նաև մեկ այլ կերպ, եթե բանավիճողը կոնկրետ չի նշում իր հակառակորդին, սակայն գործին տեղյակ մարդկանց պարզ է լինում, թե ում նկատի ունի:

Ըստ ձևավորման եղանակի՝ բանավեճը լինում է **պաշտոնական և պարտադրված:** **Պաշտոնական** բանավեճերը որևէ կանոնադրությամբ կամ այլ ձևով նախատեսված բանավեճերն են: **Օր.**՝ ուսումնական հաստատություններում ավարտական աշխատանքների, գիտական ատենախոսությունների պաշտպանությունները պաշտոնապես սահմանված գիտական բանավեճեր են, որոնցում բացահայտ բանավեճի միջոցով պարզաբանվում են գիտական հարցեր: Իսկ պարտադրված բանավեճերը պաշտոնապես նախատեսված չեն. դրանք թելադրվում են անհրաժեշտությամբ և կարող են ծագել տարբեր իրավիճակներում ու տարբեր խնդիրների վերաբերյալ:

Հստ մասնակից կողմերի քանակի՝ առանձնացվում են **երկխոսական և բազմախոսական բանավեճեր:** Երկխոսական բանավեճին մասնակցում են երկուսը, իսկ բազմախոսական բանավեճին՝ երեք և ավելի անձինք:

Հստ անցկացման ձևի՝ բանավեճերը լինում են կազմակերպված և հանպատրաստից: Կազմակերպված բանավեճերը նախօրոք ծրագրվում և նախապատրաստվում են, իսկ հանպատրաստից բանավեճերը կազմակերպվում ու ընթանում են ըստ իրադրության:

Բանավեճի հիմնական բաղադրիչներն են **հերքումը, ապացույցը, եզրահանգումը** (հետևությունը): Հերքման և ապացուցման համար անհրաժեշտ են փաստեր և փաստարկներ: Ապացուցումն ու հերքումը կատարվում են տարբեր ձևերով և ունեն տարրեր տեսակներ:

Ապացուցումը հնարավոր է իրականացնել ուղղակիորեն՝ ելնելով հիմքերի ճշմարտությունից, և անուղղակիորեն՝ հակասող ենթադրության միջոցով կամ բաժանաբար ապացուցմամբ, որի ընթացքում ձևակերպվում են բոլոր հնարավոր թեզիսները, հերթով ժխտվում, և միակ հնարավորը մնում է ապացուցելին:

Հերքումը հնարավոր է իրականացնել փաստերի միջոցով, հակաթեզիսի ճշմարտության ապացուցմամբ կամ էլ թեզիսից հետևանքներ բխեցնելով և ցույց տալով դրանց անհնարինությունը:

Հերքմանը և ապացույցին հետևում է եզրահանգումը: Եզրահանգման միջոցով խոսդու ընդհանրացնում է ասածը, համադրում բերած փաստարկները և ներկայացնում իր տեսակետի վերջնական հիմնավորումը:

Սակայն պետք է հիշել, որ բանավեճի ժամանակ շատերը կարևորում են տպավորություն գործելը, իրենց գիտելիքները ցույց տալը, համոզելը ևն, այսինքն՝ իրենց նպատակին, այլ ոչ թե ճշմարտությանը հասնելը: Ուստի երբեմն բանավեճողները ապացուցումն ու հերքումը չեն կատարում տրամաբանության սահմաններում:

Տրամաբանության մեջ տարբերակում են **պարալոգիզմն** ու **սովեստությունը:** Պարալոգիզմի դեպքում սխալ թույլ տվողը չի գիտակցում կամ չգիտի, որ սխալվում է, իսկ սովեստության դեպքում սխալ թույլ տվողը գիտակցաբար է դա անում՝ ցանկանալով մոլորեցնել հակառակորդին կամ ունկնդիրներին: Տարբերակվում է նաև սրամտությունը, որի դեպքում սխալ պարունակող կշռադատությունը կատարվում է ոչ թե մոլորեցնելու, այլ ուրիշ նպատակնե-

րով (զվարձացնելու ևն). ինչպես՝ «Արքելայոս թագավորը, երբ որ ասող-խոսող վարսավիրը, սրբիչով արդեն փաթաթելով նրան, հարցուել է. «Քեզ ինչպե՞ս խուզեմ, արքա՝», սրամտորեն պատասխանել է. «Լուս»»⁵⁵:

Բանավեճը ճիշտ վարելու և անհրաժեշտ արդյունքի հասնելու համար պետք է առաջնորդվել որոշակի սկզբունքներով:

- 1. Առաջին հերթին ճիշտ է հենվել տրամաբանության օրենքների վրա, չսախտել նույնության, հակասության, երրորդի բացառման, բավարար հիմունքի օրենքները ևն, փաստարկումն էլ կատարել տրամաբանական հիմունքներով:**
- 2. Անհրաժեշտ է բանավեճը վարել բարեկիրծ, գուսայ, առանց վիրավորանքների՝ հարգելով թե՛ հակառակորդին, թե՛ ունկնդիրներին (գրավոր բանավեճի դեպքում՝ ընթերցողներին):**
- 3. Բանավեճ վարելու համար անհրաժեշտ է բանավեճին առնչվող նյութերի խոր և համակողմանի իմացություն: Նույնիսկ տրամաբանության օրենքներից շեղվելու և այլ միջոցներով բանավեճում հաղթելու համար անհրաժեշտ են գիտելիքներ, վերլուծական մտածողություն, ճարտասահական շնորհ:**
- 4. Անհրաժեշտ է նաև լավ տիրապետել խոսքարվեստին: Նույնիսկ տրամաբանորեն հիմնավորված, բայց վատ ձևակերպված ու ասված խոսքը դժվար թե բանավեճում հաղթանակ ապահովի: Հակառակորդը կարող է իսկույն կառչել դիմացինի վրիպումներից և տարբեր եղանակներով օգտագործել դրանք՝ պարզապես մատնանշել դիմացինի չիմացությունը, սխալ ձևակերպումը ծառայեցնել հօգուտ իրեն, օգտվել ձևակերպման երկիմաստությունից ևն:**
- 5. Բանավեճերում հաճախ է կիրառվում հարցին հարցով պատասխանելը, ինչպես՝ «Իսկ Դո՞ւ իք ինչ եք կարծում», «Իսկ Դուք այդ դեպքում ի՞նչ կանեիք» ևն: Կարևոր հարցերի վերաբերյալ բանավեճի դեպքում հմուտ բանավիճողը չպետք է ենթարկվի այսպիսի ձնշման և առաջին իսկ հարցին պատասխանելու փոխարեն պահանջի շարունակել բուն նյութի վերաբերյալ քննարկումը և շշեղվել:**
- 6. Բանավեճի (նաև ելույթի), մասնավորապես բանավոր և ունկնդիրների ներկայությամբ ընթացող բանավեճի դեպքում շատ են կարևորվում հոգեբանական գործոնները: Ընդ որում, կարևոր է ոչ միայն հակառակորդ կողմին**

⁵⁵ Պլոտարքոս, Երկեր (ոռու. թարգմ. Հ. Զարյան), Եր., 1988, էջ 534:

հոգեբանորեն ձնշելը, այլև լսարանին գրավելը, դեպի իրեն դրականորեն տրամադրելը: Իրենց տեսակետները ներկայացնելիս այս նպատակով հաճախ կիրառում են բայի առաջին դեմքի հոգնակի թվով ստորոգյալներ, ինչպես՝ «բոլոր էլ զիտենք», «ցանկանում ենք», «ձգտում ենք» ևն: Սրանով խոսողը տպավորություն է ստեղծում, որ լսողներն իր համախնիներն են, իրենց նպատակները ընդհանուր առմամբ նույնն են, ինքը հանդես է գալիս նաև նրանց անունից ևն:

7. Բանավեճի ընթացքում երբեմն կիրառվում է հեզնանքը: Տեղին և դիմացինի ֆիզիկական հատկանիշներին չուղղված հեզնանքը բանավեճի ժամանակ կարող է արդյունավետ միջոց դառնալ, քանի որ հեզնանքին կամ պետք է համարժեք հեզնանքով պատասխանել, կամ էլ չափազանց լուրջ՝ միանգամից վերջ դնելով հեզնական տոնին: Պետք է նաև հիշել, որ հեզնանքը սրում, բորբոքում է վեճը, և բանավեճի հետագա ընթացքը կարող է դժվարանալ:

8. Բանավիճելիս շատ կարևոր է նաև խոսողի պահվածքը: Հավասարակշռված, հանդարտ պահվածքը վստահություն է ներշնչում, ունկնդիրներին տրամադրում դեպի նման պահվածքով մարդը: Այդ պատճառով էլ բանավիճողները հաճախ ձգուում են հունից հանել հակառակորդին՝ իրենք մնալով հանգիստ: Սա նաև մեկ այլ նպատակ ունի. զայրացած մարդը մեծ մասամբ արդեն չի կարողանում սթափ մտածել, սկսում է հուզականորեն մոտենալ քննարկվող հարցին և կարող է պարտվել բանավեճում:

9. Տարածված է բանավեճի ժամանակ հեղինակությունների վկայակոչումը՝ որպես փաստարկում, ինչպես՝ «այս նշանավոր զիտնականն ասել է», «այդ բնագավառի նշանավոր ուսումնասիրող այսինչ զիտնականը այս կարծիքին է» ևն: Հակառակորդը, հակադրվելով ասվածին, ակամա հակադրվում է նաև հեղինակավոր մի զիտնականի և ստիպված է հերքել նաև նրա կարծիքը կամ գոնե ցույց տալ այն վրիպումը, որը, իր կարծիքով, առկա է նրանում: Դա, ինչ խոսք, չափազանց դժվար է ոչ միայն ապացուցման առումով, այլև հոգեբանորեն:

10. Բանավիճելիս խոսողը երբեմն ստեղծում է կեղծ հակառակորդներ, նրանց վերագրում ինչ-որ կարծիք, այնուհետև հերքում նրանց կարծիքը, իսկ իրենք, հակադրելով դրանց, համարում միակ ճիշտն ու ընդունելին: Նման դեպքերում գործածվում են այսպիսի արտահայտություններ՝ «Շատերն ասում են, որ այսպես է, բայց մենք....», «Ուրիշներն այդպես կվարվեն, բայց մենք...», «Ումանք միայն խոսում են, բայց մենք» ևն:

Բանավեճի ընթացքում գործածվում է նաև մի միջոց, որով խոսողը ցանկանում է իր տեսակետները ներկայացնել որպես բոլորին հայտնի անառարկելի իրողություններ: Այդ նպատակով հաճախ գործածվում են այսպիսի արտահայտություններ՝ «Բոլորն ել զիտեն...», «Վաղուց հայտնի ե...», «Ո՞ւմ հայտնի չե...», «Մի՞թե որևէ մեկը կասկածում է...» ևն: Ունկնդիրները (կամ ընթերցողները) նման դեպքերում սովորաբար ավելի հակված են լինում ընդունելու, որ ասվածը հայտնի ճշմարտություն է, քան թե խոստովանելու, որ իրենք զգիտեին այդ մասին:

11. Բանավիճելիս երբեմն փորձում են հաղթանակի հասնել ոչ թե հակառակորդի առաջ քաշած դրույթը հերքելով, այլ փորձելով ապացուցել դրա անարդյունավետ, անօգտակար լինելը: Օր.՝ «Խսկ դա ի՞նչ օգուտ կրերի», «Ի՞նչ կշահենք դա անելով» ևն:

12. Հարմար պատասխան չունենալու դեպքում կիրառվում է նաև **հետաձգման հնարք**, այսինքն՝ կողմերից մեկը չի խոսում որևէ հարցի վերաբերյալ՝ իբր տվյալ դեպքում հարմար չհամարելով կամ ցույց տալով, թե այդ պահին դրան անդրադառնալու ժամանակ չկա, կամ ել խնայում է հակառակորդին: Նման դեպքերում գործածվում են այսպիսի արտահայտություններ՝ «Այդ մասին ավելի լավ է՝ չխոսենք...», «Այնքան ասելիք կա, որ չեմ հասցնի նույնիսկ թվել հիմնական խնդիրները...», «Եկեք դրան չանդրադառնանք...» ևն:

13. Բանավիճելիս երբեմն կիրառվում է **կեղծ սիրաշահման հնարք**: Այդ դեպքում կողմերից մեկը մյուսին վերագրում է դրական այնպիսի հատկանիշներ, որոնք ունենալով՝ նա չի կարող հակադրվել իրեն: Նման դեպքերում գործածվում են մոտավորապես այսպիսի ձևակերպումներ՝ «Չեզ նման կրթված մարդը չի կարող չխմանալ...», «Եթե Չեզ նման փորձառու մարդն ել է դժվարանում, ապա մյուսները...», «Դուք, որ խելացի մարդ եք, չեք կարող չխամաձայնել...» ևն:

14. Բանավեճի ժամանակ լարվածությունը թուլացնելու նպատակով երբեմն էլ **հնարավոր է կատակել**: Սա չպետք է շփորել հեգնանքի կիրառման հետ: Հակառակորդին ուղղված հեգնանքը թեժացնում է բանավեճը, իսկ կատակը ուղղված չի լինում դիմացինին, նույնիսկ անուղղակի հեգնանք կամ ակնարկ ել չի պարունակում, այլ, ընդհակառակը, ասվում է իրադրությունը լիցքաթափելու նպատակով: Միաժամանակ դա լսողներին կարող է դրականորեն տրամադրել դեպի կատակողը: Կարելի է նաև մի կատակով կամ բառախաղով վերջ դնել խոսակցությանը:

Այսպիսով՝ բանավեճերը բազմազան են թե՝ իրենց տեսակներով, թե՝ վարելու միջոցներով ու եղանակներով: Յուրաքանչյուր ոք, ով բանավիճելիս անհրաժեշտ լրտեսումներ է փնտրում, պետք է ոչ միայն լավ գինված լինի գիտելիքներով, այլև լավ իմանա հակառակորդի կիրառած մեթոդները:

Գրականություն

1. Միրզյան Վ., Ճարտասանություն, Եր., 2006:
2. Պլուտարքոս, Երկեր (ռուս. թարգմ. Հ. Հարյան), Եր., 1988:
3. Կոխտես Հ., Օсновы ораторской речи, М., 1992:

Վարժություններ և առաջադրանքներ

1. Որո՞նք են բանավոր և գրավոր բանավեճի առանձնահատկությունները:
 2. Բանավեճի ի՞նչ տեսակներ են տարբերակվում ըստ նպատակի:
 3. Որո՞նք են բանավեճի հիմնական բաղադրիչները:
 4. Հրապարակային բանավեճի կարևոր սկզբունքներից են՝ հարգանք, ազնվություն և արդյունավետություն, այսինքն՝ չկան հաղթողներ և պարտվողներ: Ի՞նչ են արձանագրում այս սկզբունքները. սեղմ ձևակերպե՛ք ձեր կարծիքը:
 5. Կազամակերպե՛ք բանավեճ՝ ընտրելով առաջարկված թեմաներից մեկը.
- ա) «Մարդը և բնությունը. բարեկա՞մ, թե՞ թշնամի»,
- բ) «Լատինատա՞ն, թե՞ հայատառ համացանց»,
- գ) «Արդյոք ճի՞շտ է երեխային համացանցից զրկելը»,
- դ) «Նոր տեխնոլոգիաների կիրառումը նպաստո՞ւմ է արդյոք կրթական մակարդակի (գիտելիքի ու դաստիարակության) բարձրացմանը»,
- ե) «12-ամյա կրթական համակարգը ապահովո՞ւմ է արդյոք բարձրորակ կրթություն Հայաստանում»,
- զ) «Համակարգչային խաղերի բացասական ազդեցությունը պատանիների վրա»,

Է) «Քի՞միա, թե՞ տարրաբանություն. թարգմանե՞լ եզրույթները, թե՞ ոչ»⁵⁶:

Ծանոթություն.- Բանավեճի տևողությունը 40 րոպե է: Ուսանողներից կազմել երկու թիմ՝ յուրաքանչյուրում ընդգրկելով երեքական հոգի: Թիմում մեկը հիմնական բանախոսն է, երկուսը աջակիցներն են: Առաջարկվող թեմային նախապատրաստվելիս հավաքել փաստեր, խոսք կազմել՝ ըստ փաստերի, կազմել հարցեր: Փաստարկները և հակաֆաստարկները ներկայացնել պատշաճ հայերենով:

Յուրաքանչյուր բանախոսի հատկացնել 5-ական րոպե՝ փաստարկը և հակաֆաստարկը ներկայացնելու համար, աջակիցներին 3-ական րոպե՝ իրենց փաստարկները բերելու կամ հարցեր տալու համար: Ուսանողների երրորդ խումբը պետք է կատարի «դատավորի» դերը, այսինքն՝ որոշի, թե որ թիմի փաստարկներն են ավելի ծանրակշիռ: Բանավեճը վարողը պետք է հետևի ժամանակացույցին՝ բանավիճող կողմերին հատկացնի հավասար ժամանակ՝ իրենց կարծիքն արտահայտելու, հարցեր տալու համար և բացարի վիրավիրական արտահայտությունները:

Բանավիճողը կարող է օգտագործել լեզվական տարբեր հնարներ. քննարկե՛ք, թե բանավիճելիս ինչ ազդեցություն կարող են թողնել հետևյալ ձևակերպումները.

Բոլորս էլ զիտենք, որ....

Վաղուց հայտնի է, որ....

Մեղադրանք են ներկայացնում, որ...

Մի՞ թե որևէ մեկը կասկածում է, որ....

Ո՞ւմ հայտնի չէ, որ....

Չեզ նման կրթված մարդը չի կարող չիմանալ, որ....

Կարո՞ղ է արդյոք երկընտրանք լինել.... :

⁵⁶Տե՛ս http://ysu.am/files/15S_Khasapetyan, [http://lraber.asj-oa.am/4768/1/1983-3\(83\)](http://lraber.asj-oa.am/4768/1/1983-3(83)), [http://lraber.asj-oa.am/4530/1/1986-3\(70\)](http://lraber.asj-oa.am/4530/1/1986-3(70)):

ՀԱՎԵԼՎԱԾ 1. ԳՐԱԳՐՈՒԹՅԱՆ ԶԵՎԵՐ

Լեզվական որոշակի կանոնների, լեզվամիջոցների գործառական հնարավորությունների իմացությունը պարտադիր պայման է պաշտոնական գրագրությունն ըստ հարկի կազմակերպելու համար:

Գրագրությունը պետական-պաշտոնական գործունեության անբաժան մասն է: Դա հաղորդակցման ավանդական և աշխարհում ընդունված ժամանակակից ձևերից կարևորագույնն է: Գրագրության գործընթացին գործնականում մասնակցում են կառավարման ոլորտի բոլոր աշխատակիցները, որոնցից պահանջվում է տեքստաբանական գրագիտություն: Փաստաթուղթ կազմողը պետք է տիրապետի տեքստի ձևավորման մշակույթին, նյութը տնօրինի և մատուցի այնպէս, որ այն հասցեատիրոջ համար լինի առավելագույնս մատչելի:

Գրագրությունների ձևերը որքան ել բազմազան են, այսուհանդերձ ունեն ձևավորման ու շարադրանքի ընդհանուր և յուրահատուկ համակարգ⁵⁷: Ստորև ներկայացնում ենք գրագրության առավել տարածված որոշ տեսակների ձևանմուշներ՝ համառոտ բնութագրություններով:

1.1. Ինքնակենսագրություն

Այս փաստաթուղթը պահանջվում է հիմնականում աշխատանքի ընդունվելիս կամ մի աշխատանքից մեկ այլ աշխատանքի տեղափոխվելիս: Ճիշտ կազմած ինքնակենսագրությունը կարող է դառնալ Ձեր հաջողության այցեքարտը: Գրագետ ինքնակենսագրություն կազմելու համար ճշգրիտ պետք է նշել՝ **ա)** անուն-ազգանուն-հայրանունը, **բ)** ծննդյան օրը, ամիսը, տարին, կրթությունը՝ սկսած դպրոցից, **գ)** մասնագիտական գործունեությունը, **դ)** համակարգչային ծրագրերի իմացությունը, օտար լեզուների իմացության աստիճանը (գերազանց, լավ, բավարար, անբավարար), **ե)** աշխատանքային փորձը և ձեռքբերումները տվյալ ոլորտում, **զ)** ընտանեկան կարգավիճակը, **ի)** պարզները, մրցանակները (եթե կան), **լ)** բնակության հասցեն, հեռախոսահամար(ներ)ը, եկեկտրոնային հասցեն: Սրանցից բացի՝ ներկայումս ընդունված է նշել նաև ակնկալվող աշխատանքի տեսակը և աշխատավարձի մոտավոր չափը:

Ինքնակենսագրությունը ավարտվում է ստորագրությամբ, նշվում է ամսաթիվը: Նախընտրելի է գրության ձախակողման հավասար ձևաչափը:

⁵⁷ Հայերենում գրագրության ձևերի մասին ավելի մանրամասն տե՛ս **Ավետիսյան Յու.**, **Պաշտոնական գրագրություն**, Եր., 2001: **Գարրիելյան Վ.**, Գրավոր խոսք, Եր., 2017:

Կրթությունը (բացի դպրոցից), աշխատանքային փորձը նշվում են հակադարձ ժամանակագրական կարգով:

Ցանկալի է ինքնակենսագրականում «բաց տեղեր» չթողնել նշված տվյալների առնչությամբ: Եթե որևէ պատճառով ինչ-որ ժամանակ ընդհատվել է աշխատանքային ստաժը, նշե՛ք պատճառը. դա ավելի վստահություն կներշնչի: Եթե աշխատանքային գրքույկում աշխատանքային տարիները արձանագրված չեն, դրանք նույնպես պիտի արտացոլվեն ինքնակենսագրության մեջ: Հարկ եղած դեպքում ինքնակենսագրությանը կից կարելի է ներկայացնել նաև երաշխավոր անձանց գրություն(ներ)ը:

Նշված տվյալները ցանկալի է ներկայացնել տպագիր մեկ էջում:

Ստորև ներկայացվում է ինքնակենսագրության նախընտրելի ձևանմուշ:

ԻՆՔՆԱԿԵՆՍԱԳՐՈՒԹՅՈՒՆ

- Անուն-ազգանուն-հայրանուն
- Ծննդյան ամսաթիվ, ամիս, տարի
- Քաղաքացիություն
- Հասցե
- Հեռախոսահամար(ներ)
- Ընտանեկան դրություն
- Կրթություն

3x4

Ուսումնական հաստատության անվանումը	Ուսումնառության տարեթիվը	Մասնագիտությունը

Սեմինարներ, վերապատրաստում

Ուսումնական հաստատության անվանումը	Ժամանակահատված	Առարկա

8. Աշխատանքային գործունեություն

Ամիս, Տարի	Կազմակերպություն
	Պաշտոն

9. Լեզուների իմացություն

	Գերազանց	Լավ	Բավարար
Հայերեն			
.....			

10. Համակարգչային գիտելիքներ _____

11. Այլ (հրատարակություններ, պարզներ) _____

1.2. Երաշխավորագիր - բնութագիր

Փաստաթղթի մի ձև է, որը անհրաժեշտաբար գործարկվում է տարբեր ոլորտներում (քանկային գործարքներ, աշխատանքի ընդունում, կրթական համակարգ ևն):

Կարող է վճռորոշ նշանակություն ունենալ նշված ոլորտներում անձի ինտեգրման գործում: Ուստի ճիշտ և նպատակային երաշխավորագիր-բնութագիր կազմելու համար պետք է տիրապետել դրա կազմության որոշ հմտությունների: Դրանում մանրամասն և հստակ նկարագրվում են՝ ա) դիմորդի բնավորությունը, բ) միջավայրում նրա ներգրավվածության աստիճանը, գ) ընտանեկան կարգավիճակը և վերաբերմունքը ընտանիքի անդամների նկատմամբ, դ) միջավայրի վերաբերմունքը դիմորդի նկատմամբ, ե) առաջնորդին բնորոշ հմտությունները, զ) կոլեկտիվում աշխատելու ունակությունները, Է) նոր իրավիճակներում հարմարվելու կարողությունները: Բնութագիրը առավել հավաստի դարձնելու համար կարելի է բերել բնութագրական մեկ օրինակ:

Փաստաթղթի վերջում նշվում են երաշխավորող անձի, կազմակերպության (գրասենյակի ևն) հասցեն, հեռախոսահամարը և էլեկտրոնային փոստը՝ երաշխավորագրի վերաբերյալ ծագած հարցերին պատասխանելու համար:

Նշվածը ցանկալի է ներկայացնել տպագիր 1-2 էջի շրջանակում:

Երաշխավորագիր-բնութագիրը ավարտվում է ստորագրությամբ, նշվում է ամսաթիվը: Նախընտրելի է գրության ձախակողմյան հավասար ձևաչափը:

Երաշխավորագիր-բնութագիրը ներկայացվում է պաշտոնական բլանկի վրա, իսկ դրա բացակայության դեպքում՝ սովորական (A4) էջի վրա: Այն դիմորդին պետք է հանձնել երաշխավորող անձի ստորագրությամբ և կնքած (եթե կնիք կա):

ԵՐԱՇԽԱՎՈՐԱԳԻՐ-ԲՆՈՒԹԱԳԻՐ	
Դիմորդի անունը	_____
Երաշխավորագիր արամադրող անձ	_____
(անուն-ազգանուն)	
Աշխատավայր	_____
Պաշտոն	_____
1. Որքա՞ն ժամանակ եք ձևանաշում դիմորդին	_____
2. Ի՞նչ կապեր և առնչություններ ունեք դիմորդի՝	_____
-ի հետ	
(անուն-ազգանուն)	
Երաշխավորողի ստորագրություն	_____
Հարցերի դեպքում կարող եք դիմել	_____
Հեռ. հ. փոստ	_____
« _____ »	թ.

1.3. Դիմում

Պաշտոնական փաստաթուղթ է, որում գրավոր ներկայացվում է որևէ խնդրանք, բողոք, և դրա վերաբերյալ ակնկալվում է պատասխան՝ օրինական լուծում, օժանդակում ևն: Այն կիրառվում է հասարակական գործունեության բոլոր ոլորտներում: Ունի

կառուցվածքային որոշակի կաղապար, որը, ըստ ներկայացման ոլորտի, կարող է ինչ-ինչ փոփոխություններ կրել: Այսուհանդերձ, այդ տարբերությունները մասնակի են և հստակորեն համապատասխանում են դիմումի ընդունված ավանդական ձևաչափին:

Դիմումը կազմված է հետևյալ բաղադրատարրերից՝ ա) **հասցեատեր՝** անձը, որին ուղղված է դիմումը, բ) **դիմումատու՝** հայց ներկայացնող անձը, գ) **փաստաթղթի անվանումը,** դ) **հայցի** (խնդրանքի, բողոքի) **ձևակերպումը.** ե) **դիմումատուի ստորագրությունը,** զ) **ամսաթիվը:**

Նշված բաղադրատարրերից յուրաքանչյուրն ունի գրության որոշակի օրինաչափություններ:

• **Հասցեատեր.** նախ գրվում է տվյալ անձի պաշտոնը և կազմակերպության (հիմնարկի, ընկերության ևն) անվանումը, ապա՝ հասցեատիրոջ անվան, հայրանվան առաջին տառերը և ազգանունը՝ դրված տրական հոլովով: Այս տվյալները լրացվում են թղթի (A4 ձևաչափ) վերևամասի աջ կողմում՝ կենտրոնական հատվածից մոտ 6 սից հեռավորութամբ:

• **Դիմումատու.** նախ գրվում է տվյալ անձի անուն-հայրանուն-ազգանունը՝ դրված բացառական հոլովով: Պայմանավորված դիմումի բովանդակությամբ և ներկայացվող ատյանի պահանջով՝ հաճախ անհրաժեշտաբար պետք է նշվեն նաև դիմումատուի աշխատանքի կամ սովորելու վայրը, հասցեն և հեռախոսահամար(ներ)ը: Այս տվյալները նույնպես լրացվում են թղթի (A4 ձևաչափ) վերևամասի աջ կողմում որպես անմիջական շարունակություն հասցեատիրոջն ուղղված խոսքի:

• **Փաստաթղթի անվանումը.** գրվում է մեծատառերով (մեկ տառաչափ բացատով) և թավ՝

Դ Ի Ս Ո Ւ Ս: Այն պետք է գտնվի թղթի կենտրոնում՝ դիմումատուի տվյալներից մոտ 3 սոոյ ներքեւ:

• **Հայցը (բողոք, խնդրանք).** սկսվում է «Խնդրում ենք Ձեզ...» արտահայտությամբ, ապա հնարավորինս սեղմ, ամփոփ ներկայացվում է խնդիրը: Հայցը կարող է ներկայացվել հակառակ հերթականությամբ՝ նախ՝ խնդիրը, ապա՝ բողոքը կամ հայցը: Եթե դիմումի հետ ներկայացվում են ինչ-ինչ փաստաթղթեր, ապա հայցը պետք է ավարտել «Կից ներկայացվում են...» նախադասությամբ: Հայցը գրվում է չեղոք ոճով, գերծ երկիմաստությունից, հուզական բառերից ու արտահայտություններից: Շարադրվում է թղթի լայնակի հատվածով:

• **Դիմումատուի ստորագրություն.** դրվում է վերը նշված տեքստից հետո դիմումատուի տվյալներին գուգահեռ հավասարությամբ: Գրվում է՝ Դիմու, ապա՝ ստորագրությունը և դիմումատուի անվան, հայրանվան սկզբնատառերը և ազգանունը (դրանք անպայման պետք է գրվեն մեկ տառաչափ բացատով):

- Ամսաթիվը.** նշվում են օրը, ամիսը, տարեթիվը: Կարելի է գրել նաև հակառակ հերթականությամբ:

Հայստանի Հանրապետության արդարադատության նախարար պարոն _____ -ին քաղաքացի _____ -ից հասցե _____ հեռ. _____
Դ Ի Ս Ո Ւ Մ
Խնդրում եմ Ձեզ
Կից ներկայացվում են վերոնշյալ փաստաթղթերի պատճեն(ներ)ը՝ _____ հատ: Դիմությունը (ստորագրություն) անուն-ազգանուն « _____ » թ.

1.4. Հրաման

Կարգադրական բնույթի փաստաթղթերից ամենից տարածվածն է: Ունի տարատեսակներ՝ անձնակազմի վերաբերյալ, հիմնական գործունեությանը վերաբերող, նախաձեռնողական ևն: Հրամանի համար սահմանված պարտադիր պահանջներ (ռեկվիզիտներ) են փաստաթղթի անվանումը (մեծատառերով, ցրիվ շարվածքով՝ ՀՐԱՄԱՆ), արձակման թվականը, գրանցման համարը, ստեղծման ու հրատարակման տեղը, վերնագիրը, որը խիստ հակիրճ արտահայտում է հրամանի բովանդակությունը (ինչի՞ մասին է), հրամանի տեքստը, որ կազմվում է երկու մասից՝ նախապատրաստական և կարգադրական, կամ միայն մեկ ամբողջական կարգադրական մասից, հրաման տվողի պաշտոնը, անվան առաջին տառը, ազգանունն ու ստորագրությունը: Մնացած տվյալները (համաձայնեցում ևն) գետեղվում են ըստ փաստաթղթի համար սահմանված ընդհանուր պարտադիր պահանջների:

Եթե հրամանում հանձնարարականներ են տրվում որոշակի կատարողների, ապա կարգադրական մասում յուրաքանչյուր դեպքում նշվում են կատարողը, կատարելիք գործողությունը, կատարման ժամկետը: Այս պահանջներն են պայմանավորում են հրամանի լեզվառձական հատկանիշները: Նախապատրաստական մասում հաճախ գործածվող լեզվակաղապարներ են՝ նկատի ունենալով....,քարելավելու նպատակով, պայմանավորված-ով, հաշվի առնելով.... ևն: Տեքստը շարադրվում է հրամայական հնչերանգով՝ անորոշ դերբայով բաղադրված բայական անդեմ նախադատություններով: Միօրինակությունը, հակիրճությունը, հորդոր, հրաման, կարգադրություն արտահայտող բառերի հաճախակի գործածությունը, պաշտոն, կոչում, ժամանակ նշանակող բառերի առատությունը, պարբերաբար կրկնվող լեզվական կառույցները գրագրության այս ձևի առանձնահատկություններն են:

Ահա հիմնական գործունեությանը վերաբերող հրամանի երկու նմուշ՝ առաջինը՝ պարտադիր պահանջների (ռեկվիզիտների) կենտրոնական, երկրորդը՝ եզրային դասավորությամբ.



«-----»

«ԵՐԵՎԱՆ-ԶՈՒՄ»

ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

ՀՐԱՄԱՆ

2.02.2014 № 522

Երևան

Աշխատողին այլ աշխատանքի փոխադրելու մասին

Ենելով աշխատանքային անհրաժեշտությունից, հիմք ընդունելով----- (պաշտոնը)-----յանի՝ 19.01.2014թ. դիմումը և դեկավարվելով ՀՀ աշխատանքային օրենսգրքի 5-րդ հոդվածի 3-րդ մասի պահանջներով՝

Հ Ր Ա Մ Ա Յ Ո Ւ Մ Ե Մ

1. -----յանին //./.2014 թվականից փոխադրել----- պաշտոնին՝ ամսական ----- (-----հազար) դրամ աշխատավարձով:
2. -----յանին, պաշտոնային դրույքաչափից բացի, սահմանված դեպքերում պարզաբանումները վճարել՝ համաձայն Ընկերության ներքին իրավական ակտերի:
3. -----յանի հետ աշխատանքային հարաբերությունները սահմանել անորոշ ժամկետով:
4. -----յանի աշխատանքային ռեժիմը սահմանել՝ համաձայն ներքին կարգապահական կանոնների:
5. ՄՌ պատասխանատու -----յանին՝
Ապահովել սույն հրամանին -----յանի՝ ստորագրությամբ ծանուցումը:

Գլխավոր տնօրեն՝

(ստորագրություն) անուն-ազգանուն

1.5. Կարգադրություն

Միանգամյա կատարման իրավական ակտ է: Տրվում է կազմակերպության կողմից և վերաբերում է կա՛մ որոշակի անձանց (կազմակերպության որևէ աշխատակցի), կա՛մ կազմակերպության այս կամ այն ստորաբաժանմանը (ստորաբաժանումների): Օր՝ կարգադրություն ՀՀ կենտրոնական բանկի հաշվապահական հաշվառման վարչությանը՝ որոշակի դրամ փոխանցելու կամ դուրս գրելու վերաբերյալ: Կամ՝ կարգադրություն ՀՀ կենտրոնական բանկի Էմիսիոն գործառնությունների և դրամական պահուստների վարչությանը՝ ՀՀ նախագահին նվիրելու նպատակով հուշադրամ դուրս

գրելու մասին: Կարգադրությունն ուժը կորցնում է համապատասխան հանձնարարականի կատարումից հետո:

Ի տարբերություն հրամանների, որոնք կարող են լինել անհատական «օր՝ որոշակի բանի նկատմամբ տուգանք կիրառելու մասին ՀՀ ԿԲ նախագահի հրամանը՝ իբրև միանգամյա կատարման իրավական ակտ» և նորմատիվ «ՀՀ ԿԲ ներքին աշխատանքային կարգապահական կանոնները հաստատելու մասին հրամանը՝ որպես ենթաօրենսդրական նորմատիվ ակտ»՝ կարգադրությունները չեն ունենում նորմատիվ բնույթ:

ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԲԱՆԿ



ЦЕНТРАЛЬНЫЙ БАНК
РЕСПУБЛИКИ АРМЕНИЯ
TBI/NJ/02/34

29. 12. 2001

01-10/42

Երևան ԿԱՐԳԱԴՐՈՒԹՅՈՒՆ

Հիմք ընդունելով «ՀՀ կենտրոնական բանկի մասին» ՀՀ օրենքի 18-րդ հոդվածը՝
Կ Ա Ռ Գ Ա Դ Ռ Ո Ւ Ե Մ

1. ՀՀ կենտրոնական բանկի հաշվապահական հաշվառման և էմիսիոն գործառնությունների և դրամական պահուստների վարչություններին:

Ներկայացրուցական ծախսերի հաշվին դրւում գրել մեկ հատ «Նոյ իշնում է Արարատից» ոսկե հուշադրամ՝ Լևոն Զախվերդյանին 75-ամյակի առթիվ նվիրելու համար:

2. Սույն կարգադրությունը ուժի մեջ է մտնում ստորագրելու պահից:

Նախագահ՝ (ստորագրություն) անուն-ազգանուն

1.6. Որոշում

Բնույթով կազմակերպական-կարգադրական փաստաթուղթ է: Որպես կանոն, ձևակերպվում է տվյալ կազմակերպության (կառուցվածքային ստորաբաժանման) ընդհանուր բլանկի վրա՝ տվյալների և՝ երկայնական, և՝ եզրային դասավորությամբ: Փաստաթղթի այս տեսակը պարունակում է հետևյալ տվյալները.

- **Կազմակերպության (բաժանմունքի) անվանումը.** գրվում է մեծատառերով և ցրիվ շարվածքով:

- **Փաստաթղթի տեսակի անվանումը.** գրվում է մեծատառերով և ցրիվ շարվածքով՝ Ո Ր Ո Շ Ո Ւ Կ Ա Մ՝ Ա Ր Զ Ա Ն Ա Գ Ր Ա Յ Ն Ո Ր Ո Շ Ո Ւ Կ Ա Մ:

- **Փաստաթղթի տեսակի կոդը.** արձանագրային որոշումներում չի նշվում:

- **Զևակերպման թվականը.** համապատասխան նիստի թվականն է, որը արարական թվանշաններով գետեղվում է ոչ թե կոդին անմիջապես կից, այլ +3 կամ +5 կետ հեռավորությամբ՝ նույն հարթության վրա կամ՝ կոդից 2 տող ներքև աջ հավասարումով:

Ավելորդ է թվականի ևս մեկ անգամ նշումը փաստաթղթի կենտրոնում տառաթվային եղանակով:

- **Գրանցման համարը.** զետեղվում է՝ ա) ընդհանուր բլանկի աջ անկյունում կողք նշանակող թվերի հավասարությամբ (երկայնական ձևաչափ, որոշում), կամ՝ թվականի հավասարությամբ (երկայնական ձևաչափ, արձանագրային որոշում), բ) ընդհանուր բլանկի ձախ անկյունում թվականին կից, +5 կամ +3 հեռավորությամբ (եղային ձևաչափ, արձանագրային որոշում // որոշում):
- **Վերնագիրը.** հակիրճ արտահայտում է որոշման բովանդակությունը, ձևակերպվում է մասին կապով:

- **Տեքստը.** կազմվում է 2 մասից: Ներածական մասում նշվում են փաստաթուղթը կազմելու պատճառները, հիմքերը, նպատակները, եզրափակող մասում՝ որոշումները (եզրահանգումներ, որոշումներ, հանձնարարականներ):

Տեքստի երկրորդ՝ եզրափակող մասը, սկսվում է ՈՐՈՇՈՒՄ Է Բառով (առաջին մասից 3 տող ներքև), որը գրվում է մեծատառերով և ցրի շարվածքով: Տեքստի շարունակությունը և որոշման մնացած տվյալները (ստորագրություն, համաձայնեցում ևն) զետեղվում են ըստ հրամանի համար սահմանված պարտադիր պահանջների:

Տեքստի վերջում պարտադիր նշում է կատարվում որոշումը ուժի մեջ մտնելու ժամկետ(ներ)ի մասին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԲԱՆԿԻ ԽՈՐՀՈՒՐԴԻ
ՈՐՈՇՈՒՄ

ԿՈԴ 050.0038 16.03.20 № 38

**«Ա բանկ» բաց բաժնետիրական ընկերության
«Սիսիան» մասնաճյուղը գրանցելու մասին**

Հիմք ընդունելով «Բանկերի և բանկային գործունեության մասին» Հայաստանի Հանրապետության օրենքի 28-րդ հոդվածը, դեկավարվելով «Հայաստանի Հանրապետության կենտրոնական բանկի մասին» Հայաստանի Հանրապետության օրենքի 20-րդ հոդվածով, հաշվի առնելով Հայաստանի Հանրապետության կենտրոնական բանկի գրանցման և լիցենզավորման հանձնաժողովի եզրակացությունը (2010 թվականի մարտի 1-ի թիվ 9 արձանագրություն՝ Հայաստանի Հանրապետության կենտրոնական բանկի խորհուրդը

ՈՐՈՇՈՒՄ Է.

1. Գրանցել «Ա բանկ» բաց բաժնետիրական ընկերության «Սիսիան» մասնաճյուղը:
2. Մասնաճյուղին թույլատրել իրականացնել հետևյալ ֆինանսական գործառնությունները.
ա) բացել և վարել հաշիվներ, այդ թվում՝ այլ բանկերի թղթակցային հաշիվներ,
բ) մատուցել ֆինանսական և ինվեստիցիոն խորհրդատվություն,
գ) իրականացնել....

Սույն որոշումը ուժի մեջ է ընդունման պահից:

Նախագահ՝ (ստորագրություն) անուն-ազգանուն

1.7. Արձանագրություն

Կազմվում է տվյալ կազմակերպության ընդհանուր բլանկի վրա կամ ձևակերպվում է մաքուր թղթի վրա (ձևաչափ՝ A4), որտեղ կանխավ նշվում են ընդհանուր բլանկի համար նախատեսած պարտադիր պահանջները: Արձանագրության տիպային օրինակը ներառում է հետևյալ տվյալները՝ կազմակերպության (բաժանմունքի) անվանումը, փաստաթղթի տեսակի՝ անվանումը, կազմելու թվականը, գրանցման համարը, հրապարակման տեղը, վերնագիրը, տեքստը, ստորագրությունները:

- **Փաստաթղթի տեսակի անվանումը (ԱՐՁԱՆԱԳՐՈՒԹՅՈՒՆ):** գետեղվում է կազմակերպության անվանումից 2 ազատ տող ներքեւ՝ ընդհանուր բլանկի՝ տվյալների երկայնական դասավորությամբ եղի կենտրոնական մասում, անկյունային դասավորությամբ եղի ձախ սահմանագծից:
- **Թվականը.** համապատասխան նիստի թվականն է և ոչ թե փաստաթղթի ձևակերպման և վավերացման թվականը:
- **Գրանցման համարը.** հերթական նիստի համարն է:
- **Տեղը** (քնակավայրը), որտեղ կազմվել կամ հրապարակվել է արձանագրությունը:
- **Վերնագիրը.** հակիրճ արտահայտում է նիստի բովանդակությունը և ձևակերպվում է սեռական հոլովածուով:
- **Արձանագրության տեքստը.** ունենում է 2 բաժին՝ ներածական մաս և հիմնական մաս:

Առաջինը, որ խիստ ձևայնացված է, պարունակում է նիստի մասնակիցների մասին հակիրճ տեղեկություններ՝ մասնակիցների կազմը և օրակարգը: Կազմում նախ արձանագրվում են նախագահի և քարտուղարի անունները, ապա՝ մասնակիցներինը, հրավիրվածներինը: Եթե վերջիններիս թիվն անցնում է 15-ը, ցուցակը ներկայացվում է կից հավելվածով:

Օրակարգում ներկայացվում են քննարկվելիք հարցերը (ինչի՞ մասին), ինչպես նաև գեկուցողի մասին տեղեկություններ՝ պաշտոնը, ազգանունը, անվան և հայրանվան սկզբնատառերը (ի դեպ, վերջին փաստի հաղորդման համար երբեմն կիրառվող հերթականությունը՝ անուն-ազգանուն-հայրանուն, հայերենում ձևափոխությունների ժամանակ դժվարություններ է ստեղծում՝ Արամյան Հակոբ Վազգենիից (>): Ուստի հայերենում նախընտրելի է հակառակ հերթականությունը՝ անուն-հայրանուն-ազգանուն՝ Հակոբ Վազգենի Արամյանից):

Տեքստի երկրորդ՝ հիմնական մասը, ձևակերպվում է ըստ օրակարգի հարցերի և ունենում է առանձին բաժիններ՝ համապատասխան վերնագրերով, որոնք գրվում են մեծատառերով՝ **ԼՍԵՑԻՆ, ԱՐՏԱՀԱՅՏՎԵՑԻՆ, ՈՐՈՇԵՑԻՆ:** Դրանցից հետո դրվում է

միջակետ: Բաժիններից յուրաքանչյուրն ունի իր բովանդակությունը և ձևավորման յուրահատկությունները:

ԼՍԵՑԻՆ բառից հետո՝ 2 ազատ տող ներքը՝ անմիջապես սահմանագծից, արձանագրվում են զեկուցողի ազգանունը, անվան և հայրանվան սկզբնատառերը, ապա՝ գծիկ, հետո՝ զեկուցման համառոտ բովանդակությունը՝ ինչը՝ մասին է: (Զեկուցման տեքստը կարող է կցվել այդ մասին կատարվում է նշում՝ «Զեկուցման տեքստը կցվում է»):

ԱՐՏԱՀԱՅՏՎԵՑԻՆ բառից հետո արձանագրվում են ելույթ ունեցողի ազգանունը, անվան և հայրանվան սկզբնատառերը (ուղղական հոլովաձևով), ապա՝ գծիկ, հետո անուղղակի խորով արձանագրվում է ելույթի համառոտ բովանդակությունը (անհրաժեշտության դեպքում նշվում է արտահայտվողների կոչումը, աստիճանը, պաշտոնը):

Զեկուցողին կամ արտահայտվողին ուղղված հարցերը և դրանց պատասխանները գրվում են հաջորդականությամբ: Հարց տվողի անունը կարելի է և չնշել: Այսպես՝

Հարց՝ Ի՞նչ ժամկետներ եք նախատեսում իրավիճակը շտկելու համար:

Պատ.՝ Ժամկետները կճշտվեն գործը սկսելուց հետո:

ՈՐՈՇԵՑԻՆ բառին հաջորդում է (երկու ազատ տող ներքեսից) քննարկված հարցի վերաբերյալ համատեղ ընդունված վճիռը: Զնակերպվում է խիստ հակիրճ և հստակ, պատասխանում է որոշակի հարցերի՝ ի՞նչ պետք է անել, ո՞ւմ հանձնարարել, ի՞նչ ժամկետներում ևն:

Անհրաժեշտության դեպքում նշվում են քվեարկության արդյունքները: Արձանագրությունը ստորագրում են նիստի նախագահը և քարտուղարը:

- Արձանագրության առանձին տեսակներ ենքակա են վավերացման կազմակերպության առաջին դեկավարի կողմից: Դա կատարվում է գրիֆով՝ կնիք-մակագրությամբ, որը զետեղվում է փաստաթղթի վերին աջ անկյունում: Բաղկացած է Հաստատում են բառից, դեկավար անձի պաշտոնի կրծատ անվանումից, ստորագրությունից և դրա վերծանումից (անուն-ազգանուն-հայրանուն), հաստատման տարեթվից:

Եթե վավերացումը կատարվում է վերադասի կողմից, վերջինիս պաշտոնը գրվում է ամբողջությամբ, որը ներառում է նաև տվյալ կազմակերպության ամբողջական անվանումը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԿԵՆՏՐՈՆԱԿԱՆ ԲԱՆԿ

ЦЕНТРАЛЬНЫЙ БАНК

РЕСПУБЛИКИ АРМЕНИЯ

CENTRAL BANK OF THE

REPUBLIC OF ARMENIA

ԱՐՁԱՎԱԳՐՈՒԹՅՈՒՆ

Դրամավարկային քաղաքականության

հանձնաժողովի նիստի

08.11.2012 № 1

Նախագահ՝ անուն-ազգանուն

Քարտուղար՝ անուն-ազգանուն

Ներկա էին Ա. Ծ. Խաչատրյանը, Վ. Հ. Բագրատյանը, Հ. Մ. Սահակյանը, Հ. Կ. Մալխասյանը, Մ. Մ. Ավագյանը, Ա. Ա. Հակոբյանը:

Հրամակածներ՝ ՀՀ կառավարության լիազոր ներկայացուցիչ Ա. Ս. Ղարիբյան, ՀՀ ԿԲ ֆինանսական գործառնությունների դեպարտամենտի տնօրեն Ա. Մ. Վարդանյան

ՕՐԱԿԱՐԳ.

1. Հայաստանի Հանրապետության 2013 թվականի դրամավարկային քաղաքականության ծրագրի մասին

Զեկուցող՝ ՀՀ ԿԲ դրամավարկային քաղաքականության դեպարտամենտի տնօրեն Ա. Ծ. Խաչատրյան

2. Հայաստանի Հանրապետության բանկային համակարգում «2013 թվականի հիմնահարցի» լուծման մասին

Զեկուցող՝ ՀՀ ԿԲ տեղեկատվական կենտրոնի մասնագետ Մ. Մ. Ավագյան

1. ԼՍԵՑԻՆ.

Ա. Ծ. Խաչատրյանին – Հայաստանի Հանրապետության 2013 թվականի դրամավարկային քաղաքականության ծրագրի մասին: Զեկուցման տեքստը կցվում է:

ԱՐՏԱՀԱՅՏՎԵՑԻՆ.

Հ. Վ. Մկրտչյան - _____

ՈՐՈՇԵՑԻՆ. Հաշվի առնելով կատարված առաջարկություններն ու դիտողությունները՝ հանձնարարել ՀՀ ԿԲ դրամավարկային քաղաքականության դեպարտամենտին լրամշակել և մինչև օրվա վերջ ՀՀ ԿԲ խորհրդի հաստատմանը ներկայացնել ՀՀ 2013 թվականի դրամավարկային քաղաքականության ծրագրի վերջնական տարբերակը:

2. ԼՍԵՑԻՆ.

Մ. Մ. Ավագյանին - Հայաստանի Հանրապետության բանկային համակարգում «2013 թվականի հիմնահարցի» լուծման մասին _____

ԱՐՏԱՀԱՅՏՎԵՑԻՆ.

Ա. Ա. Հակոբյան - _____

Ա. Դ. Ավետիսյան - _____

ՈՐՈՇԵՑԻՆ.

2.1. Ընդունել ներկայացված որոշման նախագիծ՝ երկրորդ կետում ավելացնելով հետևյալ ենթակետը՝ «ՀՀ բանկերին՝ մինչև 2012 թվականի դեկտեմբերի 1-ը ներկայացնել տեղեկանք ծրագրի ավարտի վերաբերյալ»:

2.2. Հանձնարարել ՀՀ ԿԲ ֆինանսական գործառնությունների դեպարտամենտին....

Նախագահ՝ (ստորագրություն) անուն-ազգանուն

Քարտուղար՝ (ստորագրություն) անուն-ազգանուն

1.8. Պայմանագիր

Կազմակերպական բնույթի քաղաքացիական իրավական փաստաթուղթ է: «Պայմանագրի հիմնական առաքելությունը օրենքի շրջանակներում մարդկանց վարքագծի, նրանց հնարավոր և պարտադիր գործելակերպի կարգավորումն է պայմանագրային պարտականությունները խախտելու հետևանքները ցույց տալու միջոցով»⁵⁸:

Ընդունված են պայմանագրերի ինչպես որոշակի տեսակներ (առուժախի, աշխատանքներ կատարելու, ծառայություններ մատուցելու ևն), այնպես էլ տարրեր պայմանագրերի տարրեր պարունակող խառը պայմանագրեր: Այս տարատեսակությամբ պայմանավորված՝ պայմանագրի համար սահմանված պարտադիր պահանջները (տվյալների կազմը, կառուցվածքը, ձևավորումը ևն) ենթակա են մասնակի փոփոխությունների:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿ 	ЦЕНТРАЛЬНЫЙ БАНК РЕСПУБЛИКИ АРМЕНИЯ TBI/NJ/02/34
CENTRAL BANK OF REPUBLIC OF ARMENIA	_____ 2014 թ. № _____
ԱՇԽԱՏԱՆՔԱՅԻՆ ՊԱՅՄԱՆԱԳԻՐ	
<p>ՀՀ կենտրոնական բանկը, այսուհետև՝ «Գործատու», ի դեմու կենտրոնական բանկի նախագահ _____-յանի, ով գործում է ՀՀ կենտրոնական բանկի կանոնադրությամբ՝ մի կողմից, և քաղաքացի այսուհետև՝ «Աշխատող»՝ մյուս կողմից, փոխադարձ ընդունելի պայմաններով կնքեցին սույն պայմանագիրը հետևյալի մասին.</p> <p>1. «Աշխատող» ընդունվում է աշխատանքի՝ բանկի _____ պարտականությունները կատարելու համար՝ ենթարկվելով հիմնարկության ներքին աշխատանքային կանոնակարգին՝ ամսական _____ դրամ աշխատավարձով:</p> <p>2. «Գործատու» և «Աշխատող» միջև պայմանագիրը կնքվում է _____ ժամկետով՝ _____ 2014 թ. մինչև _____ 2014 թ.:</p> <p>3. «Աշխատող» պարտավորվում է՝</p> <p>ա) կատարել իր պաշտոնական պարտականությունները՝ մասնագիտական գիտելիքներին և որակավորմանը համապատասխան,</p> <p>բ) ժամանակին և ճիշտ կատարել դեկավարության հանձնարարությունները: «Գործատուն» պարտավորվում է՝</p> <p>ա) «Աշխատողին» հատկացնել աշխատանք՝ սույն պայմանագրի պայմաններին համապատասխան,</p> <p>բ) ապահովել «Աշխատողին» աշխատանքային անհրաժեշտ պայմաններով՝ սույն պայմանագրով նախատեսած պարտականությունները կատարելու համար, այդ թվում՝ հատ-</p>	

⁵⁸ Քաղաքացիական իրավական պայմանագրեր (օրենսդրական պարզաբանումներ), խմբ.՝ Նագարյան Վլ., Եր., 1999, էջ 3:

կացնել նրան տեխնիկական և նյութական անհրաժեշտ միջոցներ:

4. Պայմանագրի ժամկետը լրանալիս պայմանագիրն ընդհատվում է: Սույն պայմանագրի հետ կապված վեճերը լուծվում են օրենքով սահմանված կազով:
5. Պայմանագիրը համարվում է օրինական միայն երկու կողմերի ստորագրության առկայության դեպքում:

Կողմերի հասցեները

«Գործատու» «Աշխատող»

Երևան, Վ. Սարգսյան 6 _____

Նախագահ՝ (ստորագրություն) անուն-ազգանուն

Աշխատող _____

2014 թ. _____ 2014 թ.

1.9. Տեղեկանք

Սույն տեղեկանքը ներկայացնող Անահիտ Դավթյանը 2013 թ. հունիսի 18-ից մինչև հուլիսի 24-ը աշխատանքային պրակտիկա է անցել ՀՀ կենտրոնական բանկի հաշվարկների և բանկային տեխնոլոգիաների զարգացման վարչությունում:

Տրվում է «Ա բանկ» ներկայացնելու համար:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԿԵՆՏՐՈՆԱԿԱՆ ԲԱՆԿ

ԱՆՁԱԿԱԶՄԻ ԿԱՌԱՎԱՐՄԱՆ ԵՎ

ԱՐՏԱՔԻՆ ԿԱՊԵՐԻ ՎԱՐՉՈՒԹՅՈՒՆ

CENTRAL BANK OF ЦЕНТРАЛЬНЫЙ БАНК

THE REPUBLIC ARMENIA РЕСПУБЛИКИ АРМЕНИЯ

PERSONAL MANAGEMENT END УПРАВЛЕНИЕ ПЕРСОНАЛОМ

EXTERNAL RELATION DEPARTMENT ВНЕШНИХ СВЯЗЕЙ

ՏԵՂԵԿԱՆՔ

Սույն տեղեկանքը ներկայացնող Անահիտ Դավթյանը 2020 թ. հունիսի 18-ից մինչև հուլիսի 24-ը աշխատանքային պրակտիկա է անցել ՀՀ կենտրոնական բանկի հաշվարկների և բանկային տեխնոլոգիաների զարգացման վարչությունում:

Տրվում է «Ա բանկ» ներկայացնելու համար:

ՀԱՎԵԼՎԱԾ 2. ՀԱՅԵՐԵՆԻ ԿԵՏԱԴՐՈՒԹՅՈՒՆԸ⁵⁹

Կետադրությունը հատուկ գրանշանների համակարգ է, որով գրավոր խոսքում նշվում են լեզվական որոշ միավորների (նախադասությունների, նախադասության անդամների, բառերի ու դրանց բաղադրիչների) սահմաններն ու փոխհարաբերությունը, բառերի կամ տառերի գեղջումը, ինչպես նաև բանավոր խոսքի հնչերանգի որոշ տարրեր:

Սովորաբար առանձնացվում է կետադրական նշանների երեք խումբ՝ **ՄՐՈՒՀՈՒԹՅԱՆ, ԲԱԳԱՀԱՅՍՈՒԹՅԱՆ և ԱՌՈՋԱՆՈՒԹՅԱՆ**:

1. ՏՐՈՀՈՒԹՅԱՆ ՆՇԱՆՆԵՐ

Տրուհության նշանները գրավոր շարադրանքում նախադասությունները և դրանց շարահյուսական բաղադրիչները սահմանազատող (միացնող), դրանց փոխհարաբերությունները, ինչպես նաև բանավոր խոսքի համապատասխան դադարներն արտահայտող կետադրական նշաններ են: Դրանք են վերջակետը, միջակետը, ստորակետը, բուրք: Տրուհության առանձին նշաններ հանդես են զալիս համակցված՝ ստորակետգիծ, միջակետ-զիծ, վերջակետ-զիծ, եռակետ-զիծ:

ՎԵՐՋԱԿԵՏ դրվում է.

1. Ավարտված նախադասության վերջում: Հաջորդող նախադասությունը սկսվում է մեծատառով: **Օր.՝ Բնական զիտությունները զիտական մեթոդներով լուսաբանում են աշխարհը դեկավարող կանոնները:** Բնագիտությունը բաժանվում է հինգ ճյուղի՝ ասսոդագիտություն, ֆիզիկա, քիմիա, կենսաբանություն և երկրաբանություն:

2. Շարադրանքից պարբերությամբ չանցատված վերնազրից, ենթավերնազրից հետո, ինչպես նաև **ծանրթություն**, վարժություն, խնդիր, առաջադրանք, հոդված և նման բառերից կամ դրանց թվահամարից հետո: **Օր.՝ Որոշիք գրաֆիկները հատում կետերի արացիսները:**

Առաջադրանք 1: Կառուցիք $y = x$ և $y=1$ ֆունկցիաների գրաֆիկները: Որոշիք գրաֆիկների հատում կետերի արացիսները:

Հոդված 27: Անազատ և կիսաազատ պայմաններում վայրի կենդանիներ պահելու պայմանները պետք է ապահովեն դրանց կենսաբանական, անհատական և տեսա-

⁵⁹ Տե՛ս նաև **Ավելիացան Յուլ.**, Արդի հայերենի կետադրության հիմնախնդիրներ, Եր., 2019 (Ել. հասցե՝ http://publishing.ystu.am/files/Ardi_hayereni_ketadrutyun.pdf):

կային առանձնահատկությունները, առողջությունը և կյանքի անվտանգությունը, ինչ-պես նաև բացառեն պահելու վայրից կենդանիների փախուստը:

Ինֆորմատիկա: Հանրակրթական դպրոցի 11-րդ դասարանի դասագիրը:

3. Թվարկում արտահայտող այն ինքնուրույն նախադասություններից հետո, որոնցից առաջնն արտահայտում է ընդհանրական միտք, իսկ մյուսները նրա մասնավոր դրսերումներն են: Ընդհանրական միտք արտահայտող նախադասությունից հետո կարող է դրվել նաև **միջակետ:** **Օր.**

Ակվապոնիկան սիմբիոզային միջավայրում ավանդական ջրային տնտեսության և հիդրոպոնիկայի համայրման պրակտիկան է: (.)

1. Սիմբիոզային միջավայրում (արհեստական ավազաններում) բուծում են ձկներ, խխունջներ, ջրային այլ կենդանիներ:

2. Հիդրոպոնիկան բույսերի աճեցումն է ջրային եղանակով:

Եթե բաղադրիչ նախադասությունները պակաս ինքնուրույն են և առավել սերտ կապի մեջ են իրար հետ, ապա կարող են տրոհվել **միջակետով:**

4. Մատենագիտական ցանկում, տողատակում մատենագիտական ամեն մի առանձին հեռումից հետո դրվում է վերջակետ: **Օր.**՝ **Գ. Թորմաջյան,** **Կենցաղային քիմիա,** Երևան, 2013, էջ 40: **Ո. Հակոբյան,** **Քիմիայի և դեղագործության համառոտ բառարան,** 2016թ., էջ 154:

5. Այս կամ այն բնագավառին վերաբերող հարցեր, թեմաներ ներկայացնող բառերի, բառակապակցությունների միջև, որոնք թվարկմամբ հաջորդում են իրար: **Օր.**՝

Կինեմատիկայի հիմունքները: Ուղղագիծ հավասարաչափ շարժում: Ուղղագիծ հավասարաչափ շարժման արագություն: Արագության մոդուլը: Արագության միավորը:

Վերջակետ-զիծ համակցված նշանը դրվում է ուրիշի ուղղակի խոսքի՝ երկու ինքնուրույն նախադասությունների միջև ընկած հեղինակային խոսքից հետո: **Օր.**՝ «Տիեզերքը անսահմանափակ է,- ասել է Ջորջան Բրունոն 16-րդ դարում: -Արեգակն էլ ընդամենը աստղ է»:

ՎԵՐՋԱԿԵՏ չի դրվում.

ա) Վերջադրի կախման կետերից հետո: **Օր.**՝ 1895 թ. նոյեմբերի 8-ին Ռենտզնը, մոռանալով անջատել էլեկտրոնային վակուումային խողովակը, հանգցրել է լամպը ու առեղծվածային ձառագայթներ նկատել... Ցնցող բացահայտումը պատահականության արդյունք է:

բ) Շարադրանքից դուրս գործածված վերնագրից, ստեղծագործության, պարբերականի կամ այլ անվանումից, կարգախոսից, կոչից, աղյուսակի, քարտեզի կամ նկարի մակարությունից, գովագրային կամ տեղեկատու նշանակությամբ նախադասությունից հետո: **Օր.**՝

Խորոշատեխնիկական համակարգերի մեխանիկա

Հաղորդիչների տարանալն էլեկտրական հոսանքով. Ջոուլ Լենցի օրենքը

«Կենդանիների պաշտպանության կենտրոն» հասարակական կազմակերպություն

Անհնար է պատկերացնել կենցաղն առանց քիմիայի

Աղյուսակ 5. Զերմաշափիչներ

Ծրագրավորման դասընթացներ

Անվճար

Ծանոթություն: Վերջակետ, միջակետ կամ ստորակետ չի դրվում պաշտոնական գրագրություններում (նամակ, ուղերձ ևն), գեկուցումներում և այլ կարգի փաստաթղթերում դիմումի հարգական ձեւը կետու կոչականի կամ դրան նախորդող լրացման վրա կարելի է շեշտ չդնել՝ շարադրանքը ավելորդ նշաններով չծանրաբեռնելու համար: **Օր.**

Տիկնայր և պարոնայր

Հարգարժան գործընկերներ

Մեծահարզ նախազահ, հարգարժան հրուեր, սիրելի ներկաներ

Վերապատվելի պարոն

ՄԻԶԱԿԵՏ դրվում է.

1. Բարդ համադասական նախադասության համեմատաբար ինքնուրույն բաղադրիչների միջև: **Օր.**՝ Գործն ավարտվեց. ծանր օր էր:

2. Այնպիսի բառակապակցություններում, որոնցից մեկն արտահայտում է մյուսի վերաբերյալ կամ նրա կապակցությամբ մասնավորում, ընդհանրացում, լրացուցիչ միտք: Դա հաճախ հանդիպում է վերնագրերում, ենթավերնագրերում, բուն վերնագրի և նրա հավելվածի միջև: **Օր.**՝ Թվային ինտեգրալ սիեմաներում արտահոսքի հղության ծախս. չափման և արդյունքների վերլուծության ավտոմատացված համակարգ:

Կարտոնագրե՞ն գյուտը, թե՞ ոչ. հիմնավորումները համոզիչ չեն:

Հայ պատանի մաքեմատիկոսները երկու արձաքե, մեկ բրոնզէ մեղալ են նվաճել մաթեմատիկայի միջազգային օլիմպիադայում. թարմ լուրեր Լոնդոնից:

3. Առաջարաս հերինակային խոսքի վերջում՝ չակերտով կամ անջատման գծով ուրիշի ուղղակի խոսքից առաջ: **Օր.**՝ Էյնշտեյնն ասել է. «Այս կյանքում երկու անսահման բան կա՝ տիեզերքը և մարդկային հիմարությունը. ընդ որում, տիեզերքի հարցում ես վստահ չեմ»:

4. Իրենից հետո թվարկում ենթադրող ավարտուն նախադասության վերջում, կանոններից, սահմանումներից հետո, եթե դրանց անմիջապես հաջորդում է օրինակը՝ առանց մեկնական օրինակ, ինչպես, այսպես և նման բառերի: **Օր.**՝ Փորձերի հիման վրա կազմվել է մետաղների արտամդման շարքը. **K, Na, Mg, Al, Zn, Fe, Ni, Sn, Pb:**

5. Համառոտագրությունից հետո: Op.՝ *հմմտ. (համեմատել)*, նշվ. *աշխատակից աշխատություն*:

6. Թվարկում նշող թվանշաններից, տառերից հետո: *Op.՝ 1. Ի՞նչն են ընդունում որպես լարման միավոր: 2. Ի՞նչպէս են անվանում այդ միավորը: 3. Ի՞նչ լարում են օգտագործում լրացակուման ցանցում:*

Եթե թվարկում արտահայտող թվանշաններից կամ տառերից հետո կա փակազիծ, ապա միջակետ չի դրվում: *Op.*

Բազմապատկեր հետևյալ թվերը.

ա) 94×89 , զ) 82×315 ,

բ) 314×15 , դ) 189×563 :

7. Թվարկվող այն միավորների միջև, որոնք արտահայտված են բառակապակցություններով կամ ունեն ստորակետով նշված ներքին տրոհումներ: *Op.*

Անողնաշարապորների կազմի մեջ մտնում են.

1. *աղեխտրշապորների տիպը. ներկայացուցիչներն են մեղուզաները.*

2. *տափակ որդերի տիպը. ներկայացուցիչն է պլանարիան.*

3. *ողակավոր որդերի տիպը. ներկայացուցիչն է անձրևորդը.*

4. *փափկամարմինների տիպը. ներկայացուցիչն է խիտունչը:*

Ծանոթություն 1: Եթե թվարկվող միավորներն ունեն վերջակետով նշված ներքին տրոհումներ, ապա թվարկվող միավորները կարող են տրոհվել վերջակետով: *Op.*

Ծրագրով նախատեսված նյութը բաժանվում է մի քանի հիմնական մասերի: (.)

1. *Կինեմատիկա և դինամիկա:*

2. *Պահպանման օրենքները մեխանիկայում: Հեղուկներ և գազեր:*

3. *Սոլեկտուային ֆիզիկա: Զերմային երևույթներ:*

4. *Էլեկտրասուստիստիկա: Մագնիսական դաշտ:*

Ծանոթություն 2: Կապակցված խոսքից դուրս՝ նոր տողից կատարվող սովորական թվարկումների դեպքում տրոհության նշան չի դրվում: *Op.*

ԱՇԽԱՄԱԳՐՈՒԹՅՈՒՆ

2020 թ. բուհական ընդունելության ծրագիր

1. Աշխարհագրական թաղանթ

ա) *Աշխարհագրական թաղանթի կառուցվածքը*

բ) *Երկրագնդի խոշոր պլատֆորմները*

զ) *Օդային զանգվածներ*

դ) *Բնական զոնաներ*

8. Թվարկում արտահայտող այն նախադասությունների միջև, որոնցից առաջինն արտահայտում է առարկան, երևույթն ընդհանուր կերպով, իսկ մյուսները նրա մասնավոր հատկանիշներն են, դրսնորումները, պակաս ինքնուրույն են և առավել սերտ կա-

պի մեջ են իրար հետ՝ ի տարբերություն վերջակետով տրոհվող նախադասությունների: **Օր.**

Արյան բաղադրամասերը փոխներարկվում են մի քանի փուլերով.

1. Արյան բաղադրամասերի փոխներարկման հիմնավորումից հետո բժշկի կողմից լրացված բաղադրամասերի պահանջագիրը ներկայացվում է արյան փոխներարկման բժշկական կազմակերպություն:

2. Բժշկի կողմից ստուգվում է փոխներարկվող՝ էրիթրոցիտ պարունակող արյան բաղադրամասի

խմբային և ռեզուս պատկանելությունը.

3. Որոշվում է ռեցիպիենտի արյան և փոխներարկվող արյան բաղադրամասի համատեղելիությունը.

4. Միջին բուժաշխատողների կողմից արյան բաղադրամասը փոխներարկվում է միանգամյա օգտագործման ֆիլտրով՝ ներերակային, կաթիլային եղանակով:

10. Անվանում, կոչ, հարցադրում արտահայտող բառերից, բառերի կապակցություններից, նախադասություններից հետո, որոնց հաջորդում է դրանց հետ ուղղակիորեն կապված, դրանց անմիջականորեն վերաբերող կարծիք, գնահատություն, եզրակացություն: **Օր.՝ Ռադիոֆիզիկայի ֆակուլտետը մեկ հիմնական նպատակ ունի. կիրառական ֆիզիկայի ոլորտում պետք է պատրաստի միջազգային չափանիշներ բավարարող հմուտ ճարտարագետ հետազոտողների:**

ՍՏՈՐԱԿԵՏ դրվում է.

1. Պարզ նախադասության և, ու, կամ, թե շաղկապներով չմիացած բազմակի (համազոր) և կրկնվող անդամների միջև: **Օր.՝ Թրթուրներն առավել հաճախ ֆիտոֆազ են, այսինքն՝ սնվում են բուսական կերով, տերևներով, ծաղիկներով, պտուղներով:**

Ծանոթություն: Եվ, ու, կամ շաղկապներով կապակցված համարա նախադասությունների միջև դրվում է ստորակետ, եթե դրանք չունեն ընդիհանուր ենթակա: **Օր.**՝ Առանց պարարտանյութի բազմապատիկ ցանքերից հետո բուսահողը աղքատանում է կալիումի աղերից, ու բերքատվությունն ընկնում է: Անուժելի միկրոտարբեր մասշելի չեն բույսերին, և դժվարապույժները թիզ մատչելի:

Եթե ենթական համազոր նախադասություններում կրկնվում է նույնությամբ կամ այլ բառով, դարձյալ դրվում է ստորակետ: **Օր.**՝ Հողվածոտանիների խիսինային ծածկույթն առաձգական չէ, և այդ ծածկույթը կենդանու հետ միասին չի աճում:

2. Անշաղկապ բարդ համադասական նախադասության այն բաղադրիչների միջև, որոնք սերտ կապված են թե՝ իմաստով, թե՝ հնչերանգով: **Օր.**՝ Ասումի զանգվածը հիմնականում տեղափոխված է միջուկում, էլեկտրոնների զանգվածը չնշին է, էլեկտրոնների չափերը 100 հազար անգամ փոքր են ասումի չափերից:

3. Ծաղկապավոր բարդ համադասական նախադասության բաղադրիչների միջև:Օր՝ Կենդանի նյութերը մշտապես ինքնանորոգվում են, իսկ անկենդանները՝ միայն արտաքին ուժի ազդելու դեպքում:

4. Ստորադասական շաղկապներով կամ հարաբերական դերանուններով միացած գլխավոր և երկրորդական նախադասությունների միջև դրվում է ստորակետ: Օր՝ Քարակերտ Երկիրը պարունակում է տասնյակ քիմիական նյութեր, որոնք մարդն օգտագործում է տարրեր կարիքների համար:

Ծանոթություն 1: Իրար հաջորդող երկու շաղկապների դեպքում երկրորդ միավորը կարող է ստորակետով չանցանալ: Օր՝ Անալիզի էկստրակցուային եղանակի հիմքում ընկած է էկստրոլիզի երևույթը, և եթե անալիզվող լուծույթի միջով անցկացնում են հաստատուն էկստրական հոսանք, էկստրոռի վրա կարող է անցանալ մետաղ կամ օրսիդ:

Ծանոթություն 2: Ստորադասական շաղկապից առաջ ստորակետ չի դրվում, եթե շաղկապը միջադասաված է երկրորդական նախադասությանը: Օր՝ Այդ օրինաչափությունը եթե չլիներ, ապա մեկ բակտերիան անարգել զարգանալու դեպքում 5 օրում կլցներ համաշխարհային օլլիանուր:

5. Նախադասության հիմնական մասի և կոչականի միջև (վերջինիս միջանկյալ լինելու դեպքում՝ երկու կողմից): Օր՝ «Ո՞վ դո, բնությո՞ն, որքա՞ն խորհրդավոր ես»:

6. Նախադասության հիմնական մասի և միջարկումների (միջանկյալ բառերի, բառակապակցությունների, նախադասությունների) միջև, եթե դրանք փակագծերի մեջ առնված չեն: Օր՝ Գոյություն ունեն, այսպես կոչված, իզոբարներ, որոնք ունեն հավասար զանգվածային թվեր: Այլևս ոչ մի սարք, թվում էր, չէր կարող որսալ զրավիտացիոն ալիքները:

7. Զայնարկությունների և նախադասության հիմնական մասի միջև: Օր՝ Այդ ֆակուտետը, ավա՞ն, աստիճանաբար զիջում է իր դիրքերը:

8. Տրիկող վերաբերականների և նախադասության հիմնական մասի միջև: Օր՝ Արեգակնային էներգիայի առաքումը, անշուշտ, ավելի զորեղ կլիներ, եթե Արեգակի լուսուղութում չինեին ջրածնի բացասական իոններ:

9. Միջարաս տրոհված դերբայական դարձվածից, ինչպես նաև գեղչված դերբայով դարձվածից առաջ և հետո: Օր՝ Կրաքարային կառույցները, ձգվելով մայրցամաքի հյուսիսարելյան ափերին գուգահեռ, առաջացնում են աշխարհի ամենամեծ կորայան խութը: Սոնան, զիրքը ձեռքին, ներս մտավ:

10. Հիմունիքի ու զիջման միջադաս տրոհված պարագաներից առաջ և հետո: Օր՝ Շիկացած պտուղող զազային միզամածությունը, բայտ Լապլասի պատկերացման, պէտք է որ տափակ ձև ունենար:

11. Բացառման կապերով (բացի, բացառությամբ ևն) ձևավորված միջադաս անուղակի խնդրի սկզբում և վերջում: Օր՝ Նշված բույսերը, բացի հնդկացորենից, պատկանում են հացազգիների ընտանիքին:

12. Բուն և պարագայական մասնավորող, ինչպես նաև հետադաս մասնական **բացահայտիչներից** հետո: **Օր.՝ Երկշաքիլավորները՝ մազնոլիովիսիդները,** ծաղկավոր բոյսերի դասն են կազմում: Դրանց վեգետատիվ և գեներատիվ օրգանների բազմազանությունը բարդացնում է դասի ներսում՝ **կարգերի և ընտանիքների միջև,** ազգակցական կապերի հաստատումը:

Ծանոթություն: Երբ մասնական բացահայտիչը նախադաս է, բութը դրվում է նրանից հետո, իսկ բացահայտյալից հետո ստորակետ չի դրվում: **Օր.՝ Իբրև հաղորդիչ՝** այդ միացությունը կարող է ազդել մյուսի վրա:

13. Տրոհված **հետադաս որոշիչից** հետո: **Օր.՝ Անդերի ժայռերի կատարներին սավանում են աշխարհի ամենամեծ հսկա կոնդորները՝ թերերի Յ մետր բացվածքով:**

14. **Համեմատության կապերով** (ինչպես, ասես, *pang* որ ևն) ձևի պարագաների և նախադասության այլ անդամների միջև: **Օր.՝ 700 աստիճանում երկաթը շիկանում, կարծես բռնկվում է, ինչպես կուրացնող բոցը:**

15. **Վերջադաս գերբայական դարձվածի** և **միավորիչ և, ու, կամ շաղկապներով սկսվող հաջորդող համարաս նախադասության միջև:** **Օր.՝ Գիտնականները համառորեն ուսումնասիրում են երկնաքարերը՝ փորձելով այնտեղ օրգանական նյութ գտնել, և դա նրանց հաջողվել է:**

16. **Անջատման գծի հետ գուգորդվելով՝ կազմում է ստորակետ-գիծ համակցված նշանը:** **Օր.**

-*Մեզ չհամոզեցին բերված փաստերը, -առարկում էին երկրորդ հոսքի ուսանողները:*

ԲՈՒԹ դրվում է.

1. Բացահայտյալի և **բացահայտիչի միջև:** **Օր.՝ Հիմնականում անհավասարաշափ են շարժվում գրեթե բոլոր մարմինները՝ փողոցում քայլող մարդք, սարից իջնող դահուկորդք, պատշաճամբից բնկնող գնդակք, վայրէջք կատարող ինքնաթիռը և այլն:**

2. **Առաջադաս և վերջադաս գերբայական դարձվածների** (ինչպես նաև զեղչված դերայով դարձվածների) և նախադասության հիմնական մասի միջև: **Օր.՝ Չիտերով նավերի հայտնվելը եռիզոնում՝ Պյութագորասը հանգեց Երկրի գնդաձեռւթյան զաղափարին: Էկզոլորտի վերին սահմաններում սկզբում շերմաստիճանը նվազում է, ապա սկսում է աճել՝ հասնելով մոտ հազար երեք հարյուր աստիճանի:**

3. **Առաջադաս և վերջադաս տրոհված հիմունքի և զիջման պարագաների և նախադասության հիմնական մասի միջև:** **Օր.՝ Հստ աղային կազմի՝ լճերը լինում են կարբնատային կամ սողային, սոլֆատային և քլորիդային: Սև խոռոչը Արեգակից ծանր է մոտ տասը անգամ՝ չնայած իր փոքրությանը:**

4. **Բացառման կապերով** (բացի, բացառությամբ ևն) ձևավորված առաջադաս կամ վերջադաս անուղղակի խոնդրի և նախադասության այլ անդամների միջև: **Օր.՝ Բացի կենդանածին մողեսից և իծից՝** գեռունները չեն սիրում մոլորակի հյուսիսային շրջան-

ներք: Մետաղների համեմատությամբ հեղուկների ջերմահաղորդականությունը փոքր է՝ քացառությամբ հալեցրած մետաղների:

5. Հետաղաս բազմակի կամ ծավալուն որոշիչից առաջ: Օր՝ 200-300 միլիոն տարի առաջ ուրիշ է եղել մեր մոլորակը՝ բնակեցված բոլոր չափերի սողուններով ու գեռուններով:

6. Անորոշ առումով թվարկված վերջադաս բազմակի ենթականերից առաջ: Օր՝ Տրանսնեպտունային մարմիններից խոշորագույններն են՝ Պլուտոն, Սեղնա, Հոմեա, Մակենակե, Կվազար, Օրկ, Էրիս:

7. Հետաղաս նպատակի պարագայից առաջ, եթե արտահայտված է առանց նպատակի կապի դերբայական դարձվածով կամ անմիջապես չի հաջորդում ստորոգյալին: Օր՝ Ուսանողներն օգտագործում են ստեղծված բոլոր հնարավորությունները՝ դիտարկելու ավտոմատ գեներացվող ակադեմիական տեղեկագիրը:

8. Տրոհված հատկացուցիչից հետո՝ իմաստային շփոթը կանխելու համար: Օր՝ Օրգանիզմի՝ խոնավության կորստից պաշտպանող թեկուկավոր ծածկույթի շնորհիկ սողունները գոյատևում են երկրագնդի շող և երաշտային տարածքներում:

9. Ստորոգյալի, շաղկապի, երբեմն կ գերբայի գեղչումը նշելու համար: Օր՝ 200-400 կմ մեծություն ունեն 24 աստերոիդներ, իսկ 400-600 կմ՝ ընդամենը երեքը: Շատերը համոզված են՝ (առ) թվերն են կառավարում աշխարհը:

10. Կապակցված խոսքից դուրս գործածվող տեղեկատու արտահայտություններում՝ տեղեկույթ պահանջող բառի կամ արտահայտության վրա: Ստորոգյալի գեղշման յուրահատուկ դեաք են անվանական (թերի) այն նախադասությունները, գիտական նկարագրություններն ու թվարկումները, կապակցված խոսքից դուրս գործածվող վերնագրերը, տեղեկատու արտահայտությունները, որոնցում առկա է ոչ վերջադաս ենթակա կամ ստորոգյալի լրացում, որի վրա կ դրվում է բութը՝ ստորոգում արտահայտելու համար: Օր՝

*Տիեզերքի և նրա բաղադրամասերի շարժումը՝ նյութի գոյության ձև
Խմբագիր՝ Գ. Ավետիսյան
Չափսը՝ 70 × 100 1/15*

11. Տվյալ բաղադրիչ նախադասության սահմաններում վերջադաս հակիրճ (առավելապես մեկ բառով արտահայտված), չակերտների մեջ չառնված և հեղինակային խոսքից պարբերությամբ չանցատված ուրիշի ուղղակի խոսքից առաջ: Օր. Արքիմեդը լոգարանում կատարած իր հայտնագործությունից այնքան էր հուզվել, որ առանց հագնվելու վագեց փողոց՝ գորալով՝ է՝ վրիկա (զտա):

12. Որոշիչի վրա, եթե նրան հաջորդում է մեկնական նշանակությամբ անհամասեռ որոշիչ: Օր՝ Մյուս՝ գաճաճ մոլորակը Սերեսն է:

13. Թվարկում արտահայտող նախ, ապա, հետո, մի կողմից, մյուս կողմից, առաջին, երկրորդ, երրորդ, վերջապես և նման այլ բառերի ու բառակապակցությունների վրա: **Օր.**

Մի կողմից՝ շերմաստիճանն է բարձրանում, մյուս կողմից՝ օդագնացությունն է անհնար դարձնում:

14. Թվարկումների, օրինակների, մեկնաբանությունների նկատմամբ նախադաս մեկնական բառերի (այսպէս, այսպիսով, որոնք են, դրանք են, որ են, այդպիսիք են, օրինակ ևն), բացահայտման շաղկապների (այսինքն, այն է) վրա: **Օր.**՝ Պեսր է ավելի գործնական լինել, այն է՝ համագործակցության նոր ուղիներ առաջարկել: **Այսպիսով՝** 18-րդ դարում պարզվեց, որ Արեգակնային համակարգը Ծիր Կաթին զալակտիկայի մասն է կազմում:

Տանօթություն: Մեկնական բառից առաջ սովորաբար դրվում է ստորակետ, երբեմն՝ միջակետ: **Օրինակ,** այսպիսով բառերը միջադաս գործածության դեպքում ընկալվում են որպես միջանկալ բառեր և անփում են ստորակետների մեջ: **Օր.**՝ Բույսերի ջրասեր ու չորասեր տեսակները, **օրինակ,** կողք կողքի ապրել չեն կարող: Երկրագնդի միջուկի կազմում, **այսպիսով,** հիմնականը երկաթն է, ապա՝ ծծումբը, նիկելը, ջրածինը:

15. Վերջադաս թվարկված (սովորաբար՝ համարակալված) **բազմակի անդամների** (համադաս նախադասությունների) և նախադասության հիմնական մասի միջն:

Օր.՝ Քվանտային դինամիկայի հիմնական հավասարումներն են՝ **Շրյուդինգերի հավասարումը, Ֆոն Լինդգալի հավասարումը, Հայզենբերգի հավասարումը, Պաուլի հավասարումը:**

16. Թվարկումից առաջ, եթե թվարկմանը նախորդում է բառ կամ բառակապակցություն, կամ թվարկվող միավորները բառեր կամ բառակապակցություններ են: Թվարկվող բաղադրիչները տրոհվում են միջակետով կամ ստորակետով: **Օր.**՝

Երկրագնդի միջուկը շրջապատող ոլորտը՝ միջնապատյանը, բաժանվում է երեք ենթորտների

1. վերին միջնապատյան կամ թույլոլորտ (ասրենոսֆերա),
2. միջին միջնապատյան,
3. ստորին միջնապատյան:

Թվարկումը կարող է շարունակվել նույն տողում: **Օր.**՝ Բարձրակարգ բույսերը հիմնականում կազմված են չորս գլխավոր տարրերից՝ **ա. ածխածին՝ 45%, բ. թթվածին՝ 42%, գ. ջրածին՝ 6,5%, դ. ազոտ՝ 1,5%, ե. այլ տարրեր՝ 5%:**

2. ԲԱՑԱՀԱՅՏՈՒԹՅԱՆ ՆՇԱՆԱԵՐ

Սրանք գրավոր խոսքում նախադասության միտքը, բառերի հարաբերությունը պարզող, շարահյուսական որոշակի կառուցներ, անվանումներ, վերնագրեր և խոսքի այլ տարրեր նշող, ինչպես նաև բանավոր խոսքի համապատասխան դադարներն ու ձայ-

նի ելեկցները լրացուցիչ կերպով արտահայտող կետադրական նշաններն են և դրանց համակցությունները: Դրանք են չակերտները, փակագծերը, կախման կետերը, բազմակետը, անջատման գիծը, միության գծիկը, ենթամնան, ապաթարցը:

ՉԱԿԵՐՏՆԵՐԸ անջատվում են շարադրանքի՝ որոշակի հատկանիշներով առանձնացող հատվածներ: Հատվածի սկզբում դրվում է բացող (ձախ) չակերտը, վերջում՝ փակող (աջ) չակերտը:

Չակերտների մեջ են առնվում.

1. ՄԵԶՔԵՐՎՈՂ ՌԱԴԻՎԱԿԻ ԽՈՍՔԸ՝ լինի գրավոր, հնչող թե ներքին, իրական, ենթադրյալ թե վերագրվող, ամբողջական թե թերի, հեղինակի խոսքին քերականորեն ձուլված թե ձձուլված:

Օր.՝ Թումաս Էղիստոնը մի առիթով ասել է. «Մենք կեկտրականությունն այնքան մատչելի կդարձնենք, որ մոմեր կակսեն վառել միայն հարուստները»:

2. Գիտական և արվեստի երկերի, հոդվածների վերնագրերը, պարբերականների անունները, հիմնարկների, կազմակերպությունների, գրուայգիների, ապրանքների, շքանշանների պայմանական անունները, մակնիշները՝ խոսքում մեջքերվելու դեպքում: Դրանք սկսվում են մեծատառով: Միջադաս լինելու դեպքում չակերտից առաջ կետադրություն չեն պահանջում: *Օր.՝ «Կուլիտաս» դաշնամուր, «Պատվոն նշան» շքանշան, «Պեճո» ավտոմեքենա, «Գրանդ Քենդի» ընկերություն ևն: Հոլովկելիս վերջավորություններն ու հոդերը տվյալքաբառ չակերտներից դուրս չեն հանվում: Օր.՝ 1954 թ.-ին ԵՊՀ հրատարակչությունը լույս ընծայեց Վիկտոր Համբարձումյանի հայտնի աշխատությունը՝ «Կումողոնիան»: Ս. Ամիրյանի «Ֆիզիոլոգիական տերմինների հայերեն-ռուսերեն-անգլերեն բառարանից» օգտվում է բժիշկների մեծ մասը:*

Վերջավորություններն ու հոդերը չակերտներից դուրս՝ գծիկով միացած են գրվում, եթե անվան կամ վերնագրի հետ միանալիս դժվարացնում են բնագրի ընկալումը կամ առաջ են բերում հայերենի համար անսովոր ձևեր: Մասնավորապես.

ա) Եթե վերնագիրն արտահայտված է ամբողջական նախադասությամբ, կամ եթե վերջավորության կամ հոդի անջատ գրությամբ անհրաժեշտ է լինում առանձնացնել անվան ուղիղ ձևը՝ այն հատակ ու հասկանալի դարձնելու նպատակով: *Օր.՝ Հրատարակվել են «Ինչ է, ով է»-ի բոլոր չորս հատորներն էլ: «Աշխարհի հրաշքների մասին»-ը Մարկո Պոլոն շարադրել է 1300 թվականին:*

բ) Եթե անունը բերված է օտար կամ կրծատ գրությամբ, *օր.՝ «tert.am»-ի և «Facebook»-ի օգտատերերը հետաքրքիր հարցադրումներ են անում: Դրամական փոխանցումը կատարվել է «ProCreditBank»-ով:*

Գիտական և արվեստի երկերը խոսքից դուրս՝ որպես վերնագիր, կամ մատենագիտական ցանկերում, ցուցակներում հեղինակի անվան հետ գործածվելիս չակերտների մեջ չեն առնվում, բայց դարձյալ սկսվում են մեծատառով: *Օր.՝ Մուսայան Վ. Խ., Մաթեմատիկական անալիզ, մաս 1, Երևան, 2018, 340 էջ:*

Ծանոթագրություն: Պարբերական հրատարակություններից կատարված հղումներում եքն պարբերականի տիպը չի նշվում, ապա պարբերականի անոնքը գրվում է չակերտներում: **Օր.՝ Հայաստանի Հանրապետություն, օրաթերթ, Եր., 2019, թիվ 98: Բայց՝ «Հայաստանի Հանրապետություն», Երևան, 2019, թիվ 98:**

Ժողովածուների (փաստաթղթեր, որոշումներ, օրենքներ, հոդվածներ ևն), խմբագրական համատեղ արդյունք հանդիսացող աշխատությունների վերնագրերը առանց հետինակի անվան հիշատակվելիս առնվում են չակերտների մեջ: **Օր.՝ «Հայաստանի ստանդարտ. ՀՍ 6.3-98: Պաշտոնական հրատարակություն», Երևան, 1998: «Հայաստանի Հանրապետության Սահմանադրություն», Երևան, 1996 թ.:**

Նախադասությամբ արտահայտված կամ հոլոված բառով վերջացող որոշ անունների հոլովական վերջավորություն կամ հոդ ավելացնելու դեպքում երբեմն առաջանում են անվան ընկալումը դժվարացնող ոչ սպիրական ձևեր: Դրանցից խուսափելու համար խորհուրդ է տրվում անվան հետ գործածել համապատասխան լրացյալ: **Օր.՝ Մատյան ողբերգության»-ի հեղինակը > «Մատյան ողբերգության» պրեսի հեղինակը: «Մարեմատիկական մոդելների կիրառումը աշխարհագրության մեջ»-ը միջդիտակարգային ուսումնասիրություն է > «Մարեմատիկական մոդելների կիրառումը աշխարհագրության մեջ» մենագրությունը միջդիտակարգային ուսումնասիրություն է:**

3. Հեգնական, ծաղրական, ժխտական կամ փոխարերական իմաստով գործածված բառերը, արտահայտությունները: **Օր.՝ Լինելով չափից ավելի «զաղափարական»՝ նա հակված չէ դավանելու որևէ հաստատուն սկզբունքի:**

4. Խոսքում հիշատակվող բառը, լեզվական միավորը, ինչպես նաև խոսքի բաղադրիչ այն օտարարանությունները, բարբառային, ժարգոնային բառերն ու արտահայտությունները, որոնց կիրառության միտումնավոր և ոճական բնույթն անհրաժեշտ է շեշտել: **Օր.՝ Այդպիսի մոլորակները մտնում են առանձին դասի սառցային «հսկաների» մեջ: ՀՀ ներկա նախագահից «նեղացածները» հանգրվանել են նախորդ նախագահի «տանիքի» տակ:**

Ծանոթություն: Խոսքի մեջ հիշատակվող բառի, միավորի, խոսքի բաղադրիչ օտարարանության և այլ արտահայտությունների առանձնացումը կարող է կատարվել նաև ընդգծումով, բայց տառատեսակով, շղատառով կամ բուն շարվածքից տարբեր այլ տառատեսակով: **Օր.՝ Պոլիկլինիկա, պոլիստերնիկ բառերը հունական փոխառություններ են և ունեն ընդհանուր բաղադրիչ պոլի-, որը նշանակում է «բազում, շատ»: Այսուղիղ էլ պոլիկլինիկա՝ բազում հիվանդությունների բուժման տեղ:**

ՓԱԿԱԳԾԵՐՈՎ անշատվում են շարադրանքին քերականորեն չկապված, շարադրանքի մեջ ներդրված և ազատ կերպով հանվելու ենթակա ասույթները, տեղեկույթները, խոսքի հատվածները, նշանները: Դրանք կարող են միջանկյալ կամ կից լինել շարադրանքին, նախադասությանը, բառին: Ասույթի (տեղեկույթի, հատվածի, տառի) սկզբում դրվում է բացող (ձախ) փակագիծը, վերջում՝ փակող (աջ) փակագիծը:
Փակագծերի մեջ են առնվում.

1. Միջարկումները: **Օր.՝ Հստ օվկիանոսի մակարդակից իրենց բարձրության՝ հարթակայրերը լինում են դաշտավայրեր (մինչև 200 մ), բարձրավայրեր (200-500 մ), սա-**

րահարդեր (500 մ-ից բարձր) և ցածրավայրեր (օվկիանոսի մակարդակից ցածր) (նկար 4.14):

2. Որպես նմուշ կամ լուսաբանում թերվող նշանները, տառերը, բառերը, արտահայտությունները: Օր՝ Ընդունենք, որ առաջին անհայտը (x) մեծ է երկրորդից (y): Ասուղանիշը (*) դրվում է թե՛ շարադրանիքի համապատասխան բարի վրա, թե՛ տողատակում՝ ծանոթագրության սկզբում:

3. Այլընտրաննիքի ձևով նշվող վերջավորությունները, բառերի բաղադրիչները: Օր՝ Մոլորակ(ներ)ը՝ երկնային մարմին(ներ)ը, պտտվում է(են) ուղեծրով աստղի կամ նրա մնացորդների շուրջ:

4. Բառերի, արտահայտությունների, անվանումների տարբերակները: Օր՝ Գոզավոր (ցրող) ոսպնյակը նույնպես ունի կիզակետ, միայն թե այն «կեղծ» է: Ինչպես Երևակի (Սասուրն), այնպես էլ Լուսնթափի (Յուպիտեր) շուրջը գոյություն ունի օղակ, որը գտնվում է 56 հազ. կմ հեռավորության վրա:

5. Շարադրանիքի մեջ տրվող հեղումներն ու մատենագիտական տվյալները: Օր՝ Մաքուր տոնայնուրյամբ ձայներ է արձակում կամերառն կոչվող գործիքը (Մ-աձև մետադյա երկթևանի ձող է), երբ դրան հարվածում են (նկ. 167.10): Տե՛ս Աշխարհագրական գիտությունը Հայաստանում, Ներկան և ապագան (ՀԱՀ հիմնադրման 70-ամյակին նվիրված գիտաժողովի նյութեր), Եր., 2006:

6. Մարեմատիկայում՝ գործողությունների առաջնահերթությունները նշելու համար: Օր՝

Կարժություն 510: Կատարե՛ք գործողությունները.

ա) (21058 - 208 : 104) – (394 - 2527:19)

բ) (1567 + 891 : 33) : (78 - 2052 : 27)

7. Միակողմանի (փակող) փակագիծ դրվում է թվարկում նշող թվանշաններից, տառերից հետո: Օր՝

Ծավալն ունի հետևյալ հիմնական հատկությունները.

1) Հավասար մարմիններն ունեն հավասար ծավալներ:

2) Եթե մարմինը տրոհվում է մասերի, ապա մարմնի ծավալը հավասար է նրա մասերի ծավալների գումարին:

ԿԱԽՄԱՆ ԿԵՏԵՐ (ԵՌԱԿԵՏ) դրվում են.

1. Կցկոտուր, հեղինակի կողմից միտումնավոր անավարտ կամ իբրև այդպիսին ներկայացվող խոսքի այն հատվածում, որտեղ ակնկալվում են հնարավոր կամ անհնար (անսպասելի) շարունակությունը, բառերով չարտահայտված հույզը, զգացմունքը: Դրվում է նախորդող բարին (առաջադաս լինելու դեպքում՝ հաջորդող բարին) կից: Վերջադաս եռակետը փոխարինում է վերջակետին: Օր՝ Պատմությունը... Ահ, դատավորների այդ մեծ և անմահ դատավորը...

Եռակետը խոսքի՝ չակերտների կամ փակագի մեջ առնվելու դեպքում մնում է չակերտների ներսում: **Օր.** «Դժվարությամբ է համակերպվում...»:

2. Զարմանք հարուցող կամ անսպասելի տեղեկություն նշող բառից, արտահայտությունից առաջ: Բացասով անջատվում է թե՝ նախորդ, թե՝ հաջորդ բառից: **Օր.**՝ *Մարդկության կյանքը միշտ էլ զարգացել ու զարգանում է ... կարիքի շնորհիվ:*

ԲԱՌՄԱԿԵՏԸ կազմված է չորս կամ ավելի կետերից (....): Նշում է մեջբերվող խոսքի որևէ հատվածի, բառի կամ դրա բաղադրիչի կրճատված լինելը: Դրվում է տողի վրա՝ նախորդ (առաջադաս լինելու դեպքում՝ հաջորդ) բառին կից՝ **մեջբերման կրճատված մասի տեղում:** Մեջբերվող խոսքի՝ չակերտների մեջ առնվելու դեպքում մնում է չակերտների ներսում: **Օր.**՝ *Եվ ի նշ գեղեցիկ են էս խոսքերը, ի նշ վեհ ու պայծառ է էս իդար. «Տե՛ր, ապրեցր ի հային և պայծառ արա նրան....»:*

Բազմակետով սկսվող առաջադաս ամբողջական նախադասությունը սկսվում է մեծատառով: **Օր.**՝ *Վերնադսկիի մտքերից է հետևյալը. «.... Բնագիտությամբ և մաթեմատիկայով լի գիտական աշխարհայցքը ոչ միայն ներկայի, այլև ապագայի ամենամեծ ուժն է»:*

Սկզբից կրճատված նախադասությունը բազմակետից հետո սկսվում է փորձատառով: **Օր.**՝ *Տարրերի տարածման օրինաչափություններից մեկը դրանց «.... կարգային համարի մեծացմանը զուգընթաց» անհավասարաչափ փորձանալն է:*

Ծանոթություն 1: Աշխատության կամ ժողովածուի վերնագիրը երկար լինելու դեպքում կարելի է գրել կրճատ՝ շարունակությունը նշելով բազմակետով: **Օր.**՝ *Վ. Գ. Բարիուլարյան, Բարձրամոլեկուլային միացությունների մոլեկուլային բնութագրերի որոշումը, Եր., 1985: > Վ. Գ. Բարիուլարյան, Բարձրամոլեկուլային...., Եր., 1985:*

Ծանոթություն 2: Վերջին շրջանում բազմակետերի փոխարեն հաճախ գործածում են կախման կետեր:

ԱՆԶԱՏՄԱՆ ԳԻԾԸ բառերից անջատվում է **բացատով:** Դրվում է՝

1. Իրական կամ ենթադրյալ հնչող ուրիշի ուղղակի խոսքի, երկիխոսության ամեն մի մասի սկզբում: Անջատման գծով սկսվող ուղղակի խոսքը գրվում է նոր տողից, սկսվում է մեծատառով: Հեղինակի առաջադաս խոսքն ավարտվում է միջակետով: Հեղինակի վերջադաս և միջադաս խոսքերն սկսվում են **ստորակետ-գծով** (երբեմն՝ **եռակետ-գծով**): Հեղինակի միջադաս խոսքն ավարտվում է **ստորակետ-գծով** (երբեմն՝ **միջակետ-գծով**, վերջակետ-գծով, **եռակետ-գծով**): **Օր.**

ա. Հեղինակն ասաց.

- Ես առարկում եմ:

բ. - Ես, - ասաց հեղինակը, - առարկում եմ:

գ. - Ես առարկում եմ, - ասաց հեղինակը:

2. Տարածական կամ հակադրական հարաբերության մեջ գտնվող անվանումների ու բառերի միջև: **Օր.՝ Երևան – Արարատ – Արցախ մայրուղու շինարարությունն ավարտվել է:**

3. Թատերզություններում՝ խոսողի անվան և նրա խոսքի միջև: **Օր.՝**

Սիմօն վանական – Մահն է քու առջեւդ, թշուառական:

Արեղա – Մահն ալ ձեր վախն է ու ձեր վախի հնարածը:

4. Թվարկումով ներկայացված բառերի ու անվանումների և դրանց վերաբերյալ տեղեկույթի միջև՝ արտահայտելով տարբեր հարաբերություններ (բառ և բացատրություն, հեղինակ և ստեղծագործություն, դեր և դերասան, գործող անձ և բնութագիր ևն): **Օր.՝**

Լեզուների համառոտագրությունների ցանկ

լատ. – լատիներեն

անգլ. – անգլերեն

Դիագենեզ – ճնշման և ջերմաստիճանի ազդեցությամբ նստվածքներում կատարվող ֆիզիկաքիմիական, քիմիական և օրգանական փոփոխություններ, որոնց հետևանքով նստվածքը ենթարկվում է քարացման:

5. Թվարկման՝ նոր տողից սկսվող չհամարակալված ծավալուն անդամների սկզբում: **Օր.՝ Հայ բարձրության՝ միջնոլորտում առանձնացնում են մի քանի ենթառորտներ՝**
- ստորին ոլորտ (սրոպոսֆերա՝ 8-18 կմ բարձրությամբ),
- վերնոլորտ (ստրատոսֆերա՝ մինչև 50-55 կմ բարձրությունները),
- միջնոլորտ (մեզոսֆերա՝ 55-80 կմ բարձրությամբ):

6. Թվանշաններով արտահայտված **թվականների** այնպիսի կապակցության բաղադրիչների միջև, որի առաջին բաղադրիչն ունի բացառականի իմաստ: **Օր.՝ էջ 10 – 15, 1 – 3-րդ կուրսեր, IV – VIII հաստորներ, ԺԲ – ԺԹ զրուխներ ևն: Նույնը տառերով գրվում է առանց գծի՝ անջատ (էջ տասից տասնհինգ ևն):**

Սրանից պետք է տարբերել թվականների այն կապակցությունը, որն ունի մոտավորության իմաստ (**10-15 մարդ, 2-3 ամիս ևն**) և գրվում է միության գծիկով նաև տառերով արտահայտելիս (չորս-հինգ հոգի, քսանհինգ-երեսուն տարեկան):

ՄԻՈՒԹՅԱՆ ԳԾԻԿԸ դրվում է.

1. **Հարադրական բարդության** մի շարք տեսակների բաղադրիչների միջև՝ առանց բացատների: **Օր.՝ իսումբ-իսումբ, ասոմ-մասնիչ:**

2. **Որոշ համառոտագրությունների** առաջին և վերջին տառերի կամ տառախմբերի միջև: **Օր.՝ պ-ն (պարոն), դ-ր (դոկտոր), զ-տ (զնդապետ) ևն:**

ԵՆԹԱՄՆԱՆ ցույց է տալիս, որ բառի մի մասը տարված է հաջորդ տող: Դրվում է տողադարձված բառի այն մասին աշխատված կից, որը թողնվել է նախորդ տողում: **Օր՝ բարձր-լեռնային, սահմանա-դրական, քրե-որեն, ի-սպառ:**

Գործածվում է նաև բառը կամ ասույթը **վանկատված** գրելիս: **Օր՝ կո-սի-նուս, ուս-դի-կալ:**

Ենթամնան հաճախ նույնացվում է միության գծիկի հետ, երբ վերջինով միացած բաղադրիչներով հարադրավոր բարդությունների տողադարձի ժամանակ հաջորդ տող է տարվում երկրորդ բաղադրիչն ամբողջությամբ: **Օր՝ իտալա-գերմանական:**

ԱՊԱԹԱՐՅԸԸ գործածվում է:

1. Արևմտահայերենում, միջին հայերենում, բարբառային խոսքում՝ սղված ձայնավոր նշելու համար: **Օր՝ Կ'ապրինք այդ երկրին մէջ, բայց կ'երազենք մէր հայրենիքը:**

2. Օտար բաղադրյալ հաստոկ անունների որոշ մասնիկ-բաղադրիչներն անջատելու կամ դրանց սղված ձայնավոր նշելու համար: **Օր՝ դ'Արտանյան, Օ՛Հենրի, դ'Անունցիո:**

3. ԱՌՈՂԱՆՈՒԹՅԱՆ ՆՇԱՍՆԵՐ

Սրանք բանավոր խոսքի առողանության երանգները, ձայնի ելեզները և շեշտադրությունը գրավոր խոսքում արտահայտող կետադրական նշաններն են: Դրանք են **շեշտը** (շեշտանշանը), **պարույկը** (հարցական նշանը), **բացականշական** (երկարացման) նշանը:

ՇԵՇՏԸ (ՇԵՇՏԱՆՇԱՆ) դրվում է:

1. Հրամայական նախադասության մեջ՝ **հրամայական բայաձեկի վրա:**

Երբեմն հրամայական շեշտը կարող է տեղափոխվել նախադասության այլ անդամի վրա: **Օր՝ Մի՛ուշացրեք. արա զ ավարտեք այդ աշխատանքը:**

ԾԱԽԹՈՒԹՅՈՒՆ 1: Հրամայական եղանակի բայաձեկի վրա կարող է շեշտ չրբիկե՝ պայմանավորված որոշակիորեն մեղմ հնչերանգով: **Օր՝ Խնդրում եմ, ուշադրություն դարձրեք հետևյալ հանգամանքին:**

ԾԱԽԹՈՒԹՅՈՒՆ 2: Հրամայական նախադասության մեջ շեշտի փոխարեն կարող է գործածվել բացականշական նշան, եթե բառն արտադրեվում է բացականշումով: **Օր՝ Փրկեցեք ինձ Ձեր գրասարտությունից. ես դրա կարիքը չունեմ:**

ԾԱԽԹՈՒԹՅՈՒՆ 3: Հարադրավոր բայերի շեշտը դրվում է առաջին ոչ բայական բաղադրիչի վրա՝ մն ս արի, վե՛ր կաց, գա լց տուր, բա ց արեք, աշքի՛ ընկեր ևն: Նմանապես որ, թե բարերով բաղադրված հարադրավոր կազմություններում շեշտվում է առաջին բաղադրիչը՝ **հե՛նց որ, ասե՛ս թե, ե թք որ, միա յն թե, մա նավանդ որ, այնպե՛ս որ, ինչպե՛ս թե ևն:**

2. Կոչականի կամ դրա՝ դերանունով չարտահայտված նախադաս լրացման վրա: **Օր՝**

ա) - **Դարո՛ն, դա հանձարեղ է:**

բ) - **Հարգելի՝ ատենայոս, ավարտեցի՞ք Զեր խոսքը:**

3. Կամային (կոչական) ձայնարկությունների և բնաձայնությունների վրա: **Օր՝ -ԷՇ, տղա՛, արի այստե՛ղ:** *Մէկ էլ, թռը մկի, ծառից մի խնձոր ընկավ:*

4. Կրկնադիր շաղկապների վրա: **Օր՝ Վիրուսները փարակում են կյանքի բոլոր բջային ձեռքը և կենդանիներին ու բույսերին, և բակտերիաներին ու արքեաներին:**

5. Սաղթանքի, ողջունի, շնորհավորանքի և անվանական բառակազմակցությամբ արտահայտված խոսքային այլ բանաձևերի գերադաս անդամի, պատասխանական բառերի վրա: **Օր՝ Ողջո՞ւն, ինչպէ՞ս են գործերդ:** *Բավակա՞ն է, շարժվեցինք: Վե՞րջ, չեմ ուզում շարունակությունը լսել:* *Ամենայն բարի՞ք Ձեզ: Այս՝ տեղյակ եմ:*

ՊԱՐՈՒՅԿ (ՀԱՐՑԱԿԱՆ ՆՇԱՆ) դրվում է.

1. Հարցական հնչերանգով արտասանվող բառի վրա՝ հարցում արտահայտելու համար: **Օր՝ Հնարավո՞ր է հավասարումը լուծել մի քանի եղանակով:**

Պարույկ չի դրվում անուղղակի հարցում արտահայտող դերանունների վրա: **Օր՝ Պարզենք, թէ ոքան ժամանակում մարմինը կհասնի գետնին և ինչ արագություն կունենա գետնին հարվածելու պահին:**

Անուղղակի հարցում արտահայտող նախադասության մեջ **արդյոք** բառի (կամ նախադասության այլ անդամի) վրա ստվորաբար հարցական նշան դրվում է: **Օր՝ Կա՞՞ն արդյո՞ք մոլորակներ Արեգակնային համակարգից հետո:** *Տարբեր զանգվածներ ունեցող երկու մարմիններ արդյո՞ք կարո՞ղ են ունենալ նույն կինետիկ էներգիան:*

2. Որոշ **վերաբերականների** (մի՞թե, չինի՞թե, պատկերացն ՞մ եք, ինչպէ՞ս չէ, չէ՞որ, ո՞վ ի իմանա) վրա: **Օր՝ Մարդը չի կարող թափանցել Երկրագնդի խորքը. չէ՞որ նրա շառավիղը 6.371 կմ է:** *Մի՞թե 4.6 մլրդ տարին բավական չէր, որ ընդերքում տեղի ունեցող տարբերակումն ավարտվեր:*

ԲԱՑԱԿԱՆՉԱԿԱՆ (ԵՐԿԱՐԱՑՄԱՆ) ՆՇԱՆ դրվում է.

1. Բացականչական հնչերանգով և համեմատաբար տևականորեն արտասանվող բառի վրա՝ բացականչություն, հույզ, կիրք արտահայտելու համար: **Օր՝ Հապա հրաբուխնե՞րը. երկրի խորքից դուրս են բերում միջիննավոր խորանարդ մետրերով լավա, գագեր, գոյացնում են լավային ծովեր:** *Ի՞նչ հաճելի եղանակ է:*

2. Սովորաբար բացականչական նշան են կրում ձայնարկությունները: **Օր՝ Օ՛, ի՞նչ հրաշք աշխարհ է բնությունը՝ իր զարմանալի հարստությամբ:** *Հե՞յ, ձայնի՞ք, ինդրում եմ:*

3. Բացականչումով արտասանվող կոչականի կամ հրաման, հորդոր, խնդրանք, կոչ արտահայտող բառի վրա՝ շեշտանշանի փոխարեն: **Օր՝ Հայրենի՞ լեռներ, կարոտել եմ ձեզ:**

4. **Բաղձանքի** (երբեմն էլ՝ այլ) **վերաբերականների** վրա: **Օր՝ Երանի՞ նրան, ով վիշտ չի տեսել:** *Ո՞չ, դա անհրագործելի է:*

ՀԱՎԵԼՎԱԾ 3. ՈՒՂՂԱԳՐԱԿԱՆ ՎԱՐԺՈՒԹՅՈՒՆՆԵՐ, ՀԱՍՐ ԲՆԱԳՐԵՐ, ԹԵՂԱՌՈՒԹՅԱՆ ՏԵՔՍՏԵՐ

3.1. ՈՒՂՂԱԳՐԱԿԱՆ ՎԱՐԺՈՒԹՅՈՒՆՆԵՐ

1. Լրացրե՛ք համապատասխան տառերը:

Է կամ Ե

Այժմ...ական, ան...անալ, առ...ջ, բազմ...բանգ, որև..., զոմ...շ, խար...ություն, չ...ի, դող...քոցք, ելս...ջ, երբև..., երբնից..., որևից..., հն...աբան, ճամփ...զր, մանր..., միջօր...ական, վեր...լր, քրիստոն...ություն, առ...ըսույթ, ան...ըկրա, առօր...ական, երփն...բանգ, զարկ...բակ, ան...ըսակայելի, չ...մ, չ...իր, չ...նք, չ...ք, չ...ինք:

Օ կամ Ա

Ան...գուտ, աման...ր, ամեն...բյա, կողմն...բոշում, միջ...րե, հոգե...բսություն, ան...բակ, ան...թևան, ան...բինական, տն...քեն, արծաթազ...ձ, եռ...տանի, բաց...թյա, զիշեր...թիկ, բն...բրան, կես...ր, երկվ...բյակ, հերկվ...ր, մեղմ...րոր, հանապազ...բյա, նախ...րոր, նախ...րե, ջր...րիներ, հ...դս ցնդել, օրեց...ր, թիկն...քոց, բար...բություն, ապ...բինի, վաղ...բղայն, կող...սկր, փորձան...թ, զ...բուզիշեր, տար...բինակ, հ...տնկայս, ան...թի, ան...դորմ, հ...գուտ:

Ը (ըստ անհրաժեշտության)

Ավ...նբախ, ան...նթեռնելի, լրտ...նկա, ակ...նթարթ, անակ...նկալ, ան...նդիատ, ինքն...ստինքյան, որոտ...նդոստ, մեկ...նդմեջ, չ...նկնել, ան...նդմեջ, ակ...նկալել, առ...նչվել, առ...նթեր, զահ...նկեց, երկ...նտրանք, մերթ...նդմերթ, խոչ...նդոտ, համ...նթաց, ձեռ...նտու, սր...նթաց, օր...ստօրե, կոր...նթարդ, մթ...նկա, հյուր...նկալ:

ԵՎ կամ Խ

Ամեն...ին, բ...եռ, զեր...արել, գոտ...որել, դափն...արդ, ...բոպացի, թեթ...ամիս, կար...որ, կար...եր, հետ...ակ, հոգ...արք, հոգ...իձակ, մի...նույն, սեթ...եթել, ս...եռուն, տար...երջ, ուկ...որել, իսկովյն ...եթ, ուղ...որ, ուղ...արձ, սերկ...իլ, հ...իհ..., ...բամիություն, ար...մտա...բոպական, առ...տրական, տեր...աթափ, ար...առ, մտաս...եռում:

Բ, պ կամ փ

Աղ...արկի, եր...եմն, աղ...յուր, թմ...կաթաղանթ, ա...շահար, Ար...ինե, ներ...ող, բամ...ել, Գա...րիել, դար...աս, դա...նի, եր...ներանգ, թ...րտալ, խարխս...ել, համ...երտար, խա...կանք, խա...ուսիկ, համ...ուրել, հա...ձեա, հա...շտապ, հար...եցոր, հա...շտակել, ճամ...որդական, ս...րուել, ս...րծնել, սուրուրմ...ոց, ուր...աթախոս, սր...ապիղծ, զինար...ուր, ջրար...ի, ձեր...ակալել, Սերո...յան, հար...ուխ, լայնաշեղ..., Ա...շերոն:

Գ, կ կամ ք

Դիցու..., ան...ամ, արտասու..., արևայրու..., ա...ցան, բազրի..., զինարբու... (քեֆ, խրախճանք), զինարբու... (ծաղիկ), զու...վել, թան...ազին, թան...արան, պար...ևատրել, կար...ապահ, հրմշուու..., հավա...վել, ձ...տում, ձրա..., մանրու..., քաշքշու..., մ...ացնել, թա...ստոց, շա...անակազույն, ծնկաշո..., սայթա...ել, սրտխառնու..., ս...ավոր, բուր..., թա...ստոց, վար...արեկել, հա...նվել, վար...ազիծ, վար...անիշ, տա...դեղ, փա...ցնել, փող..., օ...ուտ, տրտմաշու..., քաշկրտու... :

Դ, տ կամ թ

Աղո...թ, անդա...ար, անդա...րում, անթար..., անվր...ով, առըն...եր, ըն...ամենը, ար...ուկ, ար...յունք, ար...ուզար..., բացօ...յա, բեր...աքաղաք, բր...ոտ, գեղար..., զմբեթար..., դր...ել, եր...իկ, եր...վել, շրեր..., զար...ուցիչ, զվար..., զար...ոնք, ըն...հուպ, ըն...հանուր, ըն...արձակ, ըն...ացք, ըն...րիք, ժայ...քել, լյար..., լեր...ացած, կորնթար..., խեղ...ել, խոր...ուբոր..., հար...ագող, կր...սեր, սր...ողել վա...թար, փ...ել, որ...ատունկ, փ...ախտ, վր...ովվել, վա...սուն, փ...ախտ, զիրք... (քո զիրքը), ծնունդ... (քո ծնունդը):

Զ, ծ կամ ց

Ամբար...իչ, անդամալու..., անե...թ, ասա...վածք, ար...ակել, հասարակա...ային, բար...ունք, ճրագալու..., դեղ...անիկ, դյուտ...ազուն, ընթեր...ել, տարա...քային, լվա...թ, լու...կի, ար...ունք, խ...կել, խուր..., դաղ..., կ...կվել, կ...կտուր, կուր...թ, հար...ակվել, ընշա...թ, հեղ...ուցիչ, հինավուր..., մտա...ածին, որ...աքար, բաղ...ալի, վերամբար..., բար...իթողի, վար...կան, տր...ակ, փո...կալ, փոր...անք, ձվա...եղ, դարձվա...թ, վր...ին:

Զ, ծ կամ չ

Ակնակապի..., անուր..., զաղ..., զա...աճ, զեղ...կուիի, խառնիճաղան..., առա...ընթաց, առ...և, զո...ի, դար...նազույն, զեղ...ել, զր...ալ, զի...ել, թո...ել թր...ոց, խո...կոր, կո...կել, կտրի... (քաջ), ճան..., որ..., պ...նանք, վայրէ...թ, քրք...ալ, ա...ալուրջ, քր...ոտ, թր...ված, շեղ..., ող...ույն, ո...իլ, ա...պարար, ալո...ենի, մանրախի..., աղ...ամուր..., հապ...եա, կտրի... (կտրող գործիք), չր...իկ, միր...վել, մր...նանց:

Զ կամ ս, Ժ կամ շ

Հետախոյ..., կենտրոնախոյ..., որպես...ի, հիպնո..., հու...կու, գու...կան, դ...կամ, պատ...գամբ, օ...տված, դ...խուիի, գ...տություն, դ...նդակ, ն...տար, նա...իշտ, ժու...կալ, չարազոյ..., ա...խետ, օ...տել, հու...կու, Հա...կերտ, ալեհոյ..., կարոտալյէ..., երա...տահակ, պ...գանք, հիպնո..., քննախոյ...:

Վ կամ Փ

Աս...ալտ, ա...տորուս, հարա...ային, ս...ինքս, Ա...դանստան, նա...թամուդ, օ...կիանոս, նա...թավառ, նզո...ք, փլա...քամիչ, Աղ...անք, թա...շյա, հո...հար:

Դ կամ Խ

Ա...տահանել, ա...բանց, ա...ձատել, անե...ծ, ապ...տած, առե...ծված, բա...կացուցիչ, երկնամու..., զա...թել, զա...տազողի, դժո...ք, դրա...տ, ընձու...տ, թա...տ, թ...թապանակ, թա...ծոտ, սանդու...ք, նա...քան, ա...տորշել, թ...պոտ, խա...տել, խ...ձալ, կե...ծիք, կե...տոտ, կմա...ք, նա...շազարդ, կո...պեք, հա...ձապակի, ճե...քել, թ...կի, մե...սավոր, սանդ...ակ, սպանա..., նո...կայի, ա...ջամու...ջ, մ...կտալ, ա...տեղություն, վա...ձան:

Մ կամ Ա

Ա...բաստանյալ, ա...բարիշտ, ա...բարտավան, բա...բասել, ա...պաճոյճ, հա...բույր, հա...պատրաստից, ա...փոփել, ա...բիծ, բա...բեր, ա...բասիր, բա...բեր, որոտը...դոստ, ը...բոստ, ձա...փորդել, ա...բավ, Սա...վել, Մա...վել, սի...ֆոնիա, ա...բիոն, սուսա...բար, ա...պրոպ, ը...բռնել, անձա...ք, ինքնա...փոփ:

Ր կամ Ռ

Ա...այժմ, սա...սուր, ա...ջև, ա...դեն, ա...ժանի, ա...համարհել, կ...ձոն, ախորժալոր..., բա...բառ, գո...գոռալ, դ...ժել, ե...եսուն, թ...չել, թ...չել, Կալիֆո...նիա, թ...վրալ, թ...թիո, խ...պոտ, ծեծկ...տոց, խ...ձիթ, Բե...լին, կա...չել, կ...ծել, կու...ծք, ճմ...թել, մ...մուռ, կա...կա...ուն, ոսկ...ոտ, գ...զիո, Պա...նաս, խ...տնել, սա...չել, փ...փրել, Նիդե...լանդներ, պա...կել, բա...որդ, թ...թուր, ճ...ճ...ոց, Կա...լ, Չա...լի, Շա...լ:

Հ (ըստ անհրաժեշտության)

Անհեթ...եթ, աշխար...այացք, ար...ամար...ել, ընդ...ակառակն, օրօր...նեք, օր...ներգ, ապաշխար...ել, անշնոր...ք, ընդ...ատել, ընդ...ուսպ, ընդ...ամենք, համ...արզ, շնոր...իվ, խոր...բդակցել, ընդ...անբապես, ձանապար...որդ, համընդ...անուր, խորախոր...ուրդ, ջրիեղ...եղ, հեղ...եղուկ, հեղ...եղատ, հայթ...այթել, հայ...ոյել:

Կրկնակ բաղաձայններ (ըստ անհրաժեշտության)

Այ...ենարան, անդո..., Ապո...նն, բա...ադ, զա...ա, դո...ար, ըն...իմադիր, ե...որդ, չո...որդ, մանրազ...ին, ի...սուն, ֆիդայի...եր, ու...նոր, ու...ակի, ու...արկել

սովա...ուկ, հարյուր ին...սուին...ը, ու...ենիշ, ու...աձիզ, ձ...ոց, մա...ա, մ...կահողմ, տա...ական, միատա..., տա...ասեռ, տա...անջատել, տո...ա, ֆի...ական, կե...ես, Լիա...ա, դ...ոց, պատճե...եր, Է...ա, տա...ալուծել, Դիա...ա, Կան..., հե...ենական, պ...ահողմ:

Երկինյուները (իա, եա, յո, յա, եո, իո), յ կիսաձայնը կամ որևէ ձայնավոր (ըստ անհրաժեշտության)

Մար...մ, Անան..., Օֆել..., Եղ...զարյան, Սուր...ս, Ամալ..., գրե...ի, Լիլ..., Աս... (մայրցամաք), Երեմ..., վայրկ...ն, հեք...թ, դաստ...րակ, մում..., ման...կ, օվկ...նոս, ակորդ...ն, պատան...կան, բամ..., բամել...ոն, ամ...բա, Ռաֆա...ել, Միքա...ել, մի...ակ, նստե...ինք, նա...ել, անէ...անալ, զա...իսոն, Սերգե...ի, հի...անալ, միլ...րդ, Արաբ..., Կարո...ի, ամենօր..., արդ...ոք, աքս...մ, ակաց..., փաս...ն, կր..., ընտան...կան, մեղալ...ն, միմ...նց, միմի...ն, հա...ելի, բար...ցակամ, այծ...մ, մ...ուս, խավ...ր, ամբ...ն, լ...արդ, ամ...բա:

2. Բացելով փակազգերը՝ բաղադրիչները գրե՛ք միասին, անջատ կամ գծիկով:

ա. Սուզ (կանայ), խեթ (խեթ) նայել, (դեմ) դիմաց, կողը (կողքի), հեռու (մոտիկ), ինչ (որ) բան, երեք (հարյուր) վայսուն, տասից (քսան), քաղաքե (քաղաք), հինգ (հարկանի), վաղուց (ի) վեր, հարավ (արևելյան), լեփ (լեցուն), զուղից (զյուղ), հյուսիս (արևելք), (ըստ) երևույթին, հայ (ռուսական), (ց) պահանջ, նոր (նախիջևանցի), հիսուն (ինը), դեսից (դենից) խոսել, անգերեն (հայերեն) բառարան, հինգ (վեց) օր, կաս (կարմիր), ոտքով (զլխով), երկու (երրորդ), գլուխ (զլխի) տալ, ոչ (ոք), հարավ (կովկասյան):

բ. Հարյուր (հինգ) ամյա, (ի) սպառ, աներ (որդի), փոխ (նախարար), (տեր) Գրիգոր, այսօր (վաղը), վեր (կենալ), փունջ (փունջ), երես (սրբիչ), ունկն (դրել), թեղ (մորուք), (ի) վերուստ, (ըստ) ամենայնի, (դեփ) դեղին, ռազմա (ծովային), յոթ (իններորդ), բրոնզե (դարյան), (առ) հավետ, այս (կերպ), գեր (բնական), մեծ (բրիտանական), մեն (մենակ), թերի (բարձրագույն), հայր (սուրբ), հնդ (եվրոպական), սև (սպիտակ), ծառս (լինել), մինչ (դեռ), մայր (ցամաքային), հանկարծակիի (զալ), Նյու (Յորք):

գ. Բառ (գրքույլ), (բաց) կապույտ, մեջ (բերում), ցուցահանդես (վաճառք), հօրս (ցնուել), դափնե (պսակ), քանի (դեռ), աշակերտ (աշակերտուհի), ափե (ափ), (Տեր) Հովհաննեսիան, հայ (ռուսական), (շին) հրապարակ, զիշեր (ու) ցերեկ, թեթև (քաշային), (քուժ) հիմնարկ, հականե (հանվանե), (ի) վերջոն, (մելիք) Բարիտուլար, թավալ (գլոր), (կուժ) կոտրուկ, առիթից (առիթ), հարավ (ամերիկյան), բառ (մասնիկ), դյուր (ընթերնելի), փոքր (ինչ), ուր (ոք) է, իին (հունարեն), Արփա (Սևան):

դ. Ութ (ոտնուկ), միայն (թե), կամա (ակամա), (ի) սկզբանե, Նար (Դոս), (Մելիք) Աղամյան, բարձր (աշխարհիկ), հինգ (հարկանի), հասարակական (քաղաքական), ազդը (ոսկը), ծայրը (ծայրին) հասցնել, ասել (խոսել), դեմ (հանդիման), ընկած

(Ելած), տառ (առ) տառ, բողոք (դիմում), վեց (օրյակ), սար (ու) ձոր, ամսե (ամիս), արքայից (արքա), ափ (հանում), արաքա (հրեական), դեն (զցել), քաջ (առողջ), վեր (հիշյալ), սիսեռ (ապուր), (պետ) պատվեր, առ (տնին), օր (ըստ) օրեւ:

3. Ըստ անհրաժեշտության՝ գրե՛ք մեծատառերը. բացատրե՛ք գրության կանոնները:

ա. Հակոբ մեղապարտ, շախմատի համաշխարհային խորհուրդ, նյու ջերսի, կանարյան կղզիներ, հայկական տավրոս, հյուսիսային սառուցյալ օվկիանոս, երկրորդ համաշխարհային պատերազմ, գրիգոր մագիստրոս պահլավունի, սուրբ մեսրոպ մաշտոց, օնորե դր բալզակ, ազգային ժողով, անդրանիկ զորավար, փոքր սյունիք, տիգրան մեծ երկրորդ, բյուզանդական կայսրություն, կանաչ հրվանդանի հանրապետություն, խրիմյան հայրիկ, հայաստանի ազգային հերոս, լորդերի ատյան, վերին դվին, եղիպտոսի արաքական հանրապետություն, տրոյական պատերազմ, «պատվո նշան» շքանշան:

բ. Մշուր սուրբ կարապետ վանք, ծիր կաթին, իսրայել օրի, երևանյան լիճ, չինական մեծ պարիսպ, թարգմանչաց տոն, ներսես շնորհալի, ազգերի լիգա, աշխատավորների համերաշխության միջազգային օր, հովհաննես ավետարանիչ, մարտուական խաչի առաջին աստիճանի շքանշան, ձմեռային պալատ, խորհրդային հայաստան, թախլանդի թագավորություն, փարիզյան կոմունա, պետական դումա, երևանի մատենադարան, թեքեյան մշակութային կենտրոն, հաազայի միջազգային դատարան, իվան ահեղ, հրո երկիր կղզի, ժողեք ոռնի ավագ, արժույթի միջազգային հիմնադրամ, թոնդրակյան շարժում, գաբրիել զարսիա մարկես:

գ. Երուսաղեմի մատենադարան, լատինական ամերիկա, ծննդյան տոներ, հոռոմի պապ, մայր աթոռ սուրբ Էջմիածին, հայկացյան բառարան, դյումա-հայր, հյուսիսատլանտյան դաշինք, միսիթարյան միաբանություն, տրդատ գ մեծ թագավոր, վահագն վիշապաքաղ, «սասնա ծովեր» վիպերգ, ցաղաց քարի վանք, նոր շիրական, արևմտյան տիգրիս, գրիմ եղբայրներ, լացի պատ, աշոտ գ ողորմած, կարմիր խաչի միջազգային կոմիտե, զորավար մարկոս կրասոս, գերմանիայի դաշնային հանրապետություն, սահմանադրական դատարան, մեծ յոթնյակ, առևտրի համաշխարհային կազմակերպություն, մեքսիկայի միացյալ նահանգներ, լուսվիզ վան բեթհովեն:

դ. Էջմիածնի մայր տաճար, բևեռային աստղ, ինը հռոմ, կենտրոն համանք, «մուրճ ու մանգաղ» ոսկե մեղալ, անկախության օր, ներքին դվին, քերթողահայր մովսես խորենացի, վերակառուցման և զարգացման եվրոպական բանկ, նյուրնբերգյան դատավարություն, փառքի առաջին աստիճանի շքանշան, աշոտ բ երկաթ, հայրենական մեծ պատերազմ, մարդու իրավունքների եվրոպական դատարան, դուկաս ավետարանիչ, դևոնդ երեց, արշակունյաց հարստություն, շվեյցարիայի համադաշնություն, սուրբ աստվածածին, եկեղեցի, նապուեռն բնապարտ, ավան հարյուրապետ, երիխաների պաշտպանության միջազգային օր:

ե. Լեռնարդո դա վինչի, հայոց ցեղասպանության թանգարան-ինստիտուտ, մամիկոնյան տիկին, ծաղկունյաց լեռնաշղթա, ներսես ա մեծ, դաշտային կիլիկիա, հարյուրամյա պատերազմ, մուշեղ սպարապետ, շախմատի միջազգային ֆեղերացիա, վինսենթ վան գոգ, ասեղի հրվանդան, բալկանյան առաջին պատերազմ, գայլ վահան, ելիսեյան դաշտեր, հայ դատի հանձնախումբ, նորվեգիայի թագավորություն, կանանց միջազգային օր, խորագույն տայք, «կարմիր աստղ» շքանշան, ձմեռ պապ, կենտրոնական ամերիկա, հին աշխարհ, նադիր շահ, կամրջայի թագավորություն, բարձր հայք, գիտությունների ազգային ակադեմիա, դանիել մարգարե:

3.2. ՀԱՄՐ ԲՆԱԳՐԵՐ

ա) Լրացրե՛ք համապատասխան տառերը (ըստ անհրաժեշտության) և կետադրե՛ք:

1. ա) Շոտլանդ...յի Սենտ-Էնդրյուս համալսարանի քիմ...կան լաբորատոր...այի մաքրման աշխատանքների ժամանակ հայտնաբերվել է Սենդելե...ի պարբերական աղյուսակի տպագիր տարբերակը այս...ր առկա տարբերակներից ամենահինը:

Ուսանողների համար ստե...ծված աղյուսակը որը տպվել է Վիե...այի գիտական տպարանում տպարանը աշխատել է հազար ութ հար...ր յոթանասունինգ թվականից հազար ութ հար...ր ու...սունութ թվակա...երին գերմաներենով է: Այս պարբերական աղյուսակում դեռևս տեղ չեն գտել մի քանի քիմ...ական տա...եր և ակ...նհայտորեն բաց են թողնված շատ վանդակներ: Օրինակ միան...ամից աշքի է ընկնում որ բացակայում է ե...կրորդ տա...ը հել...ումը և մ...ուս քիմիական տա...երն ել նույնիսկ համարակալված չեն:

բ) Ինքը ուսւ քիմիկոս Դմիտրի Մենդելե...ը առա...ին ան...ամ իր պարբերական աղյուսակը ներկայացրել է հազար ութ հար...ր վա...սունինը թվականին: Սենտ-Էնդրյուսի համալսարանում աղյուսակի օրինակը հայտնաբերել էին դեռ երկու հազար տասնչորս թվականին բայց նրա գոյությունը զա...տնի էր պահվում այնքան ժամանակ մինչ... գիտնակա...երը կճշտե...ին դրա տարիքը: Թե... հայտնաբերված աղյուսակում գերման...ում տա...ի փոխարեն ձեռքով հարցական նշան է դրված, սակայն նրա ատոմային զանգվա...ը ճշգրտ...րեն նշված է: Այս տա...ի մասին Մենդելե...ը խոսել է դեռևս 1870 թվականին բայց այն հայտնաբերվել է միայն տասնվեց տարի անց հազար ութ հար...ր ու...սունվեցին: Աղյուսակում ամբողջ...ուրյամբ բացակայում են իներտ գազերը քանի որ նրանք հայտնաբերվել են շատ ավելի ուշ:

Ըստ Շոտլանդ...այի համալսարանի դեկավարության տեսակետի ոչինչ հայտնի չէ այն մասին ար...յոք որև... տեղ կա պարբերական ավելի հին աղյուսակ թե ոչ: Համալսարանի քիմ...այի ֆակուլտետում ամենահին աղյուսակի պատճե... է ցուցադրված և բն...րինակը պահելու համար ստե...ծվել են թանգարանային պայմա...եր:

2. ա) Ատոմա...ին ֆիզիկան որն ուսումնասիրում է ատոմների կառուցվա...ըն ու վիճակը ծա...ել է տասնի...երորդ դարի վեր...երին և քսանե...որդ դարի սկզբներին:

Զարգացման սկզբնական փուլում ի թիվս այլ...այլ խնդիրների այն ըն...գրկում էր նա... ատոմի մի...ուկի կառուցվա...քի հարցերը: Ե...եսունական թվակա...երին պարզեց ատոմի մի...ուկում տեղի ունեցող փոխազդեցություններն իրենց բնու...թռվ տարբեր են նրա արտաքին թաղանթում տեղի ունեցող փոխազդեցություններից և քա...ասունական թվակա...երին ա...անձնացավ մի...ուկային ֆիզիկան որպես ֆիզիկա...ի ինքնուրույն ճյուղ: Հի...ունական թվակա...երին մի...ուկային ֆիզիկա...ից մասնատվեց տա...ական մասնիկների ֆիզիկան կամ մեծ էներգ...աների ֆիզիկան:

Ասումի որպես նյութի անտա...ալուծելի մասնիկի գոյության մասին միտքը ծա...ել է դեռ...ս հնադարում: Մին...և տասնութե..որդ դարի վեր...երը ատոմները համարվում էին միայն չափերով ու ձևերով իրարից տարբեր բացար...ակ անբաժանելի և անփոփոխ պինդ մասնիկներ որոնց տարբեր կար...ի զուգոր...ումները գոյացնում են զանազան նյութեր:

թ) Ակսած տասնի...երորդ դարի սկզբներից տա...աբանությունը զգալի առա..ընթաց ապրեց և նպաստավոր նախադրյալներ ստե...ծվեցին ատոմային ուսմունքի մշակման համար:

Հազար ութ հար...ուր վա...սունինը թվականին Դմիտրի Մենդելե...ը հայտնաբերեց տա...երի պարբերական համակար...ը: Նա ցոյց տվեց որ տա...երի ատոմային զանզվածի մեծացմանը զուգ...նթաց նրանց քիմ...ական և ֆիզիկական հատկությունները պարբերաբար կրկնվում են: Սրան հետ...եց բնական եզրակացություն ատոմը ունի բար... կառուցվա...ք որը փոխվում է կապված ատոմա...ին զանզվածի փոփոխվելու հետ: Ասումի կառուցվա...քի բացահայտման հիմնախն...իրը դար...ավ և քիմ...այի և ֆիզիկայի կար...որպագույն հարցը:

3. ա) Համաձարակը սպորադիկ հիվանդա...ության հակառակ վիճակն է տվյալ վայրի իրար հետ կապ չունեցող առան...ին դեպքեր երբ ար...անազրվում են համաձարակային գործ...նթացի ուժ...նացում և սաստիկ բռն...ումներ: Համաձարակը դրւու գալով առան...ին երկրի սահմա...երից կարող է ըն...գրկել են մեծ թվով երկրներ վերա...վելով զլորակ համաձարակի կամ պանդեմ...այի:

Կա մի տեսություն ըստ որի յուրաքանչ...ը հար...ը տարին մեկ մոլորակի վրա համաձարակ է բռնկվում: Ժամանակագրական Ճ...գրտությունը մտահո...իչ է: 1720 թվականին դա ժանտա...տն էր 1820-ին խոլե...ան խոկ հազար ի...ը հար...ը քսանին խսպանական գրիպը: Ըստ մի շարք հետազոտողների ներկա...իս թա...ավարակի կո...ոնավիրուսի համաձարակը նման է նախոր... դարերի իրադար...ություններին: Տրամաբանական հարց է ծա...ում ինչ կլինիք երե այդ էպիդեմ...ան արհեստականորեն կազմակերպվի ինչ-որ չարագործ ուժի զա...տնի կազմակերպության կողմից: 1720 թվականի աղետալի ժանտա...տը հանգեցրեց հար...ը հազար մար...ու մահվան:

թ) 1820 թվականին Աս...այի երկրներում Ֆիլիպի...երում Ինդոնեզ...այում և Թա...լանդում տարա...ված խոլե...այի առա...ին համաձարակից նույնպես մոտ հար...ը հազար մարդ մահացավ: Ասում են պա...ձառը աղ...յուրների ջրի օգտա-

գործումն է եղել: Հազար ի...ը հազար քսան թվականի խսպանական գրիպը սպանեց ռեկորդ...ային թվով մինչ... մեկ միլ...արդ մար...կանց: Սա մար...կության պատմության մեջ ամենամահացու էպիդեմ...ան է:

2020 թվականին Չինաստանում սկսվեց նոր կո...ոնավիրուսի համաձարա...ը որը տարածվեց Հարա...ային Կոր...այում Իրանում Խոտա...այում և այլ երկրներում: Ամենավատն այն է որ օ...ային ճանապար...որդությունն ու ժամանակակից տեխնոլոգիաներն արագացնում են վի...ուսի տարածումն ամբող... աշխար...ում:

4. ա) Աշխարհագրական կ...րդինատներով որոշում են երկրի մակեր...ույթի ավելի լայն խմաստով աշխարհագրական թաղան...ի որև... կետի դիրքը: Դրանք որոշվում են գնդաձ... սկզբունքով համանման կ...րդինատներ են օ...տագործվում երկն...լորտի և այլ մոլորակների համար:

Աշխարհագրական լայնությունը չափվում է այն անկյունով որ կազմում է տվյալ կետով անցնող ու...աձիգ գիծը հասարակա...ի հար...ության հետ: Լայնությունները հաշվում են զրո...ից մին...և ի...սուն աստիճան հասարակա...ից հ...ուսիս և հարա...:

Երկայնությունը չափվում է այն անկյունով որ կազմում է տվ...ալ կետի միջ...րեականի հար...ությունը պայմանական...քեն ըն...ունված սկզբնական միջ...րեականի հար...ության հետ: Սկզբնական միջ...րեականից ար...ելք զրո...ից մինչև հարյուր ու...սուն գտնվող երկայնությունները կոչվում են ար...եյան ար...մուտք գտնվողները ար...մտյան: Նախկինում ըն...ունված էին տարբեր սկզբնական միջ...րեականներ:

բ) Հազար ութ հարյուր ու...սունչորս թվականից մի...ազգային համաձայնությամբ որպես սկզբնական միջ...րեական ըն...ունված է Գրինվիչի միջ...րեականը: Լայնական գոտիների մի...և տարբերություններ ստե...ծող հիմնական կիմա...ական գո...ծոններն են ռադ...ցիոն հաշվեկշիռ և մ...նոլորտի ընդ...անուր շրջանառությունը: Գոտիների ներսում բնության բազմազանության աստի...անը ի դեպ օրինաչափ...քեն փոփոխվում է ըստ տարբեր սեզո...երի ըն...ացքում Երկրագնի մակեր...ույթ հասնող ջերմության և խոնավության քանակի ու հարաբերա...ցության:

Լայնական գոտիների բուսականությանը հողերի ջրերի և այլ տարբերություն...երին համապատասխան նրանց սահմա...երում ձ...ավորվում են աշխարհագրական տարբեր գոտնաներ ար...տիկական մեր...արկտիկական հ...ուսիսային բարեխառն հ...ուսիսարև...ային հ...ուսիսենթահասարակա...ային հասարակա...ային ենթհասարակա...ային հարա...արևադային հարա...մերձարևադային հարա...բարեխառն:

5. ա) Բնական լեզվով ասված խոսքը եր...եմն ճշմարիտ չի լինում իսկ մարդը ընտրություն կատարելիս աշխատում է ստանալ հավաստի տեղեկություններ ընտրվող օր...եկտի վերաբեր...ալ: Այդ տեղեկությունները շատ դե...քերում ունենում են քանակական բնու...թ որոնց մաթեմատիկական արտահայտությու...երը հնարավորություն են տալիս դրանք դար...մել բարդա...ելի և ընտրությունը կատարել ելնելով համա...ժեր հավաստի համեմատություններից: Մաթեմատիկան այս...ը ներգրա...ում

Են ոչ մ...այն բնության այլ.. մար...ուն և հասարակությանն առն...վոդ տա...ազան գիտությունների ուսումնասիրությունների մեջ:

Մաթեմատիկան խորացնում է մարդու տրամաբանական մտածողությունը և հաշվի առնելով խոսքի և մտածողության սեր... կապը կարող ենք ար...անազրել որ նշված հանգամանքները մեծացնում են մաթեմատիկական խոսքի դերը ա...ժեքի ընտրության գործում:

թ) Շատ եր...ույթներ ունենալով պատահական բնու...թ այնուամենա...նիվ ենթարկվում են որոշակի օրինաչափությունների որոնց ուսումնասիրությամբ գրադիվում է մաթեմատիկան: Եվ այս ու...ությամբ մաթեմատիկական կիրառությունները կրում են ոչ թե հատվա...ական այլ մա...շտաբային բնու...թ ինչը հանգեցրել է մաթեմատիկայի առանձին բնագավա...ի հավանականությունների տեսության առա..ացման:

Մաթեմատիկայի լեզուն և խոսքը նույնպես կար...որագույն ա...ժեքներ են և կապված են ինչպես առան...ին մարդկանց այնպես էլ կ...թական ու հետազոտական հաստատությունների պետությունների նպատակադրումների հետ: Մաթեմատիկական լեզուն և խոսքը ընկած են գիտա...եխնիկական ու ուսմա...եխնիկական հայտնագործությունների հիմքում:

6. ա) Հազար ութ հար...ր ե...եսունութ թվականին հրա...արակված իր հոդվածում հեղինակը ֆրանս...ացի Ֆրանսուա Արագոն առա...ինը ըն...հանրացրեց գնդաձ... կայծակի դիտման մի քանի դեպքեր: Այդ ժամանակներից սկսած գնդաձ... կայծակի ֆիզիկական բնու...թով սկսեցին հետաքրքրվել շատ խոշոր գիտնականներ Ֆարադեյը Կելվինը Տեղան և այլք: Տեղան կարծում էր այդ եր...ույթը կարող էր արհեստական...րեն ստացվել և այդ դե...քում դժվար չ...ր լինի որոշել դրա ֆիզիկական բնու...թը: Առավել ըն...գրկուն փաստերի նկարագրություն և հի...ոթեզ առա...արկեց դրկտոր Ստախանովը իր Գնդաձ... կայծակի ֆիզիկական բնույթը մենագրությունում որտեղ նա թվարկում էր գնդաձ... կայծակի հնարավոր կառուցվա...քները:

թ) Գնդաձ... կայծակի մասին շատ պատմություններ կան մեծ մասը հորինված սակայն կան նաև փաստեր: Դրանցից է կայծակներ ձ...ող մարդու մասին պատմությունը որին ծառայության ժամանակ հարվածում է գնդաձ... կայծակը նրան կիսով շափ կա...վածահար անելով: Տարիներ անց կայծակը կրկին հարվածում է նույն մարդուն այս ան...ամ նա ար...են ամբող...ությամբ է կա...վածահարվում: Մի քանի տարի հետո մարդը վա...ձանվում է սակայն գնդաձ... կայծակը հանգիստ չի բողնում նրան այն հարվածում է գերեզմանին կոտրելով հուշաքարի մի մասը:

Առայս...թ անբացատրելի է մնում գնդաձ... կածակի պատերի քարերի հա...ուստի և այլ իրերի մի...ով անցնելու հատկությունը:

3.3. ԹԵԼԱՌՈՒԹՅԱՆ ՏԵՔՍՏԵՐ⁶⁰

1. Իսկ անտառը չի մեռնում: Դարավոր փտած ծառերին անընդհատ փոխարինում են նորածիլ փթթուն շիվեր:

Մի յուրօրինակ աշխարհ է անտառը՝ լեփ-լեցուն կենդանի տարրերով, տարատեսակ, խայտաբղետ գոյներով, տարաբնույթ ձայներով, թքթռուն կյանքով: Դեպի արևը ձգված ծառերը՝ լորին, թեղին, կաղամախին, հարյուրամյա կաղնիները, թիվկիները, թվում է, կողդ կողդի հարևանություն են անում՝ առանց դրոյզն-ինչ դժգոհելու միմյանցից: Բայց գոյատևման անգիջում պայքար է գնում նրանց միջև, և ամենքը, հարատեսելու տենդով տոգորված, ուղղընթաց ձգուում են դեպի կենարար արևը: Նրանք ճյուղերը տարածում են շուրջորորը, իսկ մրրիկի ժամանակ փաթաթվում են մեկմեկու, խշշում, մեջք մեջքի տված օրորվում, ճոճվում, ճռուում՝ կենաց-մահու կոխվ տալով անողոք տարերքի դեմ:

Մի անգամ շառաչուն հողմին չիմացավ հնօրյա կաղնին: Ապրելու տենչով բռնված՝ նա ընդդիմացավ, ըմբռստացավ, սակայն ապարդյուն:

Դորյունով ու ճնշյունով սկսեց ընկնել՝ անօգնական ճյուղերով կառչելով գգուշորեն խուս տվող հարեաններից: Ճարճատյունով զահավիժում էր՝ լսելով մահվան չարագույց քրքիջը:

Բայց մի զաճաճ ծառ զորավիզ եղավ հոգեվարքի մեջ թպրտացող հսկային: Նա ցնցվեց, օրորվեց, բայց արհամարիելով սարսափը՝ հապշտապ կարկառեց թևերը՝ կանխելով կաղնու վայրէջքը:

Քիչ անց հորդառատ անձրև տեղաց, և ուժասպատ կաղնին սաղարթներից թափվող անձրևաջրով ողողեց իր փրկարարին՝ ասես երախտագիտության արցունքներ հեղեղելով:

2. Վաղորդյան արեգակի ոսկեհուր ճառագայթների ներքո երևաց կղզին՝ երկնակարկառ բրոնզագույն ժայռերով, փարթամ արևադարձային բուսականությամբ: Օվկիանոսի՝ արևից ոսկեօծված փայլվուն մակերևույթի վրա այն ասես խորդուբորդ, չհղկված զմրուխտ լիներ՝ ամփոփված որձաքարե շրջանակի մեջ:

Թվում էր՝ ջրերի վրա շլացուցիչ, անբասիր գեղեցկությամբ օրորվող կղզին նմանվում է սելեսեթող պշտուհու, որը, զիտակցելով իր դշխոյական վեհությունը, ամբարտավան հայացրով է նայում հավերժ իրեն սիրահարված օվկիանոսի հեղիեղուկ ալիքներին, որոնք մերթ մեղմահնչյուն խշշոցով, մերթ բարձր գոռում-գոյցունով փարվում էին իրենց տիրուհու քղանցքներին:

Խաղաղ եղանակին կղզու՝ անզեն աշքով ընդգրկելի տարածքը երևում էր իր ողջ ապշեցուցիչ պահանքով՝ գույնզգույն ծաղիկներ, զաճաճ, զանգուր թփեր, վայրի խաղող՝ հյութեղ ողկույզներով, միմյանց խառնիճաղանց փաթաթված բաղեղներ:

⁶⁰ Թելարության նյութերը որոշ փոփոխություններով և կրծատումներով հիմնականում ներկայացված են ըստ հետևյալ ձեռնարկների՝ «Թելարության նյութերի ժողովածու», կազմ՝ Սարգսյան Ա., Տեր-Մինասյան Ա., Եր., 2009: Նազարյան Ռ., «Մայրենին բոլորի համար», Եր., 2006:

Լուսնկա գիշերներին, երբ լրում էր թօջունների ճռվոյունը, և գաղց օդում լսվում էր միայն ալիքների ճռղիյունը՝ միախառնված հարավարևմտյան զեփյուրի մեղմ շնկշնկոցին, կղզին նմանվում էր վեղարավոր ապաշխարողի՝ չոքած աղոթելիս: Սակայն երբ մութը տարրալուծվում էր, խարկանքը, վայրկենապես անէանալով, տեղը դարձյալ զիջում էր իրական պատկերներին:

Կղզու հյուսիս-արևելքում՝ ուղղակի մեր դիտակետին դեմ հանդիման, փլատակված հնօրյա բերդն էր՝ կառուցված արևելյան ոճով՝ խայտարդետ աղյուսներով, պատուհաններին գույնզգույն ապակիներով:

3. Անտառում խլրտուք էր, անտվոր եռուզեռ, իրարանցում: Ընդհանուր մի շշով հեզիետե ահազնանում էր, տարածվում անընդհատ՝ բամբասանքի գլխապտույտ հորձանքի մեջ ընդգրկելով ամենքին: Կունում էին հինավուրց կաղնիները, թիվիները, փափուրով ինչ-որ բան շշնջում հացիներին՝ մերթընդմերթ արհամարհական հայացք նետելով դեպի վեր, որտեղ միայնակ կանգնած էր սաղարթախիստ գեղուղեց մի ծառ: Վրդովված ու ջրագրգիր էին նաև թեղին ու լրին, նույնիսկ գաճաճ թփեր՝ խառնիճաղանց բաղեններով փաթաթված:

Ցնցող մի դեպք էր կատարվել՝ անակնկալի բերելով ճահճային գաղց աշխարհում բնակվող ծառերին, որոնք ուտում էին, փթթում, երբեմն փսում՝ անհաղորդ ամեն ինչի և չձգտելով ոչչի: Այնինչ ըմբոստ մի ծառ՝ առույգ, առողջ ոստերով, քամարելով արգելքները, ձեղբելով հողի՝ դարերի ընթացքում կոշտացած կուրծքը, անվրդով բարձրանում էր վեր՝ դեպի ամպշող լեռները, սուրսայր գագաթները՝ ծաղրանքով քրջալով ներքելում՝ տիղմի մեջ խարխավող իր խարված ընկերների վրա:

-Բարձրանո՞ւմ ես,- ապշեց հնօրյա կաղնին,- իսկույն նեթ իշխ՝ թ, անմի՛տ, դու կոչնչանաս:

- Բարձրության վրա...
- Անոթի, անօթևան կմնաս՝ ծարավից պապակված, կայծակից շանթահար:
- Փույթ չէ, կայրվեմ բարձրերում:

Եվ իրոք, կանխագուշակությունը կատարվեց: Մի մրրկահույզ օր կայծակից ծառն այրվեց. ճարճատում էր, տնքում, բայց, հոգ չէ, բարձրերում էր, ազատ-արձակ բարձունքներում:

4. Հայ ժողովրդի պատմության, հոգևոր հարստությունների մասին պատմում են ոչ միայն արհավիրքներից փրկված մազաղաթյա մատյանները, այլև հայրենի լեռնաշխարհով մեկ սփռված պատմաճարտարապետական հուշարձանները՝ տարբեր ժամանակահատվածներում ստեղծված մեծաշնորհ ու քրտնաջան վարպետների կողմից:

Դիմանալով հարյուրավոր փորձությունների՝ երկրաշարժ, պատերազմներ, ասպատակություններ, ամբողջությամբ պահպանվել է ազգային ճարտարապետության գլուխգործոցներից մեկը՝ Հոփիսիմեի վանքը՝ կառուցված յոթերորդ դարում:

Այդ վեհաշուք, միաժամանակ գրոտրիկ կառուցը վաղնջական ժամանակներից կանգնած է եղել Վաղարշապատից հյուսիս-արևելք ընկած մի բլրակի վրա, որտեղից

պարզորշ երևում էին Արարատյան դաշտը, Զվարթնոցը, Մեծ և Փոքր Մասիսների՝ ձյունով ծածկված գագաթները:

Նոխիսիմեի տաճարը, բայտ ավանդության, կառուցվել է հոխիսիմյան կույսերի նահատակության տեղում: Իբր երեսուներկու քրիստոնյա կույսեր, հալածվելով Հռոմի կայսրից, փախչում են՝ գալով Հայաստան: Հայոց Տրդատ արքան (այն ժամանակ հայերը հեթանոս էին) հրամայում է կույսերին սրախողխող անել, և հետապնդողները, հավատարիմ արքայի հրամանին, տարբեր տեղերում բռնում են նրանց՝ հեղեղով անմեղների սուրբ արյունը:

Նոխիսիմեն սպանվում է վերոհիշյալ բյրակի վրա, որտեղ էլ վեց հարյուր տասնութ թվականին Կոմիտաս Աղցեցի կաթողիկոսը հիմնում է վանք՝ կորնթարդ գմբեթով, խորշերով, «Վեղար» կոչվող սրածայր գլխարկով:

5. Հայոց հինավորց սրբազնագույն գետը՝ Եփրատը կամ Արածանին, սկզբնավորվելով բարձրաբերձ Հայկական լեռնաշխարհի՝ երկինք հասնող սառցապատ կատարներից, սրբնաց գահավիժում է, փոքր-ինչ հանդարտվում հարթավայրում և Պարսից ծոց շհասած՝ միավորվում Տիգրիսի հետ:

Ծնվելով Ծաղկանց սիրապանծ լեռների ականակիտ աղբյուրներից՝ Արածանի-Եփրատը շարացյունով թռչկոտում է ժայռաբեկորների վրայով, մի վայրկյան շունչ առնում Մշշու դաշտում, ապա հանկարծակի սեղմվում-խեղբվում Կնճան լեռների անձուկ կիրճերում՝ մրրկաբաշ ալիքներով ծեծելով լերկ ափերը:

Ասում են՝ հեթանոս հայերի պաշտելի դիցուհին՝ Աստղիկը՝ սիրո աստվածուհին, լոգանք ընդունելու համար ընտրել է այդ վայրը:

Դյուրիշ դիցուհուն տեսնելու անհաջ փափազը դեպի այս վայրերն էր ձգում հայ դյուցազուններին, որոնք, հաղթահարելով դժվարին ճամփաներ, հավաքվում էին հաղիպակաց սարի մի դարավանդի վրա, խարույկ վառում՝ կրակի լույսի տակ տեսնելու դիցուհու շքնաղ մարմինը:

Բնությունն անգամ անտարբեր չէր մնում աստվածուհու նկատմամբ. աստղագարդ երկնիցից ասես ապշած-հափշտակված նայում էր լուսնկան, աստղերը զարմանքով թարթում էին աշքերը՝ հիանալով դիցուհու շնորհալի շարժումներով:

Աստղիկը, անշուշտ, նկատում էր հմայված կտրիճներին և նրանց հանդուզն ու սիրատարի հայացքներից պաշտպանվելու համար դաշտը պատում էր անթափանց մշուշով: Ասում են՝ այդպես է ծնվել դաշտավայրի Մուշ անունը:

6. Մեր թվարկության առաջին դարում հիմնված Գառնոն հեթանոսական տաճարը գտնվում է կարկաչուն Ազատ գետի աջ ափին՝ եռանկյունաձև հրվանդանի ժայռելեն բարձունքի վրա: Տելլենիստական ճարտարապետության յուրօրինակ ոճով կառուցված այդ անըստպյուտ կերտվածքը ապշեցնում է իր նրբակերտ քանդակներով, նախշազարդ խոյակներով՝ փորագրված կապույտ որձաքարի վրա: Այնքան ցնցող է տպավորությունը, որ թվում է՝ տեսնում ես ոչ թե իրական, շոշափելի հորինվածք, այլ մտացածին դյուրանք:

Հատակագծում տաճարն ուղղանկյունի սրահ է՝ շրջապատված վեր խոյացող խրոխս այուներով: Անփորձ աչքի համար առեղծված է՝ ինչպես են քարերը միմյանց

վրա նստած առանց միացնող շաղախի: Սակայն երբ մանրազնին դիտում ես, զարմանքով հասկանում ես, որ հսկայաբեկոր որձաքարերը մեկմեկու ամրացված են գամերով՝ երկու ծայրով միխրճված արձակի մեջ:

Իր հորինվածքով տաճարն ընդհանրական գծեր և մասնագիտական առնչություններ ունի փոքրասիական, սիրիական և հռոմեական տաճարների հետ:

Հայերի՝ քրիստոնեության ընդունումից հետո այն եղել է հայոց թագավոր Տրդա Երրորդի քրոջ՝ Խասրովիդուխտի հովանոցը: Այդ քարեղեն սիմֆոնիան, թվում է, վեր է մարդկային հանձարից և ճարտարապետական ինքնատիպ լուծումներով հեքիաթային մի կառուցից տպավորություն է թողնում:

Փլատակվելով հազար վեց հարյուր յոթանասունինը թվականի ահասարսուտ երկրաշարժից՝ տաճարը հիմնովին վերակառուցվել է մեր օրերում՝ հազար ինը հարյուր յոթանասունչորս թվականին:

7. Օվկիանոսի մոլեգնող տարերքի վրա բարձրանում է ոսկեվարս արեգակը, որի կարմրավուն ճառագայթների ներքո տարրալուծվում է մութը, և արդեն տարտամորեն տարորոշվում է այն, ինչը քիչ առաջ թարնված էր խավարի թագավորության սեփ-սև քողի տակ: Արևը՝ կյանքի աղբյուրն ու խորհրդանիշը, դանդաղընթաց բարձրանում է սահմոկեցնող ալիքների՝ առյուծի բաշեր հիշեցնող բլուրների հետևից՝ ասես սանձելու ինքն իրեն կորցրած ըմբոստ օվկիանոսի զայրույթը: Սակայն դյուրին չէ միանգամից կանգնեցնել ընդերքից ժայթքող դժոխային ուժերին, որոնք, թվում է, անքարույց հրճանառով ձգվում են դեպի երկինք՝ ներքեսում գոյացնելով խավարչտին խորխորատներ:

Բայց զարհուրելին դեռ առջևում է՝ այդ նա է՝ իններորդ ալիքը՝ ամենամեծը, ահա-սարսուռք: Սանձակուսոր առաջ նետվելով՝ այն ուր որ է փլչելու և տարերքի ահրելի ուժից սարսափահար տանջալուկ նավաբեկյալների վրա:

Երեկ, երբ լուսնյակի աղոտ շողերի տակ օրորվող շոգենավը դուրս եկավ նավահանգստից, պարզկա, անդորր երեկո էր: Նավապետը քննախույզ հայացքով զննեց հեռուները՝ դրայզն իսկ չգուշակելով, որ ընդամենը մի քանի ժամ հետո ընկնելու են խելակորույս մրրկահողմի մեջ: Սակայն երկինքը հետզիեսէ ծածկվեց ամպրոպաքեր գորշ թուխսերով, և օձեղեն կայծակների բյուրավոր մտրակներն անգթորեն դաշունահարեցին հորիզոնը:

Կեսզիշերին օվկիանոսը մոնչաց, և մրրկահողմ ալիքները, սեղմ օղակ կազմած, հուժկու հորձանքով արշավեցին նավի վրա: Մի քանի փորձառու ծովայիններ վճռեցին կուլ չգնալ տարերքին. կառչած միմյանցից ու նավակայմից՝ երդվեցին դիմանալ ու կենաց-մահու պայքար մղել այդ խառնիճաղանց դժոխուս:

Այն՝ մարդը, ամենազոր մարդը կարող է հաղթել:

8. Հրեաստանի Սողոմ և Գոմոր քաղաքներում ապրում էին տասնյակ հարյուրավոր հրեաներ՝ բոլորն էլ ունենոր, ապահոված: Աստված նրանց շնորհ էր արել՝ ընձեռելով բարեկեցիկ պայմաններ, փոխարենը պահանջելով անխախտ հավատ, միմյանց զորավիզ լինելու ձգտում: Դա նշանակում էր ապրել անբասիր կյանքով,

զերծ մնալ ամբարշտությունից, ընչափաղությունից, այլևայլ արատներից, մի խոսքով՝ լինել ազնիվ ու պարկեշտ:

Սակայն և՛ Սուդումում, և՛ Գոմորում մարդիկ ուխտադրուժ էին, ապերախտ ու խարեւա: Փոխանակ անսալու Աստծո՝ իրենց շահերից բխող պատվիրաններին՝ մարդիկ՝ սնափառ ու հղփացած, միրճվել էին մեղքերի ու ապականության գարշահոտ ճահիճը և մոռացած ամեն կարգ ու սրբություն՝ խարխափում էին ցոփության մեջ՝ քամահելով Աստծո պատվիրանները, մոռանալով, որ նրա համբերությունն ու մեծահոգությունը ևս կարող են սպառվել:

Կրկին խարված զգաց իրեն ամենազուք Բարձրյալը. մի՞թե մարդիկ անուղղելի են: Չե՞ որ արդեն երկու անգամ պատժել էր նրանց: Ու պոռթկաց աստվածային զայրույթը որպես ժայթքող կրակ, որպես հեղեղ ու երկրաշարժ: Մեկին գթաց Տերը միայն՝ սորումցի Ղովտիին՝ բարեպաշտ ու խոնարի մի մարդու, և նախօրոք զգուշացրեց:

- Ընտանիքիդ հետ հեռացի՝ բաղադրից, բայց ոչ մեկդ չփորձեք հետ նայել:

Ղովտը, հավաքելով ընտանիքի անդամներին, ճամփա ընկավ, ու քաղաքում սկսվեց արհավիրքը: Այնպիսի ահասարսութ աղաղակներ էին լսվում, որ Ղովտի կինը չդիմացավ ու հետ նայեց: Նայելն ու քարե արձան դառնալը մեկ եղան:

Սորումն ու Գոմորը հիմնահատակ կործանվեցին, իսկ ժողովուրդն ստեղծեց «սորումզումք» արտահայտությունը, որ նշանակում է խառնաշփոթություն, անստելի իրարանցում, խառնիճաղանջություն:

9. Միավորված ազգերի աշխարհահրչակ կազմակերպությունը՝ ՄԱԿ-ը, միջազգային բազմատարք կազմակերպություն է: Այն հիմնադրվել է տարիներ առաջ՝ տարբեր ազգությունների պատկանող ժողովուրդների միջև անխախտ խաղաղություն ու անվտանգություն ամրապնդելու, մերժնութերթ բռնկվող ուխտադրուժ պատերազմները կանխելու, ապօրինությունները խոչընդոտելու, պետությունների համագործակցությունը օրեցօր զարգացնելու, մարդկանց բարօրությունն ապահովելու նպատակով:

ՄԱԿ-ի հիմնադրումը նախաձեռնել են հակահիտերյան կուալիցիայի գլխավոր երկրները՝ Խորհրդային Միությունը, Միացյալ Նահանգները, Մեծ Բրիտանիան: Երկպառակությունները վերացնող այսպիսի կազմակերպություն ստեղծելու հարցը նախօրոք արձարձվել է դեռևս հազար ինք հարյուր քառասուներկու թվականին՝ հունվարին, իսկ այնուհետև մանրազնին քննարկվել է տարատեսակ կոնֆերանսներում՝ տեղիք տալով զանազան կարծիքների:

ՄԱԿ-ի կանոնադրությունը ուժի մեջ է մտել հազար ինք հարյուր քառասունինք թվականին՝ հոկտեմբերի քանչորսին, որը նշվում է որպես ՄԱԿ-ի օր: Այս կազմակերպության կանոնադրությամբ ճանաչվում է նրա բոլոր անդամների աներկքա իրավականարությունը, և նախատեսվում է միջազգային տարաբնույթ վեճերի՝ միմիայն խաղաղ ճանապարհով լուծման պարտավորություն:

ՄԱԿ-ի՝ տարիների ընթացքում իրականացրած գործունեության մեջ հենց առաջին հայացքից աչքի են ընկնում նրա կողմից ընդունված այն որոշումները, որոնք ակնհայտորեն վերաբերում են ազգային-ազատազրական շարժումներին ու երկրների ինքնորոշմանը: Այս կազմակերպության անընդմեջ և եռանդուն միջնորդությամբ

Են ազատագրվել գաղութային դժմեմ լծի տակ հեծող մի շարք երկրներ՝ Թունիս, Մարոկկօ, Ալժիր և այլն:

10. Աշխարհում տարատեսակ շատ պետություններ կան՝ մեծ ու փոքր, բայց մի քանիսն այնքան փոքր են, որ հնարավոր է տեսնել միայն քարտեզը մանրազնին ուսումնասիրելիս: Դրանք քաղաք-պետություններ են: Այդ պետություններն են՝ Լյուքսեմբուրգ, Անդորրա, Լիխտենշտայն, Սան-Մարինո, Վատիկան, Մոնակո և Մալթա: Այս բոլորի տարածքը միասին ընդամենը երեք հազար չորս հարյուր չորս քառակուսի կիլոմետր է, իսկ դրանցից մեկի՝ Մոնակոյի տարածքը՝ ընդամենը մեկուկես քառակուսի կիլոմետր: Այս պետությունը գտնվում է Միջերկրական ծովի հարավարևելյան ափին: Բնակչությունը կոչվում են մոնեզակներ, որոնք ֆրանսիացիների և խոալացիների խառնուրդ են, իսկ պաշտոնական լեզուն ֆրանսերենն է:

Մոնակոյի արևադարձային յուրօրինակ կլիման, հուտոթի բնությունը, Միջերկրականի ականակիտ ջրերն ու բարեկարգ լողափերը, հայտնի խաղատունն ու օվկիանոսագիտական ապեկուցիչ թանգարանը աշխարհի բոլոր կողմերից դեպի իրենց են ձգում անհագուրդ հետաքրքրասիրությամբ համակված միջիննավոր զրուաշրջիկների: Պետության մայրաքաղաքում՝ չնաշխարհիկ Մոնտե-Կարլոյում է գտնվում աշխարհահոչակ խաղատունը, որը չորս կողմից շրջապատված է բարձրակարգ հյուրանոցներով: Այդ երկրում ազօրինությունները կանխելու համար կա դատարան, բայց չկան բանտեր, այդ պատճառով էլ անօրեն հանցագործներին ուղարկում են Ֆրանսիայի բանտեր՝ իրենց մեղքերը քավելու և պապախարելու: Մոնակոյի բանակը, որքան էլ տարօրինակ է թվում, բաղկացած է տասներկու զինվորից և միմիայն մեկ զնդապետից:

Մեր թվարկությունից առաջ փյունիկցի վաճառականները ներկայիս Մոնակոյի տեղում ամրոց էին հիմնել: Հետագայում՝ քրիստոնեական շրջանում, այդ հինավորց ամրոցի փոխարեն կառուցվել է զմբեթարդ մի վանք, որն էլ անուն է տվել այս պետությանը, որովհետև լատիներեն «մոնակու» բառը նշանակում է վանք:

11. Մեկ ամբողջ հինգ տասնորդական կիլոմետր հարթ վազքատրածությունը լավ վազորդն անցնում է մոտավորապես երեք րոպե հիսուն վայրկյանում: Եթե հետիոտնի տպիրական արագությունը մեկ և կես մետր վարյլյան է, ապա ստացվում է, որ սրբնեաց մարզիկը մեկ վայրկյանում անցնում է յոթ մետր: Բայց ինքնըստինքյան հասկանալի է, որ այս տարատեսակ արագություններն այնքան էլ համեմատելի չեն. հետիոտնը կարող է երկար քայլել՝ մեկ ժամում անցնելով հինգ կիլոմետր, իսկ արագուստն մարզիկն ընդունակ է պահպանելու իր արագությունը միայն կարճ ժամանակ:

Հետաքրքիր է մարդու ընթացքը զանազան կենդանիների, թթչունների ու միջատների արագությունների հետ համեմատելը: Ամենաարանադաշտը կենդանիներից մի երկուսը՝ լպրծուն խխունջը և ամրագրահ կրիան, լիովին արդարացնում են իրենց մասին ստեղծված թե՝ իրական, թե՝ մտացածին պատմություններն ու հերիաքները: Եղջյուրավոր խխունջը, իր ոլորապատուսի խեցուց մի փոքր դուրս զարով, դանդաղընթաց սողում է մեկ ամբողջ հինգ տասնորդական միջինները մեկ վայրկյանում կամ հինգ ամբողջ չորս տասնորդական դեցիմնետր մեկ ժամում, այսինքն՝ մարդուց գրեթե

հազար անգամ քիչ: Մյուս դանդաղաշարժը՝ կարծրապատյան կրիան, փոքր-ինչ գերազանցում է խխունջին. նա շարժվում է մինչև յոթ մետր-ժամ արագությամբ:

Այս դանդաղաշարժների կողքին, որոնց մասին անթիվ-անհամար հինավուրց առասպելներ կան, մենք՝ մարդիկս, անհամեմատ ժիր ենք ու առույգ, բայց այլ կերպ կերևանք, եթե առանց ամբարտավանության ու կեղծ հավարտության մեզ բաղդատենք շրջապատող մայր բնության մյուս՝ ավելի արագ շարժումների հետ: Սակայն մարդը՝ որպես մեր մոլորակի ամենախելացի էակ, հայտնագործել է բազմազան յուրօրինակ մեքենաներ, որոնք նրան արագընթաց են դարձնում:

12. Քենփսի բուրգը՝ աշխարհի յոթ հրաշալիքներից մեկը, գտնվում է հինավուրց Կահիրե քաղաքից ոչ հեռու՝ Գիզայում՝ Նեղոսի ձախ ափին՝ պատմական Մեսֆիս քաղաքի մոտ: Հին եզիպտացիներն այն կառուցել են մեզանից մոտ հիսուն դար առաջ: Եզիպտացիները պատկանում են այն ժողովուրդների թվին, որոնք՝ որպես ինքնուրույն ժողովուրդ, պատմության թատերաբեմից դարեր առաջ հեռացել են, բայց սերունդներին հավերժական հուշարձաններ են թողել: Այդ հուշարձանները աներկ-բայորեն հաստատում են, որ, հիրավի, փրփրահոս Նեղոսի կանաչազարդ հովիտը իր ժամանակին եղել է մարդկության քաղաքակրթության օրրաններից մեկը:

Եզիպտական բոլոր հուշարձաններն են աչքի են ընկնում իրենց գեղեցկությամբ ու ապշեցուցիչ վեհությամբ, սակայն դրանց մեջ առանձնակի տեղ են զբավում բարձրաբերձ բուրգերը, իսկ բուրգերի շարբում՝ Քենփսի հիանալի բուրգը: Իսկապես, եզիպտական ոչ մի հրաշալիք մարդկային անհագուրդ երևակայությանը այնքան սնունդ չի տալիս, որքան առենձվածային բուրգերը, որոնք աշխարհի բոլոր ծայրերից մարդկանց քաշում են դեպի Եզիպտոս՝ հիանալու և ապշելու մարդկային քանքարով՝ ստեղծագործ ու անըմբռնելի:

Շատերին է ծանոթ «բուրգ» բառը. մաթեմատիկոսներն այդպես են կոչում երկրաչափական այն մարմինները, որոնք բազմանկյունի նիստեր ունեն, և որոնց եռանկյունաձև կողերը միանում են մի կետում՝ բուրգի զագաթին: Եզիպտական բուրգը քառանիստ և հետզհետեւ բարակող քարե շինություն է, որը փարավոնները կառուցում էին իրենց դամբարանների համար:

Բուրգերից ամենամեծի՝ Քենփսի բուրգի կառուցման համար օգտագործվել է երկու միլիոն երեք հարյուր հազար խորանարդաձև քար, որոնցից յուրաքանչյուրի միջին քաշը երկուտոկիս տոննա է: Տանջալլուկ ստրուկները բուրգերը կառուցում էին իրենց տիրակալների համար՝ որպես անդորրավետ հանգրվան:

13. Լորտուն անոտ մողես է՝ անվնաս ու օգտակար, բայց արտաքուստ այնքան է նման օձի, որ ժողովուրդը դարեր շարունակ նրան համարել է օձ, որը, սակայն, թունավոր չէ: Եթե մոտիկից մանրազնին ուսումնասիրենք լրտուին՝ քննելով նրա կառուցվածքի բոլոր տարրերը, կտեսնենք, որ նրա մանրիկ աչքերը բաց են, իսկ օձերինը ծածկված են լինում թափանցիկ ու նուրբ թաղանթներով: Այդ պատճառով էլ լրտուն աչքերը թարթում են, իսկ օձը նայում է թափանցիկ կոպերի միջով, և թվում է՝ միշտ ակնդես շուրջքողորն է զննում: Օձը ամեն տարի փոխում է մաշկը, իսկ լորտուն այդ յուրօրինակ հատկությունը չունի: Ասենք նաև, որ լորտուններն ու օձերը ոխերին

թշնամիներ են, և հաճախ են նրանց միջև կոփվներ մղվում, որքան էլ ապշեցուցիչ լինի, սովորաբար հաղթում է լորտուն: Անըմբռնելի է՝ ինչպես է ավելի փոքր ու առաջին հայացքից անուժ թվացող լորտուն սպանում իրենից մեծ և ուժեղ օձերին: Լորտուներն ընդհանրապես զգույշ, մեղմ, հանդարտ պահվածքով սողուններ են. զրեթե հնարավոր չէ բարկացնել նրանց:

Տազար ինը հարյուր վաթունյոթ թվականին՝ հունիսի քասնիննին, Գառնիի տաճարի շրջակայրում էինք՝ ձորի լանջերին: Լորտուներն ուղղակի վխտում էին ամենուրեք՝ անընդհատ պարզապես ոտքերիս տակ ընկնելով: Երբ բրնում էինք նրանց, զալարվում էին, ջղաձզվում, սակայն թշնամության կամ դիմադրության որեւ նշան չին ցուց տալիս: Թվում էր՝ խեղճ ու թույլ էակներ են դրանք՝ գուրկ նույնիսկ իրենք իրենց պաշտպանելու տարրական կարողությունից: Ես էլ այդ թյուր կարծիքը կունենայի, եթե տեսած չինեի մի լորտուի հարվածի հետքը ընկերոցս որդու թիկութին: Չարաձճի տղան շատ էր շարշարել սողունին, և սա, ի վերջո համբերությունից դուրս գալով, ձգվել էր գավազանի՝ նման ու հարվածել մեջքին: Հարվածի տեղն այտուցվել էր, կարմրել, իսկ մաշկը մի երկար շերտով պրկվել: Նայելով տղայի թիկունքին՝ ես լիովին համոզվեցի, որ իրեն չվնասողների հետ մեղմ վարվող այդ սողունը կարող է մի հարվածով սպանել իր ոսղին՝ օձին:

14. Երևի բոլորին է ծանոթ կատակով տրվող այն հարցը, թե մեկ տոննա փա՞յտն է ծանր, թե՝ մեկ տոննա երկաթը: Մտացրիվ մարդիկ, հարցից անակնկալի գալրով, սովորաբար առանց մտածելով միանգամից պատասխանում են, որ երկաթն ավելի ծանր է՝ իսկույն ևեթ առաջացնելով շրջապատողների սրտաբուլս ծիծաղը: Զվարթ կատակասերները, սակայն, կապշեն ու գուցե անկեղծորեն ավելի բարձր ծիծաղեն, եթե որևէ մեկը աներկայորեն պատասխանի նրանց, որ մեկ տոննա փայտը ավելի ծանր է մեկ տոննա երկաթից: Այսպիսի անըմբռնելի պնդումը առաջին հայացքից անհեթեթ է թվում ու թերևս հանկարծակի բերում, և ակնթարթորեն խորհում ես, որ դեմ դիմացդ պարզապես մի տաղտկալի շաղակրատ է նստած, որը շաղփաղիւու մարնաց ունի: Բայց այս տարօրինակ կարծիքը միանգամայն ճիշտ է:

Ինչպես հայտնի է, Արքիմեդի հինավորց օրենքը, որն արդեն տարրական գիտելիք է դարձել, կիրառելի է ոչ միայն հեղուկների, այլև զագերի համար, այսինքն՝ յուրաքանչ-յուր մարմին օդում ևս կորցնում է այնքան, որքան կշռում է մարմնի դուրս մղած օդի ծավալը: Փայտն ու երկաթը նույնպես օդում կորցնում են իրենց կշռի մի մասը. որպեսզի ստանանք նրանց իրական կշիռները, պետք է ավելացնենք կորուստները: Արյունքում փայտի իրական կշիռն այս դեպքում հավասար է մեկ տոննայի՝ նրան գումարած փայտի ծավալով օդի կշիռը, իսկ երկաթինը՝ գումարած երկաթի ծավալով օդի կշիռը:

Մեկ տոննա երկաթը զբաղեցնում է մեկ ութերորդ խորանարդ մետր ծավալ, իսկ փայտը՝ մոտ երկու խորանարդ մետր: Հետևաբար նրանց կողմից դուրս մղված օդի կշիռների միջև տարբերությունը կազմում է մոտ երկու ամրող հինգ տասնորդական կիլոգրամ: Ահա թե իրականում ինչքանով է մեկ տոննա փայտը ավելի ծանր մեկ տոննա երկաթից:

15. Փարիզի նշանավոր կոթողներից է Երկնամուխ Էյֆելյան աշտարակը, որը դարձել է Ֆրանսիայի յուրօրինակ խորհրդանշներից մեկը. իսկ նրա համբավը տարածվել է աշխարհով մեկ: Այս աշտարակը կառուցվել է Գուստավ Էյֆելի անթերի նախագծով և կոչվում է նրա ազգանվամբ: Աշխարհահոշակ Էյֆելի մանրագնին նախագծերով կառուցվել են բազմաթիվ ամրակուր շինույթուններ, որոնցից առավել ուշագրավ է Նյու Յորքի՝ բոլորին քաջ հայտնի «Ազատություն» հոյակապ արձանի մետաղյա կմախրը:

Էյֆելյան աշտարակի կառուցումը կատարվել է ապշեցուցիչ ճշգրտությամբ. այն տեղել է Երկու տարի, Երկու ամիս, Երկու օր: Հրապարակային բացումը կատարվել է հազար ություր ութսունինգ թվականին՝ մայիսի տասնինգին: Ահոելի աշտարակի կշիռը յոթ հազար հինգ հարյուր տոննա է, իսկ կառուցման ամրող ծախսը կազմել է յոթ ու կես միլիոն ֆրանկ: Այնպէս որ կարող ենք ասել, որ աշտարակի ամեն մի կիրոքքամն արժեցել է ընդամենը մեկ ֆրանկ: Աշտարակ բարձրանում են վերելակով կամ համբերատար հաղթահարում են հազար յոթ հարյուր տասը սանդուղքները: Հիրավի, արժե այդքան բարձրանալ, քանի որ գագարից բացվում է գեղատեսիլ Փարիզի ողջ չնաշխարհիկ համայնապատկերը՝ հոգի լցնելով մի անըմբոնելի բերկրանքով ու սիրտդ թրթոացնելով հաճելի ելեջումներով:

Երկնալաց աշտարակը ժամանակին եղել է աերոդինամիկայի, այսինքն՝ մարմինների անկման ժամանակ օդի դիմադրությունն ուսումնասիրող գիտության, ինչպէս նաև ֆրանսիական ռադիոյի և հեռուստատեսության հաղորդումների հեռարձակման փորձերի կենտրոն:

Շինարարական տեխնիկայի վերելքը շատ կառուցներ է ստեղծել, որոնք պակաս հիացմունք չեն պարզեցն իրենց ճարտարապետական բարդ ու տարաբնույթ լուծումներով, բայց Էյֆելյան աշտարակի հմայքը հարատևում է խորհրդավոր ձգողական ուժով՝ իր յուրօրինակ գրավչության շնորհիվ առ այսօր մնալով գրուաշրջիկների նախընտրած վայրը:

16. Կատակ թելադրություն. «Դիմորդի Երազը»

Մի խառնիճաղանց ու մղձավանջային երազ տեսա ուրբաթ օրը՝ ճրագալույցին: Պատերազմ էր՝ բառերի տարերայնորեն սկսված ճակատամարտ: Կարգ-կարգ շարված, մարտակառքերով ու հետիոտն, տեղերն ու աքցանները ձեռքներին, այծենակաձները ուսներին՝ բառերը վրա էին տալիս ու ջարդություղ անում միմյանց, և մարտադաշտում խառնիխուուն թափված էին գ-երի, հ-երի և այլ մեսրոպյան տառերի կոճոնները: Առաջին ջոկատում արնակոլող մարտնչում էին նշխար, ապաշխարել չնաշխարհիկ, հայթայթել, հայինյել, հոպոպ, հեղիեղուկ, հեղեղատ բառերը: Երկրորդ ջոկատում աշտե, հյուլե, միջօրե, առնչվել, առընթեր բառերի զինակիցներն էին պղոտր, մղկտալ, ուխտազանց, ուղտաբեռ, ուղտափուշ, ուխտավոր, ուխտադրուժ, ուղտինձ բառերը: Լուր էին տարածել, որ փեղկ, փողք, բոցամուղ, Երկնամուխ, զղազ զիջել, զեղչել, զոքանչ, տարորոշել ու տարընթաց, տարքաբանություն ու համատարք բառերը ուղղաթիռով թոշել-փախչելու փորձի ժամանակ անզգուշորեն վթարի են

Ենթարկվել, ընկել Վոլգա գետը, թքչվել ու խեղդվել: Մոտակա գաճաճ թփուտներում խարխափելով ու մտախոն թափառում էր կարեվեր խոցված արհամարհելը:

Գոռզոռալով վեր թռա՝ լսելով դժգոհ քրթմնջյունը վաթսունիննամյա տատիկիս, որը «Այֆոն-7»-ով խոսում էր Եղիա և Վոլոյյա երկվորյակ նորածինների մանկաբարձուի քրոջ հետ.

- Հաջորդ օրը մեր էս աղջկան բառախեղդ են արել Էդ բարձրագույն կոչված դժոխքում: Մեր դրկից հարևան Սանդուխսի՝ նախկինում թատերագետ, այժմ հաջողակ բիզնեսմեն երեսունութամյա ամուսինը, որը չգիտի, թե ինչպես են գրվում փեղկն ու փողքը, բողկն ու կողայեքը, կցկոտրն ու կծկվելը, ուղղորդելն ու ուղղագիծը, ամբարիշտն ու անբասիրը, վա՞տ տուն է պահում, նրա ամանորյա սեղանից պակա՞ս են լցոնած փասխանը, ապխտած խոճկորը, «Ախրամար» կոնյակն ու «Աբսոլուտ» օղին, կամ նրա Վիկտորյա և Երմոնյա դրուստրերը ԱՄՆ-ից ու Եվրամիությունից բերված իննսունինը լարանց կեղծամ և ադամանդե ականջօղեր կամ վերջին սերնդի նոութբուքներ չունե՞ն:

Զարմանալի մարդիկ են ԵՊՀ հայոց լեզվի դասախոսները. ուզում են մեր անմեղ երեխաներին անպայման գրագետ դարձնել. հետաքրքիր է՝ նրանք ուրիշ բանուզործ չունե՞ն:

ՀԱՄԱՌՈՏԱԳՐՈՒԹՅՈՒՆՆԵՐԻ ԵՎ ՀԱՊԱՎՈՒՄՆԵՐԻ ՑԱՆԿ

ԱԲ – Ակսել Բակունց	Ս – Սիամանթռ
ԱԻ – Ավետիք Բասհակյան	ՎՍ – Վիլյամ Սարոյան
ԱՍ – Ասար Մերաստացի	ՎՏ – Վահան Տերյան
ԱՇ – Անանիա Շիրակացի	ՖԸ - Ֆրիկ
ԱՊ – Արամ Պայտան	
ԲԼ – Բուլվեր Լիտթոն	ասոր. – ասորերեն
ԳՆ – Գրիգոր Նարեկացի	բրբ. – բարբառային
ԳԷ – Գևորգ Էմին	դ. – դար
ԴԴ – Դերենիկ Դեմիքյան	դդ. - դարեր
ԴՎ – Դանիել Վարուժան	
ԵԶ – Եզնիկ Կողբացի	եքր. – եքրայերեն
ԵՉ – Եղիշե Չարենց	եզ. - եզակի
ԽԱ – Խաչատոր Աբովյան	Եր. – Երևան
ՀԳ – Հրայր Գարբիելյան	թ. – թվական
ՀԹ – Հովհաննես Թումանյան	թթ. - թվականներ
ՀՄ – Հրանտ Մաթևոսյան	ժող. - ժողովրդական
ՀՇ – Հովհաննես Շիրազ	լատ. - լատիներեն
ՀՊ – Հակոբ Պարոնյան	խսկց. – խոսակցական
ՀՍ – Համո Սահյան	ծան. - ծանոթություն
ՀՍՀ – Հայկական սովետական հան-	կրավ. - կրավորական
րազմական	հազ. - հազար
ՄԳ – Մուշեղ Գալոյան	հզվ. - հազվադեպ
ՄՄ – Միսաք Մեծարենց	հմմտ. - համեմատել
ՆԱ – Նշան Աբասյան	հնի. – հնդեվրոպական նախալեզու
ՆԶ – Նաիրի Զարյան	հնց. - հնացած
ՇՇ – Շահան Շահնուր	հողն. - հողնակի
ՊՍ – Պարույր Սևակ	հրամ. եղ. – հրամայական եղանակ
ՊԴ – Պետրոս Դուրյան	հուն. - հունարեն
ՈԴ – Ռազմիկ Դավոյան	մ. թ. ա. – մեր թվարկությունից առաջ
ՈՄ – Ռուբեն Սևակ	մ. թ. – մեր թվարկության

մլն - միլիոն	ռուս. - ռուսերեն
մլրդ - միլիարդ	վերաբ. - վերաբերական
ներգ. - ներգործական	փխր. - փոխաբերական
նշվ. - նշված	փոխ. - փոխանակ
չեզ. - չեզոք	Ք. ա. - Քրիստոնյաց առաջ
պատ. - պատասխան	ևն - և այլն
պհլ. - պահլավերեն	օր. - օրինակ
պրս. - պարսկերեն	

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅԱՆ ՓՈԽԱՐԵՆ	3
ՄԱՍ 1	
ԼԵԶՈՒ. ԼԵԶՎԻ ՀԱՍԱՐԱԿԱԿԱՆ ԴԵՐԸ, ՏԱՐՔԵՐԱԿՆԵՐԸ,	
ԳՈՐԾԱՌՈՒՅԹՆԵՐԸ	6
1.1. Լեզվի հասարակական դերը, հիմնական հատկանիշները	6
1.2. Հայոց լեզուն աշխարհի լեզուների շարքում	7
1.3. Հայոց լեզվի ձևավորումը	8
1.4. Հայոց լեզվի տարբերակները. բարբառներ, խոսակցական լեզու,	
գրական լեզու	10
1.5. Գրական հայերենի զարգացման փուլերը. գրաքար, միջին հայերեն,	
աշխարհաբար՝ արևմտահայերեն և արևելահայերեն	12
1.6. Արևմտահայերեն և արևելահայերեն	14
1.7. Պետական լեզու: Հայոց լեզվի գործառույթները	15
Վարժություններ և առաջադրանքներ	16
ՄԱՍ 2	
ԽՈՍՔ. ԸՆԴՀԱՆՈՒՐ ՀԱՏԿԱՆԻՇՆԵՐԸ, ԴՐՄԵՎՈՐՈՒՄՆԵՐԸ: ԽՈՍՔԻ	
ՄՇԱԿՈՒՅԹ ԱՌԱՐԿԱՆ, ՆՊԱՏԱԿԸ, ԽՍԴԻՐՆԵՐԸ	18
2.1. Խոսքի մշակույթի ուսումնասիրության առարկան: Խոսքի մշակույթ	
հասկացությունը: Կապը այլ գիտաճյուղերի հետ	18
2.2. Խոսք	19
2.3. Խոսքի դրսևորման ձևերը	20
2.3.1. Համառոտ և ծավալուն խոսք	20
2.3.2. Բանավոր և գրավոր խոսք	20
2.3.3. Մենախոսություն և երկխոսություն	22
2.3.4. Արտաքին և ներքին խոսք	23
2.3.5. Հեղինակային և ուրիշի խոսք	23
2.3.6. Արձակ և չափածո խոսք	23

2.3.7. Պարբերություն	24
Վարժություններ և առաջադրանքներ	24
ՄԱՍ 3	
ԽՈՍՔԱՅԻՆ ԷԹԻԿԵՏ	28
3.1. Ընդհանուր բնութագիր	28
3.2. Արտալեզվական գործոններ	29
3.3. Հայերանգ և դիմելածել	32
3.4. Իրադրություն և խոսքային կաղապարներ	34
Վարժություններ և առաջադրանքներ.....	40
ՄԱՍ 4	
ԽՈՍՔԻ ԱՐԺԱՆԻՔՆԵՐԸ	43
4.1. ՃՇՏՈՒԹՅՈՒՆ.....	44
4.1.1. Բովանդակության ճշտություն	44
4.1.2. Լեզվական նորմի պահպանում.....	44
4.1.3. Հայոց գրական լեզվի հիմնական նորմերը՝ հնչյունական (արտասանական), բառային, քերականական	45
Ա. ՀՆՉՅՈՒՆԱԿԱՆ (ԱՐՏԱՍԱՆԱԿԱՆ) ՆՈՐՄԵՐ	45
Ա.1. Ուղղախոսություն.....	45
Ա.2. Տառադարձություն	47
Ա.3. Հնչյունափոխություն	48
Ա.4. Շեշտը	50
Վարժություններ և առաջադրանքներ	52
Բ. ԲԱՌԱՅԻՆ ՆՈՐՄԵՐ	54
Բ.1. Հայոց լեզվի բառապաշտը	54
Բ.1.1. Բնիկ հայերեն բառերը.....	55
Բ.1.2. Ստացվածքային բառեր.....	56
Բ.1.3. Փոխառություններ և օտարարանություններ	56
Բ.1.4. Նորակազմություններ	59
Բ.2. Տերմիններ	61
Բ.3. Բառի կազմության սխալ ընկալում	64
Բ.4. Ստուգաբանություն	65
Բ.5. Հապավական բարդություններ և համառոտագրություններ	66
Բ.6. Իմաստափոխություն.....	68
Բ.7. Հոմանիշների շփոթություն	70

Բ.8. Հարանունների շփոթություն	71
Բ.9. Բառային գուցակցում (համապատասխանություն)	
բառերի իմաստային, բառապաշտային և քերականական անհամատեղելիություն	73
Բ.10. Ավելորդաբանություն և կրկնաբանություն	75
Վարժություններ և առաջադրանքներ	77
Գ. ՔԵՐԱԿԱՆԱԿԱՆ ՆՈՐՄԵՐ	85
Գ. 1. ԶԵՎԱԲԱՆՈՒԹՅՈՒՆ. ԶԵՎԱԲԱՆԱԿԱՆ ՆՈՐՄ	85
Գ.1.1. Անձնանիշ և իրանիշ գոյականներ	85
Գ.1.2. Գոյականի հոգնակի թվի կազմության յուրահատկություններ	86
Գ.1.3. Հավաքական գոյականներ	89
Գ.1.4. Հոգնակերպ գոյականներ	90
Գ.1.5. Անեզական գոյականներ	90
Գ.1.6. Որոշյալ և անորոշ առումներ	90
Գ.1.7. Հոլովական տարբերակային ձևեր (գուցաձևություններ)	91
Վարժություններ և առաջադրանքներ	96
Գ.1.8. Ածականի տարբերակային ձևեր	99
Գ.1.9. Թվականի տարբերակային ձևեր	100
Գ.1.10. Դերանվան տարբերակային ձևեր	104
Գ.1.11. Դերանվանական հոդեր	108
Վարժություններ և առաջադրանքներ	109
Գ.1.12. ԲԱՅ	113
Վարժություններ և առաջադրանքներ	117
Գ.1.13. Մակրայների գործածության յուրահատկություններ	121
Գ.1.14. Կապերի գործածության յուրահատկություններ	122
Գ.1.15. Շաղկապների գործածության յուրահատկություններ	124
Գ.1.16. Վերաբերականների և ձայնարկությունների գործածության յուրահատկություններ	126
Վարժություններ և առաջադրանքներ	127
Գ.2. ՇԱՐԱՀՅՈՒՍՈՒԹՅՈՒՆ. ՆԱԽԱԴԱՍՈՒԹՅԱՆ ԱՆԴԱՄՆԵՐԻ ԿԱՊԱԿՑՄԱՆ ԵՂԱՆԱԿՆԵՐԻ ԵՎ ՄԻՋՈՑՆԵՐԻ	
ՅՈՒՐԱՀԱՏԿՈՒԹՅՈՒՆՆԵՐ	130
Գ.2.1. Համաձայնություն	130

Գ.2.2. Խնդրառություն (հոլովառություն, կառավարում).....	134
Գ.2.3. Առդրություն	135
Գ.2.4. Շարադասություն	135
Գ.2.5. Նախադասության տարբերակային ձևեր կամ տեսակներ.....	138
Գ.2.6. Համանիշ շարահյուսական կառույցներ	140
Գ.2.6.1. Դրական և ժխտական նախադասություններ	140
Գ.2.6.2. Նախադասության անդամների համանիշ ձևեր	140
Գ.2.6.3. Շաղկապական և անշաղկապ բարդ նախադասություններ.....	141
Գ.2.6.4. Ներգործական և կրավորական կառույցներ.....	141
Գ.2.6.5. Դերքայական դարձված և երկրորդական նախադասություն	142
Գ.2.6.6. Մեջքերվող ուղղակի և անուղղակի խոսք	142
Վարժություններ և առաջադրանքներ.....	143
4.2. ՀԱՐՍՈՒԹՅՈՒՆ ԵՎ ԲԱԶՄԱԶԱՆՈՒԹՅՈՒՆ	149
4.2.1. Բովանդակության հարստություն և տեղիկատվականություն	149
4.2.2. Հնչյունական (ձայնական) հարստություն.....	150
4.2.3. Բառային կազմի հարստություն: Բառապաշար	150
4.2.4. Բառային զուգակցում: Դարձվածքներ	152
4.2.5. Խոսքի քերականական հարստություն	153
4.3. ՃԵԳԾՈՒԹՅՈՒՆ ԵՎ ՀԱՏԱԿՈՒԹՅՈՒՆ.....	154
4.3.1. Խոսքի առարկայի իմացություն	154
4.3.2. Բառընտրություն և բառագործածություն. հոմանիշների ընտրություն	154
4.3.3. Ժամանակավիպություն	155
4.3.4. Բարբառայնություններ և ժարգոնային բառեր	156
4.3.5. Տրամաբանականություն	157
4.3.6. Բառակազմության և ձևակազմության ճշգրտություն.....	157
4.3.7. Շարահյուսական կառույցների հստակություն	158
4.4. ՄԵՂՄՈՒԹՅՈՒՆ (ԿԱՐՃԱԲԱՆՈՒԹՅՈՒՆ)	158
4.4.1. «Սեղմ» բառապաշար.....	158
4.4.2. Դարձվածքներ, ասույթներ, թևավոր խոսքեր	159
4.4.3. Հապավումներ և համառոտագրություններ	160
4.4.4. Քերականական կարծ ձևեր և կառույցներ	160

4.5. ՏՐԱՄԱԲԱՆԱԿԱՆՈՒԹՅՈՒՆ	161
4.5.1. Տեքստի կառուցվածքային և իմաստային բաղադրիչների սերտ կապի ապահովում	161
4.5.2. Տրամաբանության օրենքների պահպանում	162
4.5.3. Տրամաբանական սխալներ	164
Վարժություններ և առաջադրանքներ	166
4.6. ԱՐՏԱՀԱՅՏՉԱԿԱՆՈՒԹՅՈՒՆ. ՊԱՏԿԵՐԱՎՈՐՄԱՆ - ԱՐՏԱՀԱՅՏՉԱԿԱՆ ՄԻՋՈՑՆԵՐ	175
4.6.1. Առձայնույթ և բաղաձայնույթ	175
4.6.2. Հովանշություն	176
4.6.3. Աստիճանավորում	177
4.6.4. Հականշություն և հակադրություն	178
4.6.5. Համանունություն և հարանունություն	179
4.6.6. Բառախաղ	180
4.6.7. Շրջասույթ	181
4.6.8. Ավելադրություն (հավելաբանություն) և կրկնաբերություն	182
4.6.9. Բազմաշաղկապություն և անշաղկապություն	182
4.6.10. Զեղչում	183
4.6.11. Ճարտասանական հարց և ճարտասանական բացականչություն	183
4.6.12. Մեղմատություն	184
4.6.13. Չափազանցություն և նվազաբանություն	185
4.6.14. Նրբաբանություն	186
4.6.15. Շրջադասություն	186
4.6.16. Հեգնանք	187
4.6.17. Պարադոքս	187
4.6.18. Համեմատություն	188
4.6.19. Փոխաբերություն	189
4.6.20. Մակդիր	191
4.6.21. Անձնավորում	191
4.6.22. Փոխանունություն և համըմբռնում	192
Վարժություններ և առաջադրանքներ	194
ՄԱՍ 5	
ԽՈՍՔԻ ԳՈՐԾԱՌԱԿԱՆ ՏԱՐԲԵՐԱԿՆԵՐԸ	202
5.1. ԳԻՏԱԿԱՆ ՈՃ	204
5.1.1. Ընդհանուր հատկանիշներ	205

5.1.2. Ենթառձեր և ժանրեր	209
5.1.3. Գիտական աշխատանքների կառուցվածքը և ձևավորումը	211
Վարժություններ և առաջադրանքներ.....	214
5.2. ՊԱՇՏՈՆԱԿԱՆ (ՎԱՐՉԱԿԱՆ) ՈՃ.....	218
Վարժություններ և առաջադրանքներ.....	224
5.3. ԽՈՍԱԿՑԱԿԱՆ ՈՃ.....	227
Վարժություններ և առաջադրանքներ.....	233
5.4. ԳԵՂԱՐՎԵՍՏԱԿԱՆ ՈՃ	235
Վարժություններ ու առաջադրանքներ	241
5.5. ԼՐԱԳՐԱՅԻՆ - ՀՐԱՊԱՐԱԿԱԽՈՍԱԿԱՆ ՈՃ	244
5.5.1. Զանգվածային լրատվամիջոցների լեզուն	245
5.5.2. Գովազդի լեզուն.....	250
Վարժություններ և առաջադրանքներ.....	253
ՄԱՍ 6	
ՀՐԱՊԱՐԱԿԱՅԻՆ ԽՈՍՔ ԵՎ ԲԱՆԱՎԵՃԻ ԱՐՎԵՍ	260
6.1. ՀՐԱՊԱՐԱԿԱՅԻՆ ԽՈՍՔ	260
Վարժություններ ու առաջադրանքներ	265
6.2. ԲԱՆԱՎԵՃԻ ԱՐՎԵՍ.....	267
Վարժություններ և առաջադրանքներ.....	273
ՀԱՎԵԼՎԱԾ 1. ԳՐԱԳՐՈՒԹՅԱՆ ԶԵՎԵՐ	275
ՀԱՎԵԼՎԱԾ 2. ՀԱՅԵՐԵՆԻ ԿԵՏԱԴՐՈՒԹՅՈՒՆԸ	288
ՀԱՎԵԼՎԱԾ 3. ՈՒՂՂԱԳՐԱԿԱՆ ՎԱՐԺՈՒԹՅՈՒՆՆԵՐ, ՀԱՄՐ ԲՆԱԳՐԵՐ, ԹԵԼԱԴՐՈՒԹՅԱՆ ՏԵՔՍՏԵՐ	304
ՀԱՄԱՌԱՋՈՒԹՅՈՒՆՆԵՐԻ ԵՎ ՀԱՊԱՎՈՒՄՆԵՐԻ ՑԱՆԿ	323

ԵՐԵՎԱՆԻ ՊԵՏԱԿԱՆ ՀԱՍՏԱՏՄԱՆ

ՀԱՅՈՑ ԼԵԶՈՒ ԵՎ ԽՈՍՔԻ ՄՇԱԿՈՒՅԹ

(Ճեղնարկ բուհերի բնագիտամաթեմատիկական
ֆակուլտետների համար)

Համակարգչային ձևավորումը՝ Կ. Չալաբյանի
Կազմի ձևավորումը՝ Ա. Պատվականյանի
Հրատ. սրբագրումը՝ Ա. Գույումջյանի

Տպագրված է «ՎԱՐԴ» ՍՊԸ-ում:
Ք. Երևան, Տիգրան Մեծի 48, բն. 43

Ստորագրված է տպագրության՝ 15.02.2021:
Չափսը՝ 60x84 1/16: Տպ. մամուլը՝ 20,75:
Տպաքանակը՝ 150:

ԵՊՀ հրատարակչություն
ք. Երևան, 0025, Ալեք Մանուկյան 1
www.publishing.am



ԵՐԵՎԱՆԻ ՊՐԵՍ

ԵՐԵՎԱՆ 2021

publishing.ystu.am